

衷思錄

張人傑題簽



哀思錄

第二編

卷一 海外各地追悼會攝影

卷二 弔唁函電

(甲)唁函

(乙)唁電


(丙)代電

卷三 祭文

卷四 海外各地追悼紀事




34
005.31
8366:3
V.2



(一) 美 洲 紐 約



(二) 美 洲 紐 約



中國國民黨駐三藩市總支部所屬代處代表團在會場拍攝

中國國民黨駐三藩市總支部所屬代處代表團在會場拍攝

100991246

國家圖書館



001665880



美 洲 洛 居 埠



英 國 倫 敦 追 悼 孫 公 中 山 大 會 攝 影



日 本 東 京 中 山 先 生 追 悼 會 祭 壇 (一)



(二) 影攝讀朗文祭翁山頭京東本日



(三) 影攝之話談之氏養犬會話談弔追於京東本日




(一) 會大山中公孫悼追崎長本日



日本長崎追悼孫公中山大會(二)



墨西哥總支部



墨西哥故利亞根




(一) 影攝會大理總孫悼追部分利加市米墨駐黨民國




(二) 影攝會大理總孫悼追界各部分埠利加市米墨駐黨民國



影攝之前靈理總孫奠弔部支總巴古黨民國



會大念紀理總孫悼追部分埠咕啥巴古黨民國



(一) 影攝會大山中公孫悼追館會華中西巴



(二) 影攝會大山中公孫悼追館會華中西巴




孟加錫華僑追悼孫中山大會攝影



爪哇噠熾浦埠



荷蘭屬蘇島朱鹿埠



(一) 埠 根 打 山 洲 羅 波 北 洋 南




(二) 埠 根 打 山 洲 羅 波 北 洋 南



會 大 山 中 公 孫 悼 追 僑 華 體 全 埠 路 馬 達 古 洲 羅 波 東



望 笠



影攝會大山中公孫悼追埠隆萬屬荷



埠 地 倪 嗎 噴



暹羅抱傑省追悼孫公中山大會攝影



(一) 安南會安埠




(二) 安南會安埠




越南太平埠華僑追悼孫公中山大會攝影




雙溪大埠追悼孫公中山大會攝影



吧城五十三團體追悼孫公中山大會攝影(一)



影攝念紀山中公孫悼追僑華市中台灣台



郡化新灣臺



顏寶三

弔唁函電卷二目錄

(甲) 唁函

(乙) 唁電

(丙) 代電



哀思錄

弔唁函電

目錄

哀思錄

弔唁函電

目錄

二



唁函

譯函一

哲生先生素鑒尊公抱命世雄才作中華砥柱遽聞溘逝寰海同悲余及余之眷屬尤深愴惜閣下遭此大故自必異常哀毀尙乞以禮制情勉承偉略藉慰薄海人民之望吾人將於下星期日舉行追悼會於紐約並以奉聞專函馳唁順候孝履一九二五年三月十七日林百克自美京華盛頓拜上

譯函二

哲生先生素鑒敬啓者昨日本校執行部常會時驚悉尊公大元帥本校校友在京薨逝深爲駭悼當卽致電奉唁文曰北京孫科先生鑒哲人雖萎萬古流芳廣州博濟醫院謹以哀悼之誠致唁孫公家族伏乞鑒察等語度登記室同人對於中山先生之英明果毅廉潔忠貞殊深佩仰且多數均曾瞻丰采益用欽遲綜中山先生之生平歷險阻艱難以遂其濟世匡時之偉略允稱爲愛國之人今雖溘逝功業長存吾人尤望諸君子克紹先賢繼膺艱鉅更願天眷神州於最近之將來益臻強盛尊公對本校嘗表示親切之好感昔年寇湯兩博士掌教本校尊公會負笈於斯也其任大總統及大元帥時先後曾捐助及訪問本校並以新地一方賜給本校吾人感荷尊公之隆情並致佩其爲梓里造無窮之福利是以尊公之友已建議於所賜之新地上特建孫中山先生紀念堂一座以示崇仰本院執行部已接受此項建議並將盡力完成之也燕雲在望不盡依馳專此奉唁敬頌禮祺廣州博濟醫院執行部主席湯母孫敬啓

譯函三

孫宋夫人禮鑒本會全體會員驚聞中山先生逝世愴悼莫名孫公一生爲自由平等努力奮鬥是專制之勁敵作共和之元勳一朝撒手萬古流芳其對於猶太教民族運動贊助之力屬望之殷誠令吾人感不能忘一九二〇年四月二十四日孫公會致書本會機關報之主筆以示其對於本會堅強之觀感尤足以永銘心版孫公之函曰「凡德謨格臘西主義之愛護者對於偉大古國如貴國者之光復運動莫不以至誠贊助熱烈歡迎良以貴國於世界文化會多貢獻在國際間應享受尊榮地位也」吾人聆孫公上述之遺言益加愛戴今聞噩耗於哀痛之餘敬此奉唁幸

哀思錄 唁函

一

垂察焉猶太教名譽幹事愛瑞臘啓

哲生先生閣下日昨噩耗傳來驚悉尊公中山先生於十二日午前溘然仙逝莫名震悼惟念尊公倡導共和締造民國偉業彪炳中外同欽現雖音容頓眇鶴駕仙遊但功業遠著海外遺愛猶在民間生榮死哀亦復何憾素稔閣下孝思純篤突然丁此大故定是哀毀逾恆然何以慰尊公在天之靈尙希閣下稍自節哀勉襄大事是爲至禱專泐奉唁並請孝安吉田茂拜啓

敬唁者孫總理中山先生爲民國第一偉人此次入都莫不景仰方期志略大伸不幸遽罹肝症同人聞此消息日夜默禱祝其不藥而愈以期偉人有所發展使民國前途大放光明不至功虧九仞實爲幸甚詎料未及匝月竟以噩耗聞悠悠蒼天其謂之何茲者於聞訃之下同人本集議公推代表親賈聯帛赴祭因時局阻滯未得其人恐冒昧將事反多隕越爰于追悼後將撰聯由郵局寄貴處乞代陳奠無任感慰之至專肅寸楮敬請時安諸祈台鑒不盡江西上饒赤十字社辦事員左之門張炳馴張炳元汪潯張弦謹啓

哲生鄉先生大鑒敬啓者尊翁薨逝舉世同悲同人等擇於陽歷本月十九日由上午十時至下午四時在虬江路香山同鄉會開追悼大會定于一時致祭聊誌哀思爲此函達卽希察照伏祈節哀順變爲國珍重肅此並候孝安旅滬香山同鄉追悼會籌備處上

閱報驚悉中山先生逝世薄海人民同深悲悼惟先生先覺導民生路至言讜論久已印人心肺此次遠道入都驅曹芟逆解除種種束縛功在民國沒世不忘又况積勞成疾爲國捐軀身後蕭條尤足動人觀感囊隱等不求聞達不涉勢利名不列黨心實隨之所望繼承諸公尊重遺囑貫串主義悉本公心統籌全局戡除阻力奮鬥到底功於成奠民於安勿使黨部自裂閭閻失望則國家幸甚平民幸甚卽先生在天之靈定必呵護於無已焉崇明縣內沙平民蔡囊隱張意寶同內沙三十五萬平民謹叩弔

哲生先生禮次前閱報載驚悉前臨時大總統之喪梁木泰山忽焉頽壞悲惋失措中外僉同伏思前大總統一柱擎天八荒同化豐功偉烈震古鑠今胡不憖遺元勳遽萎海內悲悼庸有已時鄉晚等作客風塵無由進窺盛德而聞風起敬歷有歲年况忝屬同鄉尤深棟折之感祇以道路修阻妥便罕逢芻敬久稽深用歉仄茲敬設禮堂於本城之兩廣會館訂期四月十二日特開追悼會以誌悃忱專修寸啓祇告孝履唯照不宣兩廣會館同鄉會魏福鍾等同拜啓

敬啓者昊天不弔總理棄世舉國倉皇全球震悼凡我黨人如喪考妣爰於十五日邀集省黨部及特別市黨部同人開籌備追悼大會當已推選各股職員分別籌備追悼事宜曾經電告諒鑒察除俟籌備完竣定期舉行追悼外特派李齊民君北上恭致弔唁並贊襄一切祈賜接待俾有遵循此致北京孫總理治喪事務所中國國民黨漢口特別市湖北省黨部追悼孫中山先生大會籌備處謹啓

哲生先生禮次日前承奉總理訃電誠愕無極國喪元老世失導師天下之慟豈爲私哭本黨駐渝同志謹于三月二十二日就忠烈祠開會致祭隨即發起各公團聯合追悼大會定期舉行茲特委託同志何君朋初代表同人專赴京師恭詣禮闈奠致哀忱並達唁意執事繼志述事責大任鉅尙望抑哀順變勿過毀傷上慰總理在天之靈以塞海內嗚嗚之望北望浩牆無任依依專肅奉唁并承孝履駐渝國民黨黨員等啓

吾黨總理孫中山先生致力國家四十年領導國民革命擁護民衆利益備受艱辛百折不回今國家居次殖民地地位猶未脫離人民處兩重壓迫之下猶未自拔有待於我總理之指導者正殷奈竟以積勞臥病醫藥罔效捨此手創之民國被其擁護之四萬萬同胞而與世長辭矣嗚呼昊天不憫降此大凶驚聞之下曷勝悲慟惟念我總理雖逝而主義常存不得不勉節悲慟努力奮鬥救我國家人民亦卽所以報我總理於九泉之靈也勢隔兩地未能執紼謹此代表吾安同志以表示哀悼中國國民黨安平縣臨時縣黨部

敬啓者敝部同人聞總理哀耗悲痛異常竊念總理創造中華民國爲人民謀福利歷四十年如一日其堅苦卓絕之精神及偉大之政績誠冠萬古而絕出惟是妖氛未淨革命之障礙仍多乃遽爾棄吾儕仙逝致吾儕頓失導師昊天不弔其何有極今後惟有本我總理未竟之志勇往奮鬥期最後之成功以慰總理之靈而已特敬派代表邱德明王士榮趙觀白楊信孚匍匐弔唁前來以表哀忱祈導至靈几行禮爲禱此上孫行轅治喪辦公處公鑒民中俱樂部全體同志敬啓

哲生精衛兩先生哀鑒頃接縣黨部訃聞驚悉總理中山公逝世世失導師國殞長城曷勝哀悼潤珊等在睢宣傳先生主義備受壓迫幾瀕於死然藉先生之德望受感化者亦頗不少竊幸先生主義堪使人人皈依詎昊天不弔竟降鞠凶致先生賈志以終尤堪痛恨雖然先生肉體雖歿先生之主義與英靈尙存人間仍冀我黨同人遵依遺言努力奮鬥建設真正共和國家以慰先生在天之靈除在市黨部開會追悼遵制執紼外謹此函唁藉表哀忱惟國事方殷依藉兩先生者尤重尙祈節哀順變爲國珍重是爲至禱專此敬請禮安凌城市黨部執行委員張治國朱善夫張

哀思錄 唁函

一一

祥遠丁寄石姜潤珊余理臣泣啓

慶齡夫人哲生先生鑒中山先生倡導國民革命數十年終始不懈此次離粵北上提倡以國民會議爲解決時局之方策全國民衆景然嚮從方期從此建設獨立自由之國家以完成國民革命之目的不謂全國人民代表甫經集會遽喪唯一之導師噩耗傳來舉世震悼夫人暨賢哲嗣當茲大變哀痛自深惟是中山先生嘗言革命仍未成功同志尙須努力尙望善體斯旨節哀順變爲國珍重敝會同人當喚起全國民衆共同奮鬥以完先生未竟之志謹此致唁國民會議促成會全國代表大會恭唁

孫夫人哲生先生暨孫公治喪事務所諸公禮鑒昊天不弔奪我元勳噩耗傳來同深哀悼際此國家多難軍閥專橫列強環伺之秋尙望節哀順變領導民衆繼續奮鬥是所至禱同人等除舉行追悼外謹此函唁上海曹家渡振泰紗廠俱樂部多育社全體叩逕啓者舉目荆棘嘆國步之維艱老成凋謝痛承平之無日敝會同人昔在關東卽沐孫公之燻化知救國救民非公之主義其效難收方期天假我公以長年以竟其未了之宏猷詎策駕來京遽爾溘逝國家喪其柱石國民失其指導敝會同人於公生前未領提示願隨諸君之後作櫬右之哀唁謹先函達敬祈哀鑒此上治喪處諸君台照東三省國學會旅京同人同叩

哲生同人鄉先生苦鑒民國建設未半元勳中道崩殂哀動環球矧在桑梓謹擇於本年四月五號在本會所開會追悼以敦鄉誼惟望先生節哀順變繼志述事光迪先人此唁并候棘安駐港香邑僑商會所追悼會籌備主任李供林副主任郭泉黃石泉杜澤文等同叩

孫公治喪事務所諸公暨哲生先生公鑒天禍中國奪我導師噩耗傳來悲痛無極中山先生雖仙遊矣然先生之主義與先生之精神當永耀於民衆共日月同長也諸公當世英才尙祈節哀順變繼續奮鬥以全先生未竟之功同人等分屬國民敢不努力現除一體服喪外並下半旗以誌哀悼謹此弔唁奉化農林公司籌備同人公啓

諸執事先生暨哲生先生禮鑒驚聞中山先生逝世吾鄉全體農民哀痛如喪考妣凡民黨同志須遵先生遺囑勇猛直進以期達到目的庶可慰先生在天之靈望弗過于哀悼共圖將來爲要聊獻芻蕘之言伏維哀誓是幸肅此奉函馳唁並頌禮安浙江諸暨下北區全體農民謹叩

敬啓者頃閱報載驚悉前大總統孫公中山先生染疴京師忽爾仙逝驟聆噩耗悲慟良殷人之云亡邦國殄瘁衆民託命憑借何人萬里神州不

如斯而見陸沉乎顧孫公已矣國事尤紛每念前途不寒而慄然幸有哲嗣幸有黨綱盼諸君爲國爲民繼續奮鬥於全國人所期之和平統一務請協助實施果能萬衆一心無難致中華民國於昇平之域如此則孫公在天之靈甚安雖死與未死等敝會爲國慟恤元勳除就近已加入漢口孫公追悼會外相應函達貴理喪處請煩查照爲荷希乞轉懇孫公閣府節哀敬備後事不勝禱盼此致貴理喪處主任鑒全國和平統一協會武漢分會謹啓

精衛先生鈞鑒頃奉教部電知中山先生於本日早九句半鐘仙逝驚聞之下悲悼無已先生創造共和功在民國中經變亂護法西南法統重光策馬而北念締造之艱難正糾紛之排解昊天不弔奪我元老凡有血氣莫不同哀在民國失一長城在生等如頽泰嶽追思功德涕淚如糜除在校開會一致起立聊表哀痛外謹舉范君鴻佛代表全體恭詣行轅敬致弔唁微忱希賜接見并望夫人公子節哀順變保此身以爲將來竟先生未竟之志肅此敬叩鈞安并候通才商專全體學生鞠躬

秘書處諸公均安哲生先生禮鑒陰雲慘淡日月無光驚聞尊翁先生積勞逝世殊堪痛悼辰維尊翁爲民國開國元勳國民革命領袖大志未竟一柱遽傾瞻仰前途愴悽奚似伏望先生爲國制哀勉襄大事不勝禱盼之至除在萍鄉縣城舉行追悼外肅此致唁並頌禮安江西萍北承德鄉區立初級小學校校長王彝學董賴尙謙同叩

精衛先生鈞座敬啓者敝校同人等閱本月十三日報章藉悉中山先生業於十二日九時賓天逝世嗚呼昊天不弔胡爲乎忍令我國第一偉人之殂謝也痛維中山先生功在民國名溢全球恨逆胡之內據疾專制之淫威首倡革命抱定民治主義打破一切不平等之待遇或決命於槍林彈雨或奔波於山陬海澨數十年來與家人同志生死離合瀕危者數而百折不回有志竟成卒令我五族有自由之發展彼蒼者天未嘗不相我中山先生默有以呵護之也自年前側聞中山先生由日返都收拾亂局於躍然喜者兼以戚然憂蓋爲中山先生之入醫院養疴也以中山先生之精神爲民國感心血爲民國耗其驚定思痛或政躬不豫者亦意中事自是於逐日新聞中睹中山先生之病狀隨伸縮爲悲喜亦深望回春者有國醫而大星或不至墜落耳不意如焦雷之噩聞竟明明見於報端矣豈猶是登載之誤耶初猶盼其正誤胡爲乎連番載筆舉無異詞耶是知我中山先生果不在人間矣哭中山先生者全國一聲弔中山先生者全國一步况莘莘學子學術思想受中山先生之教化爲尤深也敝校以道

哀思錄 唁函

一一

阻且長不得相率哭奠於靈前哽咽者絃誦輟聲少長溼袖殊不知何以爲情也夙悉先生負中山顧託之重定爲之贊襄喪務一切茲特馳函左右先伸弔忱擬擇日再開追悼大會以誌餘哀爲此敬懇先生轉呈夫人公子臨變節哀勉當大事曷勝痛禱專肅恭請偉安並希鈞鑒萊蕪縣立中學校謹啓

中山先生治喪處諸執事台鑒噩耗傳來驚悉中山先生仙逝曷勝痛悼國民革命尙未成功國民會議且未實現昊天不仁奪我領袖豈獨民國國民之不幸世界平民莫不聞之扼腕做院除已公佈休業一天用誌哀悼外茲派代表劉孝基前來弔唁並祝中國國民黨黨員團結努力速竟先生未竟之功新京學院職教員學生全體

敬啓者遽聞中山先生仙逝噩耗傳到舉世齊哀伏念先生手創共和宏德崇勳莫與倫比方今國事未定正籌國民會議解決國事指導民衆端賴元勳孰意先生竟歸道山國家奈何人民奈何做會同仁沉痛中腸敬函申弔謹派代表毛壯侯季紹霖游儀聲杜秋心四人恭速靈右前唁慰尙祈節哀勉當大事爲禱此致宋夫人哲生先生均鑒北京各界國民會議促成會啓

敬啓者茲閱報端驚悉孫前大總統中山先生捐棄北民駕遊天府嗚呼痛哉何以展我北民之哀念也惟憶先生生前偉抱以永終譽鞠躬盡瘁死而後已嗚呼噫嘻臨風嗟悼不勝所悲關山迢阻未克躬奠謹具輓聯一付幸置靈次聊表哀誠敬祈執事代致奠儀實爲感禱此致孫公治喪處公鑒黑龍江訥河縣農會長孫世勳謹啓

敬啓者頃得貴處通電孫中山先生於本月十二日上午九時逝世披閱之下驚悼殊深孫先生手創共和功在民國凡屬血氣之倫同戴生成之德方冀統一告成羣享和平之福利何期哲人其萎頓失億兆之瞻依做校全體員生素切仰望於生前奉誦病榻遺囑彌增悲痛於死後人之云亡邦國殄瘁燕雲在望有淚難禁除定於孫先生大葬之日在校開會追悼并演說其生平歷史與主義外先此弔唁伏乞鑒察此致孫公行轅秘書處蒲圻中學校校長徐復初暨全體學生一百八十五人泣叩

孫前大總統行轅秘書處公鑒中山先生爲民國元勳革命領袖經四十載之艱難困苦心力交瘁際茲國亂未平正賴先生匡救忽爾長逝悲悼莫名惟哲人雖萎主義永存此後吾輩青年應抱堅忍不拔之精神爲世界大同之奮鬥以承先生未竟之功而盡後死應負之責庶可安奠邦基

藉以仰慰在天之靈臨穎不勝痛切之至肅此敬請鈞安江西農學會啓

中央執行委員會鈞鑒全國人民尙陷水火吾黨總理遽逝敝會同志於哀傷沉迷之中眼淚雖枯熱血益沸誓惟嚴遵總理遺訓謹聽指揮努力於吾黨救國之主張革命一日未竟全功則同志悲痛一日不減嗚咽陳詞尙希垂鑒北京師大新華學會謹啓

諸執事暨宋夫人哲生先生哀鑒聞孫中山先生逝世吾等私心痛悼莫可言宣捧誦遺囑字字刻骨立願堅志遵行以冀達到目的並願我國各機關各團體一致促成真正國民會議解決一切國是則中山先生雖在九原亦當含笑不已也謹此快郵代唁望勿過哀爲荷恭請喪安諸暨益三學社全體同叩

人之浮生猶如大夢頃閱報章得悉尊大人仙逝不勝浩歎想閣下有失怙之慘而國民轉望呵護之靈苦塊中不宜哀毀滅身過傷肺腑而俾往者以不安也萬祈珍攝自愛以體親心而竟全功臨楮無任哽切此勸慰諒之思之順候台安孫科先生賜鑒羅德禮上

逕啓者頃接電訊驚悉總理逝世同人聞耗咸深哀慟當此中原雲擾方期吾總理實施三民主義展其建國方略振興母國保護華僑奈何昊天不弔喪我元勳痛哉痛哉敬祈諸同志善繼總理之志努力奮鬥貫澈主義並請轉勸宋夫人孫哲生先生節哀爲國珍重以竟總理未竟之志此間除開會追悼外謹派劉代表侯武就近在京致祭以表哀思此致孫中山先生治喪處中國國民黨駐安南總支部安南中華總工會同啓

上海國民黨正總理并諸同志均鑒敝埠近接本黨總理孫大元帥噩耗傳來悽愴曷勝難以言喻于三月十八日在敝校開會追悼以誌哀忱謹此并請公安弟陳清虎上

中國國民黨同志諸公鑒總理逝世噩耗驚瀕同人等引領北望毋任悽愴伏念總理提倡三民主義創造共和名揚寰宇澤被國家當茲羣衆盼望建功伊始之秋昊天不弔以肇新國治之首領遽爾作古實邦國之痛不徒吾黨椎心泣血已也同人等已通告全部黨員於遵禮奠祭外誓守遺囑努力奮鬥進行不怠務期貫澈吾黨主張在天靈爽實監臨之此請公安中國國民黨江蘇崇明縣第一區第三分部常務委員陳忱暨全體黨員同叩

孫科同志先生偉鑒敬啓者今晨接雪梨總支部電稱總理於十二早溘然仙逝驟聽噩耗同志等神爲之傷淚爲之慘歎蒼之不相我吉人偏墜

哀思錄 唁函

四

中天之白日痛何如哉痛何如哉本分部預籌追悼以表微忱然黨務前途極望先生與諸同志奮爲繼守務達令先君未竟之志此第等之殷然慰勉者也幸善珍愛并詢孫宋氏夫人安好執行委員會主席阮楊湛秘書陳喜堂

敬啓者敝支部昨接孫總理噩耗無限哀痛卽于十七日開全體黨員哀悼大會公舉陳季博同志代表來京致祭執紼除徠電奉知外特再函達此上孫中山先生治喪處執事諸先生台鑒中國國民黨東京支部

哲生同志先生足下逕啓者月之十四日上午十時港電傳來驚悉我總理慟於十二日午前九時壽終燕京痛聽之下吾黨同人悲惋莫已除卽由本分部通告僑商暨學校社團等一律下半旗休業外刻正籌議擇期追悼所以誌哀思亦卽以之勵後進也竊以我總理盡瘁國事數十年如一日此次扶疾入京原期本其主張積極宣傳國民會議以促吾國之早日統一與建設乃天不假年竟一疾不起誠吾國之大不幸也惟死者我總理之軀殼不死者我總理之精神吾黨後死果能恪遵遺囑以貫徹我總理未竟之主張則死猶生焉足下孝惟承志禮重守身尙祈順變節哀爲國珍重爲黨珍重是所企禱弟以海外聞耗未克躬申芻蕘謹抒胸臆伏乞代告靈筵用表哀忱端此奉唁孝履並叩禮社中國國民黨庇能大山脚分部部長朱步雲

北京孫公治喪處鑒上月接星嘉坡報館來電驚悉我國父孫公中山薨逝京華雲燕引頸悲慟靡窮現同人等除聯合同僑開會哀悼外此後誓當繼志慰我先靈謹此弔唁藉表哀忱吉蘭丹科打答魯青年社叩

孫夫人暨哲生先生哀鑒痛聞孫中山先生在京逝世同人不勝感慨先生畢世勤勞爲民爲國今竟長逝矣此實吾中華民國之不幸抑亦國民之不幸也惟先生雖死主義猶存務望節哀順變爲國珍重以竟先生未竟之志謹函馳唁藉表哀忱南洋浮羅交詒埠華僑追悼孫公籌備處謹

叩

孫夫人暨哲生兄鑒接滬粵電痛悉孫公中山逝世同人哀悼殊深惟念孫公創造共和功在民國名垂竹帛原無可憾但民國在飄搖之中孫公之主義未能實現殊爲大大不幸望節哀順變爲國珍重臨書神馳不盡所言卽請禮安洞鑒駐墨香僑閱書報社社長高我志暨同人敬啓

哲生兄鑒令尊在行轅薨逝噩耗忽來同志者傷心淚下昊天不弔竟喪我國父民黨之不幸世人所痛惜此間「宿務」訃聞後卽設靈壇開喪掛

孝每晚遵員誅述令尊公之主義至四月十二日開追悼大會以盡哀忱兄負責遠重因時順變毋過哀毀肅此代勸太夫人節哀慰彼在天之靈
孝子信徒心理同一海天萬里抱病望唁國父千古並候奠安菲律濱宿務黨員黃升

哲生先生令先尊噩耗傳來僑民萬分惋惜現已訂本四月二十六日開追悼大會表哀忱而留紀念屆時當將內容一切報告總機關存檔并登
報章俾垂久遠除篠日特電北京吊唁外再行函達鈞座伏乞節哀順變繼續前勳竟統一之宏業尤無數僑民同深請願者也肅此敬敏禮安中
華會館中華書報社同啓

海外部長子超先生暨治喪處諸公入鑒驚悉孫總理計報悲痛欲絕噫嘻昊天不弔降此鞠凶哲人其萎折我棟樑嗚呼哀哉茲匯返賻儀滬洋
一百六十大元交上海本部林煥廷先生收函託即轉先生處到請代辦花車等物致祭以誌悲悼而表哀思本月十九日并有電奉唁孫夫人及
哲生先生矣謹此布達企候德音即頌黨安烏埠中國國民黨區黨部

孫夫人哲生先生惠鑒噩耗傳來驚悉總理孫公痛於民國十四年三月十二日晨九時半在京逝世本區黨部同人驟聞計報悲悼欲絕胡天不
佑降此鞠凶哲人其萎折我棟樑嗚呼哀哉惟總理耆英碩望籌考全終伏祈爲國節哀而同人等亦誓爲努力奮鬥以竟全功茲匯返賻儀滬洋
一百六十大元交上海本部林煥廷先生收并囑即轉北京治喪處林森先生請代辦花車等物致祭以誌悲悼而表哀思本月十九日電達奉唁
想早邀察閱矣謹此敬候孝履諸維自珍不戢加拿大烏埠中國國民黨區黨部

汪兆銘先生台鑒得正月十五日貴書知孫先生之病勢減輕方漸開愁眉聊以安心當此時突如有孫先生逝世之報於茲弟驚愕不知所措也
今誠民國危急之秋不幸而有此事是非民國之損失耳竇大東亞全人之悲運也現今中華革命之業未全且東國改革之事亦候孫先生之指
導者多矣而今互長逝唯切望同志諸先生協力繼承孫先生之功作而邁進於理想國建設之目的爲幸甚宮崎龍介謹言

孫中山先生治喪處鑒敬啓者鄙教會聞中山先生逝世惡耗驚悼之至另具祭文委派本院宗理師姜九禹崔東晔等二人謹表弔意謹此奉聞
並希鑒核接洽無任感激布德六十六年二月二十三日韓國天道教北京宗種院啓

精衛哲生穉暉石曾諸位先生均鑒敬惟諸位先生謀人民自由奮鬥四十多秋如一日至今革命之目的未達遽遭中山先生逝世哀痛何似傷

心何似然中山逝而中山先生主義不逝應由諸位先生之熱誠而重爲之倡明矣伏懇諸位先生強加實抑節哀省悲努力前途到達目的豈非東亞幸甚世界幸甚耶僕等負有亡國罪過可憐討活常在暗無天日之中惟以革命方面作我等活路是不易之事實也今不幸遭革命導師中山先生之逝世在強權公敵雖云萬幸於吾等則實如喪考妣也噩耗傳來之時奔赴行館致吊再赴協和醫院移靈時隨縋到殿今又代表諸同人之區區微忱僅具輓聯祭文拜吊靈前除表萬一之同情外并冀諸位先生恢復健康大韓革命黨臨時代表李天民李社隱趙世忠張如延秉吳等同叩

敬啓者茲接東京子爵澁澤榮一先生來電以孫中山先生爲世界偉人中外具仰天胡不弔遽奪元勳逃聽之餘良深駭悼囑代慰唁藉展菲忱謹送上花圈一架敬祈代薦爲感此上孫公行轅秘書處中日實業公司駐京董事江藤豐

敬啓者茲接東京做公司副總裁高木陸郎先生來電以孫中山先生雄才偉略薄海同欽天胡不弔遽奪偉人逃聽之餘悲悼曷極囑代慰唁藉展菲忱謹送上花圈一架敬祈代薦爲感此上孫公行轅秘書處中日實業公司駐京董事江藤豐二敬啓

敬啓者頃接東京倉知鐵吉來電以孫中山先生雄才偉略薄海同欽當茲邦交親密之時國政維新之會中外所仰望者正殷且切何意昊天不弔遽奪偉人吾爲中國惜之吾更爲世界惜之翹企燕雲悲悼曷極囑代慰唁藉展哀忱特緘奉達敬祈台鑒爲感此上孫公行轅秘書處中日實業公司駐京董事江藤豐二敬啓

哲生精衛先生哀次時局初轉京耗忽傳我儕所戴爲平民革命之父師者竟溘焉棄吾儕去矣天乎天乎吾誰從乎嗚呼疆權孔熾人道式微帝國主義與資本主義之二賊正磨牙礪爪以扼我孤軍天地不仁奪我哲帥凡有血氣孰不悽傷况於身受帝國之蹂躪而願爲平民革命軍之一小卒如是漢者能弗涕泗滂沱乎俯仰蒼茫哀痛迫切比於喪怙失恃抑有甚焉雖然過此以往吾儕能殫志竭慮聚精會神謀所以竟我父師未竟之志完我父師未完之業於其所垂示之道行發皇而光大之則是黑衢寶炬長照人間曷海恩波奄被全宙其所對於我父師者豈徒區區哀節誄詞間已哉倘或不然使以所未竟之志未完之業及其所垂示之道行皆迨吾儕而止焉則是我父師固自有其不亡者存而亡焉者乃吾儕後死者之責也用是自奮輒敢奉聞伏維節哀凝神力任艱鉅以禱以祝是漢身爲亡人跡在韜晦弗克上京赴哀謹呈輓聯一副聊表摯忱乞爲

代達於平民革命之父師之靈前感且不朽越南潘是漢鞠躬

逕啓者敝社同人昨聞國父中山先生作古驚惶哀悼莫可言宣當此列強環伺國基未定之際而先生竟溘然長逝凡屬國民無不涕淚敝社同人於哀悼之餘特派莫君同榮王君運隆前來弔唁藉申哀悃此致孫先生秘書處鈞鑒瓊島魂社謹啓

溯自首都政變我總理聞關入京同志等邀聽之餘竊喜吾道其北革命成功爲期弗遠不料病訊頻傳佳音頓杳同志等憂心如焚無以爲計惟盼天相吾華假之以年俾展其抱負酬其夙願以拯民於水火之中而登之衽席之上耳乃噩電飛來遽傳晏駕昊天不弔降此鞠凶嗟我中華胡其薄福同志等痛梁木其萎泰山其頽行將及溺之神州失其援手心愴神悲不覺淚盈眶而聲嗚咽然而吾黨主義尙待恢張國事蠲蠲尤須措拄此後肩鉅任艱端賴後死同志等僻處山隅莫知所措望時錫南針以爲遵守翹首北企無任神馳此上中央執行委員會諸同志先生均鑒南洋實兆遠甘文閣分部主席林貽香暨諸同志等鞠躬

精衛哲生子超季龍同志諸公均鑒痛陳者本月十三號接粵滬各方來電慟悉總理孫公竟於十二號午前九時長棄民國地圻天崩山頽海竭聞訊之下五內慘裂自凶問發表後此間僑衆無論是否同志類皆形容慘怛痛悼咨嗟不能自己伏念總理櫛風沐雨勞心勞力爲國爲民功績之大成就之偉萬古以來一人而已徒以愛國甚於愛身救民切於救己因以致病因以致死此種精神充塞乎天地之間實與日月並明而不朽者也肉體雖起變化精神固常在人間正命而終可以無恨所痛者國事蠲蠲干戈未息民生憔悴水旱頻仍內迫於軍閥梟張外迫於帝國主義吾總理方大聲疾呼提倡國民會議期領導羣衆收回民權達到實行三民五權目的何圖昊天不弔棟折榱崩吾僑被壓痛苦尤甚是以於凶耗傳到之日全體華僑社團商店咸下半旗知識階級職業工人男女學生咸服喪一月近方各社團各自祭奠定於出殯之日全體華僑輟業一日組織大規模之追悼會以表哀思本埠如此他埠亦然可見吾總理功德入人之深也敝報同人遠在海外雖表極深之哀思苦不能親臨喪次惟有恪守主義爲國服勞伏望公等節哀順變遵總理遺命繼志述事引導羣衆努力前驅是爲至禱痛此陳詞仰祈矜鑒謝文進張叔耐謹啓

敬啓者閱黨報悉中山先生逝世殊深悲悼刻以病居津門不獲入都詣奠謹馳函致唁乞轉達孫公家屬爲感此上孫公治喪處公鑒范源廉拜

啓

哀思錄 唁函

六

孫夫人暨哲生先生哀鑒本月十二日驚悉大元帥薨逝噩耗傳來舉國同哀伏思大元帥功高北斗德重南山奈何天不假年以致革命事業未竟全功深爲悲惜前者先夫執信爲國捐軀多蒙大元帥厚賜恤款俾孤兒寡婦得所瞻依未亡人感恩無已惟望兒女長成報恩於將來矣今昊天不佑喪我國父哀哉哀哉惟望夫人暨哲生先生節哀盡禮克承繼述之志努力前進遵照遺囑以竟革命之事於成功則亦可以慰大元帥在天靈矣諸爲珍重伏祈禮鑒朱楊道儀泣上

孫夫人暨哲生兄哀鑒頃奉京電驚悉總理痛於十二日上午九時逝世溯天誕民國革命於茲十有四年均賴總理提挈維持國祚於不泯今一旦星殞全黨失瞻泣血鎚腔五中崩裂更憾吾躬旣不能侍恙奉湯復不獲憑棺執紼如此無狀百死莫明第大星雖墜懿旨永存萬維節哀順變挽國持民以竟革命全功共勛總理主義本黨同志實深翹盼之致肅此藉慰哀悃梁衡平謹啓

敬啓者遠聞電耗驚悉中山先生仙逝悼惜莫名伏以先生首創共和艱難備歷百折不易成功不居三民五權主義如日月經天江河行地建設未竟遽爾騎箕中外嗟哀朝野震悼江干憑弔景仰彌深端達唁忱卽請鑒察此致中山先生治喪處海軍第二艦隊司令許建廷拜啓

哲生尊兄哀鑒頃得噩耗驚悉先生薨逝天胡此醉殲我元良吾民何辜遽喪國父凡有血氣莫不悲慟矧在骨肉痛悼可知惟先生雖逝主義長存繼志繼事責在沒死尙祈兄節哀順變毋過毀傷能完先生未竟之功卽所以成吾兄至孝之道矣肅此奉唁伏維爲國自重弟陳樹人拜

哲生先生苦右頃讀報載令尊於三月十二日仙逝天崩地坼薄海同悲書爲國誼爲黨誼爲亡弟映典患難誼悉耗之下哀痛欲絕但死者已矣生者責任來日方長尙祈先生順變節哀藉資保重茲謹撰呈輓聯一幅聊伸區區哀敬之忱專此奉唁肅請苦安俛映書鞠躬泣上

哲生先生大鑒津門鈇聆教言獲益良深前閱報章驚悉封翁總理棄養噩耗傳來痛悼無旣當已電達北京治喪事務所弔唁以表哀忱惟念國事方艱遽隕明星致令數十年宏抱偉願未能實現於萬一此實國運所關非人力所能強而致也吾兄愛國熱忱淵源有自尙希爲國珍衛節哀順變以竟我總理未竟之志是誠孝道之大者也臨穎無任悲惋藉候禮安弟朱念祖拜啓

哲生先生禮鑒國步方艱總理遽逝世界失唯一之英雄民衆失唯一之先覺同志失唯一之導師愁塞江雲淚添海水夫何待言惟吾儕尤抱憾無窮者總理訃病而未及省視易簣而未及面訣忝爲黨員因風憑弔撫衷自問積咎實深然總理之主義與精神已磅礴于大地從此努力孟晉

紹述而光大之謹遵遺訓以圖革命成功後死者皆與有責焉先生於國憂黨憂之外益以家憂悲悼當較吾儕爲甚是用掬忱致唁並希繼承先志勉節哀思何世楨何葆仁何世枚孫鏡亞即醒石郭任遠劉蘆隱同啓

哲生兄大鑒前奉京電驚悉尊甫中山先生溘然長逝悲動全國超二十年親炙抱痛尤深奈爲職守所牽不獲躬親奠唁除肅電志哀一面集合同人在渝遙祭并會同各方籌備追悼大會外謹託同志陳宜二君赴京致奠藉伸哀忱竊念尊甫功在民族中外咸欽形骸雖委精神不滅當茲國是未定繼志尤賴賢能萬祈吾兄順變節哀用光前烈專此致唁并頌禮安弟呂超再拜

哲生仁兄禮鑒昨讀侵電驚悉大元帥雲馭上賓天崩地坼悲痛莫名竊念大元帥手造民國功耀寰宇四萬萬人胥受其賜固已無復遺憾吾兄至孝性成猝遭大故何敢以節哀順變之說強爲寬解惟大元帥諄諄遺命無不以國家爲前提所有未竟事功自應同心齊力以策進行尙祈勉抑哀忱繼事述志以慰在天之靈是所切禱肅此奉唁敬頌禮祺朱培德啓

哲生我兄禮鑒奉讀北京電傳驚悉總理於本月十二日上午九時三十分鐘在行轅逝世痛聞之下薄海同哀伏念總理爲國民利益奮鬥積勞成疾一旦長逝凡屬黨員彌深悲慟然繼先生之志責在吾黨尙望我兄節哀順變爲國自愛爲幸專此敬候禮幃廖朗如

哲生屏長苦鑒鞠啓者記自大駕北上調護帥躬握別以來方期湯藥奏效精神健復豈料噩耗傳來中外人士同深哀悼惟念帥座雖死主義永存遺訓具在伏祈節哀順變爲國自珍以竟革命未完之志國民幸甚吾黨幸甚謹此奉唁順頌苦安後學弟伍英謹上

哲生兄鑒昊天不吊奪我國父徒以關山迢阻未克親侍靈帷愴痛何極惟帥座雖逝主義垂存吾輩當廣續奮鬥以慰在天之靈方無忝夫後死希請勉節哀思爲國珍重是盼專此敬候苦安弟楊文蔚頓首

哲生我兄大鑒昨接京電驚知令尊公騎鯨之信使弟誦電未卒而淚下涔涔也因玉樹而憶金蘭益抱巨卿之痛人生泡幻誰不其然顧以令尊朗度冲襟精神強固此疾一捐大年可卜詎料關頭分手卽爲永別期耶况功業未成哲人其萎凡我同志頓失泰山超生平碌碌無所短長蒙尊公不棄依附多年青睞相加無微不至提之攜之視同猶子從此徽音遽渺流水無聞追念疇昔痛不欲生吾兄誼篤天親膺此大故撫手澤而傷懷覩儀容而雪涕至性所發必有萬難自己者然此後之顯揚方興未艾則有知之靈爽屬望無窮尙祈順變節哀體先人未了之心盡人禮子繼

哀思錄 唁函

七

善之道足慰幽明伏惟珍重臨書含涕不知所云端此敬請禮安弟祿超謹啓

哲生兄鑒來函領悉愚於尊翁喪事未能隨諸執事奔走分勞疎慢之咎輒用慚惡愚與尊翁以旨趣相合相交近四十年聞耗遠來趨程萬里僑寓月餘藉謀一面以相永別乃係爲交誼所驅遣以求此心之安今人已物化身後種種不過儀式的對外的做作的與本人無若何關係惟願兄等本哀戚之至情循溫恭之大道敬謹將事以悅弔者而增尊翁之光榮愚亦與有榮施專此敬復并問孝履少白拜啓

哲生先生比傳總理薨逝之訊無論黨與非黨均同聲一慟况在吾儕第念總理頻年爲民衆利益與惡魔奮鬥在在均可以死故以此言之在目下惡勢力猶在增長中則總理之死亦意料中事耳所望後死者能竟總理之志則總理之精神與主義乃可不死而在先生尤覺責無旁貸故萬祈於無可如何之中而能勉抑悲懷尤當格外珍攝以黨國大計爲前提勿以總理已死而過哀當亦如總理之具有偉大不滅之精神而奮鬥乃不負先生今日之地位乃不愧爲總理之肖子因以總理之死於中國民族及吾黨固蒙極大之損失但此種損失惟有取償于先生之能繼志耳則先生又安可不勉因閱報悉先生哀毀過甚殊非吾黨與總理所以期望于先生者睡仙忝在黨末乃不作尋常慰唁之詞而更進一言愚焉直之言尙希諒之專此并訊孝履李睡仙拜上

哲生先生禮次此間接總部通告驚悉帥座薨逝五內震駭長慟不已伏思帥座改革國體功在萬世古今中外能有幾人茲者音容雖藐主義猶存先生孝思素篤遽遭大戚憂傷自不待言但念慈蔭在堂家國責重尙祈節哀順變以繼未竟之功鴻鈞素承黨訓理應趨奠聊展哀思第軍事倥傯未克奔前深實抱憾謹此遙奠兼唁孝履伏維素鑒邱鴻鈞謹肅

精衛先生賜鑒接此間總部通告驚悉帥座薨逝舉國震駭悲慟不已伏思帥座改革國政功在萬世雖音容永隔而主義猶存也先生隨節京華忠侍帥座茲又經理喪務憂患賢勞實深佩念鴻鈞素承黨訓未效微勞茲以軍事倥傯不克趨京一哭抱憾良殷自後惟遵遺囑奮鬥直前以達先帥暨我公期望此後進行方針尙祈時賜惠示以資遵循專此奉慰敬叩道安邱鴻鈞謹肅

哲生同志兄鑒總理仙逝國事誰倚普天同悼如喪考妣竊念大局未定風雨飄搖定傾扶危後死有責唯有節哀順變繼志述事竟革命未成之功以慰總理在天之靈耳凡屬同志當懷此心此後黨事宜如何遵守常軌力圖進行尙祈隨時指示南鍼以匡不逮端此奉唁並請禮安弟宋淵

源啓

哲生吾兄大鑒驚聞中山先生崩逝天禍中國奪我聖智盍勝哀痛展雲窮海羈身未克奔入都門襄助喪事抱歉何如竊念先生費志長逝留其事業以遺後人大兄繼志述事將來報答先人之日正長此時仍宜節毀成禮爲親珍重爲禱肅此敬布唯希亮鑒不宣弟黃展雲頓首

哲生尊兄孝履不晤數月念想正殷驚聞中山先生魂歸天國曷勝哀悼伏思先生手創民國功在寰瀛方期克享遐齡奠安家國豈意天不憖遺中道崩殂山頽木壞斯固薄海同哀者矣我兄孝思純篤自必哀毀逾恆惟念國家多故先生未竟之業尙多尙祈節哀順變繼承先志以慰在天之靈是所至禱專此奉唁卽候魏邦平

哀思錄 唁函



唁電

廣東

汪精衛先生轉孫夫人暨孫哲生兄鑒頃聞哀耗中外崩摧伏望節哀勉當大事此間即舉行哀典併聞漢民侵酉

孫公行轅秘書處鑒刻接京電驚悉總理痛於本晨逝世天厄蒼生奪我國父椎心泣血五內崩摧自愧後死羈滯粵中既不克侍奉湯藥又不及躬親屬續撫躬自問百死莫贖竊念總理雖死主義不死其百折不撓之精神當如炳炳日星永在人寰而炤耀於本黨同志之前途以完成其革命未竟之事業也萬望節哀順變爲國自愛臨電推痛不知所云吳鐵城叩文

孫夫人暨哲生兄鑒惡耗傳來悲痛無已總理爲國而死人格永存主義未伸後死有責乞爲國節哀以竟未完之志臨電隕涕不知所云許崇清叩文

孫夫人暨哲生兄鑑今日得電痛悉帥座薨逝之訊五內俱裂薄海同悲伏念大元帥手造吾華永世蒙福頻年勞瘁以身許國雖對衷未竟完成之志而千古實留德澤之遺方今綿絕方新國是未定端資偉畫宏濟艱難尙祈順變節哀爲國珍重臨電隕涕不知所云李杞堂侵印

孫科先生尊公噩耗薄海同悲深信中山先生精神主義千古常存尙祈節哀爲國珍重廣州基督教青年會
哲生兄鑒驚聞帥座薨逝悲痛萬端特電奉唁仍祈爲國節哀范石生李宗黃叩

鐵獅子胡同孫哲生先生鑒伏聞噩耗不勝悲慟薄海失望豈惟私人謹唁延闈侵

汪精衛先生鑒頃發通電三件如下 (一) 各省各特別區軍民長官各機關各團體各報館均鑒大元帥前大總統孫中山先生痛於本日上午九時三十分在北京行轅薨逝特此哀告 (二) 銜同上大元帥前大總統孫中山先生於本日上午九時三十分在北京行轅薨逝特組織大元帥哀典籌備委員會推胡漢民伍朝樞廖仲凱古應芬楊希閔譚延闈許崇智劉震寰程潛鄧澤如吳鐵城等十一人爲委員特此電達 (三) 致本政府所屬各機關各軍電大元帥痛于本月十二日午前九時三十分在北京行轅薨逝特議定哀典條目如下 (一) 各官署軍營軍艦下半旗一月即由三月十二日起至四月十一日止 (二) 文武官吏停止宴會一月 (三) 民間輟樂七日由本月十二日起至十九日止 (四) 文

哀思錄 唁電

一

官左臂纏黑紗一月(五) 武官及兵士於左臂及刀柄上纏黑紗一月(六) 官署公文大小印章用藍印色一月希查照辦理並轉飭所屬一體遵照等語漢民侵西

孫夫人哲生兄鑒總理崩殂薄海同哀同人尤深悲痛惟望奉行主義貫徹始終以竟素志謹電申唁伏維省察聯義同人泣叩

哲生兄鑒痛悉總理薨逝哀慟何極望節哀順變爲國自重謹唁李思轅叩

哲生兄苦次驚悉帥座薨逝五中哀悼謹具電唁慰請節哀以襄大典孫夫人都此奉唁姚觀順陳鐵珊叩文印

孫夫人鑒聞報痛悉大元帥薨逝殊深哀悼謹電慰唁乞節憂思傅秉常

孫夫人暨哲生先生哀鑒天地崩隕薄海愴慟惟先大帥功業彪炳主義淵宏河嶽日星同昭萬古尙望節哀爲國以慰在天治河處坐辦江屏藩

暨同人元叩

孫哲生先生鑒帥駕崩殂薄海驚痛節哀爲國無任企念謝作楷侵

孫哲生兄鑒總理薨逝薄海同哀望兄節哀順變勉思繼志謹唁程潘叩文

哲生先生鑒昨接令尊孫大元帥薨逝噩耗天不憖遺喪此元老駭聽之餘同深愴懷專電誌悼並奉唁孝履代理駐粵日本總領事清水亨元叩

汪精衛轉孫夫人哲生暨各同志哀鑒昊天不弔國父云亡茹痛普天曷其有極屬望繼志爲國節哀香港華工總會叩唁

哲生先生鑒驚聞總理逝世不勝痛悼總理未竟之志賴兄繼述務祈節哀爲國珍重李寶祥元叩

哲生先生鑒奉電驚悉大元帥薨逝不勝哀悼伏祈節哀爲國珍重王壽康叩

孫夫人暨哲生先生哀鑒驚聞大元帥薨逝天崩地裂薄海同悲伏祈勉節哀思用襄大事不勝切禱中央銀行印花稅處鹽務稽核所全體職員

叩元

孫夫人暨哲生先生禮鑒讀侵電驚悉總理薨逝悲痛萬分伏念總理雖死主義不死職等誓繼總理之志而奮鬪以竟革命全功萬望節哀順變

爲國自愛謹電奉唁伏維鑒警廣東省立女子師範學校教職員國民黨第一區第六區分部叩

孫哲生兄鑒驚聞帥崩喪我國父普天同悼北望燕雲哀慟奚極但精神不死主義永存大業繼承後人有責望爲國保重勿過哀毀馮百初吳尙
鷹叩元

孫夫人暨哲生先生哀鑒京電遙傳驚聞凶耗天崩地傾薄海同悲伏思先大元帥手造共和開吾華未有之局雖中道殞落未覩全功而正義昭
垂可光白日尙祈節哀順變爲國珍攝以承先志是所厚望建設部代次長李卓峯暨同人元叩

鄒海濱先生汪精衛先生哀鑒電音飛達帥駕歸天草木含哀風雲變色嘉祐職守所在聞病未能親侍殯殮又不得憑棺縞素臨風無限哀悼建
國湘軍第五軍軍長講武堂堂長陳嘉祐叩元印

孫夫人哲生先生鑒捧讀侵電總理已於是日薨逝伏維總理手創民國備著憂勤建設未竟全功斯民正深屬望人實攢手薄海同悲終國是方
殷百端待理尙祈勉節哀思爲國珍重謹此電唁廣東省教育會同人叩元印

孫夫人暨孫哲生兄均鑒頃接京電驚悉大元帥於十二日薨逝噩耗傳來薄海同悼國難未靖哲人頓萎伊職務羈身未克赴京視疾遺憾無窮
此後當隨諸同志後努力奮鬪以繼大元帥未竟之志而慰在天之靈尙望節哀順變爲國珍重謹率屬唁慰呂志伊暨法院全體職員同叩元印
孫先生行轅孫夫人哲生兄鑒驚悉大元帥噩耗天喪元老薄海同悲當此曹吳敗亡陳逆逃竄大局正有轉移機會何期元勳撒手以致九仞功
虧國難未平天心莫測伏望節哀爲國珍重同心協力以竟先生未完之志福林雖愚忻慕執鞭臨電不勝慘痛之至李福林叩元印

孫夫人暨哲生兄鑒驚奉電傳總理薨逝昊天不吊奪我元良國亂方殷治平孰主中外失望痛悼同深顧以黨義永昭端資繼述務懇爲國節哀
用竟先志臨電嗚咽神與俱馳鄧澤如叩元

孫哲生君鑒驚聞總理逝世哀痛殊深惟是主義不亡精神猶在務祈節哀順變爲國珍重以慰先靈謹電馳唁鄭炳宜陳自覺黎廷輔叩元

孫夫人鈞鑒哲生先生大鑒此次我大元帥北上爲民衆謀利益不圖事未告成遽爾薨逝噩耗傳來海宇崩摧同人哀痛之餘惟有勉遵帥座遺
訓努力從公尙乞節哀順變以當大事謹電馳唁無任悽愴大本營秘書處會計司全體職員同叩元

孫哲生先生禮鑒頃奉刪電驚悉大元帥於侵日薨逝竊維帥座手造民國革命元勳方期永奠國基詎料遽傳噩耗竟逝元勳悲悼莫名我公繼

哀思錄 唁電

一一

承先業身繫安危尙祈節哀順變善養政躬爲國自重臨電不勝哀痛廣州市政廳全體職員叩元印

孫夫人暨哲生先生哀鑒帥座薨逝中外同哀望節哀順變爲國珍重同人當繼志奮鬥航空局全體叩

孫夫人哲生先生鑒傳來噩耗薄海同悲總理爲國積勞爲民盡瘁精神魄力感極人天革命未成不忘努力哲人雖萎浩氣長存所望繼志述事以竟全功勿過哀毀爲幸臨電愴然伏維鑒察中央青年部叩元印

孫夫人暨哲生兄鑒帥座逝世四民同悲噩耗飛來無限悲痛惟隱憂未已國亂方多望盡禮節哀勉續先志謹電奉唁無任涕零并盼以告精衛海濱諸兄劉震寰叩元印

孫哲生先生鑒頃聞帥座薨逝驚痛何極伏念帥座締造邦基備嘗艱險大功未竟天不見遺左右追隨尤憎悽感先生平生志事中外所仰日月昭垂大名不朽我兄幹國棟家責任綦重仍乞節哀順變以慰在天之靈是所切禱特電奉唁謝適羣叩元

東四七條卅九號轉李少華兄鑒閱京電驚悉大元帥文日薨逝失我國父愴悼何如請兄就近詣帥座行轅代表弔唁以伸哀悃思舜元

孫夫人暨哲生先生鑒總理逝世噩耗傳來驚聞之下深爲悲痛第總理雖死精神不死同人誓努力向前以竟總理之志謹電唁候伏冀節哀順變爲國珍重臨電不勝悲悼之至中國國民黨中央執行委員會婦女部電

孫科兄哀鑒總理逝世天奪國父薄海痛悼望兄節哀葉鳳鳴叩

孫夫人暨哲生先生哀鑒總理薨逝薄海同悲竊念精神雖死主義永存大業繼承後人責重尙冀節哀順變爲國珍重謹電馳唁毋任淚零伍毓瑞萬毅叩元

孫行轅孫夫人哲生兄鑒奉京電驚悉總理薨逝同人等毋任哀痛總理手造中華允邀天眷一朝撒手薄海同哀惟是總理雖逝主義猶存發揚光大後死有責伏祈節哀順變爲國宣勞臨電摧痛不知所云周俠明貫及劉東綱少俠梁鳴一暨全體職員同叩元

哲生先生哀鑒昨接京電傳來噩耗驚悉我總理竟於本月十二日逝世哲人其萎同人等驚聞之下曷勝悲悼想夫人暨先生哀痛自必逾恆惟望節哀順變爲國自重而留偉業則總理軀體雖亡精神不死矣臨電悲痛不知所云廣州特別市黨部婦女部叩

孫行轅孫哲生先生鈞鑒噩耗傳來驚悉大元帥在京薨逝喪我元首哀悼曷已伏念帥座民國元勳寰宇欽敬主義永存吾黨長在繼承大業發展有人萬乞節哀順變勉襄大事千萬珍愛林任予叩

孫哲生兄鑒總理薨逝薄海同哀即日追悼肅電唁慰伏乞節哀珍重美洲同盟會俱樂部同人叩

孫夫人哲生先生鑒元勳遽殞薄海同悲繼志奮鬥責在後死望勿過哀爲國珍重執信學校全體教職員學生國民黨一區三分部附小完社同叩

孫夫人哲生兄鑒先生逝世普天同悲夙昔追隨尤深痛悼伏望順變節哀遵囑繼志臨電飲泣不知所云陳煊叩

孫夫人暨哲生兄鑒驚悉總理薨逝五中崩裂尙望順變節哀續承先志爲國努力謹電奉唁伏維鑒察黃子聰叩

孫夫人暨孫哲生先生鑒革命未成明星遽殞繼志奮鬥責在後死謹遵遺囑努力向前尙祈節哀順變爲國珍重廣州市立職業學校叩

孫科先生并呈夫人鑒總理長逝臥病院中聞茲哀耗欲哭無淚病躬牽率未能視殮抱恨何極總理雖死主義常存願夫人哲兄節哀順變完成未竟之志孱軀可痊執鞭相從陳其瑗叩

孫夫人暨哲生精衛兩先生均鑒驚悉總理痛於侵晨噩耗傳來五中俱裂元魁長逝蒼生何依幸吾輩同心努力誓繼總理未了之志完成革命之功敢請順變節哀爲黨珍攝臨電涕泣不知所云廣西旅粵黨員周公謀梁烈云施止甫韋鼎封李丹山唐文佐黎工飲徐天放唐民沛陸瞳塵李潤中謝王亭等六百餘人同叩元

鐵獅子胡同孫公行轅孫哲生先生禮鑒帥駕歸天薄海悲悼悱懣忝屬哀痛尤深嶺表執戈奔臨未及遙望燕雲惟有蹙踊所望執事仰承遺命爲國節哀謹電馳唁無任悽愴建國豫軍總指揮陳青鵠參謀長劉伯英率全軍官佐士兵同叩阮

孫行轅孫夫人鑒先生薨逝悲痛良深謹於本日追悼肅電唁慰乞節哀珍重廣東嶺南大學全體學生叩元

孫夫人暨哲生先生哀鑒驚悉帥座薨逝同深哀痛萬望節哀順變爲國自愛廣東女子善後委員會委員等叩元

孫行轅孫夫人哲生兄鑒奉電驚悉總理薨逝五內崩摧痛念總理手造共和大勳未竟一朝撒手薄海同悲爲黨爲國可勝傷痛但三民主義長

哀思錄 唁電

一一一

麗兩間總理雖殞精神不死萬望節哀順變仍竟前功庶慰在天之靈勉伸述事之志臨電涕泣不知所云黃桓叩

孫哲生兄鑒接京電驚悉總理逝世元勳樑折薄海同悲尙乞自珍毀無滅性謹代表英荷兩屬特電馳念不盡拳拳中國國民黨南洋總支部朱赤霓叩元

鐵獅子胡同孫夫人暨哲生兄哀鑒頃聞帥座駕崩曷勝悲慟念帥座爲國宣勞功成身死名留萬古雖死猶生萬望節哀順變爲國自愛臨電摧痛不知所云廣州工務局長莫鎮基叩元

鐵獅子胡同十一汪精衛先生并轉各同志鑒噩耗飛來驚悉先生逝世天不憖遺喪我國父全粵人士哀痛同深惟有互相策勵努力向前竟先生未竟之志庶幾先生雖死精神猶生謹此電唁廣東大學代理校長全體教職員學生同叩

孫先人哲生兄鑒昊天降凶奪我元首薄海悼痛况屬股肱惟念帥座雖逝精神猶存充實光輝爲耀區宇當永作吾人指導以竟革命事業仰承遺志責在塵賢望勉節悲痛爲時珍重掬誠安唁不竟欷歔楊希閔叩元

宋夫人哲生兄鑒聞耗慘極未能奔臨歉甚先生雖死主義精神不死望節哀爲國珍重楊西巖叩元

孫中山先生治喪處事務所鑒先生首造民國再奠共和懋績殊勳率土攸賴世方多難慷慨入都軫念國民力爭會議億兆欣戴渴想和平何圖偉業未終大星遽隕驚聞薨逝悼痛殊深北望燕雲敬電弔唁廣東廣州總商會會長鄒殿邦胡頌棠暨全體會董同叩寒印

精衛海濱子超先生均鑒驚聞帥座之變益動泰山梁木之悲吾黨繼承未竟之志用慰在天之靈羅翼羣叩十四印

孫夫人哲生先生鑒頃接噩耗天不憖遺喪此國父革命未竟棟折榱崩北望燕雲惟有痛哭第國憂黨事來日方長顧瞻前途更當努力庶幾先生未竟之志得慶成功尙冀爲國自愛順變節哀廣東大學代理校長全體職教員學生同叩

孫夫人哲生兄鑒電傳吾帥薨逝摧痛曷勝敬讀遺囑尤重繼述惟望節哀順變勉襄大事上慰先靈爲禱羅翼羣叩十四印

孫總理治喪處梅光培先生轉孫夫人哲生先生鑒噩耗傳來昏迷失次昊天不弔摧我國維海泣山呼柱軸迸裂含涕北望萬死奚辭况總理信義精靈爲日經天亙古弗滅承先繼志責在後死伏覽遺囑垂訓昭然尙期節哀爲國珍重陳鼎芬郭敏卿梁德公同叩寒

孫夫人哲生先生哀鑒頃聞總理逝世同深哀痛僑等羈留海外未能執紼負罪莫名總理雖亡主義不滅伏望稍節哀思珍重爲國臨電嗚咽不知所云河內海防兩支部暨各分部駱連煥鄧景新等叩寒

哲生兄鑒精衛兄侵電驚悉先生在京薨逝伏維先生民國元勳萬衆仰鏡大功未竟遽謝人寰痛抱鼎湖哀沉薄海際此國家多難伏望勉節哀思努力繼進臨電涕馳諸希諒察黃騷叩寒印

孫夫人哲生兄哀鑒帥座薨逝薄海同悲伏望順變努力繼志伍汝康程祖彝叩

孫夫人暨哲生兄鑒奉電痛悉帥座薨逝五內崩摧全軍愴慟玉山身羈前方未克奔喪哭臨惟有設位望祭祇遵命令激勵將士墨經從戎以竟帥志先生之軀殼雖化精神主義猶存尙希爲國爲黨節哀順變特此慰唁諸維珍重劉玉山寒印

孫大元帥治喪事務所大鑒元首駕崩普天同悼敝師所部痛悼尤深臨電慘傷不知所云建國桂軍第六師師長廖湘芸率全體官佐士兵同叩寒印

孫行轅孫夫人暨哲生先生鑒奉電驚悉總理薨逝殊深哀痛全功未竟一老不遺回顧前途抱恨無既惟是吾黨主義如日升天總理精神萬年不滅務望節哀順變起收繼志之功五權三民仍慰普天之望臨電悲痛無任依馳廣東電報工會叩寒

孫哲生先生禮鑒驚聞噩耗痛悼殊深伏維大元帥業成不朽聲振寰區互古昭然天地同壽睿躬雖化精義猶存尙冀節哀承志用遂發揚蹈厲光大休烈臨電淒愴無任神往建國滇軍第二師師長廖行超叩寒

孫哲生先生哀鑒接讀京電驚悉總理逝世國父云亡民生誰託宣瞻前途怒焉如擣惟主義昭然百世不易急起直追責在後死尤望節哀順變爲國珍重謹電哀唁不知所云中國國民黨建國湘軍黨團最高幹部臨時執行委員會叩寒

夫人哲生精衛諸同志鑒天厄國民奪我元勳薨耗驚聞心膽俱碎但預料吾黨同志此後必益奮勉以慰先生之靈惟冀以黨國爲重毋過傷毀泣電遙唁萬望節哀北伐隨軍宣傳團叩翰

孫夫人暨哲生先生鑒噩耗電傳總理逝世國喪慈父人失導師川涕山崩莫可比况哀痛同深矧在骨肉惜大業未成遺訓在耳圖慰冥漠莫如

繼志所望節哀順變共此遠圖勉進糜粥爲國自愛中央宣傳部叩刪

汪精衛先生轉孫夫人暨哲生兄鑒帥座薨逝薄海同悲謹電弔唁崇智叩咸

鐵獅子胡同總理逝世舉國同哀芳等尤慘願節哀踐遺囑繼總理志未亡人痛苦應忍受祈珍重道儀蕙芳刪

孫哲生先生鑒昊天不弔奪我元首北望燕雲欲哭無淚惟繼志述事責在後賢望節哀珍重伍榜黃卦正印刪

孫夫人暨哲生先生哀鑒噩耗傳來驚悉帥座逝世薄海同悲天厄蒼生喪我國父痛哉惟念帥座雖死主義猶存伏盼節哀以竟其志廣大學生會哀叩刪

孫宋夫人哲生精衛諸同志鑒總理雖薨主義不死節哀順變以竟其志謙等與諸公願共勉之民生演講所主辦北伐隨軍宣傳團團長張謙民治宣傳部長副團長易光國叩翰

孫夫人哲生先生哀鑒帥座薨逝薄海同哀惟帥座遺型尙在精神未死乞節哀順變爲國珍攝上慰先靈爲禱監督兵工廠購械請款委員會委員同叩刪印

大本營秘書處轉各機關各軍隊京滬各同志肇慶李督辦張省長梧州黃會辦范軍長鑒驚聞孫大元帥薨逝何勝哀悼所望人心不換衆志不衰政局不動則帥座雖死猶生也楊藁叩刪

孫夫人哲生兄鑒職在前線痛聞總理薨逝喪我國父悲慘曷極誓當恪遵遺囑肅清東隅尤望夫人哲兄順變節哀爲國珍重循軍司令嚴德明暨全體官兵叩刪

汪精衛先生轉全體中央執行委員鑒總理逝世噩耗傳來黨與非黨同深哀悼革命尙未成功導師遽喪今後黨人責任愈大此間連日各級黨部同時舉行大會精神緊張步趨一致誓遵遺囑爲主義奮鬥作黨的活動以完成總理未竟之志昨日開全市黨員大會并巡行誌哀謹此電聞中央執行委員會鈞

孫大元帥治喪辦事處孫夫人暨哲生同志鑒驚聆噩耗薄海同哀屬續視殮未獲躬與尤堪痛哭總理四十年革命精神已深印于吾五十萬黨

員腦中自當努力奮鬥以竟總理生前未竟之志而完成國民革命事業尙望本此素志爲國珍重節哀順變毋過傷毀盼甚中央執行委員會鈑
孫夫人暨哲生兄鑒接京電痛悉帥座逝世噩耗傳來薄海哀悲第帥座雖死而精神主義猶存振柳誓率所部奮勇向前以竟帥座之未竟祈節
哀順變爲國珍重盧振柳率全部官佐衛士叩諫印

孫夫人暨哲生先生鑒噩耗傳來中外同悲伏祈節哀以竟遺志謹唁中國國民黨廣州市第七區第三區分部叩鈑

孫夫人孫哲生先生鑒噩耗傳來普天同悼然先大元帥精神主義萬載永存伏乞順變節哀爲國珍重謹唁瓊崖陳繼虞哀叩

孫夫人孫哲生先生鑒伏聞惡耗悲痛同深惟有益勵戎行期副遺命特電奉唁不勝哀思譚延闓魯滌平謝國光吳劍學陳嘉祐岳森譚鄂源張

輝瓚戴岳吳家銓朱耀萃喻先攸成光耀易紹英楊傳烈王鉞洪振檄陳真張以祥李韓琦廖家棟唐支廈叩鈑

孫哲生先生哀鑒總理薨逝惡耗傳來悲痛萬狀尙望順變節哀爲國珍重謹電奉唁伏維鑒察陳民鐘叩鈑

哲生先生鑒帥座薨逝薄海同悲伏望節哀順變爲國自愛謹唁飛福舟代船長黃振新魯峯李光鄴率三艦兵士同叩鈑

孫夫人暨哲生兄哀鑒噩耗傳來驚悉先生逝世同深悲痛惟先生雖死主義猶存尙祈節哀順變爲國珍重臨電涕泣不知所云林介目林祥同

叩

哲生兄大鑒總理薨逝薄海同悲尙望爲國節哀謹唁何成濬詹大悲叩鈑印

孫哲生先生鑒驚聞帥座薨逝痛悼殊深祈節哀順變勉思繼志李綺菴

孫夫人哲生先生禮鑒閱京電驚悉帥座薨逝哲人其萎薄海同悲尙祈節哀順變慰帥座在天之靈竟其未竟之志爲禱謝國光叩鈑

孫夫人暨哲生兄鑒帥座薨逝薄海同哀久隸幘幘尤深悼痛惟有秉承主義努力前功尙祈節哀爲國珍重謹唁黃明堂叩鈑印

孫夫人暨哲生先生鑒驚悉帥座薨逝慘痛曷極務祈勉節哀悲爲國珍重廣東省立第一中學校全體學生叩篠

哲生先生鑒帥座薨逝中外同悲屬在粵人尤深痛悼尙希節哀順變爲國珍重謹電弔唁藉表哀忱廣東省議會鄭里鐸及各議員同叩篠印

孫夫人暨哲生先生鑒噩耗傳來三軍痛泣努力奮鬥責在後起望節哀繼志謹唁建國第三軍警備司令羅克中中將陳崇威指揮廖漢雄率官

哀思錄 唁電

五

佐士兵同叩篠印

孫夫人哲生先生苦鑿帥座薨逝薄海同哀惟典型尚在雖死猶生乞節哀思勉襄大事廣東善團總所廣州市市商會同叩篠印

孫夫人暨哲生兄鑿帥座薨逝萬古留哀迴念黨國悲憤何極自得謹率全體學生及教導團官兵在校設壇縞素誓守遺言努力前途用副帥座在天之靈尙乞節哀順變爲國珍重謹電布悃墨與淚俱周自得叩篠

孫哲生先生鑿總理逝世薄海同悲然導師雖去信徒更勇主義實現精神不死尙祈節哀以繼未竟之業而慰在天之靈臨電愴懷不知所措北伐軍黨務處長謝晉叩嘯

孫科君鑿驚聞噩耗先生崦俎大志未完實恨以歿天也節哀順變以繼志爲孝臨電涕泣不知所云李天德暨鐵血團同志叩巧

孫哲生兄并轉呈孫夫人鑿驚聞總理逝世全體悲痛乞節哀珍重以伸紹述廣三特別區黨部叩巧

孫夫人暨哲生兄鑿驚悉總理薨逝悲痛萬狀務望節哀爲國珍重何榮山叩巧

孫夫人暨哲生先生哀鑿帥座薨逝震悼同深遺訓昭垂前功待竟伏維節哀繼志以慰先靈悵望燕雲謹申唁慰馬曉軍叩嘯

孫夫人暨哲生同志鑿總理薨逝悲痛實深惟肉體雖死主義不死伏希節哀繼志爲國自重廣東女界聯合會叩

孫哲生先生鑿元勳逝世痛悲全實忝託幷幃尤深哀悼所幸主義不死遺澤在人繼續奮鬥責無旁貸望哲生兄略經順變勉節哀毀肅電唁弔涕泣漣漣弟趙成梁叩十九印

孫夫人暨哲生君鑿驚聞中山先生逝世痛悼殊深北望燕雲敬伸弔唁廣東石龍基督教五監會代表單敘賢叩皓

孫夫人暨哲生兄鑿噩耗驚傳帥躬殄化昊天不弔奪我元戎白雲掩晨旭光慘澹載懷遺澤痛何可任尙祈勉節哀思爲國珍重楊愿公陸更存

陸涉川叩皓

汪精衛先生轉哲生世兄暨孫夫人鑿總理逝世傳來噩耗舉國同哀和順三十載追隨尤深悲悼伏望勉節哀思爲國珍重總理雖死其革命精神建國主義自足千秋不死尤貴我同志彌加努力貫徹主義以竟全功謹電馳唁無任涕零王和順叩皓

神建國主義自足千秋不死尤貴我同志彌加努力貫徹主義以竟全功謹電馳唁無任涕零王和順叩皓

孫夫人暨哲生先生哀鑒噩耗傳來驚悉中山息勞歸天良深哀慟北望燕雲揮淚弔唁廣東石龍基督教女界聯愛會長黃文翰叩皓

孫夫人暨哲生先生哀鑒自讀侵日噩電痛斷肝腸如喪考妣我大元帥提倡民治造福國家事業互古今正氣彌天地今雖騎箕歸天而主義精神永垂人世副官等親聆教訓有年自當謹遵遺命努力奮鬥冀達革命目的尚祈夫人與哲生先生節哀順變以繼未竟之志臨電嗚咽不知所云大本營副官丁象益嚴覺蕭芹泣叩號印

孫夫人孫哲生先生暨治喪處諸兄哀鑒孫總理功業未竟中道崩殂傳來噩耗薄海同悲同人等尤深哀悼繼志述事責在後死誓加努力以成大業伏祈節哀順變爲國珍重掬淚馳唁痛悼不宣廣東大學特別區黨部寄

孫夫人暨哲生先生哀鑒奉京電驚悉帥駕升遐昊天不弔降此鞠凶凡我寅僚如喪考妣伏念帥座手造民國雖革命之功未竟而主義深入人心政策行將實現先生遺澤天地同休尚望節哀順變克紹前功重任仔肩勿徒傷毀臨電愴愧不知所云廣州市財政廳長蘇世傑暨全體職員同叩

孫公治喪處諸先生天崩地坼總理昇遐噩耗傳來莫名悲悼竊念孫公民國元勳共和鼻祖追惟艱難締造之勞彌抱風雨飄搖之感昊天不弔遽摧吾國干城滄海橫流孰作狂瀾砥柱人亡國卒來日大難北望燕雲欲哭無淚臨電悲咽不盡神馳安徽黨員李鬢邨劉殿國劉俊程李璧城張文喬 川阮佩南等叩敬

哲生精衛海濱諸兄均鑒總理薨逝八表哀騰玉山軀環甲冑未獲親臨弔唁現派敝軍宋祕書長采譽代表剋日北上弔唁以表哀忱劉玉山叩 宥印

孫夫人哲生兄鑒職在前綫痛聞總理薨逝喪我國父悲慘曷極誓當謹遵遺囑肅清東隅尤望夫人哲兄順變節哀爲國珍重循軍司令任德明暨全體官兵同叩徑

孫夫人哲生兄哀鑒元首崩殂普天同悼伏乞節哀順變勉繼先志謹電馳唁崔桂芳叩

以上廣州

哀思錄 唁電

六

孫夫人暨哲生先生禮鑒昊天不弔奪我元首噩耗驚傳百身何贖尙望以國爲重勿過悲傷曷勝哀感國民黨香山縣黨部暨大元帥哀典香山籌備處同人泣叩篠

大元帥治喪辦事處轉朱先生卓文李先生蟠鑒元電悉駭聞大元帥逝世哀痛莫名謹遵照大本營通告大元帥哀典籌備委員會議案辦理務期隆重至紀念事極重要議決再報盧家駒叩篠印

孫夫人暨哲生先生禮鑒駭聞大元帥噩耗闔邑同悲惟元首功業精神千古不朽尙望節哀順變爲國珍重克竟前功曷勝盼禱本邑籌備哀典務期隆重以表懷忱并祈察照香山縣縣長盧家駒叩唁巧印

孫哲生先生哀鑒痛悉大元帥噩耗傷悼莫名元首德高舜禹望重中西千古不朽尙望爲國節哀善繼善述本邑自籌備哀典外稟承縣命業規定西山原址爲中山公園立像建碑以伸紀念祈爲亮督香山縣工務局長洪式文叩唁寄

以上香山

哲生先生大鑒孫公手創民國功在萬世遽聞殂謝薄海同哀軀體雖滅主義不滅凡我同志誓竭心力繼此未竟中國國民黨潮安分部長林少梅總務科長陳之英暨全體黨員同唁叩號印

哲生先生大鑒請轉孫先生靈鑒昊天不弔降此鞠兇喪我黨魁失我導師臨穴黃鳥可贖寧止百身上天白龍攀髯獨達萬里國魂不死佑我中華黨員鄧藉香號叩潮安分部長林少梅代發

孫大總統哀典籌備處孫宋夫人孫哲生先生均鑒國是未定方待創國元勳整理煦育何期昊天不弔木壞山頽粵中潮汕雖復瘡痍遍地善後諸端亟待訓示乃竟薨逝攀號莫及考妣如喪謹電告唁以寫我哀潮州善後委員會委員謝松楠林少梅陳箇民陳午樓陳志強鄭松雪曾靖聖林祖澤孫家哲林公任等哀叩號印

孫宋夫人孫哲生先生中國國民黨中央執行委員會孫公治喪處廣州分送中國國民黨中央執行委員會胡代帥鈞鑒噩耗驚傳國父遽喪柱傾維裂薄海同哀謹組哀典籌備處定廿七廿八廿九三天分班追悼舉行大祭特電奉唁汕頭市孫大元帥哀典籌備處叩敬印

本日開進悼大元帥前大總統孫公大會駐汕英美法日荷蘭哪噠等國領事均到會行禮由英領事代表領團演說一致下半旗誌哀各領並請轉向宋夫人及哲生兄代達哀忱汕頭交涉員林本民叩感

孫宋夫人孫哲生先生中國國民黨中央執行委員會孫公治喪處鈞鑒開國元首驟棄吾黨聞耗哀痛淚與血俱誓協黨員遵守遺囑竭力奮鬥繼此未竟謹此奉唁僑 駐汕黨員郭醇卿僑安南駐汕黨員陳元德僑黨員一百二十人同哀叩廿八印

孫夫人孫哲生先生鑒噩耗電傳總理逝世長城遽失中外同悲萬望節哀順變爲國珍重馳電悠痛不知所云潮陽各界追悼孫大元帥哀典籌備處豔叩印

以上汕頭

孫大總統哀典籌備處孫宋夫人孫哲生先生均鑒國是未定方待元勳整理何期昊天不吊喬壞山頽潮汕克復瘡痍遍地善後諸端亟待訓示今遽舍我哀號莫及考妣如喪謹電奉唁以寫我哀潮州善後委員會委員哀叩號印

孫夫人孫哲生先生暨孫公治喪處諸公鑒昊天不吊奪我元勳噩耗傳來薄海同悲謹組哀典事務處定四月一日舉行大祭特電奉唁潮安各界籌辦孫大元帥哀典事務處叩徑印

以上潮州

孫夫人哲生先生哀鑒頃奉省電駭悉總理於侵晨薨逝艱難國步天奪元勳噩耗遙傳同深哀痛伏維總理雖逝精神主義尙在人間尙祈節哀順變爲國珍重陳永惠叩寒

以上江門

孫夫人孫哲生先生哀鑒驚聞帥座薨逝悲慟曷勝世貴身在前敵不克趨弔茲於前綫率全師將士設靈遙祭以誌哀悼國事多艱尙請順變節哀謹電奉唁建國滇軍第四師師長朱世貴叩巧印

以上英德

哀思錄 唁電

七

分送孫科先生總理鑒逝世薄海同悲除遵禮弔奠希執事節哀珍攝爲盼建國第二軍第一師師長楊虎率全部叩嘯

以上石林

孫夫人暨哲生精衛先生鑒總理逝世痛不欲生誓遵遺囑繼續奮鬥尙祈節哀爲國珍重清遠黨部焦渭溪等叩敬印

以上清遠

香港

宋夫人暨哲生兄鑒總理噩耗傳來同志泣血誓奮鬥繼總理遺志先電表哀國民黨港澳總支部叩元

汪精衛先生轉宋夫人哲生兄暨各同志哀鑒國父棄養普天茹痛勉繼大業爲國節哀香港聯義社元

孫夫人暨汪精衛先生鑒噩耗傳來全體痛哭願勉僑民繼先生未竟之志努力革命工作謹此電唁港工團總會叩元

孫宋夫人暨哲生先生鑒驚悉總理棄養震悼殊深遙請節哀香港海員工會唁元

孫夫人暨哲生兄鑒悉帥座崩逝薄海同哀凶耗傳來曷勝悲痛尙祈順變節哀爲國珍重爲禱林警魂叩元

精衛兄轉宋夫人孫哲生兄暨各同志哀鑒總理棄養普天茹痛勉繼大業爲國節哀琳瓊幻境社叩元

孫哲生先生哀鑒帥座逝世普天同悼屬在黨末能勿辟踊謹電馳唁還祈節哀順變葉夏聲林暉庭叩咸

汪精衛先生轉孫夫人哲生先生暨衆同志哀鑒大志未就國父云亡節哀奮鬥完成大業香港集賢叩唁

孫哲生先生鑒昊天不弔遽遭大戚聞報哀悲薄海同情惟祈節哀順變以襄大事翟美徒叩咸

孫夫人暨汪精衛孫哲生兩先生鑒遽聆國父喪耗如喪考妣除誓繼志述事外肅此電唁省港建造工會聯合總會十五萬餘人叩銑

孫哲生先生鑒國難未平元勳遽謝殷憂未已努力向前尙祈順變節哀以襄大事謹電馳唁無任愴懷廣肇客棧方言工會叩巧

廣西

孫中山先生治喪處民國日報轉各同志廣東中國國民黨中央執行委員會均鑒孫總理於三月十二日在京疾故噩耗傳來曷勝悲悼惟念先

生雖已逝世不可復生而先生所抱之三民主義仍存天壤作我進繩所望吾黨同人以先生之心志爲心志以先生之毅力爲毅力不避難艱一
致奮鬥使先生之主義始終貫徹永垂不朽吾黨幸甚中國幸甚中國國民黨桂林縣黨部籌備處叩皓借印

孫夫人孫哲生兄鑒帥座晉京國是待正辱以工程冊籍見委未獲追隨北望燕雲心焉嚮往方期發揚黨義竟厥全功乃天不慈遺奪我元勳噩
耗傳來舉國震悼悱懣久隸哀慟尤深然繼續奮鬥後死之責尙祈爲國節哀共襄大事鄭校之叩敬印

雲南

孫公治喪事務所汪精衛先生孫哲生先生鑒接京電驚悉中山先生於文日逝世哀悼曷勝先生爲國先覺手造共和卅載經營心力交瘁現國
事方艱正賴先生撐柱天星忽隕深爲國痛竊念先生指導羣倫發皇民治揭櫫主義昭若日星此後吾輩益當同心專志擁護國家以承先生未
竟之功而竟後死應負之責始可奠定國本以慰在天之靈茲特派周鍾嶽王九齡徐之深馬聰李華英等在京襄助治喪並在滇開會追悼知會
領團下旗誌哀敬呈治喪處壹萬元飭滬富行匯上藉表哀忱除通電海內外一致追悼外特此奉唁臨電泫然未能罄意唐繼堯叩皓

貴州

孫公治喪處並轉孫哲生先生鑒中山先生爲世界人類之先覺中華民國之元勳正冀抱疾闕都擷期早日就痊策國家永久之安全謀人民未
來之幸福乃昊天不弔醫藥無靈噩耗傳來曷勝痛悼本處刻正籌備舉行追悼大會用表哀忱先此電唁諸希察照貴陽中山先生追悼大會籌
備處叩馬

西四平定里五號傅代表覺民鑒守密譯轉孫大元帥行營秘書廳諸公鑒奉讀來電驚悉大元帥於文日逝世天胡不弔喪此元勳棟折橫崩舉
世同悼在培後輩哀痛尤深瞻望慈雲悲愴無已除在渝約同志成服追悼特電伸派代表甘鳳章傅覺民兩君就近弔慰外專電奉唁藉佈哀忱
臨電嗚咽依依不盡王天培叩馬

孫公治喪處公鑒中山先生手創共和功在國家大星忽隕曷勝痛悼虞以戰冑在身未克躬奠靈幃深致哀緒除派周惺甫馬伯局徐葆權諸君
代表致祭聊表哀忱外專此奉唁希維亮鑒貴州軍事善後督辦建國聯軍第一路總指揮官唐繼虞叩感

孫先生治喪處鑒電悉中山先生文日逝世噩耗傳來曷勝悲悼竊念中山先生以天民之先覺提倡平民政治堅苦卓絕爲天下先歷數十年如一日緬其推翻專制建設共和創造精神與時代潮流俱進年來爭民族之自由力抗帝國主義鞠躬盡瘁不爲威屈方冀天假遐齡用集大勳俾世界人黎同食和平幸福遽聞溘逝愧慟同深論先生革命事功前無古人後開來者固與軀殼之存亡無關惟國基幼穉民智未啓陡折天柱國脈何託除會同各界開會追悼藉表哀忱外謹此奉唁伏維鑒照貴黔兩省清鄉總司令官彭漢章暨全省軍民同叩卅

孫中山先生治喪處鑒報載中山先生于上月文日逝世遠道聆耗驚慟曷極伏念先生以現代之先導作社會之前驅提倡平民政治垂四十餘年前此推翻專制建設共和功成不居退而爲貫澈主義之運動其創造精神久而彌健求之革命史中殆未多述年來力抗帝國主義廢除不平等條約爲民族爭自由此次毅然北上共謀統一中外聞風莫不欣幸詎意天不假年遽聞溘逝大勳未集震悼同深論先生革命事功固與天地同垂不朽不能因形體變化而有所損益惟邦基兀隍國是未定昊天不弔奪我元勳際此風雨飄搖之時不無人亡國瘁之感耳除會同各界開會追悼外謹電馳唁卽希鑒照詹德恆張尙羣王謨陶禮樂同叩庚印

江蘇

孫哲生先生鑒頃接電訊驚悉尊公中山先生於本日在京寓逝世昊天不弔殞此元勳薄海人民同聲哀悼我兄大故猝遭必深哀毀惟希爲國愛身以承先志順變節哀是所企禱專此奉唁盧永祥文

汪精衛先生鑒侵午電悉中山先生竟爾不起聞信之餘至深痛悼頃已專電致唁哲生兄矣此復盧永祥文

孫行館噩耗傳來悲痛欲絕除定期追悼外特此弔唁寧黨部

李協和汪精衛兩先生轉孫哲生兄鑒尊公中山先生手造民國功炳簡書此次扶病北行羣祝早占弗藥驚傳薨逝薄海同悲敢布區區上爲國悼下哭其私冷通叩寒印

孫公治喪事務處鑒元勳遽殞寰宇同悲特請罔懋祖趙叔愚二教授代表本校赴京弔唁敬此電聞國立東南大學篠

鐵獅子胡同孫公行轅哲生先生禮鑒噩耗傳來哀悼萬分國難未已元勳遽殞瞻念前途隱懔靡極除擇日開會追悼外謹先電唁東南大學學

生自治總會叩篠

治喪處鑒刪電悉茲派做處范參議毓靈於巧日北上前往致祭特達盧永祥嘯叩

以上南京

鐵獅子胡同中國國民黨公鑒奉到侵電驚悉總理病故望風臨涕痛悼殊深國失長城黨失導師吾輩更宜努力奮鬥以竟總理未竟之功並盼哲生兄節哀順變爲禱徐蘇中魯蕩平劉一道魏會英蔡森泣叩侵

孫哲生先生鑒頃得尊翁噩耗不勝痛悼乞節哀保重天木

孫哲生先生禮鑒尊翁逝世國喪元勳凡屬國民同深悲痛特電馳唁願維鈞元

孫哲生先生禮鑒中山先生棄養普天同悼希節哀珍重上慰萱闈上海復旦大學學生自治會叩元

孫哲生兄禮鑒驚聞噩耗悲痛山頽功在民國已足千古尙望節哀用竟先志劉白袁華漢唐嚙唁元

孫公治喪所元良遽逝普天痛悼大韓民國臨時政府

孫哲生兄鑒閱電驚悉尊大人仙逝噩耗傳來同深哀悼望爲國自愛勉力節哀以襄大禮李民興元

孫哲生兄鑒得京電中山先生仙逝木壞山頽老成凋謝一時噩耗四海哀思惟望爲國自珍節哀順變謹此電唁惟鑒不宣海軍總司令楊樹莊元

哲生先生鑒尊公逝世羣衆同悲謹唁陳世光

孫哲生先生鑒驚聞噩耗痛悼殊深除即派代表來京致祭外謹先電唁上海法政大學教職員暨學生全體同叩元

孫哲生先生密轉國民黨中央執行委員會公鑒得報知孫公逝世論功本應國葬惟現在未有正式政府正式國會此事無法可循應由家屬及人民以禮行葬待正式政府成立追予國葬始受命令毋使孫公身後訟非法之羞唐紹儀章炳麟等元

中央執行委員會鑒總理抱建國之主義具建國之精神未竟建國之志願遽來噩耗悲悼同深此間同志除籌備治喪外誓謹遵總理遺囑爲民

哀思錄 唁電

九

衆奮門臨電哽咽謹申哀忱上海執行部全體叩

孫公行轅公鑒聞報駭悉中山先生逝世哀我民國喪此元勳敬電奉唁江蘇省教育會元

孫中山先生秘書處諸公鑒中山先生惡耗傳來中外人士均深哀痛僉以國民會議阻於強橫致使中山憤鬱致死民黨諸公苟有天良亟應一意猛進促成民會以慰國者而安穴庶韋蔭宗蔡維坤叩元

孫夫人禮鑒驚悉先生噩耗曷勝哀悼國事未甯遽失先導我民何所依歸謹電當吊尙希節哀沈儀彬叩元

汪精衛孫哲生先生鑒總理逝世哀悼異常本日無車准刪晚附遠車來京執紼姚昶昌張國元叩

局請轉孫哲生兄禮鑒山頽星隕喪我元勳凡民有心哀傷同極伏冀繼承先志提覺來茲順變節哀爲國自愛孫繩武沈卓吾叩元

孫公辦事處公鑒侵電敬悉國本未甯元良遽殞泰山崩壞寰宇銜哀除在滬籌議治喪追悼外臨電不勝悽愴之至李徵五叩單

孫哲生先生禮鑒驚悉尊公噩耗愴悼曷極國是未定正賴建設天胡不弔隕我元勳朗抱恙在滬愧難躬與殯禮尙祈節哀順變爲國珍重徐朗

西阮

孫公行轅公鑒得先生噩耗國難未已遽失導師舉校哀痛祈諸公繼志奮門庶先生不死神州女學叩元

孫大總統治喪事務所擎天柱折繼起乏人茫茫神州前途奈何莊景仲趙舒周永年敬吊

孫夫人暨哲生先生鑒讀侵電驚悉總理薨逝薄海同哀惟總理雖死精神不死校長等當矢志奮門以竟總理未竟之志尙祈節哀順變爲國自

愛謹電奉唁伏維鑒警國民黨校長聯合會叩

鐵獅子胡同孫公治喪事務所孫哲生暨諸君均鑒大星遽殞寰宇同悲緬維偉烈之昭宣彌增我邦之殄瘁除遵令籌備飾終令典外臨電無任悽愴之至王廣廷陳世光朱有濟常之英李祖夔叩寒

孫公子禮鑒頃得京電聞中山先生逝世曷勝痛悼先生手創民國勳蓋實區哲人忽萎全國同悲謹電弔唁馬玉人寒

國民黨中央執行委員會鑒惡耗傳來總理逝世全體黨員痛哭導師誓遵總理遺囑繼續國民革命並一致擁護中央委員會代替總理職權指

揮全黨以竟總理未竟之遺志四區四及二十分部全體黨員寒叩

孫中山先生行館孫科先生禮鑒國父噩耗震驚中外國事前途責在生者務望節哀承志特電奉唁余育之

孫公行館公鑒中山先生噩耗傳來全校哀悼謹電當哭上海南海高級商業學校全體叩

孫哲生先生禮鑒噩耗傳來驚悉孫前大總統逝世元勳殂謝哀悼何極謹此電唁尚望爲國珍重稍節哀思徐蘭墅叩

孫哲生先生鑒尊翁中山先生盡瘁國事志節皎然勳業未就齋志以終凡屬國民同深悼惜尚祈繼志述事順變節哀益勵遠猷以慰輿望上海

總商會寒

國民黨中央執行委員會總理逝世舉國痛悼民衆不幸喪此導師誓遵遺訓繼續革命國民黨上海四區十六分部全體叩

鐵獅子胡同孫哲生兄禮鑒總理逝世薄海同悲大業未竟元勳遽隕噩耗傳來尤深悼痛敬電奉唁孝履李崇鑒寒

鐵獅子胡同孫哲生先生禮鑒國亂方殷導師溘逝國父雖去主義尚存吾人惟有遵命奮鬥以竟前志猶望節哀爲要無任悲悼特此馳唁程穉

周張拱辰甯少清刪

國民黨中央委員會鑒總理逝世痛悼萬分一致議決請求將上海大學改爲中山大學并特設三民主義講座由中央派專員講授以示永遠紀

念及繼續遺志之意萬望准予通過商于校長決定施行上海四區四分部全體黨員叩

孫哲生先生禮鑒國篆辭世民衆痛悼尙希節哀繼承先志滬約翰大學贛同鄉會銑

孫公治喪處國是未定導師先失惡耗傳來薄海同哀同濟大學四川同學會哀唁銑

鐵獅子胡同孫公治喪事務所公鑒驚電傳來不勝悲想孫公爲民國國父我黨導師今遽崩逝痛悼殊深除哀唁外敢竟先生未竟之志爲國努

力自由黨訊銑

孫哲生先生禮鑒昊天不吊奪我導師薄海人羣同深悲慟除開會追悼外謹唁大同學校學生諫

國民黨中央執行委員會鑒驚聞中山先生逝世全校痛悼失此導師尙望貴黨秉承遺志領導民衆繼續奮鬥以求民族解放之實現上海大學

叩篠

鐵獅子胡同孫公治喪處諸先生均鑒閱報驚悉總理逝世不勝悼痛邦本未寧泰山遽頽國將安賴民將安仰凡我同志亟宜戮力同心恪遵遺囑以竟先生未竟之功而盡吾儕後死之責也民黨江蘇省黨部執行委員秦毓 叩篠

季陶先生鑒昊天不弔喪我元勳請代表弔唁湖社篠

孫公治喪處諸先生公鑒驚聞噩耗痛悼萬分革命還未成功導師先殞悲何可言尙望國人失怙之後益承先生遺訓繼續努力奮鬥哀此電唁上海南洋烟草職員同志會委員長唐度張渭川率會衆叩巧

治喪委員會鑒革命未成導師遽喪北望燕雲無涕可揮同人等誓遵守遺囑一致奮鬥吳江縣黨部叩巧

鐵獅子胡同孫哲生先生禮鑒尊翁仙逝舉國同哀謹派汪中將慶辰代表叩奠并致唁忱何豐林養印

鐵獅子胡同汪精衛先生鑒帥座逝世全國慟悼青雲受恩最深如不親往祭奠心何能安茲同何猛參謀長准於漾日由滬起程赴京致祭特此奉聞陳青雲養叩

鐵獅子胡同孫夫人暨哲生先生鑒元勳歿謝薄海同悲尙望節哀繼志爲國珍重謹唁上海復旦大學叩養

孫公治喪事務所諸先生國父崩殂羣衆震悼努力繼志責屬後死特電奉唁並祈轉請孫公家屬節哀無任致禱陳其業其采祖燾祖華祖蘇同叩

汪精衛先生鑒聞孫前總統薨逝京邸並展讀遺書追溯先烈崇拜元勳凡屬同胞莫不同深悲悼還祈我公轉達哲生先生繼志節哀至爲企禱謹具唁詞藉表哀忱林耀茂叩

孫公行轅孫宋夫人鑒孫公功在國家名滿天下生繫安危死足千古惟夫人與我同病相憐幸善珍攝宗漢

孫哲生兄鑒尊翁仙逝薄海同哀桓昔從患難尤深悲痛惟世變方殷後世有責尙希節哀勉繼先志白逾桓

孫哲生兄禮祺天禍中國一老不憖匪伊私誼薄海茹痛絕續存亡責任綦重勉抑哀思仔肩大任關芸莽敬唁

鐵獅子胡同汪精衛先生孫夫人哀鑒其芳奉召赴京診視帥病中途驚聞薨逝痛悼罔極現仍入京親弔執纋盡哀李其芳叩

中山先生治喪事務處孫哲生兄鑒總理情殷救國抱恙入都惡耗驚傳薄海哀慟弟因目疾就醫滬濱稍痊當即馳詣首都躬親執紼藉伸悲悃
謹先奉唁希爲國珍攝蔣光亮

孫公治喪處鑒傳來噩耗元勳遽殞哀慟之餘謹此電唁粵僑工聯會中國機器工會同叩

以上上海

孫公治喪處鑒國是未定遽折元勳民族頓失柱石曷勝痛悼謹此電唁吳淞同濟大學兩廣同學會叩

孫公治喪處鑒天不憖遺導師先失噩耗傳來悲感萬端除另開會追悼外特此電唁吳淞同濟大學追悼孫公中山大會籌備處叩

孫公治喪處鑒國亂方殷導師遽殞悲痛何極謹此電唁同濟大學湖南同鄉會鈞

以上吳淞

鐵獅子胡同前孫中山先生行轅轉哲生先生禮鑒暨旅京國民黨同志均鑒驚聞噩耗元勳歸謝國事未定建設方艱國父云亡悲悼弗勝凡屬
國人應同抱山頽木壞之悲吾黨同儕將弗勝棟折榱崩之懼尙祈哲生先生節哀順變爲國珍重同志民黨襄贊治喪盡忠於三民主義之主旨
以終中山先生未竟之功業謹電哀忱并唁禮安張一志悽

孫宋夫人暨孫科先生哀鑒民國不幸喪吾中山寰海平民同聲痛哭希洛刻在江陰卽偕南菁學校同人行哀悼禮下半旗嗜素一日特此電唁
袁希洛寒

孫中山先生治喪事務所鑒總理棄世棟樑其摧萬民痛哭謹唁江陰區黨部刪

以上江陰

鐵獅子胡同孫公治喪處吳天不弔喪我元勳噩耗傳來同聲一哭茲訂宥日開會追悼藉表哀忱謹電奉聞南通軍政警學商農各界漾

孫哲生世兄鑒尊公逝世舉國同深哀悼辛亥南京政府走與尊公會共艱難敬致痛悼卽請禮安張譽兒子孝若侍叩刪

哀思錄 唁電

十一

以上南通州

孫公治喪事務所戴季陶先生孫哲生先生鑒驚聞總理逝世頓失導師會依患難倍極哀痛除籌備追悼會外特此電唁尚希爲國節哀三山報館牛霹生童仁甫鈞叩

以上鎮江

鐵獅子胡同孫公治喪處公鑒昊天不弔國父云亡薄海人民同深痛悼預定四月四日開追悼大會謹先電唁徐州各界追悼大會籌備處叩馬
以上徐州

直隸

孫公行轅秘書處鑒侵電敬悉中山先生海內碩望功在民國此次抵都方期共維國是安定邦基詎意忽患沉疴遽爾薨逝噩耗驚聞曷勝哀悼專復致唁伏希鑒察朱深侵

北京鐵獅子胡同孫哲生世兄汪精衛先生頃接京信驚悉中山先生於本日逝世患難之交一朝永訣憂憂踴踴愴痛如何人之云亡邦國瘁殄既哀身世復悼烝黎謹命黎秘書澍先行弔唁藉達哀忱黎元洪侵

哲生先生鑒尊公哀訃薄海同悲幸節哀思爲國珍重熊少豪元叩

哲生仁兄鑒頃接京電驚悉尊甫中山先生於月之十二日上午九時三十分逝世曷勝悼惜伏念先生功在國家名聞中外胡天不弔喪此偉人謹電奉唁尚希節哀爲禱楊以德叩寒

中山先生治喪處鑒中山先生逝世薄海同悲除由校卽日開會追悼外謹電奉唁唐山大學校長孫鴻哲暨教職員學生全體同叩巧

孫公治喪處孫哲生世兄汪精衛先生鑒中山先生靈幕初開極思前來致弔藉伸悼悃祇以京師爲政治淵藪舉動易涉嫌疑下走之身不欲爲人指摘是以欲前且却茲派秘書李欽代表致祭特電奉聞一俟靈輓運津再當躬親奠醊也黎元洪敬

湖南

孫前臨時大總統治喪事務所鑒頃得電駭悉中山先生遽驟箕宿愴悼殊深伏維先生旨誓鋤非累頻危殆漢旗既舉秦社卒湮肇共和之初基廓專制之積毒成功不亨勁概彌堅學說徧於藝林方略紀之策府正資元老共奠危邦詎二豎之爲災竟一棺之忽戢人亡國瘁有識同傷恆惕華屏悲深驛程迹阻除通令本省各機關各學校及各商店均懸半旗三日以表哀忱並另期開會追悼外謹派鍾君才宏代表襄助喪禮敬以奉聞趙恆惕叩元

汪精衛先生轉中央執行委員會頃得滬電驚悉總理逝世噩耗飛來不勝震悼前次鈞會議決五項萬望執行以無負總理數十年革命之偉績與精神臨電涕隕無限哀思國偉泣叩元

孫中山先生臨時治喪處孫哲生先生禮次前聞先公遽捐塵寰悽悼交馳當電致駐京鍾代表襄贊喪禮每念先公忠誠爲國偉略匡時追維締構之艱難深賴元勳之昭越九原不作溥海同悲執事純孝佩彰必切愴迫惟大事未完千祈節哀順變爲國珍重以慰先靈是爲至幸趨唁莫由臨電軫結趙恆惕叩刪

汪精衛先生國民黨總理孫公逝世無限痛悼然哲人雖萎貴黨鉅任猶存敝會等除開會追悼外並貢愚見一請團結內部以期革命早成一請遵照孫公遺囑速促成國民會議廢除一切不平等條約湖南學聯會工聯會國民會議促成會外交後援會反帝國同盟會叩銑

鐵獅子胡同孫公行轅秘書處鑒頃誦侵電驚悉前臨時大總統孫公於京邸逝世飛來噩耗悲悼莫名惟公迭經艱鉅創造共和成功不居晚節彌勵緬元勳於開國羣仰斗山悵愴海之橫流方資依柱胡天不弔遽殞大星遙望雲旌心傷腸碎遙馳電唁不盡悽愴除另期追悼外特此奉復湘南省議會叩銑

治喪處公鑒噩耗傳來驚悉前大總統孫公謝世惟公人格中外同欽創造共和堅持主義英光灑氣星山能迴先覺先知再接再厲孑然一老賈志九京棟折榱崩山枯海泣匪維私感實屬國喪除另行追悼外謹電申唁鄂軍混成旅旅長夏斗寅叩號印

以上長沙

大元帥行轅秘書處鑒奉侵電驚悉大元帥孫公逝世武等謹隨孫公二十餘年方期革除舊污更新國是而大勳未集中道崩殂噩耗遠傳哀慟

哀思錄 唁電

十二

無已茲謹託但君懋莘代表全軍在京助理喪事用申微忱特此電復卽希荃鑒熊克武蔡鉅猷林支宇乾隊唐湯子模喻培棟鄭英准敘彝劉承烈賀龍楊維劉稜周朝武田義卿張義卿呂燮卿叩元

孫哲生君鑒大元帥首創共和功在國家遽爾奄逝舉國震悼况如足下無父之痛哀何可言惟望爲國節哀毋過毀瘠臨電愴惻言不宣意熊克武蔡鉅猷林支宇修際唐湯子模劉敘彝劉承烈周培棟鄭英賀龍楊維劉稜周朝武田義卿周營同叩元

鐵獅子胡同孫哲生兄鑒頃于錦帆聯帥處閱京電驚悉老伯大人仙逝憶自先嚴于民五棄養此十年間老伯撐撐危局民氣賴以勃興吾黨得以不墜方冀長享遐齡爲國矜式胡昊天不弔降此鞠凶柱折中流邦國瘁邊情同猶子悼慟益深吾兄純孝天成尙望節哀爲國珍重卽所以慰在天之靈也臨電嗚咽不知所云弟黃一歐叩懇

孫哲生先生鈞鑒惡耗傳來孫公遽崩逃聽之餘曷勝悲痛伏念孫公奔走革命四十餘年精誠無間遂洎今茲行見革命成功人民有朝蘇之望不意天不厭亂奪我元勳嗚呼孫公去矣不能回生矣惟冀同胞努力奮鬥繼孫公之偉志湖南常德青年藝術研究社哀唁刪

汪精衛先生轉中央執行委員會并轉孫哲生先生大鑒頃得京電驚悉總理殞落黨失導師悲慟曷極擬卽籌備追悼大會藉誌哀忱此後當加倍奮鬥實現我總理主義以慰英靈謹此電唁敬希察照一切應辦事宜尙祈電示俾有遵循中國國民黨河南常德黨部譚肖岩等叩刪

鐵獅子胡同汪精衛先生並轉中央執行委員會鑒昨得京電驚悉總理薨逝震悼異常振病滯武陵未獲侍疾北望燕雲悲痛曷極謹於銑日兼程入京襄治喪事合先電聞並希轉知哲生兄爲荷覃振叩刪

孫哲生君鑒讀文電驚悉吾大元帥在京仙逝嗚呼吾大元帥手造共和未竟統一言之滋痛然竟大元帥未竟之志者皆吾輩後死者之責望兄節哀順變以慰吾大元帥在天之靈此間近况理明兄赴京當能代白特電奉唁縷縷不盡弟徐于叩銑

哲生先生暨國民黨執行部大鑒頃得京電驚悉大元帥逝世國喪元勳悵痛曷極除下旂三日誌哀并敬誅籌備追悼大會當本孫公之遺旨促國民會議之實現特電啾敬希亮察常德縣農會常德總商會常德教育會常德十二區學務委員會聯合會常德國民會議促成會幹事楊守

康蔡正漢修規備李子新等同叩銑

孫夫人暨哲生兄鑒帥座薨逝萬古留哀迴念黨國悲憤何極自得謹率全體學生及教導團官兵在校講壇縞素誓守遺訓努力前途用副帥座在天之靈尙乞節哀順變爲國珍重謹電佈悃墨與淚俱周自得叩篠

汪精衛先生鑒總理手創民國功高萬世噩耗傳來天地黯淡日月無光凡我國民莫不同聲痛哭健等追隨有年尤深悲悼我同志協德合力繼志前進使三民主義現諸實行國人得享共和之福此卽所以報總理也惟是提綱挈要端賴前達望先生暨各同志出而負責健等當盡其力之所能以隨諸公之後臨電不勝悲泣之至安健斬經緯叩自常德廣德醫院印

以上常德

孫公治喪事務所鑒前大總統孫公逝世噩耗傳來合邑哀痛茲假縣教育會於本月十六日起開追悼會三日以申哀悃特聞湖南南縣追悼孫公中山會籌備處叩元

以上南縣

鐵獅子胡同帥府行轅治喪處公鑒并轉但怒公勳鑒奉錦帥元電驚聞帥座噩耗地圻天崩三軍泣血惜因身肩軍寄于役疆場不克親臨執紼謹派閻參謀長寶階就近助理喪葬務乞諸公指示一切爲禱建國川軍第二軍軍長湯子模叩刪

以上澧縣

孫大元帥治喪事務所秘書處公鑒大元帥孫公奔走國事三十餘年歷盡艱苦手造共和功成不居甘讓元首蓋欲身率天下永奠國基乃十四年來外侮迭乘內訌不已毀憲竊位國幾不國大元帥不忍法統墜絕生靈塗炭爰約西南各省共起護法之師義聲所播奸人喪膽嗚呼同胞羣從我后方幸施行五權憲法挽神州於陸沉實現三民主義出人民於水火胡天不弔遽奪元勳自噩耗傳來薄海同悲振鐸行能無似忝掌兵符駐防湘西於茲數載既傷大元帥救國之未遂復自憐身世之荏苒此後惟冀海內外同志戮力同心以國爲念體其未遂之志竟其未竟之功海涸山崩此志不渝振鐸不敏敢執鞭塵隨從諸公之後誅奸鋤惡救國護民以盡後死之責藉慰在天之靈謹此哀唁伏希鑒察建國聯軍湘軍第一軍總指揮唐振鐸叩銑印

孫大元帥行轅汪精衛先生暨同志諸公均鑒中原不幸喪我元首瞻望燕雲痛悼罔極然死者已矣生者責更難辭凡我同人務宜遵循主義拚身奮鬥以竟元首未竟之功庶足仰慰在天之靈俯順國人之望諸公爲吾黨領袖善後事宜諒有至計元首遺囑及營葬辦法一併示知臨電依依統候明教石門林德軒知事楊道馨國民黨分部長廖文蔚叩巧印

孫公治喪事務所上海法界環龍路四十四號中央國民黨上海執行部廣東中國國民黨中央執行部均鑒伏念孫大元帥再造山河締構民國順時推挹終建共和明洪武之驅除胡元華威頓之肇造美國歸德與能方斯未有五權三民厥規宏大閱歲逾紀不暇倦勤洎茲陟方勵治遽駭升遐四海爲之心崩萬國戚焉銜恤石門下邑丁茲國哀允懼荼苦百姓哀傷三軍飲泣因定於四月八日爲軍警界追悼期九日爲政學界追悼期十日爲農工商各界追悼期電抒悲唁毋任踴躍謹以奉聞諸希亮察孫大元帥追悼會石門籌備處叩印

以上石門

孫前大總統治喪處公鑒昨奉省電驚悉中山先生在京逝世悼痛良深竊以先生頻年奔走締造共和偉績殊勛中外崇仰應詔前在甯滬會於光復之際蒙先生拔擢於羣流之中任以軍旅際茲國步艱難涓埃未報惟有互遵先生主義以補其未竟之志臨電神愴不知所云湘西鎮守使田應詔叩有

以上沅州

鐵獅子胡同孫行館環龍路四十四號國民黨總部鑒音北至國父西歸世哀先導黨痛勛魁建中華民國之基齋三民五權之志擎天拔地繼何起人臨電馳哀國民黨員袁家聲岳相如廖梓英同叩

以上歸德

湖北

孫行館秘書處諸公均鑒前日接朱劉兩兄真電孫先生病危今日傳聞先生謝世昆瀛等遠在江漢未能前來襄理大事爲歎先生首創革命締造民國定傾扶危至再至三又有建國大綱遺留國人偉烈豐功至喬盡矣縱有遺恨責在國人先生可以瞑目矣諸公襄助哲生兄當大事自能

盡禮以慰國人董昆瀛彭介石金華林時功玖張知本大昕叩元

孫中山先生行轅接京電驚悉中山先生仙逝明星忽隕國命何託滔滔江漢無淚可揮先生雖歿主義長存哀痛之餘彌深奮勉鄧玉麟蔡漢卿楊寶瓊潘善伯謝石欽丁立中梅寶璣鄭江灝泣叩元

孫行轅汪精衛先生轉中央執行委員會總理溘逝舉國同哀屬部除電派劉蔚如同志就近親唁以表哀忱外並督率全省黨員繼總理革命精神以竟未竟之志哀此電聞湖北省黨部叩寒

鐵獅子胡同孫公行轅秘書處諸公鑒奉通告驚悉大元帥前孫總統於本月十二日登遐曷勝痛悼特電申哀湖北追悼孫公大會籌備處時象晉筌叩寒

鐵獅子胡同孫公行轅秘書處鑒大功未竟遽喪導師噩耗傳來痛悼欲絕唐克明石星川叩刪

孫中山先生治喪處鑒中山先生爲國効勞遽爾星隕噩耗傳來五內俱摧爰於本日開會追悼用表哀忱湖北省立醫科大學全體叩銑

孫公行轅秘書廳鑒奉侵電驚悉中山先生於本月十二日逝世國事方艱元勳遽隕敬懷偉績哀悼曷勝除派代表恭致祭唁外特此復聞惟希台察蕭耀南篠

孫公治喪事務所公鑒中山先生手造共和功在國家遽聞溘逝中外同悲敝會同人哀慟之餘訂於馬日開追悼大會特電奉聞旅鄂湖南學校校友會叩巧

孫公治喪事務所鑒同人擬於四月十二日在漢開會追悼孫公特先弔唁旅武漢廣東香山四大兩都同人電皓

孫公治喪處鑒中山先生爲民國元勳忽聞仙逝哀痛殊深除定本月敬日舉行追悼外謹先馳唁武漢各團體追悼孫中山先生大會籌備處段子美郭芬等叩寄

孫中山先生治喪處鑒先生創造共和功在國家茲聞溘逝中外同悲蘭等追仰元勳尤深悼痛謹先電弔用誌哀忱湖北省議會議長屈佩蘭副議長劉楫李德寅同叩號

浙江

孫哲生兄鑒頃接京電驚悉尊甫溘逝曷勝愴悼尊甫手創民國功在實區時事方艱遽失元老薄海人民同聲哀痛惟念尊甫名重國史吾兄克自樹立務望勉節哀思爲國自衛以竟尊甫遺志是爲至要浼邵伯威兄代表致祭外特電奉唁夏超元

孫哲生先生鑒閱報驚諭令尊中山先生噩耗不勝哀悼先生手創民國五族一人大廈未安兩楹遽奠普天共惜環海同悵特電馳唁并問孝履
孫傳芳篠

孫哲生先生鑒頃閱京電驚悉尊翁遽爾逝世天不憖遺元勳殂落仰遺範之猶存歎逝波之不返愴懷國事悲感奚如先生偏蔭在堂家國貴重務希以禮制哀勉襄大事是所企禱特此馳唁蔡樸計宗型童杭時徐樂堯蕭鑒寒

孫哲生君孝鑒中山先生一生戮力首創共和民治未舒哲人遽萎瞻依不及痛悼良深謹以電陳藉申哀忱浙江省自治法會議莫永貞等叩

孫中山行轅戴季陶兄轉孫哲生君鑒中山先生廿載默契一早溘逝海內同聲爲之一哭謹電致哀莫永貞敬

福建

總理溘逝痛失泰山掬淚電唁藉申哀忱宋鱗源寒

鐵獅子胡同孫哲生先生禮鑒文電驚傳不勝哀悼之至大功未竟遽奪元勳前途曷勝悲痛幸先生爲國節哀興邦當秉帥志謹率所部努力奮鬥以慰在天之靈臨電哽咽謹掬哀忱盧興邦叩篠

孫中山先生治喪處執事先生公鑒總理耗傳泣涕不已天禍民國喪我元勳特此電弔駐永東路討賊軍留閩第一師第二獨立團團長童慶高
孫哲生先生鑒總理薨逝震痛同深掬淚電唁閩永春王珠篤暨永西同學叩

海鄭司長鑒來電希轉孫府治喪處鑒元勳徂謝率土同悲茲煩敝署總參議鄭君寶菁前來敬唁相應電達乞卽察照楊樹莊叩

國民黨中央執行會哀鑒國父逝世哀悼不勝謹此弔唁福建學生聯合會叩

孫中山夫人鑒驚聞孫公噩耗同深哀悼謹此電唁廈門大學校長林文慶暨教職員學生全體叩

治喪處公鑒中山先生手創民國革命導師宿志未酬遽而升天驚聞噩耗同切悲哀除即日設靈遙奠并定文日追悼外特先電唁尙希鑒察福建各界追悼孫中山先生大會籌備處叩東

孫大元帥治喪處轉孫先生府第哀鑒溯我孫大元帥以肫摯之誠提倡革命欲登國民于衽席之上厥功未竟盡瘁以歿凡我同胞咸深痛悼義鳴等率同軍政紳學工商各界擬于本月十三日在福建詔安縣公署開追悼大會以表哀忱謹電唁聞詔安建國粵軍正兵第七旅第一支隊司令楊義鳴詔安縣知事楊卓太暨詔安各團體追悼會員同叩真

四川

孫大元帥治喪處諸同志鑒孫公元日逝世惡耗傳來不勝悲悼國事多艱正賴孫公扶持一旦棄世薄海失依萬望各同志貫澈主義羣推繼起之人揚雖愚魯縵香執轡臨電神往不禁弔唁四川省議會劉揚叩刪

孫行轅治喪事務所鑒頃奉京電中山先生於文日逝世噩耗驚傳莫名哀悼先生手創共和盡瘁民國卅年奔走艱苦備嘗以不撓不屈之精神行民權民生之主義前因會商國是稅駕都城方冀偉畫匡時又安寰宇詎料天不啟遺竟大星之忽隕世無先覺趨正軌以何途北望燕雲欲揮無淚謹申哀悃再鑒愚忱劉湘叩銑印

孫大元帥治喪處諸同志鑒奉電驚悉總座病故痛念邦國之瘁豈惟同人之悲哲生兄大孝生成敬乞轉達唁懷繼志之日甚長更望節哀順變此間同人正商舉辦追悼矣夏之時向傳義向楚黃崇麟蕭德明曾寶森黃金鰲唐堯黃鏞余癡虎叩巧

哲生先生鑒頃得京電驚悉尊翁中山先生於文日逝世悲悼曷極竊念尊翁吾民先覺華夏元勳勞於國事竟終京都此乃薄海黎庶引爲不幸者也惟是尊翁名重區宇功在國家萬古千秋自當不朽現在國步艱難需才治理先生金相玉賜庭訓親承建國大猷智珠在握務望節哀順變爲國珍重以慰羣倫屬望之殷藉補尊翁未竟之志特電奉唁無任依馳弟劉成勛叩巧

北京執政府秘書廳轉孫前總統治喪事務所鑒頃准執政處秘書廳文電開前臨時大總統孫中山先生由粵北上在京病逝等由聞訃之下薄海同悲伏念中山先生開國元勳革命首領共和肇造成功而不居約法尊崇背叛則必討反對帝制反對復辟正三民主義所由伸或稱總裁或

稱元帥亦五權憲法所自組滿望宏茲抱負用貧艱屯誰知遽染沉疴難臻康復爲厄龍蛇而成讖竟驂鸞鶴以昇仙薊北沉大星軍民追悼者廿一省嶺南傳凶聞袍澤銜恩者十萬師以雲車風馬之靈助木壞山頽之痛京華在望愴惻曷勝專電奉唁伏維亮察楊森叩效印

騎河樓大中公學紀雲樵先生轉孫總理治喪處鈞鑒總理仙逝曷勝痛悼特電馳唁藉表哀忱周馥昌叩皓

北京東方飯店段代表升階請轉楊滄白先生謝慧生先生靈錫卿先生吳玉章先生王子騫先生石青陽先生趙鐵橋先生均鑒頃奉文電祇悉中山先生遽爾長逝國是未定元老先摧莽莽前途罔識所屆望風隕淚曷罄哀忱諸先生警效素親遺言在耳宏謨碩畫繼述有資此後救國良規尙祈時賜明教庶幾老成雖隕靈爽猶憑北望燕雲彌深悵惘劉文輝叩皓印

北京孫宅治喪處總理逝世薄海同悲民國元勳永垂不朽謹遵遺囑以慰魂靈特申弔唁尙祈鑒察陳抱一顏如愚同叩號

萬急北京鐵獅子胡同孫行轅楊滄白先生謝慧生先生盧錫卿先生并轉列列同志諸先生均鑒中山先生扶疾北上爲國爲民昊天不弔哲人云萎噩耗傳來悲悼曷極數十年革命豐功痛虧一簣哀我黎庶喪此先覺諸君乃黨中健者務望體中山遺囑以盡孫公所未盡之偉業則是所厚期於諸君子也弟吳永熙叩江

以上成都

孫公治喪處轉滄白錫卿玉章子騫青陽鐵橋各先生鑒奉電敬悉孫公溘逝驚悽殊深國事未甯哲人忽萎燕雲北望無任愴然兄等親炙有年遺言在耳尙望遵循方略求竟前功上慰孫公在天之靈下造薄海人民之福望風馳想時盼教言鄧錫侯寒

汪精衛先生轉孫哲生兄鑒噩耗遙傳痛悉大元帥升遐胡天不弔喪我元勳薄海人民同深悲痛際此國事蜩螗民權幼穉尙冀節哀順變繼志爲先闡陳黨綱救斯民族達孝所格上慰天靈瞻望京華不勝泣禱唐支廈黃翼球銑

孫哲生先生鑒帥座逝世同深愴顛惟念繼述爲孝尙祈順變節哀農生叩篠

孫公行轅秘書處鑒侵電奉悉孫公溘逝哀悼同深手造共和大業未竟此次北遊燕薊方期發表政見綜匯羣說改訂條約望慰嗚嗚因肝疾之忽萌致精華之既竭辜裳一去罷市同悲北望瞻惟無任愴泣鄧錫侯叩巧

孫哲生先生鑒頃接京電驚悉尊翁於三月十二日午刻逝世竊念手造共和功在民國倏聞山頽罔不悽愴吾兄仁孝生成自必異常哀毀惟孝貴承志當國事紛擾之際尊翁於民國未竟之志吾兄能繼續貫徹即可慰在天之靈除電請敝會熊議長皖祀就近代表致祭以表哀忱外尙望以禮制情節哀順變勉自珍攝是所切盼四川省議會同志郭云樓楊仔耘傅子欣劉普生陳次清郭萬青陳雲舫曾吉芝汪蜀宇伍伯溝馮易之張赤父劉卓彬彭金門張和齋王羅珉羅叔玉陳炳光熊與九劉在方黎梓青陳稷安劉質文曾少琪范春青嚴丕承曹叔實林煥青王笠僧李丕承劉瑞禾高玉岡李北祥杜香樽王幹青金麗禮胡稟民叩巧

孫公行轅治喪事務所鑒奉京電驚悉先生遽逝海泣山崩哲人云亡邦國殄瘁言念前途五內俱裂超親炙有年飫聞萊訓比以西陲待罪不獲親奉遺言北望靈幃血淚俱下除敬派專員赴京奠唁外肅電馳哀伏維垂察呂超叩皓

孫公行轅秘書處公鑒頃奉侵電驚悉前大總統孫中山先生於本月十二日在京逝世竊念民國肇造公爲元勳保障共和厥功尤偉值此戰禍粗平亟謀善後慨然命駕力疾入都本其素抱發抒嘉猷政府設施視爲電鑒蒼生喁望更切雲霓奈何大星遽隕泰岳忽頽天不憖遺吾將安仰撫膺太息舉世同悲北望燕雲黯然無色謹電奉唁并誌哀忱賴心輝叩號

孫公行轅治喪事務處滄白青陽慧生錫卿玉章鐵橋諸先生均鑒斌日前到渝獲覆侵電驚悉總理逝世羣龍無首痛悼莫名除遵轉各地同志并在渝集商追悼辦法外謹電奉唁伏希賜察劉紹斌叩號

孫行轅秘書處台鑒文電奉悉中山先生碩德元勳肇造區夏厥力宏大設施未終值茲啓足啓手之餘猶塵已饑已溺之志循省遺囑不禁悲欽諸公緒論省承導揚未命企仰高躅尤切神馳賴心輝叩寢

孫公行轅轉治喪處諸公大鑒讀京電驚悉中山總座偶膺末疾遽棄塵寰聞耗之餘無任哀悼伏念總座手創共和功在民國生靈屬望如切雲霓棟折山頽悲曷有極培筠以職守所羈未能躬詣靈幃一申奠忱特電奉弔敬佈區區四川實業廳廳長謝培筠叩感

汪精衛先生轉國民黨本部同志諸兄鑒先生逝世薄海同悲噩耗傳來愴懷靡極竊念先生以天縱之奇姿爲人類之先覺矢革新之志願闡民治之精神此日革命派中尊爲鼻祖他年哲學史上特炫殊光反正以前君權之專制共和艱建與軍閥相周旋創知難行易之教程垂三民五權

爲政典萬幾在運百折不回積三十餘載之辛勤爲四百兆人謀福利先生之功愈偉先生之志益堅先生之心力斯交瘁矣前以執政邀商國是先生稅駕都門國人之歧望方殷先生乃溘然長逝彼蒼蒼者殆不欲完成我民國之功業何奪我先生之速也嗚呼國步多艱昊天不弔哲人其萎大廈將傾急起直追責在吾黨前瞻後顧寧讓當仁諸兄皆心先生之心志先生之志者知當提綱挈領用竟全功敝會同志不揣綿薄謹當戮力一心從事奮鬥尙希不遺在遠時錫南針俾先生平昔主張得以貫徹實現先生雖死之日猶生之年吾黨之榮民國之幸謹布愚忱伏維垂察四川省議會同志弟郭崇渠楊仔耘傅天欣劉普生等叩泣

孫夫人哲生兄鑒噩訃飛傳駭悉尊翁仙逝南天柱折大廈誰支失羣衆之先驅殤吾華之國父北望燕雲悲感何極謹電遙唁略表哀忱國步多艱尙祈節哀繼志是禱聶迴凡叩世由重慶發

孫哲生兄鑒噩耗傳來驚悉尊翁仙逝南天柱折失民衆之先驅燕北星沉喪吾族之慈父全民震悼舉國興悲惟國步方艱大功未竟克成先志端在吾兄尙祈爲國珍重勉抑哀痛謹電奉達聊申唁忱劉國楨叩陽自重慶發

以上重慶

孫行轅諸同志並轉滄白慧生錫卿玉章青陽鐵橋季陶諸兄均鑒奉電驚悉中山先生於侵日逝世昊天不弔降此鞠凶凡屬國人同深哀悼何時國葬并望電知錦水燕山當同聲一哭也譚創之叩巧

哲生先生禮鑒接讀楊滄白諸兄文電駭悉尊翁先生薨逝慟悼殊深竊維先生爲民國元老手創共和名播寰宇立德立言立功三者皆足以永垂不朽慈遺之感朝野同悲吾兄素性純孝遭此大故自必毀痛逾恆尙望節哀順變以繼承先志慰尊翁在天之靈是所企盼特此奉唁卽希鑒察張成孝叩號

以上新津

汪精衛先生公鑒報載孫公中山爲國積勞肝疾不治竟於三月十二日在京逝世噩耗傳來無異天缺地裂震悼亡魂淚若泉湧長城崩壞楷模失瞻四萬萬人放聲極慟尤望先生繼公志業努力前驅務使三民主義五權憲法見諸事實慰公於九泉之下江浙旅川同鄉會叩

以上順慶

孫公行轅諸同志轉滄白慧生錫卿青陽玉章鐵橋諸公均鑒中山總理噩耗傳來薄海痛悲山頽樑壞民命焉託春芳等素荷提攜尤深隱痛除就地追悼外謹電奉唁用表哀忱至應如何策勵將來并懇諸公惠示楊春芳何庭光吳伯葵張樹枏張鎔趙腐若同叩敬

以上瀘州

孫大元帥行轅秘書處大鑒奉讀侵電悲悼無已中山先生艱難締造手創共和澤被羣黎功垂萬世當此國是待定之日正賴元老撐柱之時詎料天不憖遺竟使儀型遽渺爲黨爲國哀痛同深謹此電唁川軍第八師長陳洪範叩敬
哲生先生禮鑿噩耗傳來驚悉總理逝世曷勝悲痛尙望先生節哀應變早繼總理未竟之志黨務幸甚國家幸甚除在此間與各同志追悼外謹此電唁黔軍第五師上校參謀徐昌侯叩佳印

以上涪州

安徽

前臨時大總統孫行轅孫大公子苦次接京電慟恸尊公于十二日在京邸棄養噩耗傳來寰海震驚公子篤念天親哀毀曷極第念尊公共和手造爲國馳驅一應典禮已由內務部謹擬籌辦但公子分屬毛裏大事親當尙希援禮經餘變之文念曾子慎終之語遙瞻聖室禱盼維殷謹電奉唁順頌孝履王揖唐舉

鐵獅子胡同汪精衛張溥泉先生等均鑒總理凶聞到皖市民兩泣黨員震悼罔知所措竊念總理手造邦家宏烈未竟繼述光大責在後死諸先生躬膺付託冠冕羣倫宏濟艱難惟賴協力臨電不勝哀痛迫切之至安徽全體黨員泣叩寒

鐵獅子胡同孫哲生先生鑒噩耗驚傳喪我國父無涯之戚寧獨我公尙冀節哀繩志以安在天之靈而慰羣倫之望謹唁安徽全體同志凌鐵庵等叩寒

孫公行轅秘書處大鑒頃奉侵電驚悉孫中山先生溘逝哀悼至深天隕大星國亡柱石謹電吊唁唐啓堯咸

哀思錄 唁電

十七

孫公行轅天奪元勳無任哀悼特此電唁蕪湖通俗教育館叩諫

孫公行轅閱電驚悉中山先生逝世先覺云亡不勝哀悼蕪湖中華聯合會

鐵獅子胡同孫公治喪事務所諸君鑒昊天不弔喪我國父完成偉績責在後死吾人誓守遺箴爲國努力特此電唁安徽省立第二農校職教員學生全體公叩

孫哲生先生禮鑒讀秘書處侵電驚悉前大總統逝世伏念前大總統首創民國締造艱難乃國本未寧遽殞先哲泰山崩頽寰宇銜悲除電知署代表經猷在京代爲致弔並率所部軍隊遙爲祭奠以誌哀感外謹此奉唁諸維鑒察前安徽國民軍總司令皖北鎮守使高世讀叩巧印

孫公行轅鑒中山先生爲我民國國父噩耗傳來全校哀悼謹電奉唁蕪湖獅山雅各中校全體效電

孫公行轅諸先生鑒孫公逝世樑棟傾頽本會哀痛之餘謹此電唁蕪湖學生聯合會叩養

孫行轅公鑒中山先生逝世舉國同悲專電藉伸哀敬宣城皖南中學全體叩養

孫公行轅鑒山頽星隕舉國震動噩耗傳來曷勝悲哀謹此電唁安徽宣城學生聯合會叩寢

江西

鐵獅子胡同孫前大總統行轅秘書處鑒侵電奉悉中山先生手造共和力揚民治豐功偉烈照耀山河方冀日月長明苞桑永奠天胡不憖遽爾升遐噩耗驚傳彌深愴痛祈爲轉唁孫公瀛眷節哀順變以禮制情特電表哀維希察照方本仁刪

孫中山先生治喪事務所鑒國家不幸天喪元勳噩耗驚悉薄海同泣特電奉達藉表哀忱江西省議會叩諫

中山先生治喪事務所處噩耗傳來中山先生逝世萬餘工人無不北瞻忱痛悲悼特電安源路礦工人俱樂部皓印

孫公治喪處鑒開創共和未竟公志驚傳噩耗大地同悲南昌總商會叩養

孫先生治喪事務所鑒昊天不弔奪我元勳噩耗傳來同深悲悼敬先電唁江西遂川縣孫先生追悼籌備事務所叩有

孫公治喪處鑒昊天不弔奪我元勳噩耗傳來曷勝悲悼諸公熱忱偉圖救國情殷尙望努力同心勉竟先生之志并懇轉致先生瀛眷順禮節哀

爲時自玉兼護江西省長李定魁感

孫公治喪處鑒元勳凋謝桑梓同悲謹肅電詞藉伸唁悃旅贛廣東同鄉協會叩

孫哲生先生鑒駭悉中山先生逝世曷勝哀悼國亂未平遽逝元勳臨風電唁務祈節哀江西廣豐懷午學校叩

孫公治喪事務所鑒昊天不弔喪我元勳噩耗傳來同深悲悼謹先電唁池要遂川縣孫先生追悼會籌備事務所叩

孫府均鑒中山先生手創民國功在寰宇噩耗傳來舉世震悼敝邑國民謹訂五月十日爲追悼先生大會日期用表悼惜元勳之意特電奉聞江西信豐國民追悼孫中山先生大會籌備處叩

山東

孫行轅汪精衛先生轉中央執行委員會諸同志鑒總理逝世同深震悼革命未成國難方殷尙望諸公一致努力統率全體同志完成吾黨工作以竟總理未竟之志此間同志誓死追隨臨電不勝痛切之志中國國民黨青島市黨部元

孫哲生先生鑒驚聞尊公噩耗爲國爲私北向痛哭時局多艱正謀建設千鈞一髮端在此時惟盼節哀繼志奮鬥如初特電奉唁吳志馨叩元

孫哲生先生鑒接京電驚悉中山先生仙逝國步方艱天不憐遺人類之哀世界之痛特電奉唁伏維節哀溫樹德叩元

孫哲生先生鑒邦家再造經緯萬端尊公北來推誠獻替統一大業指日可期忽染沉疴遂告殂謝山頹木壞薄海同悲執事純孝大仁日贊名父營綜國事遽罹大故自切沉悵惟承志集勳端資鴻碩尙希節哀順變爲國自珍除特派敝署上校參謀黃家濂代表弔奠外謹電奉唁至祈鑒察鄭士琦刪印

孫宅秘書處執事鑒接奉訃電我總理志切救國溘然長逝四萬萬同胞驟失師導同志尤深哀悼在濟追悼誌哀如儀外尤當振奮神力繼我總理未竟之志魯省黨部全體公叩

北京國民黨鑒謹悼孫中山先生之逝世大連中華各團體協志聯合會銑

鐵獅子胡同孫哲生先生禮鑒頃接尊翁電訃驚悉尊甫前臨時大總統逝世愴悼莫名伏念尊甫爲民國之元勳謀民族之獨立厥功甚偉齋志

竟終薄海同悲胡天不憖尙望繼事述志爲國節哀除派田廳長步蟾恭代致祭外特此奉唁冀積炳銑

中央執行委員會鑒總理逝世哀痛莫名同志等於悲悼之餘祇有繼其精神與主義勇往直前以竟遺志山東蕪澤縣黨部效

北京孫公治喪處並轉孫哲生先生鑒中山先生首創共和功在國家素志未竟與世長辭國喪元老民失導師噩耗傳來薄海同哀除籌備追悼外特此電唁山東省議會箇印

河南

孫哲生兄鑒頃接京電驚悉先生逝世邦瘁人亡昊天不弔山頹木壞薄海同悲伏念先生手創民國身繫安危中外之所歸心蒸黎之所託命數十年艱難締造百折弗撓四百兆涵濡共和萬流共仰不惟五族之先覺抑亦六字之靈光方今時局初平綱維待舉導指民治端賴元勳遽痛騎箕曷勝揮涕斯實黃族之不幸非僅一黨之私慟也謹申哀忱特馳電唁胡景翼元叩

鐵獅子胡同孫哲生先生苦次驚聞總理於真日逝世山頹木壞普海同悲嗚呼蒼天曷其有極同人等號泣之餘心膽俱裂後事如何不勝系念河南國民黨黨員同叩元

孫公行轅秘書長鑒驚聞中山先生溘逝不勝哀悼謹電奉唁李根源元

孫哲生朱之龍謝無量各同志均鑒真電悉是日開封黨部宴集同志狂風忽起黃霧四塞晝爲之昏舉座驚顧失色嘆爲罕見之天變孰料卽爲先生賈志長逝吾人永痛之紀念日也大難未平建設方殷遽失國父民何所依所願諸同志繼續先生奮鬥精神始終勿懈確守主義猛策治安則先生雖死猶生國人不致失望同志之責洵匪輕也至於飾終之典及一切身後事宜國家公道友朋私文在京同志必能商酌妥善辦法以慰英靈鑾定一星期內回京並聞震鱗叩元印

孫中山先生治喪事務所鑒昊天不弔喪我元良噩耗遙傳曷勝悲痛謹電誌哀殷汝驪林寶元

孫哲生兄鑒閱京電驚悉中山先生已于真日去世先生爲手造民國之元勳三十年來標主義而奮鬥歷盡艱苦百折不撓今竟因積勞致疾溘然長逝舉國人民頓失宗仰毓筠爲曩昔患難相從之文中懷悲痛尤難自己謹電奉唁并乞節哀順變勉理大事孫毓筠寒

孫哲生兄鑒閱京電驚悉總理中山先生已于真日在京去世聞耗之下悲痛不勝竊念總理以三民五權主義指導全國雖目前未能完全見諸實行然年來迭次所發表之宣言其中如取銷一切國際不平等條約各綱領實符合民衆之心理吾黨勢力因此日見擴張今總理歿矣黨員等仍當確守黨綱聯合民衆協力奮鬥冀成總理未竟之志前途一切建設黨員等應分任其責不以總理一身之亡而有所變易也謹電奉唁敬乞勉節哀思以襄大事是所至禱袁家聲孫萬乘畢靖波譚惟洋等七十餘人同叩寒

鐵獅子胡同孫哲生先生禮鑒總理逝世薄海同悲慎桓夙承知遇尤深痛切靈旗遙望涕泗何窮尙冀節哀順變以竟總理未竟之志特此奉唁諸維珍攝谷思慎田桓叩刪

孫公治喪處公鑒天斲元老國失導師噩耗驚傳曷勝悲悼易次乾叩銑

孫中山先生治喪辦事處轉汪精衛于右任兩先生均鑒頃接京電驚悉中山先生侵日崩逝不勝悲感中山先生以天縱之聖爲護國明星艱難締造殫盡心力方期澈底改革奠定邦基目覩郅治之隆以償畢生之願乃偉業未竟神返太虛樑木其摧舉國失望八音遏密奚止三年惟念中山先生手造丕夏宏規遠猷垂諸萬世利賴無涯典型猶存抑又何憾敢祈兩先生於孫大公子前代達微悃敬請節哀爲國珍重無任盼禱岳秀遠戍邊塞未克躬親叩奠謹派做署徐參議鶴年就近恭代致祭藉伸哀忱持電奉達并岳秀叩銑印

鐵獅子胡同孫哲生先生禮鑒中山先生爲民黨領袖當代偉人手創共和名馳中外茲聞溘逝感痛同深尙希順變節哀勉襄大事謹派本署顧問夏東曉代表致祭聊表微忱幫辦河南軍務米振標銑印

孫公治喪事務所及國民黨同志諸公均鑒接京電驚悉總理逝世噩耗傳來普天同悲國本未甯遽失先導凡我同人此後仍當善繼先生之志努力奮鬥以竟先生未竟之功則先生雖死猶不死也謹電弔唁用代哀悼朱品珊叩篠

孫中山先生治喪辦公處鑒總理仙逝喪失導師謹此奉唁電與淚俱會貫吾叩

余香谷轉孫大元帥喪次傾聞大元帥於三月文日逝世私衷無任哀悼伏維大元帥首倡革命手造共和一身安危邦家所繫且現值國是未定海內分崩一代元勳中外仰望今忽逝世哀悼曷極謹此奉唁并派余香谷君代表致祭石德純率全軍將士同叩篠

哀思錄 唁電

十九

孫中山先生治喪辦公處鑒先生逝世民失所依曾隨患難良深痛悼揮淚電弔藉表哀忱李振雲叩感

以上開封

孫公行轅秘書處鑒侵電驚悉前哲其類未能親往哭弔殊深愧悼特派參謀長劉竹坡君代表致祭孫岳叩元

汪精衛先生大鑒忽得京電驚悉中山先生棄世天不憐遺曷勝悲悼敬懇於中山夫人暨哲生公子前代致唁慰為禱弟林實叩寒

同志均鑒比聞先生長逝悲慟罔極先生開四千年之創局擴億萬姓之胸襟寧取拙以敗不取巧以勝一洗英雄譎詐之習自昔偉人成敗律于事功先生行事成敗律于主義雖躬未與邇治之隆然光足照千古所願同人竟先生未竟之志戮力救國無墮浩氣報國報友惟此一途謹此遙悼葉荃柏文蔚向巖王孝績田桐叩寒印

孫先生行轅總理噩耗傳來同志不勝哀惶民族革命尙未成功國民遽喪良師吾黨驟喪領袖悲痛之餘惟期全國同志秉承總理數十年革命精神和主張發揮光大而實現之鄭州國民黨市黨部籌備大會哀叩銑印

鐵獅子胡同孫公行轅汪精衛孫哲生並轉諸同志鑒先生已去失我導師北望燕雲欲哭無淚惟列甯雖死俄之形勢益堅凡我同志當亦有此覺悟吾輩惟有繼續奮鬥以竟先生未竟之志而已李永聲王法勤銑

以上鄭州

孫哲生先生鑒頃接河南國民黨省黨部電開驚悉令尊總理於本月文日遽歸道山曷勝悲慟當此國步多艱不意砥柱忽折棘地荆天孰為斡旋伏念先生性成純孝奉養無虧一旦痛遭失怙自必毀傷逾恆尙祈節哀順變勉襄大事遠隔河山難親奠祭謹先電弔聊表哀思國民第三軍第一支隊長胡德夫建國豫軍參謀長歐陽豪汝陽道尹劉榮棠同叩刪

國民黨執行部鑒總理逝世國事不可知黨事不可知鵬懷往事更傷救死無人刻因留豫籌備追悼大會不得赴京憑棺一哭謹電致哀管鵬叩

皓印

以上信陽

汪精衛于佑任兩先生鈞鑒文電驚悉前大總統中山先生在京仙逝痛悼殊深惟先生首造民國力盡心疲十餘年來日以國體民生爲念詎知大功尙未告成竟爾神歸天國山河感泣率土同哀噩耗傳來中心欲裂祇以謬膺疆寄未克躬身芻奠特派本部參議李肖庭北上代表致祭并參商善後務望俯賜接洽爲禱弟樊鍾秀叩寒印

以上洛陽

山西

孫哲生兄鑒昊天不弔遽喪元勳北庶何依邦國殄瘁我兄純孝哀痛可知惟是繼述需要國事爲重尙希順變節哀勉襄大事特電奉唁不盡瞻馳聞錫山寒

孫行轅秘書處鑒侵電悉共和倡導大星遽殞遠聞噩耗愴悼同深除另派員奠祭外特復聞錫山篠

孫大元帥治喪處孫公子科禮鑒大元帥奔走國事積勞成疾皇天不弔喪我元首噩耗傳來曷勝哀悼我兄英才偉略克紹箕裘國事紛紜正資倚臂尙望節哀順變努力前程弟以戎馬羈身不果趨奠臨電追悼用表下忱舊部現任建國聯軍鄂軍第一軍第二混成旅第四梯團團長萬中權敬叩養

陝西

孫公治喪處哀鑒昊天不弔哲人云萎中山先生奔走革命垂四十年百折不回堅苦卓絕客冬北上主張召集國民會議廢除不平等條約以期貫徹國民革命之目的實現全民政治之精神乃積勞致疾沉疴不起山崩梁折容體長歸同人等素敬先生奉爲楷模式儀型云邈痛悼殊深除開會追悼外謹此電聞以申哀忱國立西北大學全體學生哀叩

張家口

孫前總統行轅秘書處鑒頃奉侵電驚悉孫公遽歸道山天不憐遺國傷元老正紛紜待定之會失中外共仰之人遙望隕星莫名引痛除專員前往弔唁外謹電致悼卽希垂察馮玉祥元

國民黨中央執行委員會公鑒昨接京電驚悉孫中山先生仙逝之耗哲人其萎曷勝悲痛茲奉侵電知先生臨終之際猶汲汲以中國之獨立自由等事爲念先哲愛國極堪佩仰我輩自應力促進行以竟宏願特此電復卽希荃照馮元祥珊

鐵獅子胡同孫前總統行轅秘書處譯轉于右任先生及吳李林鄒李汪孔宋孫諸位先生鑒中山先生首創民國全國矜式此次力疾赴都心存救國天不憖遺遽爾長逝緬念及此曷勝痛悼諸公熱腸古道身後事宜諸承襄理尤深欽感玉祥張垣養痾助理未能辱電言謝愈覺增慚特此奉復并頌籌安馮玉祥刪

孫行館秘書處鑒侵電悉中山先生逝世無任哀悼張家口總商會刪

孫哲生先生禮鑒頃奉侵電驚悉噩耗國喪元勳民悲先覺勉當大事繼志竟功除於篠日全區軍政紳商各界開追悼大會聊申悲悼外電唁孝思張之江叩銑

鐵獅子胡同孫前大總統行轅秘書處公鑒文電奉悉中山先生手造共和身許邦國承天革命比迹湯武覺世牖民追蹤盧列哲人雖萎名譽猶存盥誦迴環益增涕泗當此國亂未平百端待理凡屬後死自當奉茲圭臬勉步前塵本堅忍不拔之精神爲世界大同之奮鬥以副綿綴之苦心而慰英靈於天上也馮玉祥篠

孫中山先生治喪處鑒侵電奉悉中山先生創造民國功烈昭著胡天不弔奪我元勳哀耗傳來殊深悲悼謹電奉唁譚慶林篠

熱河

孫公行轅秘書處鑒國步多艱民生凋瘵挽回劫運端賴福星中山先生民國元勳全球信仰奔走國事逾三十年此次由粵北上振綱持領此後方有端倪噩耗傳來普天同悼謹電弔唁敬表哀忱熱河都統闕朝璽咸

歸化

孫哲生兄禮鑒頃奉執政電令驚悉中山先生棄國上仙天奪元老哀痛曷勝伏念中山先生手造共和萬方攸歸凡有血氣莫不尊親創紀之勳遠邁今古九京下視足慰平生我兄肯構靡愆續承有緒尙冀順變節哀爲國鄭重爲盼專此奉唁順候素履李鳴鐘叩銑

汪精衛先生吳稚暉先生柏烈武先生均鑒中山先生逝世舉國震驚綏屬軍民尤深哀痛現已飭全區一體虔默致哀心喪七日並於十七日在歸化城內舉行追悼大會藉伸永感而誌哀忱中山夫人暨哲生兄並祈代爲慰唁爲感專電奉達順候道履李鳴鐘叩篠印

奉天

鐵獅子胡同哲生世兄孝鑒頃讀計電驚悉尊公仙逝之訊曷勝哀悼尊公一代偉人手造民國今以國事焦勞沉疴不起中外有識同聲一痛迴憶客歲同寓津邸握手言歡感情至洽人天頓隔惆悵何如以職守所羈不克親臨奠弔特派祁道尹克莊代表恭詢敬電唁慰尙希節哀襄事爲禱張作霖元叩

孫公治喪處并轉孫哲生先生鑒頃接行轅秘書處侵電驚悉中山先生逝世至深惋惜先生豐功碩德海內欽崇天不憖遺元勳遽隕燕雲引領悲悼曷勝特電馳唁王永江刪

孫公行館中山先生革命未成賚志以歿曷勝哀悼誓續奮鬥以慰泉壤奉化縣黨部暨國民會議促成會叩刪

國民黨本部張繼汪兆銘戴天仇諸君鑒讀本年三月十二日公報載孫中山先生遽爾卒逝天萎哲人中外同悼特電悲唁卽希轉達是禱南滿洲鐵道會社理事松富洋右叩

孫行轅驚聞總理噩耗慟悼無狀來日大難當痛哭一場武追隨有年本應匍匐前來奈不如願哀此弔唁甯武

鐵獅子胡同孫公治喪處公鑒得耗驚悉總理爲國盡瘁棄民長逝哲人云亡薄海同悲謹電奉唁並申哀忱奉省議會副議長趙鋤閔秘書李醒樵議員陳世顯諫

孫中山先生行轅秘書處鑒先生手造共和心存蒼赤天生先覺福惠齊民方期此次北來與段執政共籌國是奠定邦基奈蒼天不弔竟奪公去聞電之下慟悼殊深謹代表我奉一區二百萬人民敬陳哀弔本當哭臨伏維鑒察奉天省議會省教育會總商會省農會叩

孫哲生兄禮鑒尊公之薨舉國痛悼泰頽梁壞吾徒安仰寔以職務所羈不克親臨執紼景行在望感想良深謹致唁詞敬維珍攝並唁孝履楊宇霆有

哀思錄 唁電

二二

吉林

孫先生行轅秘書處鑒頃聞中山先生先逝之耗毋任痛悼惟先生開創民國功在萬世精靈不滅主義永存謹此電唁吉長路局局長魏武英叩
元

孫公治喪處鑒報載總理中山先生十二日溘然長逝雲等聞耗五內生悲先生雖開創民國然未獲建設三民五權政策值此軍閥專事水火人民之秋遽爾棄世誠吾黨之不幸亦民國之大戚也痛此悼唁以誌哀思董籽雲李希蓮叩巧電

庫倫

國民黨中央執行委員會鑒侵電敬悉貴黨總理孫君尚未達到目的倏然半途逝世我蒙政府民黨以及全體人民咸甚痛悼者也然同志諸公必能急急步其宗旨俾中華民國四萬萬人民脫離中外之壓制得享自由真諦而中蒙兩國政府及人民之和好更加敦睦為深企耳蒙古共和國國民黨中央執行委員長丹巴國務總理車參謀總長額銑

海外唁電一(依地名之字母為序)

驚悉孫公逝世僑極悲傷望同志努力以竟孫公未竟之志南墨西哥全體華僑叩

以上 Arriagachiapas Mex

孫夫人暨哲生兄鑒聞總理逝世同深痛悼望節哀述志巴克塞飛爾特國民黨

以上 Bakersfield California

哀電傳來薄海人民同深悲痛矧在黨員暹黨部決舉行百日誌哀伏念山陵雖崩黨魂不死望勸孫夫人哲生君節哀為禱中國國民黨暹總部
蕭佛成等投淚叩寒

孫公殉國闔埠凄然乞少節哀痛以國事為重追悼孫公大會

以上 Bangkok

外交部轉孫科兄鑒聞先生棄世悲悼莫名國難未已遽失元猷尙乞節哀勉承遺志宸組

以上 Berlin

孫大總統治喪處鑒元勳殞歿地震天驚噩耗傳來薄海同悲孫公功在人類偉烈永垂哀哀我民難爲後死本社欽崇國父已非一日乃設祭堂朝夕默禮瞻仰遺像無不飲泣茲並訂期召集華僑全體籌備追悼大會藉以表揚孫公鏗除專制手創共和之幽光而勵沉迷未醒不知亡國者之志氣先此電唁用申痛忱南洋巴達斐亞華僑書報社全體泣叩皓

孫大總統治喪處鑒國父逝世同人哭不成聲國民黨符屬支部第一分部哀叩銑

孫公治喪處鑒天禍中國喪我國父噩耗傳來悲慟欲絕謹電馳唁藉表哀忱老巴剎書報社叩刪

以上 Botavia

中央執行委員會諸同志鑒噩耗傳到總理逝世同人哀悼謹此電唁布吉士打勞埠國民黨支部叩

以上 Boccadeltoro

孫夫人暨哲生兄鑒驚悉孫公棄世本邑同人哀悼實深望爲國珍攝墨國末市卡利香山會館香僑閱書報社同叩

精衛哲生兄鑒總理逝世普天同悼節哀順變懇慰夫人並望努力完成革命同人等當爲主義奮鬥墨國末士加利分部叩寒

以上 Calexicocal

轉孫夫人鑒總理仙逝普天同悲謹電奉唁國民黨 Chathamontario

以上 Chathamontario

汪精衛先生鑒孫公逝世全僑哀悼請代向孫府慰問何日出殯請卽電覆古巴中華總會總理蔣修身

以上 Cuba

汪精衛先生鑒電悉總理逝世全體哀慟謹此電唁國民黨支部

哀思錄 唁電

三二

以上 Habana

孫夫人哀鑒驚聞總理仙遊悲哀莫名惟功績長存雖死猶生伏祈節哀國民黨支部叩

以上 Jolo

汪精衛先生轉孫府代弔總理並慰孫夫人孫科君 Lowkaisang

以上 Koetaradja

孫公辦喪處孫哲生先生鑒驚悉孫公逝世國父遽歿薄海同悲但孫公雖死主義猶存伏望節哀順變為國珍重謹電囑陳君代表代備生芻並唁素履馬大甲瓊僑公立華南學校哀叩

北京孫府噩耗傳來羣衆淚垂麻拉甲華僑

以上 Malacca

孫夫人暨哲生先生鑒孫公逝世海外同哀同人敬於十二日在使館開會追悼并接納外賓冀慰英靈謹電奉唁希節哀為國珍重旅英全體華人叩

孫公逝世全僑震悼謹電馳唁藉表哀忱意基忌中華商會叩元

孫夫人哲生兄鑒噩耗傳來驚悉孫公逝世旅菲同鄉殊深悼惜冀節哀順變為國自重旅菲香山同鄉會叩敬印

孫哲生先生鑒總理逝世薄海悲悼黨員竟致哀唁國民黨意基忌部元

孫夫人暨哲生先生鑒總理仙逝殊深哀悼惟望為國節哀繼總理未竟之志國民黨總支部元

以上 Manana

國父逝世普天同哀蒙特阿爾國民黨

以上 Montrealque

孫夫人鑒孫總理爲黨爲國積勞成疾驟聞噩耗同深哀悼伏乞節哀爲國珍重紐約國民黨叩

北京國民黨轉孫夫人哲生先生鑒民國不幸驟失元首萬方同悼謹電奉唁世利裔國民黨同志

以上 New York

孫夫人哲生兄鑒驚悉總理訃報悲悼靡極謹電奉唁

以上 New Westminster British Columbia

元帥賓天中外同悲後事方艱節哀爲禱書報社

以上 Padangsumatra

哲生君轉孫公靈前公辭塵世中外同悲僑等遠隔弗克親奠謹此電弔邦嘉濱港華僑全體叩

以上 Pangkalpinang

孫夫人鑒總理云亡哀痛靡極伏望節哀爲國珍重何伯祥率全體黨員哀叩

以上 Panama

國父云亡悲痛實深特電弔唁敬表哀忱雙溫太年華僑全體追悼孫公大會公叩歌

孫公棄世僑界同悲謹此電唁應城書報社光華日報明新社同叩

北京國民黨支部鑒孫總理爲國捐軀噩耗傳來同志不勝悲痛特電表哀衷庇魯支部叩

以上 Penang

昊天不佑喪我元勳驚耗傳來僑界悲痛謹訂養日聯合開大會追悼特電奉唁菲利濱福聯和布商會

孫公治喪處鑒孫公逝世黨員全體哀悼遙祭謹唁美利濱支部

孫夫人鑒孫總理殂落舉國涕零惟望夫人暨公子節哀順變爲黨珍重菲律濱納卯中國國民黨支部叩

哀思錄 唁電

三三

孫夫人鑒昊天不弔喪我元勳噩耗傳來僑衆震慟謹訂養日開大會追悼特電奉唁斐律濱中華總商會

以上 Philippine

孫夫人禮鑒總理訃報殊深哀悼先生音容宛在德範長存伏祈順變節哀鉢崙國民黨支部

以上 Portlandore

噩耗傳來總理終天黨員哽痛不已特電弔唁以慰國魂國民黨巴生港口全體黨員叩篠

以上 Portswettenham

外交部轉孫前總統治喪處聞孫先生作古曷勝驚悼懇轉告孫夫人順變節哀鄭毓秀叩

外交部轉孫前總統治喪處哲人其萎薄海同悲王寵惠

以上 Paris

孫夫人暨哲生兄鑒驚悉總理逝世噩耗傳來殊深哀悼乞節哀爲國珍重黃晉二等叩馬

孫夫暨哲生兄鑒驚聞國父逝世噩耗傳來同深哀悼乞節哀爲國珍重武協會主席許顯廷等叩禱

以上 Sandeg California

孫夫人暨哲生先生鑒驚悉大總統逝世噩耗全體悲痛望節哀繼述陽和會館盧浩覃

孫夫人暨哲生兄鑒接噩耗驚悉總理逝世旅美同人殊深痛悼望節哀爲國自珍總支部陳耀垣支

孫夫人暨哲生先生禮鑒驚悉中山先生逝世同深哀悼請爲國自珍旅美四大都積善堂梁樹南等叩元

孫夫人哲生兄鑒聞噩耗至悼請節哀美國祖答分部

孫夫人及孫科君鑒中山先生仙遊同人失一良友深爲忱悼同源總會林萃耀等漾印

孫夫人暨哲生先生鑒接孫公逝世噩耗悵悼靡已請節哀紹志墨國酒灣拿華僑團體會叩

孫夫人暨哲生先生鑒驚悉總理仙逝深為痛悼請節哀自珍並轉馬湘惠龍同志姚樹南叩

國民黨本部鑒驚悉總理噩耗哀愴殊深謹致弔唁墨國那緯分部

孫夫人哲生兄鑒總理逝世殊深悲悼請為國節哀汪古魯分部

孫夫人哲生先生孫公逝世全僑哀悼請為國節哀美國葦菴埠中華會館阮漢年暨全體叩

孫夫人哲生兄驚悉尊甫昇遐至悼請節哀自重香山黃岡鎮喜善堂黃開基二蘇宣埠全體華僑二葛倫分部同叩

孫夫人哲生先生鑒總理逝世曷勝悲悼祈節哀樂居分部

以上 San Francisco

孫科先生鑒噩電傳來孫公逝世國基未固先哲殞亡薄海哀音痛悼何已用電弔唁普提海青年會

孫夫人暨哲生兄鑒驚聞孫公訃報極哀悼公芳名留青史請順變節哀中國國民黨

以上 Seattle W. N.

驚悉孫公逝世僑等痛悼實深謹悼華僑

以上 Sitiawan

頃接芎翁支部轉電驚悉總理侵日薨逝同人痛悼實深除下半旗表哀忱外謹電奉唁星加坡民黨第一二三四部叩

轉孫科先生鑒驚悉共和元勳中山先生棄世長逝莫名哀悼特此馳唁

以上 Singapore

孫公中山治喪事務所鑒昊天不弔斯我元良噩耗傳來薄海同悼謹此電唁南洋霹靂太平埠華僑追悼孫公聯合會梗

以上 Taipingperak

哲生先生鑒聞總理逝世全埠同志甚哀駐加總支部謹唁

哀思錄 唁電

二十四

孫夫人暨哲生兄鑒總理逝世普天哀慟謹電奉唁吳存義

孫夫人哲生兄總理逝世同人哀甚請為國珍重 Vancouver B.C. 國民黨

以上 Vancouver B. C.

孫先生治喪辦事處鑒痛聞孫公噩耗同悲謹此奉唁維多利亞中華會館

孫夫人鑒總理逝世同志悲悼謹此奉唁維多利亞中國國民黨

以上 Victoria

北京國民黨鑒計電傳來總理仙逝同聲一哭國民黨支部

以上 Windsoront

北京外交部轉孫夫人哲生先生鑒令尊翁昇遐聞訃痛極哲人其萎邦國疹瘁遐邇悲哀黨員泣血尚祈節哀順變為國珍重繼續奮鬥以竟厥

志南非總支部

以上南非洲

汪精衛先生轉孫總理治喪辦事處鑒接總支部文電總理逝世噩耗傳來同深哀痛總理雖薨逝主義尚留萬古天國魂歸亦當慰藉特電馳唁

支部主席鄧子實等奉

以上石倫班

孫夫人哲生兄禮鑒噩耗傳來哀悼至深望節哀珍重埃崙頓分部長林澤民等叩

以上埃崙頓

汪精衛先生轉哲生君鑒驚聞國父薨逝薄海同哀伏祈為國自珍謹電馳唁無任涕零彭享直涼全體華僑叩敬

以上賽呂班

北京國民黨鑒昊天不弔喪我元勳彌深悲痛然我輩誓死遵總理主義力行不渝關寶樑劉明生等泣叩

以上力卡那古亞埠

孫夫人孫科君鑒總理仙逝同深哽悼節哀為國珍重國民黨波斯頓支部

以上波斯頓

孫哲生先生鑒聞孫公噩耗無限愴痛望為國珍攝溫地辟警魂社

以上溫地辟

哀悉總理仙遊舉行弔禮同志泣血稽顙

轉孫夫人暨哲生兄鑒驚悉總理仙逝同深悲悼望節哀自愛國民黨駐墨西哥沙打冷分部王東桂等叩

孫夫人暨哲生兄鑒總理逝世痛甚望節哀墨叁迫古分部關崇雅號 Tampicomex

北京國民黨治喪處鑒同志於二十四日為孫公舉行弔禮謹誠敬而痛哭嗚呼喪我國父崩我長城同志惴悼國民黨墨西哥總支部率全體黨員同哀叩漾

員同哀叩漾

孫夫人暨哲生兄鑒驚悉總理逝世至深哀悼請節哀為國以竟總理未竟之志墨西哥總支部支叩

北京治喪處同志於二十四日為孫公舉行弔禮謹具誠敬之詞而哭曰孫公國父與世長辭嗚呼痛哉薄海同悲墨西哥米麻分部同謹哀叩漾

以上墨西哥

總理仙逝普天同悲謹電奉唁利文圖書館暨國民黨支部叩

天喪國父薄海同悵維新學校叩

以上南洋

國際婦女書記部電慰宋夫人

莫恩科三月十八日華俄電錫琴女士代表國際婦女書記部電慰孫逸仙夫人宋女士中國國民爭民族自由之羣衆領袖孫逸仙逝世全世界共產革命婦女對之深爲哀痛孫逸仙促中國羣衆與吾儕共同之死敵（世界帝國主義）奮鬥促彼侵略奴役之各國羣衆與既得自由之蘇聯工人農民爲革命的團結乃世界共產革命婦女所永世難忘者中國男女國民皆應使其哀痛浸溶于革命戰爭之準備中節哀止淚共呼前進

奧斯比克政府弔中山先生

塔斯干（土耳其斯坦）三月十六日華俄電奧斯比克（Osborn）蘇維埃國政府致電國民黨對於中國民族獨立革命領袖孫逸仙之逝世向中國羣衆及國民黨表示深切之同情與哀悼並稱奧斯比克勞動羣衆不時皆注意中國國民對帝國主義之奮鬥深知中國國民因其領袖之死所受之損失甚大中華民族爲民族之自由獨立而戰爲反抗資本國家帝國主義陰謀而戰使東方被壓迫民族及全世界爲自由獨立而戰爭之各國皆對中國深切同情奧斯比克對於中國民族之奮鬥亦深具同情並願與中國爲友愛之團結奧斯比克政府深信國民黨及中國羣衆必循孫逸仙所示之途徑前進而民族獨立之戰爭中取得勝利

譯電

孫哲生先生鑒噩耗傳來良深愴悼特電奉唁尚祈節哀 K. P. Chen

孫宋夫人鑒噩耗傳來至爲哀悼特唁 Misher

孫宋夫人鑒哀唁 Mr. & Mrs. James A. Thomas.

孫宋夫人鑒孫公逝世哀悼良深謹唁 Sokolsky

孫宋夫人鑒深哀謹唁 Squires

孫宋夫人鑒哀唁 Turpuibsi

哲生先生尊公仙逝謹此奉唁 Ohtani

以上上海

孫宋夫人鑒孫公逝世至深哀痛大連 Okamoto

以上大連

孫宋夫人暨哲生先生鑒噩耗傳來驚悉元勳遽殞悲痛奚如謹此奉唁尚祈鑒察李祿超

孫宋夫人鑒深哀謹唁 Kettenrings

以上廣州

孫哲生先生鑒尊公逝世至深愴悼謹此奉唁諸祈節哀 T. T. Lee

孫公治喪處鑒乞向孫公眷屬代達蘇俄僑粵民衆之深切哀悼蘇俄駐粵領事

孫宋夫人鑒國喪其父民失其師哀悼之餘謹此奉唁 Yerman

孫哲生先生鑒尊公逝世為中國與全世界之重大損失鄙人哀悼之餘謹此奉唁 Hotta

孫哲生先生鑒自由之神遽歸天上遙聞噩耗哀痛奚如謹此奉唁並希鑒察 Dr Schrammeier

孫宋夫人孫哲生先生鑒深痛謹唁 Panct

孫宋夫人暨哲生先生鑒聞耗至深哀悼用特奉唁 George Bow Vincent

孫宋夫人暨哲生先生鑒噩耗傳來至深哀悼謹此奉唁尚祈節哀黃騷及夫人

孫哲生先生鑒尊公逝世創巨痛深謹此奉唁伏維鑒察沙面台灣銀行 Taketo

哲生先生鑒尊公逝世為中國莫大之損失敬希遺訓長存並此致唁 Chonpoyohen Pongr

以上沙面

孫哲生先生鑒國喪其父痛悼良深謹此奉唁尚祈節哀 Loochingyun

哀思錄 唁電

二十六

孫哲生先生鑒尊公仙逝哀悼良深謹言 Sokolsky

孫宋夫人鑒悼唁 Villadwin

孫哲生先生鑒哀唁何東

孫哲生先生鑒噩耗傳來山崩海嘯愴悼之忱筆難盡述謹此馳唁尚祈節哀黃芸蘇

以上香港

汪精衛先生鑒馬尼拉同志聞孫公之死愴悼良深中國遽失賢能勇毅之導師尤為傷神乞代唁其瀛眷 Sinknomin Sienwentsien

孫哲生先生鑒尊公仙逝馬尼拉同志哀悼良深中國遽失賢能誠毅之導師尤用神傷謹此奉唁並盼為國珍重 Sinknomin Sienwentsien

孫哲生先生鑒尊公仙逝瀛海同悲謹電馳唁尚祈節哀 Tungyan 俱樂部

孫哲生先生尊公仙逝舉世同悲謹此馳唁尚節祈哀 Teenghock

汪精衛先生鑒元勳遽殞哀悼良深家屬之前希為代唁 Cheuchehsian Chensinchun Hauc hee Lin Pontanak 國民黨支部

孫哲生先生鑒遽失導師至深痛悼謹此奉唁諸祈節哀林信義

孫哲生先生鑒哀音傳到痛失導師沉痛之餘謹電奉唁

汪精衛孫哲生先生鑒馬尼拉同志聞孫公逝世為吾國遽失賢能堅毅之領袖實深痛悼用特電達哀思並伸唁悃 Geenfathong

以上新加坡

孫哲生先生鑒噩耗傳來至深悲痛用特電唁並盼節哀 Losap

以上澳門

孫宋夫人鑒深哀謹唁王麟閣

孫宋夫人鑒孫公逝世夫人固深悲悼余及余妻亦深哀輓也謹此奉唁惟冀節哀 Mr & Mrs Meade

以上馬尼刺

孫中山先生治喪處鑒國喪元勳至深哀悼檳榔嶼 Lilekseah

孫宋夫人暨孫中山先生治喪處鑒吾儕與諸君及孫先生家屬共表哀思檳榔嶼 Heongsanhojkuan

以上檳榔嶼

孫先生家屬鑒聞耗謹唁 Changchau

孫哲生先生鑒謹唁大孝 Fresnoal 國民黨支部

孫宋夫人暨孫公仙逝薄海同悲謹此奉唁藉達哀思檀香山國黨支部

以上檀香山

孫哲生先生鑒尊公遽逝愴悼良深謹此奉唁尚祈節哀 Mikami

孫哲生先生尊公仙逝謹此馳唁橫濱國民黨支部

孫中山先生治喪處鑒驚傳噩耗痛悼良深橫濱 Chowyu

以上橫濱

孫前大總統治喪處鑒吾儕痛失元勳至深哀悼爪哇中華公團

以上 Cheribon

汪精衛孫哲生先生驚聞孫前大總統仙逝旅 Mersing 華民同深痛悼謹此奉唁 Chanaiik Hoonglam

以上 Mersing

孫宋夫人暨孫中山先生治喪處鑒第一任臨時大總統薨逝無任悲感謹與諸君共表哀思 Sungeisiput 華僑公會

以上 Sungeisiput

哀思錄 唁電

三七

孫宋夫人鑒國喪元良無任哀痛爪哇 Malang 中華公會叩

以上 Malang

孫宋夫人鑒孫公仙逝舉世同悲謹此電唁朴泳孝叩

以上 Keijo

孫夫人鑒噩耗傳來痛失元老謹電奉唁尙祈節哀

以上 Cagayan

孫宋夫人國喪其父哀痛良深 Sianghwee

以上 Menado

孫宋夫人鑒深哀謹唁 Nanaimokc 國民黨支部

以上 Nanaimokc

孫宋夫人鑒孫公遽逝哀痛良深所幸典型長在萬世流芳尙祈節哀專此奉唁 Calgaryalta 中國國民黨支部

以上 Calgaryalta

噩耗傳來驚悉元良遽殞民喪導師哀痛之餘用特電唁 Kuala Lumpur 同志

以上 Kuala Lumpur

孫宋夫人暨孫哲生先生鑒元勳逝世薄海同悲決遵遺訓努力奉行 Niagara Fallsont 同志

以上 Niagara Fallsont

孫宋夫人鑒元勳逝世悲悼良深諸希節哀珍衛 Quebecque

以上 Quebecque

前大總統孫公遽爾崩殂曷勝哀悼敬此奉唁南洋西拉馬華人謹上

以上 Selama

孫宋夫人及哲生先生鑒孫公逝世悲悼良深尙望節哀順變奮勉前驅以完成中國之民主主義 Kamloopsbc 國民黨

以上 Kamloopsbc

北京中國國民黨鑒吾人謹向孫前大總統夫人宋女士表示慰唁之誠意中國國民黨 St. John New Brunswick 支部

以上 St. John New Brunswick

孫宋夫人鑒 Brantford 及 Kitchener 之國民黨黨員當最近沉痛之時謹表其深切之哀悼

以上 Brantford

孫宋夫人鑒同志遽失導師至深哀痛謹此奉唁 Sudbury Northbay 國民黨支部

以上 Sudbury Ontario

林煥庭先生吾儕聞總理薨逝殊深哀悼希轉達孫宋夫人勿過悲毀墨國加蘭姐國民黨支部

以上 Canada Son Mex 25

孫宋夫人鑒加拿大同志及余聞總理之薨良深哀惋惟總理功在邦家芳流千古賈志騎鯨尤爲沉痛同志等愴悼之餘謹此奉唁諸希鑒察

Morris Cohen

孫宋夫人鑒元首崩殂良深哀痛寸縑尺幅難達其誠謹此馳唁諸希珍衛 加拿大施倫他國民黨支部

以上 Canada

孫哲生先生鑒請鑒哀悼弔唁之誠意 Unokaisaku

以上 Kuroishi

哀思錄 唁電

二八

孫宋夫人鑒深哀謹唁 Eduh Chihhsing

以上 Lima

孫宋夫人鑒孫公逝世吾儕良深悲悼尙希勉節哀思 Sarniaont 國民黨

以上 Sarniaont

國父仙游至深哀悼特此電唁 Threeriversquebec 國民黨

以上 Threeriversquebec

北京外交部轉孫宋夫人及家屬鑒噩耗傳來不勝哀悼謹此弔唁南非洲喬亨乃司堡廣東同鄉會

以上 Johannsburg

孫宋夫人鑒值此夫人與全國重大損失及哀痛之時吾人謹表極深之悲悼並獻弔唁之忱紐約 Iknocking 夫婦

以上 New York

孫宋夫人孫哲生先生同鑒痛失元勳殊深哀悼本薛文尼亞省國民黨

以上 Philadelphia Pennsylvania

孫宋夫人鑒元首崩殂邦家殄瘁謹此奉唁無任悲哀 Changzungzne Ieetsin

以上 Madison Wisc nsin

孫宋夫人鑒深哀謹唁周廣橋

孫宋夫人及家屬鑒孫公遽逝哀甚謹唁 Dr Cantlieand Friends

以上 London

義大利國會共產黨議員聞中山先生噩耗甚爲痛悼特致哀唁

以上 Rome

海外唁電二

日本

謹表哀悼孫中山先生逝世之忱犬養毅

爲東亞及社會民生不勝痛悼孫中山先生千古柴田原口

謹表示哀悼孫中山先生逝世之忱古島一雄

鶴岡榮太郎爲東亞不勝哀悼孫中山先生逝世謹伸弔意

後藤子爵痛悼孫中山先生逝去

田中大將驚聞孫中山先生逝去不勝哀悼之至

日本參謀本部佐佐木少佐謹表哀悼孫中山先生逝世之忱

竹田奉人敬伸哀悼孫元勳永眠

山本條太郎敬伸哀悼之忱

尾崎行雄尾崎行昌拜啓孫科先生驚聞尊大人之訃音不勝哀悼之至

全亞細亞協會爲東亞敬哭孫中山先生之薨去

相生由太郎敬伸哀悼孫中山先生之忱

磯谷廉介敬伸哀悼之忱

佐藤安之助拜啓孫科閣下不勝哀悼之至逕伸痛惜之忱

大倉喜七郎大倉喜八郎門也守九郎拜啓孫科先生驚聞尊大人訃音不勝痛惜之至謹伸哀悼之忱

哀思錄 唁電

三九

床次竹二郎驚聞孫中山先生之訃音不勝哀悼之至

安川敬次郎哀悼先考之逝去損失東亞偉人不勝歎惜之至

久原房之助驚聞孫大人訃音不勝哀悼之至敬伸追弔之忱

安川敬次郎驚聞孫中山先生之訃音深想中華之不幸敬伸哀悼之忱

驚聞孫中山先生訃音不勝哀悼之至末廣重雄濱岡光哲

謹哀悼中山先生之薨去糟谷陽二

石浦謙次郎爲華日親善及世界上平和起見對於孫中山先生之薨去謹伸滿腔熱烈之哀悼

菊地國枝敬伸哀悼之忱

謹伸痛悼之忱爲東亞不勝哀悼之至今并嘉幸

國澤新興爾驚聞偉人孫中山先生之訃音不勝哀悼之至敬伸深甚之吊忱

佐佐木四方志爲東亞不勝痛悼之至孫中山先生之薨謹伸哀悼之忱

吉澄驚聞孫中山先生訃音不勝哀痛之至謹伸追悼之忱

大原義剛驚聞尊大人訃音不勝痛惜之至謹伸哀悼之忱

佐原篤介波多博驚聞孫中山先生逝世爲中日兩國不勝痛惜之至敬伸哀悼之忱

哲生先生鑒昨接令尊孫大元帥薨逝噩耗天不憖遺喪此元老駭聽之餘同深愴悼專電誌哀並奉唁孝履代理駐粵日本總領事清水亨元叩

孫宅鑒驚讞尊翁大人捐館中外震悼草木含悲幸希節哀順變爲國移孝恭恭唁禮幃安廣你一郎

中山悅太郎驚聞東亞偉人尊大人仙逝不勝慟哭之至敬伸哀悼之忱

田中喜平驚悉御尊父逝去謹此表示哀悼

弘前本庄繁謹表哀悼之意

杉田定一哀悼御尊父之逝去

秋山定輔驚聞御尊父之逝去謹以至誠表示其哀悼之意

副島義一聞令尊大人逝世實在東亞之大不幸也不勝痛歎之至

黑龍會主幹內田夏平驚聞孫文前大總統逝世之訃音不勝痛悼之至謹表示哀唁

東京朝鮮人協會敬伸哀悼之忱

根津一驚聞尊大人永眠之訃音爲東亞痛惜至極敬伸弔意

岸一太驚聞訃音表示痛惜之意

塚原嘉一郎敬伸哀悼之忱

秋山未亡人謹以哀悼之意表示

孫科先生令尊中山先生逝世爲民國爲東亞敬表極深之悼意東亞白岩龍平

哀悼孫文先生逝去東京井上三川工

中島海軍大佐敬悼孫中山先生逝世

孫科先生今天接着貴電對於令尊大人永逝哀嘆道惱猪瀨乙彦

日本衆議院砂田重政哀悼孫中山先生之逝去

阪谷芳郎敬伸哀忱

義川五郎哀悼令尊大人之逝去

松方幸次郎聞御尊父訃音極深哀悼偉大之東洋人傑不幸失去不獨貴國及貴家族之悲卽做國亦受莫大之損失也茲謹表示弔唁之意

哀思錄 唁電

平山周驚聞孫中山先生訃音不勝哀悼之至謹表哀悼之意

井上雅二聞民國元勳孫先生長逝極哀悼

津下紋太郎敬弔孫中山先生逝世

孫中山先生逝去實爲中日兩國之重大損失不勝哀悼之至謹表弔意

倉知鈴去清藤幸七郎謹以孫先生逝去痛悼之忱呈詞弔唁

太田信三敬弔孫中山先生逝去

森福謹表哀悼孫中山先生逝去之忱

菽野芳造謹表哀悼之忱

堤正雄哀悼孫先生薨去

中田羣二哀悼孫中山先生逝世

頭山滿敬悉病况哀悼更深

井戶川中將謹弔孫中山先生逝世

中華民國革命之元勳孫文先生逝去謹此弔唁朝日新聞社

鈴木天眼金子克巳哀悼孫中山先生千古

大日本東京海軍省軍需局海軍中佐管沼愨人聞孫先生訃音謹表哀悼弔唁之意

山田喜代痛歎孫中山先生逝世

民國元勳孫先生逝去謹伸哀痛弔唁之意竹內助七

御尊父逝去謹伸哀悼之意村井啓次郎

副島義一敬伸弔意

孫中山先生逝去至爲哀悼謹拜表以伸弔唁之意石田庄七

岸一太哀悼孫中山先生逝世

孫科先生鑒聞尊大人薨逝閱訃之餘曷勝痛惜謹電藉表深厚之弔意大日本司法大臣小川平吉叩

東京市長中村是公驚聞孫中山先生訃音不勝痛悉謹表示哀悼之忱

宮崎龍介島田經一驚聞革命之父孫中山先生逝世不勝爲人類痛惜爰偕同志敬伸哀悼之忱

驚聞訃音不勝哀悼之至山科

敬啓者茲接東京子爵遊澤榮一先生來電以孫中山先生爲世界偉人中外具仰天胡不弔遽奪元勳逸聽之餘良深駭悼囑代慰唁藉展菲忱謹送上花圈一架敬祈代薦爲感此上孫公行轅秘書處中日實業公司駐京董事江藤豐二敬啓

敬啓者茲接東京做公司副總裁高木陸郎先生來電以孫中山先生雄才偉略薄海同欽天胡不弔遽奪偉人逸聽之餘悲悼曷極囑代慰唁藉展菲忱謹送上花圈一架敬祈代薦爲感此上孫公行轅秘書處中日實業公司駐京董事江藤豐二敬啓

敬啓者頃接東京倉知鐵吉先生來電以孫中山先生雄才偉略薄海同欽當茲邦交親密之時國政維新之會中外所仰望者正殷且切何意昊天不弔遽奪偉人吾爲中國惜之吾更爲世界惜之翹企燕雲悲悼曷極囑代慰唁藉展哀忱特緘奉達敬祈台鑒爲感此上孫公行轅秘書處中日實業公司駐京董事江藤豐二敬啓

帝國鐵道協會聞名譽會員孫逸仙閣下逝世同深哀悼敬奉弔詞於茲帝國鐵道協會長工學博士渡邊嘉一

對於孫中山先生逝世謹向孫府表示甚深哀悼之意在東京天羽總領事

孫先生逝世謹表哀悼之意外務省時田榮介

對於孫中山先生之逝世謹表哀悼之意有望學

哀思錄 唁電

三十一

接中山先生之訃音爲之哀悼慟哭不已在福岡陸軍少將松井石根

聞孫先生逝世爲之哀悼謹表弔意在東京陸軍少將多賀宗之

聞孫中山閣下長逝謹表哀悼之意陸軍大臣宇垣一成

聞貴國元勳孫中山閣下長逝謹表甚深哀悼之意參謀總長河合操

近於報端聞中山先生之病狀有挽回之訊喜此偉人戰勝病魔正祈其早日痊癒不圖於今十二日接令嗣孫科先生之快電知已仙逝痛哭無量中華民國統一之大業方將就緒而遇此痛恨事中國上下之悲痛誠不堪設想豈獨中華實爲中日兩國與東亞之一大問題無論其遺族固多悲傷卽在各同志亦咸同情小子於私情自第一革命時得拜晤於滬寧之地其後於中日兩國時接聲咳亦常敬慕不置今接訃音驚悉作古追懷往事不能自己茲草一函特對遺族表示悲痛其微意非筆紙所能盡也於弘前本庄祭

聞孫先生仙逝之訊屬實不勝哀悼(中略)中國民族失此偉大之指導者實屬重大之損失追懷往事先生已逝誠不勝痛惜哀悼之至藤田(上略)此次孫中山先生療養無效遂歸道山其遺族之悲傷無論矣爲東亞前途亦實遺憾之至回顧大正五年於森山中將邸始得拜見先生茲於十年民國與東亞均多變遷今當風雲捲起之際而先生長逝爲東亞前途誠不勝遺憾謹對遺族表示悲痛之意八角三郎拜

日來因事赴山西省鄉間約三星期與世間完全隔離方於二三日前回津寓聞孫先生已逝世覺於世界偉人之辭世有一種特別悲感幸行抵北京之日聞此偉人之柩移於中央公園因卽前往表示最後之敬意與同情(下略)掘清頓首

孫中山閣下逝世於貴國及國民黨之將來咸有重大關係謹表痛惜之意參謀本部陸軍步兵大佐佐藤三郎

聞令翁逝世遙寄哀悼之意士官學校陸軍少將齋菱恆

孫科先生接岳父孫中山閣下之訃音遙表哀悼之意陸軍大將元帥上原勇作陸軍大將福田雅太郎

聞孫中山先生遠逝爲之痛惜謹表哀悼之意男爵三井八郎右衛門

聞孫中山先生長逝爲之哀悼敬祈遺族各位康健如恆日本神戶中野直吉

孫先生遺族夫人諸君聞孫先生長逝謹表弔意松本實

今晨閱報載中山先生長逝誠爲痛惜之至曩聞病篤欲即趨前慰問而以經濟所限未能如願今接訃報感慨無量謹對遺族表示哀悼之意甲斐墳

接令翁訃音不勝哀悼之情謹代表本社表示弔意交詢社理事長鎌田榮吉

接令考閣下訃電驚愕不知所措不禁慟哭淚下謹奉弔辭表示哀悼之意柳澤保惠再拜

孫科先生接令翁中山先生之訃音不勝哀悼深感年來之厚誼遙祈冥福三上豐夷拜叩

孫科先生聞孫中山先生逝世爲之痛惜謹表哀悼之意日本三菱合資會社社長岩崎小彌太

聞孫中山先生逝世謹表悲痛之意日本三菱合資會社參與員奧村政雄

聞孫中山先生長逝謹表哀悼之意日本三菱倉庫股份公司社長谷本伊太郎

聞孫中山先生長逝謹表悼惜之意日本三菱合資公司查業科長齋藤延

報載孫先生於本日午前九時三十分逝世同人聞之殊深驚愕咸爲悲傷不置謹奉弔詞以表哀悼悲痛之意天津日租界常盤旅社同人頓首

承電告令翁病中因養生不宜於十二日溘然長逝殊深驚愕昨見報載北京電半信半疑特電詢問始悉其真更增悲感誠不勝悲痛哀悼之至

中山先生爲貴國革命之大恩人亦實世界的之偉人今一朝長逝洵爲貴國之不幸亦實東洋全體之不幸也嗚呼痛哉謹表弔意而佈微忱於

茲東京梅屋庄吉再拜



代電

各團體

廣東

北京孫中山先生治喪辦事處鈞鑒頃聞帥座薨逝之耗舉國震悼伏念帥座寰球人望中華元勳方期克享遐齡發揚偉績詎創業未終大星忽隕山頽木壞同茲愴懷臨電涕泣敬誌哀思廣東全省商會聯合會會長王棠副會長余厚菴馬伯年暨全體會董泣叩寒印

北京孫夫人暨哲生先生荃鑒帥座逝世噩耗傳來曷勝哀悼謹電馳唁尙希節哀珍重伏維鑒察廣州實業聯合會叩元

北京孫大元帥治喪辦事處鈞鑒昊天降凶喪我元老凡有血氣悼惜同深惟有努力向前誓死奮鬥促成國民會議撤銷不平等條約下以擁護我商人之利益上以貫徹大元帥之精神竟先生未竟之功負後死應負之責謹申電唁不禁歎歎廣東廣州市市商會全體會董同叩寒印

北京孫哲生兄哀鑒昨閱京電驚悉中山先生於十二日上午逝世噩耗傳來普天同痛竊念先生爲再造民國元首扶助工人力圖利益奔走革命數十年不倦悉本三民主義以謀勞工幸福今聞薨逝羣衆如失慈父母然先生雖死主義不死尙望節哀順變務竟先生全功努力前途爲國自愛燕雲北望心愴神馳謹電唁問廣東總工會理事長黃煥庭理事梁佐臣何季初陸杏村陳展雲會董主席陳森蘇喜庭馮棟臣暨九十六團體全體會董工人同印覃

頃聞中山先生逝世之電皇天不弔喪我元良薄海人民同深哀悼惟以先生改創民國功在萬世黨綱永烈主義長存繼志承先責在後死臨電哀痛不盡神馳廣東省教育會叩文

京電傳來驚悉總理逝世天胡不弔奪我哲人含識之倫同深哀悼凡在同志悲痛彌深雖然總理死矣總理之責盡矣而其主義不死其爲國家爲人類百折不撓之精神尤不死惟我同志善繼善述以傳播總理之精神與主義則總理之精神與主義益以不死此則後死者之責正未艾也惟我同志幸自勉力幸共勉力精衛季陶海濱稚輝恩賽子文子超元冲同志哀鑒廣東省立工業專門學校校長蕭冠英

急孫夫人哲生先生鈞鑒元首薨逝中外同悲我先生手創民國出生入死經營慘澹垂四十年際茲國事杌隳靡甯棟折榱崩殄亡是懼乃昊天

哀思錄 代電

一

不弔降此鞠凶回念宿型潛焉出涕同人等自昔年對於聖心學校罷課即本先生主義爲抵抗帝國主義者而奮鬥嗣後仍循斯旨勉進行上慰先生在天之靈下盡國民固有之責伏望節哀順變爲國珍重臨風電唁不盡餘哀廣州遠東學院教職員暨全體學生同叩

孫夫人孫哲生先生哀鑒敬啓者頃驚聞帥座噩耗五中爲摧伏維我大元帥手造民國建設未全大星遽隕燕雲北望凡屬黎庶無涕可揮先生爲明德之後尙望節哀順變爲國珍重臨楮不勝哀痛之至專此奉唁廣東公醫醫科大學校長李樹芬暨全體員生同叩

孫夫人暨哲生先生哀鑒噩耗傳來痛悉帥座薨逝民衆驟失導師薄海同悲國父匪特國家之可危抑亦同胞之不幸惟是主義永存即帥座之精神不死而繼志述作責任尤重務望節哀自愛爲國珍重國立廣東大學共覺社同人叩

北京孫大元帥哀典籌備處列先生矜鑒噩耗傳來國父崩駕今是何世漫漫長夜天不憖遺國豈無涉棟折榱崩僑亦將壓側身北望攀髯莫及如何摧心有啜其泣唯國猶是唯民猶是努力奮鬥是在吾黨之繼志廣東省立潮州中學校校長黎貫謹率全體職教員同唁

哲生先生苦鑒侵日驚聞總理薨逝敝社同人無任哀痛當此國事飄搖勢如壘卵尙乞節哀勉任艱鉅以繼總理未竟之志敝社同人曷勝盼禱專此致唁並祝苦祺廣州互助總社社友同叩文

北京鐵獅子胡同孫哲生先生鑒帥座軫念國民毅然入京爭開國民會議爲國爲民以謀全體幸福方期全國統一以貫徹共和初志今噩耗傳來普天同悼何昊天不弔喪我元勳同人等設位望祭以表哀思然帥座雖死主義不死尙望節哀順變爲國珍重謹電唁奉伏維鑒察香山公會會長徐玉亭暨全體同人等叩覃印

北京鐵獅子胡同送孫夫人暨哲生先生鑒驚悉大元帥逝世哀痛莫名惟帥座功業主義照耀人寰光大發揮後死有責還望順變節哀克承先志毋任盼禱香山縣縣議會議長楊吉吳月庭暨全體議員同叩刪

北京鐵獅子胡同孫夫人暨哲生先生鑒昊天不弔帥座長辭天下同哀矧在鄉國惟希節哀順變勉自珍重香山隆鎮各界追悼大元帥大會籌備處主任胡軒副主任劉漢華李公蕃等叩

孫夫人暨哲生志兄哀鑒噩耗傳來總理薨逝哀痛之餘謹電弔唁仍望志兄努力黨務竟成父志前途珍重不勝幸甚中國國民黨香山縣第二

區黨部執行委員會常務委員劉毓明等哀叩襟印

北京前大總統孫公治喪處鈞鑒噩耗傳來驚悉元勳薨逝人之云亡邦國殄瘁伏讀遺囑拳拳以廢除不平等條約爲言匡救僑胞至深且篤追維功德悼痛曷極特此奉唁汕頭華僑聯合總會正會長林桂園副會長林一足曾則興吳逸巖林介孚同叩敬印

北京孫中山先生治喪處轉孫夫人暨孫哲生先生哀鑒天胡不弔喪我國父北望燕雲哀痛無已同人後死誓當秉承遺囑繼續奮鬥以竟厥志尙冀節哀順變爲國珍重謹電慰唁藉表哀忱瓊崖改造同志會叩誌

孫夫人孫哲生先生鈞鑒噩耗傳來驚悉總理崩殂悲慟曷極除會同同志敬謹幫助縣署籌備哀典舉行各界大祭外謹定於四月三日在惠來縣立第一高小學校特開本黨追悼會以表哀思特電奉唁中國國民黨惠來縣黨部籌備處陳淑方鳳巢等勘印

北京孫夫人暨哲生兄鑒奉電驚悉總理痛於十二號上午九時逝世敝縣黨員聞耗咸來問訊僉以天不助美奪我元首奉電之餘哀痛無旣然總理雖死主義常生凡我後死自當謹奉典型努力前進以完革命未竟事業庶總理在天之靈目其能冥惟期節哀順變爲國自愛中國之幸亦同志之幸也哀痛陳詞仰希俯察並候孝履順德縣黨部執行委員會

孫夫人暨哲生先生哀鑒驚聞總理薨逝薄海同悲後死有責務當努力以竟未完之志尙希爲國節哀謹唁中國國民黨鶴山縣黨部籌備員譚鏡潭郭敘倫馮錦堂叩

北京鐵獅子胡同孫夫人孫哲生先生鑒昊天不弔總理薨逝噩耗傳來同深哀悼惟是國事方殷責任綦重伏祈勉力節哀以繼總理未竟之志謹唁潮安縣第一二三區黨部同叩

北京孫夫人暨哲生先生哀鑒英縣僻陋聞聽較遲噩耗傳來薄海同悲革命尙未成功後死自應努力以盡總理之志尙希節哀順變爲國珍重此間黨部謹於皓日舉行哀典并聞英德縣黨部籌備處組織員羅緯叩襟印

孫夫人哲生兄哀鑒京電驚悉總理崩落中外同悲本團同人雖百死而莫贖祇以貫澈主義以繼總理未竟之志謹表哀思尙希爲國自重臨電哀痛無任惶悚建國宣傳團建國宣傳學校

哀思錄 代電

一一

北京鐵獅子胡同孫宅孫夫人暨哲生先生鑒總理仙逝煞是悲慟而死者不可復生國難方殷正吾人報國之時豈可過事哀傷萬望努力前進以竟總理未竟之志而作繼述之功同人誓努力以與先生同事奮鬥並候禮安東江招討使第六游擊司令余禮銘參謀長蘇民望暨全體官佐士兵同叩個

江蘇

宋夫人孫哲生先生孫公治喪事務所諸先生均鑒狂浪方漲國柱遽頹噩耗驚聞薄海同泣敬望續緒遺猷丕光國憲慰先靈於地下拯斯民於渦中是爲至禱臨電涕泣順乞節哀中華全國國民同志會婦女運動部勞工運動部反帝國主義運動部文化運動部國民會議促成部政制研究部軍事研究部各部委員蔡蕙琴吳淑東范英洪鼎文翹健石贊襄徐道南陳浩波陳錦耀顧德銘楊秋江陶繼淵唐豹許桂卿裘宜春賀松燾洪維鈞李樹森沈的張夏銘余卿徐文溶周之岐潘祖安徐騰陳漢章嚴秉鈞饒金榮夏次石蔡西銘文雄湯和卿文勃龔揚張來詔王達三湯寶林許也夫徐紹山暨全體會員同叩咸自上海打鐵浜美甸里一六一號發

北京鐵獅子胡同孫前總統秘書處鑒總統逝世人民震悼敝會同志尤深惋惜已通告全體會員推舉代表屆期恭臨奠醴謹電奉唁中華自治協會全國總會叩

北京鐵獅子胡同孫哲生先生禮鑒噩耗傳來驚悉尊翁中山先生一病不起薨逝都門人亡國瘁薄海同悲當此國家杌隉之秋端賴賢豪撐拄大局以維國本胡天不弔奪我元勳哀哀蒸民遽失長城瞻念前途涕泗旁流所幸繼志有人雖死猶生尙希節哀順變爲國珍重謹此電唁全國各界聯合會叩

北京鐵獅子胡同孫宅治喪事務所公鑒噩耗傳來驚悉孫公仙逝國難未已哲人遽萎瞻念前途悲痛實深所望全國人民均能遵公之訓繼公之志努力奮鬥建設健全國家以慰我公在天之靈謹此電唁並候禮祺中華國民拒毒會暨全國各省區二百四十七處分會同叩元

北京鐵獅子胡同孫行轅公鑒驚聞先生噩耗全國哀悼竊維先生推倒專制建設民主抵抗強暴保障民權今遽長逝同人等曷勝痛惜祈請同志繼續奮鬥庶先生不死中華電氣工業聯合會叩

宋夫人哲生兄禮鑒昊天不弔帥躬薨殂薄海銜哀我會孺私尤深震怛恭誦遺訓敢不努力繼志任重當負仔肩勉節沈哀爲國自衛中國機器總會全體工員叩

北京鐵獅子胡同孫宅治喪委員會革命未成導師先喪黨失領袖國失長城瞻念前途涕泗橫流中國國民黨江蘇省黨部泣叩

北京鐵獅子胡同孫夫人暨哲生先生昊天不弔奪我導師驚聞噩耗涕泗滂沱尚祈勉節哀忱并再接再厲謹遵遺囑奮鬥中國國民黨江蘇省黨部泣叩

北京鐵獅子胡同孫公治喪處暨中國國民黨中央執行委員會公鑒我民國開國元勳國民革命領袖中山先生薨逝都門全國國民莫不慟悼正革命尙未竟功民衆遽失導師做會同人倍勝哀痛除在滬籌備追悼大會外謹先電唁並望諸公恪守遺訓以期國民革命之成功上海各公團追悼孫中山先生大會籌備會叩

中國國民黨中央執行委員會公鑒我中華民國開國元勳國民革命領袖孫中山先生薨逝都門驚耗傳來悲痛曷極胡天不弔奪我元良國是未定導師先喪國父雖死國父永生國父之主義未去國父之主義萬世不朽望貴黨諸公爲國節哀遵守遺訓繼續努力爲民奮爭本會除在滬另行追悼外並茹素一月以表哀悼謹此弔唁上海工商學會全體叩

北京鐵獅子胡同孫公行轅孫哲生先生鑒中山先生逝世噩耗傳來全民哀惜我勞動工商如失導師悲痛之餘尤爲國計民生前途憂此間各團體除聯合追悼外誓遵先生遺囑努力爲三民五權奮鬥並希望此後貴黨部驅除危害勞動運動之邪派以竟孫先生在世提倡勞工民生之全功中國幸甚勞工幸甚上海工商友誼會總部代表全體會友同叩寒

孫公治喪事務所公鑒昊天不弔喪我元勳噩耗傳來不勝震悼從茲國父永逝長城頓失瞻前顧後涕泗滂沱同人於哀痛之餘惟有謹遵遺訓努力不墮謹電唁聞國民黨上海市一區四分部全體同叩

哲生同志禮鑒驚悉總理逝世痛悼萬分總理功在民國遽然作古寰海同悲際此國家多難而先生又爲哲嗣祇望節哀順變克繼先猷謹此電唁國民黨上海市一區四分部全體同叩

哀思錄 代電

一一

治喪委員公鑒噩耗傳來驚悉總理逝世革命未竟遽喪領袖北望燕雲悲痛曷極本分部除在申籌備追悼外遵守遺囑求中國之自由平等臨風墮淚謹此弔唁中國國民黨上海市第二區第二分部執行委員會

孫哲生先生禮鑒總理以國事勞瘁仙遊北京行館噩耗傳來如喪考妣棟樑柱石遽爾摧崩凡我國民莫不爲之痛哭流涕而本部黨員痛悼尤深望先生節哀順變爲國珍重急挽狂瀾以達三民主義之目的繩其祖武克紹箕裘總理在天之靈亦當含笑謹特弔唁中國國民黨上海市第二區第七分部全體黨員謹唁

北京中央執行委員會公鑒總理逝世全國震驚革命未成導師遽殞同人聞耗哀悼更深謹當遵守遺訓繼續奮鬥除在滬設靈致祭外謹此電聞上海市第三區第一區分部全體黨員叩刪

孫公治喪委員諸公惠鑒文日驚悉總理噩耗毋任痛悼人亡國瘁黨失導師同人誓必遵守遺囑爲民衆奮鬥臨電哽咽謹掬哀忱中國國民黨上海市第三區第七區分部執行委員會寒叩

孫哲生先生禮鑒驚聞總理噩耗全國哀悼不勝悲痛人亡國瘁黨失導師同人何所依歸務懇勉節哀思繼承先志民國幸甚謹此電唁寒叩中國國民黨上海市第三區第七區分部執行委員會

北京中央執行委員諸公並轉孫哲生先生禮鑒總理逝世薄海同悲同人等驚聞之下哀慟彌殷革命尙未成功遽失師導此後謹當恪守遺訓繼續努力奮鬥除在滬設靈奠祭外謹此代電奉聞上海市第三區第十六區分部全體黨員叩咸

孫哲生先生國民黨中央執行委員會暨孫公治喪事務所諸先生鑒吳矢不弔國父云亡斷我國魂慘痛極矣極伏望節哀珍重善述遺猷承總理之志以扶助總理一生殷注之同胞是爲厚幸臨電涕泗不盡悲慟上海三區十分部洪鼎文翹健徐道南暨全體黨員同叩寒

北京中國國民黨中央執行委員會暨國父遽喪天嗟人哭凡我同志當益磨礪團結努力於帝國主義之打破軍閥戰亂之消滅以立我民衆而完竟我總理未盡之功業悲慟之餘哀此電唁中國國民黨上海市第四區黨部執行委員會全體叩寒

北京國民黨中央執行委員會均鑒我國不幸遽喪國父我黨不幸遽失導師凡吾同志誓當恪遵總理遺囑拚死前進以全我黨未全之業救我

國不救之症慰總理在天之靈上海國民黨第四區第七區分部全體同志叩號

中央執行委員會鈞鑒噩耗傳來總理仙逝革命未成導師遽喪悲曷可竭目今之政局依然紛擾茲後之奮鬥更倍於前誓遵遺言共建國基拭淚弔唁諸維亮鑒上海市第四第十四區分部全體黨員叩

北京孫公治喪事務所執事均鑒捧讀文電驚悉總理孫公逝世昊天不弔哲人其萎愛國之士同聲一哭伏念總理功垂宇宙望重環球愛洽人心德敷四海一旦長逝痛悼奚如諸君親瞻易簣力任治喪尙希遵照遺囑奠定松楸上慰總理在天之靈下副海隅蒼生之望無任感泣哀懇之至謹電陳達並候黨祺國民黨上海第五區黨部執行委員會叩

北京孫哲生先生鑒捧誦本黨京電驚悉尊大人仙逝喪我國父失我導師何痛如之以尊大人望重環球功垂宇宙德孚薄海愛洽人心患難一生齋志以沒然掃除中國數千年之專制建設共和不拔之根基方之美洲華老實勝多籌古人云死有重於泰山尊大人有焉同人等昔僑海外已結與中同盟之義今居中國再列國民黨內之籍當總理政躬不豫之際已覺憂心如焚逮噩耗傳來真不知涕泗之何從先生爲骨血至親躬啓手足痛慟可知惟是外患薦臻虎狼交迫國家多難民不自由必須繼起有人神州方免陸沈之懼伏冀節哀順變勿泥禮經茹痛含辛克承先志以達三民五權之標的是則孝之大者同人等雖駑駘下乘願竭棉薄共效馳驅尊大人雖長瞑千古當含笑九京矣謹先電唁順候禮祺中國國民黨上海特別區第五區黨部執行委員劉電聲黎磊楊劍虹趙超常吳子垣暨黨員全體叩鈞印

北京孫公治喪處執事均鑒總理孫公逝世同志聲淚與俱諸公環聽遺囑其痛可知萬冀戮力一心奠安靈柩南天在望延佇爲勞卽候黨安上海市第五區第五分部叩篠印

北京孫哲生先生鑒尊君功在民國薄海同欽久病幽燕奄然長逝憂時之士莫不同聲一哭惟國家多難來日方長伏冀順變節哀爲國珍重克承先志先生勉之專電馳唁卽候孝安上海第五區第五分部執行委員會叩篠印

北京孫公治喪事務處執事鑒孫公爲國宣勞功垂萬世一旦仙逝痛悼何堪諸公力任治喪事膺艱鉅伏冀扶輻南下奠定幽宮上慰孫公在天之靈下副蒼生嗚嗚之望不勝仰懇哀盼之至此候黨安上海第五區第九分部執行委員任雷軍莫幹生陸健軍暨全體黨員叩寄印

北京孫哲生先生鑒尊大人手造共和功垂萬世一旦仙逝薄海同悲伏乞善攝禮躬節哀順變克承先志以盡孝思同人不敢願追隨鞭撻繼續奮鬥諸希爲國珍重此候孝安上海第五區第九分部執行委員任莫軍雷幹生陸健軍暨全體黨員叩寄印

北京孫行轅暨中國國民黨中央執行委員會公鑒噩耗傳來總理逝世全體黨員實深哀痛革命未竟遽失導師誓當恪守遺訓繼續國民革命並一致擁護中央執行委員會以黨的集權主義代替總理職權尙祈爲國節哀謹此電唁中國國民黨上海市第五區第十五分部執行委員會中央執行委員會暨總理逝世舉世同悲同人等誓遵遺訓努力奮鬥謹此奉聞伏乞公鑒上海市第五區第十九分部執行委員謝毓齡率全體黨員叩

北京孫宅治喪事務所鑒驚聞總理逝世不啻奪我國魂今後益當振刷精神誓守遺囑喚起民衆共建國基悲痛弔唁諸維亮鑒中國國民黨上海市第五區第十九分部執行委員會率全體叩元

北京中國國民黨中央執行委員會及孫公治喪事務所諸公鑒總理逝世噩耗傳來同人悲慟欲絕革命尙未成功民衆遽失導師泰山已崩寰宇啣恨惟望爲國節哀繼承遺志以慰總理在天之靈是所至禱謹此電唁上海曹家渡第八區第二分部叩

北京鐵獅子胡同孫公治喪事務所諸公鈞鑒孫中山先生爲創造民國元勳爲中華全民衆謀幸福之革命領袖吾人嚴遵孫公之主義努力向社會奮鬥今遽失導師曷勝悲悼謹此電弔以表崇仰南方大學國民黨全體同志敬叩

敬唁者驚悉總理噩耗敝校同志不勝悲悼痛念民國不幸崩殂元勳普天同哭若失長城鞠躬盡瘁雖死猶存專電哀號謹誌唁忱中華體育專門學校校長柳成烈教職員暨全體學生恭叩

哲生鄉先生禮鑒尊翁逝世國喪元勳民失保姆北望燕雲無涕可揮特電馳唁上海南洋大學兩廣同鄉會叩

北京鐵獅子胡同孫公治喪處諸公轉孫哲生先生禮鑒尊公手扞共和殫極艱險經營肇劃垂四十年如一日現共和之政體雖立而軍閥之餘蠹猶存塗炭生靈飄蕩邦基國難未艾何堪哲人薨逝噩耗驚聞薄海同聲一哭惟先生之肉體雖死而先生之主義永垂續述光大責在未死臨電哽噎祇勗勉力謹唁亞東醫科大學教職員暨全體學生附設平民學校全體學生同唁

北京鐵獅子胡同孫哲生先生禮鑒昊天不弔奪我國父四萬萬人痛絕欲死所幸三民五權猶存寰宇繼志有人千古不朽務懇先生爲國節哀領率羣流努力前進克竟仙翁未竟事業謹電代哭無任祈禱旅滬安徽公學校長李振亞暨教職學生全體叩寄

北京鐵獅子胡同孫公治喪處鑒中山先生革命領袖開國元勳去歲赴京召集國民會議吾人方冀澄清有日統一可期孰意昊天不弔喪我元勳噩耗傳來舉世哀悼本社同人痛父師指導之失抱河山傾覆之憂哀悼之餘特電弔唁雲山北望涕泗沾襟上海蜀評社社長吳山總經理石琢光總纂袁衡生泣叩篠印

北京鐵獅子胡同孫先生治喪處禮鑒昊天不弔大地星殞孫先生噩耗傳來同人聞之淚下夫先生鞠躬盡瘁都是爲國犧牲備嘗辛苦艱難無非爲民請命丁茲帝國主義壓迫之日正是軍閥爲虐之秋外患未除天柱已陷內爭方亟排艱將誰一旦喪此元勳吾民孰爲領袖匪特舉國以失措抑亦中外所哀悼惟是先生之壽雖不延先生之靈則常在先生之功雖未竟先生之志則不衰與其痛哭悲哀曷若從此努力革命未達目的吾人責任方殷誓必奮勇而向前藉慰先生之遺憾謹此致唁希爲國節哀上海瓊崖新青年社同人叩感

孫公治喪處諸先生鈞鑒國是未定國父云亡噩耗傳來曷勝悲悼惟希克守遺訓努力奮鬥以竟革命全功同人等謹當追隨諸先生之後上海桂風雜誌社全體社員同叩

驚聞噩耗哀悼無極嗚呼元勳云亡朝野抱考妣之痛擊柱告折山河輿傾覆之悲凡屬國民罔不感惜所望哲生先生節哀順變努力國是以繼先人未竟之志用副天下億兆之望特電馳唁惟乞禮照東北城商業聯合會會長陳天生馮秋心程蓮蓀暨全體職員同叩鹽

北京孫宅治喪處暨國民黨本部諸同志鑒中山先生畢生革命造福家邦今茲逝世痛惜良深革命未終導師遽喪國家多難又折元勳緬懷國事益用隱憂所望哲生世兄順變節哀暨諸同志善承先志國亂不足平也上海天潼福德兩路商界聯合會叩

北京國民黨中央執行委員會鑒孫公逝世全國震驚天禍中原曷勝悲悼臨電冀涕哀奠英靈駐滬中華民國華僑學生會叩寄
哲生先生鑒文電傳來哀悼無已國本飄搖元勳遽喪悲痛奚極尙祈節哀保重謹此電唁兩廣旅蘇學會叩

孫公治喪處禮鑒中山先生爲民爲國革命垂四十年一旦噩耗孰不痛悼敝會聞訃尤爲悽愴謹此電唁藉表哀忱廣西旅滬建桂同志會叩

哀思錄 代電

五

北京鐵獅子胡同孫哲生君禮鑒孫公中山手創民國豐功偉烈可與日月爭光噩耗傳來震悼幾絕先生爲孫公哲嗣尙祈勉節哀思善繼先志同人不敢暫違孫公遺訓努力奮鬥以竟孫公未竟之功無錫旅滬工商學會吳公望等叩豪

孫公治喪事務所公鑒孫公逝世噩耗傳來全球震驚哀我民國遽折元勳我勞工同胞深痛奚極除聯合各團體舉行追悼會先此弔電以示悲哀無錫駐滬勞工會會長吳公望等叩寒

北京孫公治喪處諸公禮鑒驚悉國父噩耗同人等悼痛彌深國家驟折樑柱吾民頓失導師此後美雨歐風賴誰蔽禦所望諸公鼎承大業竟先生未了之志則不惟國家與吾民之幸先生亦必含笑於九京矣同人等除分赴先生靈前祭奠外謹復電唁江西永新旅滬學生會叩刪

北京國民黨中央執行委員會鈞鑒貴黨總理孫公革命元勳國民領袖不幸中途哀逝舉國震驚尙望貴黨秉其遺志領導民衆以達國家獨立民族解放之目的安徽旅滬青年協會叩

北京鐵獅子胡同孫哲生先生禮鑒侵電傳來咸深悼痛遠頹泰山國滋不幸除在滬參加籌備追悼大會外謹先慰唁留滬興化學會叩哲生先生禮鑒噩耗傳來驚悉尊翁中山先生革命領袖仙逝都門大功未成元勳遽喪薄海人民咸深痛悼惟望節哀順變勉紹前烈以竟先公之志謹電奉唁大埔旅滬同鄉會叩刪

上海法界環龍路四十四號孫先生葬事籌備處鑒中山先生手創民國功垂青史乃全功未竟大星忽隕國家頓失長城民衆驟喪導師噩耗傳來薄海同悲毓鑿等暨全縣民衆於四月五日假第三師範大禮堂開追悼大會以誌哀思謹電奉聞無錫全縣民衆秦毓鑿等同叩支

北京鐵獅子胡同孫公治喪事務所公鑒總理逝世曷勝哀悼國事未甯遽失先導我民將何依歸除定期追悼外特先電唁中國國民黨江蘇吳

江縣第三四區黨部全體叩諫

北京孫哲生先生鑒驚悉總理逝世噩耗傳來不勝悲痛革命尙未成功同志頓失領袖務祈節哀順變繼承先志則同人幸甚國家幸甚新黎里

報社新盛澤報社同叩巧

北京鐵獅子胡同孫公行轅哲生先生禮鑒電傳總理憂國捐軀曷勝悲悼國事未定遽失元勳務乞節哀繼承先志此間同志除擇期追悼外謹

先電唁吳江縣黨部執行委員李伯華第三區黨部執行委員汪光祖第一分部執行委員徐遠軒暨新威澤報社同人叩寒

北京鐵獅子胡同孫哲生先生禮鑒昊天不弔奪我元勳噩耗傳來薄海咸痛尙望先生爲國節哀勗勵吾黨共竟尊父未竟之志其祿等遙滯江左未能親詣致弔除合同志開會追悼以伸哀忱外謹此電唁卽叩履安江蘇崇明國民黨員龔其祿黃炎等五十人叩宥印

北京鐵獅子胡同孫公治喪處暨中國國民黨中央執行委員會公鑒頃接省黨部公函驚悉本黨總理孫中山先生於今三月十二日上午九時半在北京行轅逝世本黨同人得此噩耗涕淚沾襟昊天不弔奪我元勳國難未已遽萎哲人喪此導師我黨不幸凡我同志遺囑是遵戮力同心以竟革命謹此致唁以表哀忱崇明第一區第一二三分黨部同人謹叩

北京鐵獅子胡同孫公治喪事務所公鑒國基未鞏元勳先殞長城頓失薄海同悲哀悼不盡謹此電唁崇明崇民報館同人叩

北京中國國民黨中央執行委員會公鑒總理仙逝薄海同悲革命尙未成功同志遽失導師瞻念前途涕泗橫流同人除持服哀悼外誓當遵守遺訓繼續奮鬥以竟總理之志尙乞諸公一致團結鞏固本黨指示同志得所依歸臨電不勝凄慘悲痛之至丹陽第一區第一區分部全體黨員叩號

北京鐵獅子胡同中國國民黨中央執行委員會諸君公鑒中山先生溘然仙逝中國不幸遽喪哲人人民權未張革命方始願全國民衆各本先生遺志努力建設卒底有成先生有靈庶幾快慰謹掬悼忱代電致唁丹陽國民會議促成會叩

北京國民黨中央執行委員會公鑒接奉侵電驚悉總理逝世昊天不弔奪我元勳黨失導師國失長城凡吾同人殊深悲痛除定期開會追悼外特此電唁中國國民黨江蘇松江縣臨時縣黨部微印

孫哲生先生禮鑒總理建國未竟溘然逝世噩耗傳來同悲失怙尙祈節哀應變繼承先志爲黨爲國不勝禱切中國國民黨江蘇松江縣第一區黨部刪印

孫哲生先生鑒噩耗傳來驚悉總理仙逝國事未定導師遽殞痛悼極深除持服外謹當遵守遺訓爲國努力爲黨奮鬥惟盼先生節哀順變爲黨珍重則民國幸甚國民幸甚國民黨青浦縣黨部執行委員俞漢強葉誦周宋根昌泣叩

哀思錄 代電

六

北京鐵獅子胡同孫哲生禮鑒噩耗驚傳殊深痛悼總理爲民國元勳爲國人師導一日仙逝曷勝悲泣尙祈先生節哀順變爲國宣勞以竟先志國民幸甚敬此電唁中國國民黨江陰全體同志叩銑

北京鐵獅子胡同孫哲生先生禮鑒總理爲國馳驅一生盡瘁此次北走燕京抱負未施費志以歿天奪國父薄海同悲尙望節哀順變克繼前緒以竟總理未竟之志太邑同人議定於清明日假座本城公園開追悼大會香花供奉聊表哀思敬祈電致滬執行部就近派員主祭並開講演大會宣揚總理三民五權之主旨俾英爽不泯爭光日月專電慰唁統希矜鑒江蘇太倉縣縣黨部聞天裔陸允文馮壯公吳仲裔

北京孫哲生先生鑒尊公逝世民失導師長城遽隕國命安依逃聽之餘薄海興悲特電布唁敬希節哀竟先公之厥志達民主之真諦不勝大願江蘇泰興民氣報社張人偉巧

北京鐵獅子胡同孫哲生先生禮次驚傳尊翁逝世革命未竟全功元老又復殂喪瞻懷國事痛悼曷極務希節哀順變爲國珍重特此電唁國民黨睢寧縣黨部

哲生先生鈞鑒國父逝世中外悲痛敝縣理宜早日開會追悼嗣因地方政變未克卽時舉行抱恨殊深茲擇定五月四日開追悼大會以誌哀思特先電唁此後同人惟遵囑繼志並希先生節哀順變提攜竟功不勝默禱泗陽縣追悼孫中山先生大會籌備處啓

直隸

哲生同志先生禮鑒恭讀貴院祕書處通告驚悉我民國元勳革命領袖孫公中山痛於月之十二日晨溘然仙逝革命尙未成功同志遽失先導瞻念來轍莫名悲悼惟丁茲國難方殷之秋非志士盡哀之際伏望先生以國家爲重節哀自珍繼續努力國民革命以竟孫公未竟之志敝會同人當場驚駭共効驅策他日革命完成孫公含笑泉壤矣謹此弔唁並叩諸同志先生禮安國民會議後援會敬叩

北京鐵獅子胡同行館孫夫人孫哲生君鑒中山先生爲人類宏正誼爲華夏建新命溘然長逝愴悼同深謹唁國會非常會議議員李汝翼白瑞梁登瀛彭施滌高杞王兆離寶應昌劉盪訓李臨陽周恭壽丁超五楊山光尹宏慶周兆沅張嗣良謝持李文治于洪起焦子靜閻秉真王樂平胡鄂公盧仲琳韓玉辰彭邦棟羅上霓陸祺田稔李英銓王斧王葆真張宏銓王宗堯張光煒褚輔成范熙壬黃序鵬覃壽公鄭衡之彭養光李慶芳

張瑾雯朱溥恩王秉謙向乃祺王紹鏊何海濤李爲綸劉景晨王家襄丁文瑩凌鴻壽汪秉忠焦易堂張嶧王廷弼張善與雷殷黃攻素盧鍾嶽張華瀾孔昭晟林繩武張華祖丁儁宣陳燮樞陳國璽張雅南克輿額戰滌塵邱珍寒

北京鐵獅子胡同孫先生治喪處鑒先生奔走國是垂四十年鞠躬盡瘁百折不回爲國家之元勳爲國民之慈父方冀此次命駕北來實行先生之主義而奠國基無如天禍不測中華多難先生竟遽然長辭噩耗傳來同深哀悼萬庶失其指導寰宇空其瞻仰然而先生雖逝先生之主義猶存惟望諸公抑心哀痛勇往直前本先生之主張作澈底之改造外抑列強之侵略內制軍閥之橫行用符同胞之望而盡諸公之責同人不敢顧步後塵謹陳區區諸維察鑒天津向明學會叩

北京孫公治喪處鑒中山先生革命元勳提倡民權主張打倒帝國主義廢除不平等條約方冀導我國民以剷除惡魔使我國體日趨鞏固不意惡耗傳來悲悼曷極謹電奉聞以誌哀忱天津南開大學學生會叩

北京鐵獅子胡同孫先生治喪處鑒閱報悉中山先生於文日逝世曷勝惶恐泣悼十四年來吾農民處帝國主義國內軍閥及劣紳地主壓迫之下苦曷堪言幸先生北來對民衆解放多所策劃吾民方冀早出水火得重睹天日略享民國幸福孰意先生夙願未償遽爾棄其四百兆苦同胞而自逝矣民失長城黨失導師嗚呼吾民何辜不幸如斯敝處除開會追悼努力宣傳外仍請諸公轉諸同志勿過哀思爲國珍重以竟先生遺志先生雖逝九泉下當含笑也天津農民協會披淚敬叩箇

北京鐵獅子胡同孫公行轅諸同志鑒中山先生具建國之主義與精神畢生爲民衆利益而奮鬥乃革命尙未成功同志遽失先導噩耗傳來彌深震痛除籌備追悼外謹先電唁尙希節哀天津良心救國團叩嘯

北京孫中山先生治喪處轉同志諸君子鑒頃接直隸臨時省執行委員會來函驚悉吾黨總理中山先生遽於本月十二日溘逝京國聞唁之下不勝哀悼嗟乎大志未酬哲人云萎緬懷前路遺痛曷深所望同志君子常以先生之志願相淬厲常以先生之主義相勗勉協力猛進無稍縮瑟先生雖則去而先生之精神不死先生之事業不亡先生有知其亦可以稍慰也已黨人君子實鑒憑之直隸玉田縣臨時縣黨部叩

廣西

哀思錄 代電

七

北京孫前總統行轅孫哲生先生鑒尊公手造民國事業勳名河山並壽發展民生主義保障勞工尤爲我工界造福茲聞薨逝哀悼殊深望先生爲國節哀繼尊公而奮起專電奉唁不盡拳拳桂林工會叩

慶齡夫人哲生先生鑒帥駕北來積疴致疾遽爾崩逝環海震悲方今億兆倒懸國家多難尙希勉節哀思續圖奮鬥竟帥座未竟之志以慰在天之靈謹此奉唁伏維垂察出席國民會議促成會全國代表大會梧州代表團叩寒

急上海孫大元帥治喪處鑒孫公手創民國始終以導揚民治爲職志突薨逝於北京噩耗傳來國人同深悲悼敝邑各界人士定於五月七日開追悼大會孫公精神不死大義常昭謹掬哀忱敬以奉唁廣西容縣追悼籌備會叩鈐

貴州

上海法租界環龍路四十四號孫公葬事籌備處轉國民黨黨務部暨孫喆生先生鑒中山先生首創共和奔走四十年爲國勞瘁本精神以奮鬥期主義之實行前因促開國民會議及廢除不平等條約由粵北上稅駕都門方期造福生民又安寰宇詎意昊天不弔噩耗傳來曷勝驚悼此間刻已籌備開會追悼用誌哀忱謹先電唁諸維警照安順中山先生追悼大會籌備處叩豔印

浙江

北京東城鐵獅子胡同中國國民黨中央執行委員會公鑒奉讀文電驚悉中山先生仙逝京寓吾民正陷水火遽爾失此導師曷勝悲悼謹此電唁浙江國民會議促成會叩刪

北京中央執行委員會鑒建設未成元勳遽殞噩耗傳來悲悼莫名除發起聯合追悼外謹先電唁浙江省農會叩皓

北京中國國民黨中央執行委員會諸公鈞鑒惡耗傳來驚悉貴黨總理國父孫中山先生薨逝都門曷勝悲悼中山先生爲民國元勳國民導師客歲由粵北上提倡國民會議思出吾民於水火尤復歷經艱險而今事業未成哲人先萎瞻念國事前途可爲同聲一哭所幸貴黨同志團結一致貴會諸公矢志靡他繼中山先生未竟之功以求早日實現國民革命解放我被壓迫之羣衆使勿爲敵所乘則國民幸甚民國幸甚除在當地參加發起追悼孫公籌備會外謹此電唁杭州反帝國主義大同盟叩巧

北京孫公治喪事務所公鑒孫哲生先生禮鑒噩耗傳來驚悉中山先生仙逝大業未竟痛失導師翹首燕雲薄海傷悼惟希順變節哀承先生未竟之志爲國珍重共策時艱除派代表來京致祭外謹先電唁浙江法政協會叩寒

北京民國日報轉中央執行委員會鑒國民革命尙未成功總理遽然去世實深悲痛唯今後我黨同志誓遵遺囑更加努力以求本黨總理未成之志浙江杭縣第一區黨部全體黨員同叩

北京中國國民黨中央執行委員會鈞鑒噩耗傳來總理逝世全體黨員莫不痛失導師誓遵總理遺囑繼續國民革命並一致擁護中央執行委員會代替總理職權指揮全黨工作以竟總理未竟之遺志中國國民黨浙江杭縣第一區第二區分部全體黨員謹叩

北京鐵獅子胡同孫哲生先生禮鑒頃接尊翁孫大元帥文日謝世國事方艱遽喪元老薄海人民咸失導師翹首燕雲曷勝感痛還希節哀順變爲國自衛以竟尊翁遺志是爲禱盼特唁浙江杭縣新市場商界聯合會叩刪

北京鐵獅子胡同孫公治喪處主任先生禮鑒嗚呼長蛇封豕外患方殷社鼠城狐內訌未靖方期老成當國解此倒懸不意桷崩棟折遽失砥柱噩耗飛來薄海同悲然來日大難後死者與有責願諸同志善述其志羣策羣力卻外侮息內爭則孫公亦瞑目于九泉矣臨風隕淚毋任哀惋謹此馳唁浙江私立廣濟醫藥專門學校全體學生叩寄

北京鐵獅子胡同中國國民黨中央執行委員會公鑒中山先生爲革命領袖民國國父國民會議導師噩耗傳來同深悲慟本會誓遵先生遺囑期於最短時間努力促成國民會議以竟先生之志臨電涕零嘉興國民會議促成會諫

北京鐵獅子胡同中國國民黨中央執行委員會鈞鑒革命尙未成功同志遽失導師噩耗傳來曷勝悲悼本部除通電所轄各部並廣告各界準備追悼誓遵遺囑繼續總理革命事業爲民衆奮鬥謹掬哀忱並希努力中國國民黨浙江臨時嘉興縣執行委員會叩寒

北京鐵獅子胡同汪精衛先生轉孫中山先生治喪事務所鑒中山先生手創共和辛苦奮鬥數十年如一日噩耗傳來中外震悼惟希克守遺訓努力奮鬥以竟全功謹此電唁哽咽不盡嘉興新騰洪濤文學社叩養

中山先生爲國捐軀噩耗驚傳全民哀悼促成國民的國民會議廢止國際不平等條約自當繼續奮鬥永矢勿諼以慰英靈寧波國民會議促成

哀思錄 代電

八

會叩效

孫公治喪事務所諸公鈞鑒惡耗傳來驚駭欲絕凡屬國民同深哀悼瞻望前途怨感五中祈諸公以先生主義爲主義繼志奮鬥庶先生以不死尙希節哀順變爲國珍重除派代表赴滬致祭外謹電唁聞寧波學生聯合會叩篠

北京中央執行委員會鑒總理逝世薄海同悲革命未成導師遽殞吾黨同人尤深哀悼惟有誓遵遺囑努力奮鬥以竟總理未竟之志除通知縣屬各黨部準備追悼外謹此電達用表哀思中國國民黨浙江永嘉縣黨部叩巧

北京鐵獅子胡同孫哲生先生禮鑒尊翁爲開國元勳民衆領袖我黨導師驚聞謝世悲悼同深尙祈爲國爲民節哀順變善繼遺志以竟厥功用慰總理在天之靈謹此電唁中國國民黨浙江永嘉縣黨部叩巧

哲生兄禮鑒噩耗傳來驚悉令尊仙逝哀哀蒸民遽失長城瞻念前途涕泗滂沱我兄仁孝成性必悲痛逾恆尙祈節哀順變用竟先志特電奉唁鎮海國民會議促成會叩巧

國民黨中央執行委員會鑒總理逝世舉國痛悼革命尙未成功民衆遽失領袖誓遵遺囑以竟總理未竟之志謹此電唁諸惟鑒察國民黨浙江鎮海縣第一區第一分部叩巧

北京鐵獅子胡同孫公治喪事務所委員諸公並哲生先生禮鑒革命未成遽失導師噩耗傳來舉國哀慟來日大難端賴繼起有人尙祈節哀順變克承先志以竟厥功謹此電唁浙江温州國民會議促成會叩感

北京鐵獅子胡同孫公治喪事務所委員諸先生並哲生先生禮鑒國父逝世薄海同悲吾溫農工商學各團體傷民生之不寧痛導師之遽謝爰定四月十二日舉行追悼大會以表哀思謹先電聞浙江温州孫中山先生追悼大會總籌備處叩感

北京東城鐵獅子胡同孫哲生先生禮鑒頃接省電驚悉中山先生徂逝同人聞之不勝痛惜先生手創共和四十年來奔走國事心力俱疲現雖政體維新民權未展前途荆棘正希竭力剷除大好河山共望大勳克集乃昊天不憖喪我導師言念時艱曷勝浩歎茲於校中下半旗三日開會

追悼外謹電致唁浙江諸暨縣中學校教職員學生同叩霰

北京鐵獅子胡同孫公治喪事務所諸公鑒中山先生民國之父革命未成夙志遽逝傍徨羣生悲痛何已敝公團等除已籌備追悼外敬先電唁象山各公團追悼孫先生大會籌備處叩

孫夫人孫哲生先生公鑒昊天不弔奪我元勳噩耗傳來曷勝痛悼惟是孫公雖死而其主義不死此後我人誓當努力奮鬥竟孫公未竟之志除全體服喪一月外特此電唁紹興青年勵志會紹興青年救國團紹興青年協進會同叩有

孫夫人孫哲生先生公鑒革命未成導師竟亡悲慟如何此後誓當繼續努力達公之志慰公之靈特全體服喪以誌哀悼外並此電唁紹興學生會叩有

北京鐵獅子胡同孫行館哲生先生鑒電傳中山先生崩耗國人莫不哀悼中山先生奔走國事垂四十年雖革命工作尚未告成而辛苦力疾百折不回之精神堅貞卓絕威武不屈之人格直可與日月爭光今中山先生既死而欲貫徹其主義正賴後人之奮鬥先生年富力强尚祈節哀順變爲國珍重敝社同人分屬國民痛國事之日非悲導師之殞亡尤望羣策羣力急起直追藉竟革命全功而慰中山先生於地下焉臨電不勝哀慟之至奉化剡社叩銑

北京鐵獅子胡同孫哲生先生鑒噩耗傳來驚悉總理仙逝國失慈母黨失導師痛悼殊深仁孝如先生定必哀感逾恆尚希節哀守禮以繼述爲懷專此奉唁順頌禮祺國民黨永泰分部執行委員陳嘉詒暨全體黨員泣叩東

北京鐵獅子胡同中國國民黨公鑒總理逝世舉國同悲革命未成導師遽殞同人聞耗更深痛悼除持服哀悼並遵守遺囑外謹此電唁國民黨永泰分部執行委員陳嘉詒暨全體黨員泣叩東

哲生先生禮鑒閱報驚悉大總統賓天公民全體悲痛無涯擬定四月十九日各界開會追悼以誌哀忱謹此報聞尚冀節哀以繼大總統未竟之志而慰各公民厚望之私謹此馳唁并祈惠贈大總統最近相片一張逕寄南區總團收轉福建永泰縣南區各法團全體儉叩

孫公治喪事務處諸公鑒總理仙逝聞耗同哀轉抱達觀視同未死三民主義尚在五權憲法猶存國內外五十萬同志果能以自己之志願續總理之志願以自己之精神代總理之精神我總理固長在人世矣藉此謹唁并祝同人福建永定湖雷青年同志讀書會蒙

湖南

北京孫公行轅汪精衛先生大鑒接京信驚悉中山先生於本月十二日早九時三十分在京逝世竊思中山先生締造共和功成民國櫛風沐雨歷盡艱辛值此國本飄搖強鄰侵略之秋正仰中山國父挽救危亡何昊天不吊亡此哲人噩耗傳來薄海同悲敝會特派旅京退學學生周世文劉啓倫等十人於二十六日赴中央公園靈前吊唁并送上輓聯一幅以伸哀忱湖南教會學校退學學生聯合會叩

北京汪精衛先生轉國民黨孫公不起民族革命遽失導師哀痛曷極敝會同人除停工一日并發起追悼外特此電唁湖南鉛印活版工會

北京孫前臨時大總統治喪事務所汪精衛先生轉貴黨中央執行委員會鑒孫中山先生在京逝世噩耗傳來敝校學生同人萬分悲痛孫公爲中華民國之創造者爲東方被壓迫民族之救星貴黨爲中國被壓迫民衆革命之領導哲人雖萎主義尙存務望貴黨團結內部俾革命早日成功尤仰遵照孫公遺囑繼續努力以求其貫徹於最近期間促開國民會議及廢除不平等條約同人等除即時開哀悼孫公大會外另行組織湘江學校追悼革命領袖孫中山先生籌辦會現已成立准備赴各市鎮宣傳關於孫先生一生事業尤注意中國現在被壓迫之一般人民非團結起來革命不可想貴所貴部關於此類刊物印刷必多伏懇各檢一千分即付寄長沙湘江學校以憑分途宣傳不勝企盼之至長沙湘江學校學生會啓

北京中央公園孫公治喪事務所轉孫哲生先生禮鑒天禍中華奪我國父友邦敬弔薄海同悲伏念前大總統降神名世濡迹匡時繼聖域賢關之傳獨標博愛結帝昶皇煌之局改制共和創五權之憲法宣三民之主義其命維新大業未竟躍金在冶每百鍊而彌堅俟河之清信九京而可作尙希先生順變節哀繼志述事是所企禱敝縣定於四月十三號謹舉行追悼大會仰止先覺牖民之懷益凜匹夫後死之責臨風寄淚謹唁電聞瀏陽全體追悼孫公籌備處叩

北京孫前臨時大總統治喪事務所鑒元勳逝世震悼同深伏念中山先生剷除專制創造共和五族同邦幸河山之粗奠四郊多壘悵族類之相殘方期駕溢無都乾坤整頓何意神歸鸞嶺山岳傾頹敝會蒿目時艱眷懷先覺痛哲人之瞑目勉後死以仔肩謹於本月馬日停會一天下半旗以誌哀感擇期三十日並通告軍政學警農工商各界開會追悼敬電奉聞湖南平江縣議會叩梗印

孫宅治喪事務所鑒中山先生手創共和光復祖國推翻數千年帝王之局做屢第一次總統而不爲特識宏謨超今軼古功成再造自處齊民蟠錯迭經再接再厲艱難一旅撐柱天南海水羣飛中流鼓楫功罪聽國民之裁判成敗不計較於胸中喜瑪拉山可移革命宗旨不變民國不亡惟公是賴卒之暴力屈於公理軍閥卽於是焚先生以解決國是北行薄海同胞喁喁望治天不降康積勞成疾時勢所需要之國民會議尙未成立人民所忍受之不平等條約尙未廢除噩電驚傳大星竟墜河山雪涕天日埋光凡有血氣之倫莫不震悼凡日月照臨之地莫不致哀奪我元勳天胡此醉斯人長去東亞蕭條况起陸龍蛇殺機未已危棋急劫來日大難同人等痛天柱之摧崩傷邦國之殄瘁以民憲未確定爲民國哭先生軫念前途我心孔亟朔雲萬里滂淚何從定於四月二十六日起二十九日止於邑城開追悼大會用彰殊烈藉表哀忱所望我全體國民竟死者未竟之志盡生者當盡之責使三民五憲之主張不隨先生以俱沒則幸甚祁陽悼孫會籌備處叩庚

北京鐵獅子胡同孫中山先生治喪事務所鑒前大總統孫公首倡革命滿清於以推翻政尙共和民國由其手創艱難締造功成不居近更痛國事之日非期主義之實現努力奮鬥終始不渝方期挽回劫運與民更始遽聞逝世舉國同悲敝縣各界除發起追悼大會假縣議會爲籌備處定四月八日舉行公祭外謹先電唁安化追悼孫中山大會叩感印

湖北

北京孫公行轅秘書處公鑒昨閱報端驚悉中山先生於三月十二日拋棄吾華全體被壓迫之同胞而長逝天喪國父舉國同悲敝會除電派駐京代表劉君蔚如就近弔唁外業於昨十五日開全體代表大會一致議決刻日聯絡武漢各團體籌備追悼大會並本中山先生之主義及精神繼續奮鬥以期真正代表民意之國民會議從速實現哀此電聞國民會議湖北促成會叩鈇

北京鐵獅子胡同孫公行轅秘書處勳鑒奉侵電驚悉中山先生遽爾崩殂良用感悼斗山安仰徒傷太液風清邦國何堪頓失普天春減謹伸電唁藉誌哀忱武昌總商會叩鈇

北京孫中山先生治喪處鑒昊天不弔奪我元勳噩耗傳來同聲一哭除於本月二十二日召集全體會員舉行哀悼並參加各團體共同追悼外謹先電唁并以奉聞武昌縣教育協進會會長吳鴻斌效叩

孫前大總統治喪籌備處執事諸公鑒頃讀段執政令驚悉前大總統孫中山先生殫心國是成功不居導民治之先河約軍閥於正軌主張憑真正輿論廢除不平等條約仁言利溥薄海同欽乃昊天不弔殲我哲人普天痛惜如失長城武昌人士翹企燕雲玩味遺言彌殷悲惋伏願後死有責扶民氣以伸張躋世太平與列強成均勢謹此奉唁共表哀忱武昌善社聯合會叩咸

北京總理孫公治喪事務所鑒總理逝世民命何依羣衆哀忱悲聲雷動志多未竟遺囑長存悼痛之餘益深奮勉中國國民黨漢口特別市第九區區黨部泣叩刪

北京總理孫公治喪事務所鑒噩耗驚傳同聲悲慘燕雲楚水揮淚莫由主義神聖與國長存悼痛之餘益增龜勉中國國民黨漢口特別市第九區第一區分部泣叩刪

北京孫哲生先生偉鑒我中山先生躬任憂勞手造民國前無古人後無來者億兆託命薄海歸心凶訃傳來忽驚溘逝昊天不弔奪我元勳翹首燕雲莫名悲痛道路修阻攀援莫從除集合同志開會追悼外謹此電達藉表哀忱伏思先生已矣先生之主義日月常新我公名父之子繼志述事從茲仔肩益重尙希節哀順變勉成大孝尤同志等所馨香禱祝者耳湖北京山縣臨時縣黨部執行委員查寅斗李祖惠林仲牲任作樑監察委員易德彬袁增羣國楠林世澤等同叩

北京孫行轅秘書處公鑒前大總統孫公首創革命締造共和豐功偉烈中外同欽此次入都正期與我四萬萬民族立平等自由幸福之基詎意抵津後肝疾日篤療治無效近讀通告驚悉我前大總統孫公於本月十二日上午九時三十分鐘登遐昊天不弔遽奪元勳曷勝痛悼謹電申哀湖北鍾祥石牌商會叩嘯

北京鐵獅子胡同孫中山先生治喪事務所鈞鑒孫先生代表民衆利益而奮鬥歷四十年如一日豐功偉績中外同欽此次溘然長逝舉國震悼民衆失所憑依愴痛何如敝會謹以最誠懇之敬意電致哀忱並祝孫先生精神永在湖北黃梅追悼孫中山先生大會籌備委員會叩養

北京孫中山先生治喪處台鑒頃聞孫中山先生逝世國事未定哲人云亡楚水燕雲同深悲悼謹此電弔旅鄂湖南同鄉會會長尹桐陽李樹人

叩咸

四川

敬啟者同人驚悉本黨總理中山先生於本月十二日午前九時三十分逝世噩耗傳來不勝悲悼竊念先生從事革命垂三十年精神卓絕內外同欽不幸惡魔未去頓失明星瞻顧前途彌增悚懼同人不敢此後惟有本先生主義謹遵遺囑努力進行以期竟先生未成之志除特派代表趙觀白李開先二君親詣靈堂弔唁藉表哀忱外謹此先書馳達此致孫行轅治喪辦公處四川民黨聯歡社同人哀啟

上海環龍路四十四號轉孫夫人暨孫哲生先生鑒國事方艱國父云亡凡有血氣莫不悲慟萬縣國民除於噩耗傳來之日下半旗紀哀外復於元日開會追悼與祭者萬餘人當以國父主義及精神宣告大眾並約繼續奮鬥以竟國父未竟之志希順變節哀指導羣衆共底於成萬縣悼孫大會謹叩

江西

北京鐵獅子胡同孫先生治喪事務所鑒四方多難元勳遽逝聞耗涕泣悽惶奚似江西省教育會叩號

北京孫中山先生治喪處鑒頃接哀訃驚悉天喪元勳禍及黨父凡我贛民同深哀痛特此電悼江西國民會議促成會寄叩

北京鐵獅子胡同孫公治喪事務所諸公鑒天不憖遺遽喪國父同人驚悼不知所云惟冀全民失怙之後益承先生遺訓努力奮鬥則先生在天之靈如在其上也謹此奉唁江西自治同志會叩刪

北京鐵獅子胡同孫中山先生治喪事務所鑒昊天不弔奪我元勳瞻念前途殷憂曷已夫人公子尙冀節哀江西平民教育促進會叩馬

北京孫中山先生治喪事務所台鑒閱報驚悉孫公竟於十二日晨逝世惡耗傳來愴痛曷極革命未竟先賢早逝救國救亡全在吾輩青年之身

敝會同人謹秉孫公革命尙未成功同志仍須努力之旨期與國內有志青年共勉之謹此電聞江西青年學會全體叩寒

北京鐵獅子胡同孫中山先生治喪處鑒昊天不弔喪我元勳敝會同人殊深哀悼謹此電唁江西實業學會暨叩

北京鐵獅子胡同孫先生治喪事務所公鑒革命未成大星遽隕人亡國瘁隱憂曷極謹電致哀江西新聞記者聯合會叩箇

北京鐵獅子胡同孫中山先生治喪事務所鈞鑒哀我國父功在民國噩耗傳來不勝悲痛三民主義五權憲法方期實現天胡不弔謹遵遺命繼

哀思錄 代電

十一

續努力總理雖死精神不滅中國國民黨江西省黨部南昌市第三區第二區分部全體黨員同叩

中國國民黨中央執行委員會婦女部公鑒吳天不弔斷我元勳哲人云萎中心欲裂革命尙未成功領袖遽爾永逝瞻望前途悲慟靡已惟總理軀殼雖死而主義永存今後國家前途端賴同志諸君努力同人誓死遵守總理遺囑維護黨中主義繼續奮鬥以竟總理未竟之志臨電涕泣不知所云江西國民黨全體女黨員同叩

孫夫人暨二女公子慰鑒總理逝世薄海同哀矧屬黨人悲慟尤切尙望夫人爲國節哀繼承總理遺志領導我女界同胞繼續奮鬥以光吾黨以救祖邦總理雖死亦當瞑目於地下矣臨電不勝哀悼之至江西國民黨全體女黨員同叩

北京鐵獅子胡同孫哲生先生鑒奉本黨文電驚悉總理逝世無任哀悼此間同志除籌備追悼外誓遵守總理遺囑爲國奮鬥先生爲總理哲嗣對黨對國均負重責尙望節哀順變善繼先志黨國幸甚臨電隕淚不盡漣漣中國國民黨江西九江市黨部執行委員全體謹叩

北京鐵獅子胡同孫哲生先生鑒總理棄世黨國同悲大難方殷責在來者尙望節哀順變繼承先志同人等亦當謹守遺言繼續努力以慰總理在天之靈而完國民革命之功臨電悽愴伏維鑒察中國國民黨九江市第一區黨部叩

北京孫中山先生治喪處台鑒接京電驚悉中山先生爲國盡瘁噩耗傳來愴痛曷極同人等誓當遵守先生遺言繼續奮鬥以竟先生未竟之志謹先電聞兼以奉唁九江國民會議促成會九江學生聯合會九江反帝國主義運動大聯盟九江非基督教同盟九江青年救國團同叩

北京孫中山先生治喪事務所鑒吳天不弔降此鞠凶際茲國難正殷導師遽失同人不勝悲慟之至除定期追悼外謹此電唁牯嶺政學工商全體叩感

北銘先生轉慶齡女士哲生公子暨各同人鑒侵電驚悉中山先生於本月十二日九時半病故行轅大老云亡元勳遽逝哀音所及莫不舉國震悼薄海同悲本會除聯合同志召集女界定期開會追悼以表哀忱外謹代表本省全體女界特先電唁並祈節哀爲國珍重體軀完成先生未竟之志未成之功則不僅女界同人心香禱祝而先生亦當含笑九泉矣謹此順叩制安江西女子參政協會叩

北京鐵獅子胡同孫中山先生治喪事務所鑒驚聞中山先生在京寓逝世噩耗傳來曷勝哀感伏念中山先生本民治之主義手造共和掃專制

之淫威力圖革命係立國之元勳爲人民所敬仰天不慈遺薄海震悼敝會除通知各學校於夏歷三月初五日至初七日止休課並下半旗暨函知各團體局所屆時一體下半旗同申哀悼外特此電唁尙乞孫大公子節哀爲國珍重江西景德鎮教育會長江起鵬暨全體職員叩篠

上海環龍路孫公治喪處公鑒中山先生卅創共和致力革命四十年來有如一日於國於民厥功至偉詎意昊天不弔遽爾薨逝噩耗傳來曷勝痛悼敝縣全體國民除業於四月二十三日開會追悼并組織國民會議促成會以繼續孫公工作外特此奉聞藉致哀忱江西永豐縣各公團各男女學校青年書報社等有叩

北京鐵獅子胡同孫公行轅鑒元勳遽殞悲痛殊深除哀唁外當謹遵遺訓爲國努力江西省立第三師範學校教職員學生全體同泣叩

北京鐵獅子胡同孫中山先生治喪事務所公鑒國難方殷元勳遽殞努力奮鬥責在後生北向長號謹此致哀江西西江中學校漾叩

北京鐵獅子胡同孫公治喪事務所轉宋夫人暨哲生先生禮鑒驚聞噩耗悲感奚如嗟國父之遽殞復相勉以追承除在潯舉行追悼外謹此馳唁並祈爲國節哀江西九江美以美會男女學校醫院同叩

安徽

頃接侵電驚悉中山先生逝世震悼莫名先生手創共和功在民國凡我同志共哭元勳爾寬等代表全體謹先唁覆用誌哀忱安徽省工會代表黃爾寬陳炳星操球等叩鹽

北京鐵獅子胡同孫公行轅汪精衛孫哲生先生禮鑒元勳謝世國柱傾頹緬企先徽不勝悲悼除漾日開會追悼外並祈節哀爲國珍重蕪湖縣教育會勸學所小學教員聯合會叩巧

北京中央執行委員會並轉孫哲生先生鑒噩耗傳來驚悉總理逝世引領北望痛悼殊深除通知全縣黨員遵禮哀弔外誓一致遵守遺囑努力爲民衆奮鬥以繼總理未竟之志並發起本縣各團體各學校追悼大會期于三月二十五日舉行以示哀忱謹此電唁不勝悽惶之至此唁國民黨宿縣黨部暨全體黨員同叩

中央執行委員會鑒昊天不弔奪我總理哀痛之餘誓當虔遵遺訓益加奮勵引導民衆努力于國民革命之完成以竟總理未竟之志安徽壽縣

哀思錄 代電

十二

縣黨部常務委員徐夢秋暨全體黨員自滬叩巧

中央執行委員會鑒國父遽喪全國震驚革命尙未成功中途竟失導師黨員等誓遵遺命繼續奮鬥外禦國際資本帝國主義之侵略內戕割據軍閥之蠻橫以速國家民族獨立解放之實現安徽壽縣第一區第三分部朱松年曹蘊真第四區第一分部徐達文胡宏讓徐鐵生同自滬叩巧北京中央公園孫公治喪處諸先生均鑒侵電傳來警聞中山先生噩耗山悲海泣舉世銜哀竊思軍閥猶在民治未張嗟彼昊天遽凋國父同人等彌深慘痛定於陷日召集鳳陽各界在縣暨學開追悼大會謹此電唁鳳陽國民會議促成會叩

山東

北京孫中山先生行轅孫公治喪處公鑒此間各界團體驚聞孫公噩耗國民會議尙未實現遽失導師長勝痛悼除領導山東全省民衆努力進行國民會議以完成孫公未竟之志外謹此電致哀忱山東國民會議促成會叩

北京鐵獅子胡同孫宅治喪事務所公鑒中山先生奮鬥三十餘年處處爲全民利益而戰三層壓迫下之女界實視先生爲唯一解放的領導者於今一旦長逝全國國民之不幸吾女界尤爲不幸此後除更加努力促成國民會議實現中山先生主張外驚悼之餘謹此電唁山東女界國民會議促成會籌備會叩

北京鐵獅子胡同孫公治喪事務所汪精衛先生戴季陶先生李協和先生林子超先生于範亭先生王樂平先生煩轉孫夫人哲生先生均鑒吾黨總理以經天緯地之才本堅苦卓絕之志手創民國倡導共和履艱苦嘗辛酸豐功偉烈美之華威頓蘇俄之列寧會不多讓乃昊天不弔摧我長城國父殞喪寰宇銜哀矧重等著籍本黨能不慟悲此間同志除籌備追悼外誓遵總理遺囑爲民衆奮鬥追悼日期應以何日爲宜伏乞見示總理最近遺像及對黨遺囑亦希寄下以便陳列哲生先生尙望勉節哀思同心衛國北望燕雲不盡悽愴謹此叩唁藉表哀忱煙台國民黨市黨部委員鄭重等叩

北京鐵獅子胡同孫公治喪事務所諸公鑒國基未固遽喪國父斷我國魂哀悼奚似惟望諸公節哀應變恪守遺囑奮鬥加厲以竟前功民國幸甚濰縣國民會議促成會叩

北京鐵獅子胡同孫總理治喪事務所諸同人鈞鑒國亂未平遽失導師同人聞耗毋任悽愴國父雖去主義猶存謹當遵守遺囑繼續奮鬥以竟前功哀此馳唁中國國民黨山東濰縣臨時縣黨部全體黨員泣叩

北京鐵獅子胡同孫公治喪諸公鑒噩耗傳來驚悉孫公仙逝痛悼莫深全功未成大星遽隕我民損失莫此爲甚所望我全國民衆繼孫公未竟之志努力奮鬥以期大功告成孫公死亦瞑目謹掬哀忱山東邱縣國民會議促成會

孫哲生先生及辦事諸公鈞鑒驚傳噩耗不勝悲悼國內紛紜領袖遽失人民何所托身謹電當哭尙希節哀專此奉唁禮祺山東陵縣國民會議促成會同志鞠躬

山西

北京國民會議促成會聯合總會轉國民黨本部鑒中山先生手創共和義高中外頃得專電先生於十二日溘然長逝聞訃驚悼不知何從謹代表晉省一千五百萬民衆衷心泣悼此後仍當繼續國民會議之奮鬥使三民主義五權憲法光照於亞東大陸以慰英靈謹此唁弔山西國民會議促成會元印

河南

北京鐵獅子胡同孫哲生先生禮鑒文電驚悉總理仙遊國是未定遽失導師凡屬國民愴然墮淚所幸繼志有人雖死猶生尙希節哀順變爲國珍重謹電奉唁諸維鑒察河南太康縣商會會長郭成章叩養

陝西

北京孫中山先生行館轉孫大公子禮鑒頃接京訊驚悉尊翁以吾國四萬萬人所仰望之身竟遭不諱遠去塵世同深哀悼惟念尊翁從事革命垂三十年精誠無間愈挫愈奮人格之偉大早爲舉世人士所崇拜對於革命黨所抱持之三民主義光明正大尤深入人心近雖未能一一實施而他日國人追憶尊翁救國救民之大計定有澈底做到之一日務希先生節哀順變珍重體軀以妥先人以襄大事本會同人除擇期開會追悼外謹代電慰唁陝北國民會議促成會榆林縣分會同叩

哀思錄 代電

十三

奉天

北京孫中山先生治喪處青鑒驚悉孫公中山先生棄國長逝逃聽之下不勝哀悼值此國事執掌之時革命未竟全功之日先生竟費志以終九原含痛衆庶失依彼蒼者天曷其有極學生等瞻望京畿涕淚縱橫除開會追悼外特此電唁藉慰先生在天之靈奉天省立第一師範附屬小學校全體學生叩

吉林

北京鐵獅子胡同孫公行轅治喪辦公處轉諸同志均鑒頃聞本黨總理大元帥前大總統孫中山先生於文日溘逝哀我總理事功未竟遽爾棄國永別同志曷勝惋悼謹先電唁吉林臨時省黨部同志刪

北京鐵獅子胡同孫大元帥行轅侵電驚悉孫公薨逝天不厭亂驟奪名賢遠聞噩耗曷勝痛悼特此奉唁吉林省議會鈞印

哈爾濱

北京國民黨中央執行部鑒驚聞總理薨逝駭痛莫銘竊前自總理入京黨員等方期總理導率吾黨剷除軍閥及帝國主義惡魔爲民請命不圖昏昏蒼天假縱惡魔之意未饜終不欲斯人逃出死運奪吾黨導師萬民救主以去遠望燕雲不禁血淚交拼茲黨員等謹以在遠之軀望空叩悼遙奉誓於總理在天之靈此後當一遵總理臨終遺囑本吾黨主義追隨同志繼續與萬惡軍閥戰與帝國主義戰爲全國全世界被壓迫人民請命俾竟總理在生之志完吾黨之使命除接電爲總理成服以志悼痛外謹此唁聞哈爾濱全體國民黨員馬叩

內蒙古

接侵電後知總理逝世驚痛莫鳴昔者滿清爲虐奴隸國人總理奮鬥二十餘年遂將滿清顛覆不料軍閥繼起任意爲亂加之帝國主義指揮於後以致國人肌無完膚脂膏殆盡總理勇氣不撓繼續革命佔東南半壁奮鬥十有餘載茲者曹吳失敗受段張之邀請北上與議國事不幸抵京之後肝疾逝世一生奮鬥四十載爲人類爭自由爭平等今既總理逝世吾儕之自由平等惟有本總理之遺囑努力繼續革命則自由平等不難實現也謹電哀唁伏希察內蒙省黨部啓

韓國

北京鐵獅子胡同汪精衛先生並轉中國國民黨諸位公鑒中山先生手創中華民國力主民族平等爲中國革命領袖爲東亞被壓迫民族之良師同人等平日欽慕先生之人格贊仰先生之主義並切藉倚重望此次不幸遽然長逝噩耗傳來曷勝痛悼謹此奉吊並禱諸位節哀奮勵貫徹先生之主張則東亞革命幸甚韓國青年同盟會敬唁

旅安僑民

北京孫哲生同志先生苦次奉讀中央執行委員會通告驚悉令先君三月十二日在北京行轅仙逝不禁駭顛竊維令先君爲建國元勳我黨領袖豐功偉績薄海咸欽茲次北上滿望重樹奇勳何圖昊天不弔竟促仙歸六合生民聞耗且爲震悼矧在先生大孝根成哀慟當何如耶惟是逝者已矣哭難望甦人間無不散之筵君子有節哀之訓伏望先生因時順變毋過哀毀留有用之軀力支危局繼偉大之業慰彼英靈肅此順慰令堂大人中國國民黨駐安南濟臻支部吳逸民柯夢仙劉柳坡黃洽仁馬宗駿胡正趙福游子山李汝暨全體黨員叩者

旅暹僑民

北京鐵獅子胡同孫夫人孫哲生先生哀鑒我國不造喪厥元勳噩耗南傳山枯海泣北顧幽燕無淚可揮祇貫徹主義端在後賢望節哀珍重以竟總理未遂之志中國國民黨暹羅萬崙初貝二支部代表林雲飛叩

旅日僑民

敬誦侵電痛悉前臨時大總統孫公於京邸逝世噩耗飛來海天震悼孫公經艱履險手造民國痛國基之未定賴鴻猷以扶持胡天不弔遽喪國父都門北望哭不成聲代電馳唁無任哀痛中華民國留日廣島高師黎明學社叩

北京鐵獅子胡同孫中山先生治喪事務所諸君均鑒國難未已導師遽殞同人留居海外倍勝哀痛惟冀國民恪遵遺訓努力奮鬥以慰英靈而已除開會追悼外謹此電唁留日愛知醫科大學同學會中華民國僑日名古屋共濟會

代電二

哀思錄 代電

十四

個人

北京鐵獅子胡同孫公行轅汪精衛兄孫哲生兄惠鑒前聞先生病篤屢欲赴京祇候柩臥病纏綿傷寒之後心疾復劇難骨支牀不能出戶突聞噩耗悲痛彌深迴憶光緒丙丁之交屢謁先生於東京寓邸循循善誘如在目前改革以後天各一方雖蹤跡稍疏而精神嘗嚮泰山其頽竟成千古吾儕小子將安所親炙耶病重不能躬弔復不能以隻字宣揚謹述最切悃懇摯之忱乞達靈右饒漢祥叩有

哲生兄禮席文日噩耗傳來驚悉帥座捐館大業未竟九有同悲帥座締構共和勳留諸夏憂國忘身終始一德忝託同盟尤深哀慕切望順變節哀善承先志以永孝思臨穎蘊結不知所云但肅元

北京鐵獅子胡同孫先生治喪事務所鑒昊天不弔奪我總理噩耗傳來痛悼曷極願我同人共遵遺囑努力奮鬪以竟我總理未遂之志則黨義不磨而正氣長存臨電涕泣不知所云朱念祖叩巧

北京鐵獅子胡同探送孫夫人孫哲生先生鑒驚聞總理薨逝五中崩烈哀悼同深惟革命事業未竟全功尙望節哀爲國爲黨均祈珍重林直勉叩咸印

北京孫行轅轉孫哲生先生禮鑒昨讀京報駭悉尊翁中山先生遽於三月十二日棄養哀悼慟恒薄海同深伏思中山先生締造共和經緯華夏爲國民革命中外奔波者垂四十年醒四百兆未死之國魂開五千年希有之創局提倡自由平等爲民族謀真正和平主張三民五權躋國家於全民政治覺世牖民無遠弗届此次入京與合肥合作當中國殘破之餘力謀建設欲達和平統一之目的解決國家根本大法付諸國民會議以爲設施民治之先河大道爲公積勞致疾精神不朽勳業垂成乃天不憖遺遽傳噩耗人亡國瘁聞者輿悲謨以鄉國奔馳久違侍側方冀高齡威德再遂瞻依詎知木壞山頽於何仰止我兄純孝性成遽遭大戚哀毀更何可言惟是尊翁事功旣空前而肇後而繼述責任在達孝以行權萬祈以禮制哀勉自節抑上慰先靈是所企禱特電致唁敬候素履諸希珍攝不盡百一貴州省審計處處長王謨叩歌印

北京鐵獅子胡同孫哲生先生禮鑒天不憖遺元勳忽殞仰典型之猶在慨時事之多艱先生孝思純篤責重家邦務希以禮節哀繼述先緒謹此電唁北望泫然杭州關監督陳蔚諫

北京鐵獅子胡同孫宅孫夫人暨哲生先生鑒噩耗南來驚聞總理爲民衆爭存積勞而死殊深悲痛但總理雖死而主義精神長在吾輩後死繼志向前務達總理遺囑目的伏望節哀順變爲國珍重臨電號泣不盡欲言東江招撫委員關漢光馬叩

廣州國民黨中央執行委員會暨北京鐵獅子胡同孫夫人哲生兄鑒總理薨逝普天同悼精神主義千古常存同人等謹遵遺囑誓整戎伍奮鬥完成伏希勉節哀思努力革命以繼其志臨電隕涕掬淚馳唁建國北伐第三軍第二旅旅長盧國傑叩

哲生志兄禮鑒總理推倒帝制創立民國功垂萬世茲聞薨逝五內如焚惟三民主義五權憲法尙未達到完全目的切祈節哀順變繼承父志努力奮鬥誓竟革命全功國民幸甚謹此電唁中國國民黨全國代表大會福建代表林黃卷叩箇

哲生先生禮鑒肝地交通不便今晨始悉總理逝世惡耗驚聆之下哀悼莫名先生驟膺大故尙希節哀以求竟總理未竟之志儀願聞其後陳肅儀叩篠

前聞義父抱病在京卽擬東裝往省俟以俗牽未果前行適接噩耗深悔此行之不果致抱遺恨於無窮况義父以一代元勳獨創共和功成身殞誰不哀傷矧在兒女之行能不椎心泣血悲痛欲絕哉但吾母長隨義父一旦離棄其悲痛之情當更逾於女輩尙乞暫抑一時之哀勉爲身後之計此女兒於痛父之中不能不更進而唁母也刻以道遠未克親奠謹電馳唁伏希鑒察上海英界博物院路中國經濟討論處義女徐佩英叩篠

哲生先生禮鑒國父逝世薄海震驚噩耗傳來肝腸寸斷自恨在野孤寒未能趨前執紼謹撰蕪詞代表哀慕惟國事未寧內爭猶亟大星遽隕來軫方遭伏乞先生節哀爲國以竟先志凡屬國民實利賴之臨楮哽咽謹掬哀忱許瓌芳程翊華謹叩

總理噩耗傳來不勝搶地痛悼國事未定導師遽逝務祈仰體先志節哀順變嗣後我黨將惟先生是賴專此奉唁卽請哲生先生禮鑒謝毓齡叩

孫公治喪處轉孫科先生鑒侵電驚悉天奪國父普世哀悼謹此電唁汪時濤翟樂水周耀德同叩

孫先生治喪事務所鑒民衆不幸喪失導師我輩聞耗只知悲痛謹電哀弔無任悽惶江西袁剛喻迦陵同叩巧

孫先生治喪事務所鑒國亂未平元良遽喪烽烟遍野蒼生何依聞耗悽徨涕淚奚似謹電奉弔藉表哀忱江西喻士英叩巧

北京鐵獅子胡同孫哲生先生禮鑒遽聞總理仙遊同申悲悼革命雖云未成而主義尙留人間務祈節哀爲國珍重竟總理未竟之功惟公是賴

謹此電唁旅滬贛民自治促進會郭森甲郭壽華劉之綱劉乙燃彭守信郭子英蕭贊邦蕭鍾俊張藍霄徐惠如彭澤叩寒

北京鐵獅子胡同孫哲生先生鑒文午驚悉總理逝世噩耗傳來不勝悲痛革命尙未成功同志頓失領袖我黨我國失恃何如先生秉承先志追範前賢尙祈勉節哀思共圖衛國臨風敬唁不盡欲言石克士寒

北京鐵獅子胡同孫夫人暨哲生先生禮鑒國民不幸元首長辭噩耗傳來悲慟欲絕伏念三民主義炳若日星廢除不平等條約正待奮鬥尙祈爲國節哀共竟遺志謹此電唁胡謙泣叩感

萬急北京鐵獅子胡同孫哲生仁兄大鑒粵垣一別寒暑四易每憶光霽懷念爲勞近讀報章驚悉中山先生與世長別逃聽之餘悲悼無既吾兄孝性天成遭此大故自必哀毀逾恆然古者孝貴繼志而不重乎慟毀蓋務其大也方今國步艱難正吾兄繼行尊翁未盡所懷之時亟盼節哀爲國珍重是所至禱弟吳永熙叩養

北京孫夫人哲生先生哀鑒總理崩殂實宇悲淒森洲時望燕雲不勝痛心泣血惟念其主義與精神配天配地光同日星誓遵遺囑與衆同志繼續奮鬥以竟偉志藉慰英靈尙乞節哀爲國珍重灑淚臨電不知所云邢森洲叩養

北京孫哲生先生大鑒頃聞總理於十二日上午九時仙逝噩耗傳來悲痛曷極謹此弔唁伏維爲黨爲國節哀努力繼總理未竟之志至所悼祝顧子揚張凌霄上寒

孫夫人孫哲生先生鑒總理逝世噩耗飛來晝夜徬徨哀痛無極除持服外謹守遺囑手持三民五權之光爲國爲黨努力奮鬥謹此電唁林基泣叩

北京鐵獅子胡同孫公治喪辦事處諸執事鑒噩耗傳來無任悲淚痛我國建設之未成忽傷革命之導師然孫公死矣凡無論是黨非黨允宜同聲一哭苟其志同道合尤當勉承先志則孫公雖死猶未死也揮淚之餘謹特電唁唐志才叩

北京鐵獅子胡同孫公治喪事務所孫哲生先生苦次驚聞總理逝世北望燕雲慟哭失聲舉國皇皇如喪慈父尙望我兄爲國節哀努力繼志蟒等身受總理薰陶謹當遵守遺言矢志奮鬥以期貫徹黨義而慰我總理在天之靈謹電哀唁百惟珍攝唐蟒楊源濬丁造李隆建高維道謝介僧

楊維武李實蕃楊文煒楊時霖叩寒

哲生同志先生禮鑒總理爲締造民國先覺一朝崩逝中外咸爲悲悼先生純孝成性苦塊之戚更何以堪但毀性爲古禮所戒哀痛爲孝之小節繼述爲孝之大經深冀節哀順變善自珍衛以竟總理未竟之志想總理在天之靈必當默相吾輩之奮鬥也林等敢不殫竭駑駘以効馳驅瞻望靈幃神魂爲之飛越矣特此敬唁李林叩號

北京鐵獅子胡同孫先生治喪事務所鑒總理手創民國功蓋寰區以蒼生託命之人值羣雄逐鹿之會大業未完明星遽隕英靈雖逝主義不磨三復遺書百感流涕謹電哀弔無任悽惶任壽祺叩篠

孫先生治喪事務所李協和先生暨同志諸先生均鑒閱報驚悉總理中山先生噩耗曷勝悲痛先生手創民國艱苦備嘗大志未售哲人遽逝望我同志聯合一氣急起直追竟先生未竟之功先生雖死英靈不昧翹首燕雲涕淚如雨謹電致哀胡佩章叩敬

哲生先生哀鑒總理薨逝薄海同悲凡我黨人彌增哀悼但總理雖死主義精神猶炳如日星努力進行後死之責尙冀節哀順變爲國自愛爲黨自愛臨電不勝慘痛之至黃範一叩寒印

北京鐵獅子胡同孫哲生禮鑒頃聞噩耗先尊千古臨風雪涕悲痛彌深回憶護法時期林奉命追隨音猶在耳曾幾何時遽爾仙逝從此民失國父黨失師導悲念及此無任愴悼謹此哀唁范迪林叩銑

哲生同志禮鑒總理仙逝聞耗哀慟革命尙未成功吾黨遽失導師瞻念前途悲痛欲絕尙祈節哀爲黨珍重楊井耕周頌西刪
北京鐵獅子胡同孫哲生先生禮鑒總理逝世薄海震驚大功未竟喪我導師尙希先生節哀順變繼承先志鈞嶽後餘生悲痛欲絕謹遵遺訓以慰英靈特此馳唁楊文鈞叩

北京鐵獅子胡同行轅孫夫人哲生兄禮鑒諸同志均鑒驚聞先生薨逝痛澈五衷未竟全功先折天柱豈惟吾黨失所依歸實乃人類蒙損失八表哀騰六洲悲動國魂未死主義猶存尙祈順變節哀同遵遺囑誓竟先志謹電奉唁諸維珍攝蘇無涯劉嶠叩寒

北京鐵獅子胡同孫哲生先生禮鑒電聞令尊仙遊同申哀悼生前事績功在國家發前人所未發能今人所不能未竟之功惟君是賴務祈節哀

哀思錄 代電

十六

順變爲禱上海法界停雲里三號王琢芝劉漢中唐菊孫姜明莖都成傑鄒南輝等叩咸

北京鐵獅子胡同孫中山先生治喪事務所執事先生鑒天喪黨父後生失師謹電追悼用誌哀忱旅湖蘇人錢樹棻漾叩

上海環龍路四十四號轉孫夫人孫哲生先生均鑒大元帥在京棄養薄海摧傷庚夙荷甄陶尤深慘痛自聞噩耗卽由滇兼程來粵更擬由粵北上謁奠遺容稍慰哀慕行至香港忽聞靈輓奉移西山治喪事竣攀輦莫及徒切悲號計惟有俟大葬金陵之日再行親蒞執紼耳伏維帥座功在民國澤流萬禩主義不死千古常新所惜革命未竟全功沈疴竟一瞑不起匪惟吾黨之不幸抑亦舉世所同悲尙冀節哀順變宏濟艱難提挈黨人遵行遺囑藉慰海內喁望當亦帥靈所默相者也肅電馳唁順頌禮祺建國聯軍湖北總司令孔庚叩江

北京鐵獅子胡同孫哲生先生禮鑒尊翁逝世無任悲悼我公篤孝成性猝遭大故呼搶之情豈可言喻第念尊翁手扃共和功在國家是雖歸真天上自無遺憾人間尙冀節哀順變爲國珍重是所企禱晉鶴弔情殷覓趨跡阻特託家兄鼎升就近代表致祭外謹此電唁藉申哀悃中國國民黨贛支部黨員符晉升泣叩東

北京東城鐵獅子胡同孫哲生先生禮鑒總理逝世普天同悼務懇勉節哀思繼承先志爲黨爲國惟兄是賴專此奉唁總理夫人均此並詢禮祺
吳山叩元

北京孫公治喪委員會鑒驚聞總理噩耗全國痛悼革命未竟導師先殞同志等除在通開會追悼外謹當遵守遺囑繼續奮鬥精神完成國民革命謹此電唁南通胡超我丘石生石克敬魯純忠等泣叩先

北京孫中山先生治喪事務所執事諸公勳鑒吾公手創民國奔走垂四十年之久經營共和危險計數百次之遭各國聯盟誠無日稍息况值大局紛亂之時陳逆武灰之際閩粵未靖西南多艱尤賴吾公實行五權憲法三民建國主義以救予遺何昊天不弔台星遽殞民藩以民黨後塵不能竟未亡之志徒嘆五權而莫立三民以不張爲恨已耳如吾公精靈不昧其亦神輔後起者以續吾公之建國計畫而締造乎民藩謹集各界同志假安化五都國民學校於四月日開追悼會爲吾公弔以表紀念特先電達湖南安化夏民藩叩

北京鐵獅子胡同孫公治喪事務所鑒元勳遽逝薄海同悲噩耗傳來民皆飲泣勳勞民國功垂千古臨電愴悼謹此哀唁江西廣昌何憲綱敬叩

儉印

北京鐵獅子胡同孫哲生先生暨汪精衛鄒海濱李協和柏烈武林子超諸先生鑒天不憖遺喪我國父國光執戈前方驚聞噩耗哀感曷極竊念總理雖死主義不滅吾輩秉承遺訓矢志忠貞努力奮鬥繼總理未竟之志以成國民革命全功尙望節哀順變爲國珍重建國湘軍第五軍警備司令蔣國光泣叩寒

北京孫總理治喪事務所孫哲生公子汪精衛先生並轉非常國會湖北議員彭養光吳壽田先生暨國民黨諸先生均鑒國事方殷總理素持主義未達胡天不弔奪我元勳北望燕雲不勝隕涕務望哲生公子與諸公以後仍持總理未竟之志勿再分門別戶勿再分道揚鑣同心協力奮起直追以慰總理於九京之下至總理自壯至老奔走國事盡力吾民功在中華吾華卽當以國民全體名義舉行國葬以示尊崇而昭優異尤望諸公毅力主持一致進行臨電嗚咽不知所云成延治汪治安王家淞陳光漢舒用湖北旅霖孫作鈺傅仁礎韓之楨周子模許贛同人國俊胡廷柱王弼徐獻謨馮如俊殷瑞琨喻宗海余良駒曹世禧同叩箇

精衛先生暨諸同志先生均鑒我中山先生曠導革命抱定三民五權主義國人與黨人引領企望者久矣此次入京爲發展政策之絕好時機我五族同胞本愛國愛黨之心并愛先生之健康以造成真共和民國詎大造不仁不佑吾國不佑吾黨更不佑吾先生嗚呼先生逝矣國魂未死黨魄猶存我先生之靈當冥助同志諸君維其志而述其事也鍾毓忝列黨員含淚而哭之拭淚而望之朔風颯烈恨未奔喪謹代電唁藉表哀忱黃梅縣國民黨員現任孝感縣署一科吳鍾毓謹叩

北京鐵獅子胡同孫公治喪事務所諸位先生均鑒閱報驚悉中山先生撒手國事溘然長逝惟先生首創民國法治元勳共和之祖自由之神永享國祀萬世師尊德配天地雖死猶生謹電馳唁以表哀忱督辦安徽軍務公署軍法課課員魏冲叩

北京鐵獅子胡同孫公治喪處中山先生冥鑒嗚呼先生革命鼻祖創業未半中道奔殂國失導師痛心疾首主義宣傳永垂不朽先生有靈神明悠久尙饗國務院存記簡任職李毓嵩叩敬

北京孫夫人及哲生兄鑒東華不造元首駕崩凶耗傳來良深痛悼值此國賊未除萬方多難天胡不吊降此閔凶莽莽神州亂離曷極天柱已頹

哀思錄 代電

十七

黨綱震動千萬節哀珍重國民幸甚吾黨幸甚香山海外華僑演說團長劉漢華銳印

北京鐵獅子胡同中山先生治喪事務所轉國民黨同志公鑒總理中山先生爲號召國民會議運動取消不平等條約北上盡瘁國事以致病殞噩耗傳來曷勝哀慟但總理雖死總理偉大人格不死總理精神事業不死總理所創造三民主義尤不死仍祈我們同志繼續總理革命精神努力奮鬥作撲滅國內軍閥與帝國主義之運動以完成總理未竟之志特此電達並呈總理之靈前特派宣傳國民會議委員王秋心

急北京鐵獅子胡同孫哲生先生中央執行委員諸公鑒噩耗傳來同人不勝悲痛惟念總理爲國盡瘁雖死猶榮尙乞節哀以襄大舉中國國民黨滇省衆黨員叩唁個

北京孫公治喪事務所哲生君鑒人之云亡邦家殄瘁痛矣然克成厥志淬礪以圖則中山先生之精神永生於天地之間公先生之哲嗣也望節蓼莪三復之哀鼓司隸繼爲之志則豈獨吾黨幸甚國民黨員陳浩波張鴻傑方鴻聲張受和夏次石嚴秉鈞徐子春沈耀山張夏銘牟式如許昭卿徐道成總祖安周之岐徐文溶余卿徐道南徐志培同叩

孫公治喪事務所公鑒鄙人雖非黨員而對於國父中山先生之主義人格實崇拜至五體投地正祝其克享耄耋長爲民衆之保障詎料一病不起從此仙逝吾民國驟失此導師悲痛之餘敬特馳唁俛夏夫泣叩

急北京鐵獅子胡同孫哲生先生暨國民黨中央執行委員會諸公鑒總理逝世羣衆悲傷况屬質彬素荷陶鎔哀痛尤甚本應親來弔奠因事羈絆未克如願謹電代唁尚祈順變節哀爲國珍重以盡總理未竟之志鄧質彬叩號

北京汪精衛同志轉中央執行委員會諸同志鈞鑒侵電敬悉總理孫先生逝世哀悼莫名總理不僅爲吾黨革命之領袖實全民衆之導師最近主張之國民會議及廢除一切不平等條約尤爲民衆所同情實救吾民唯一之良策國人方冀吾被壓迫於列強帝國主義下之中國從此或可放一線光明不料會議尙未開始革命正在進行而總理乃遽爾長逝國人不幸孰逾於斯然而徒表哀痛亦復無益黨員等惟願遵總理遺訓喚醒民衆與世界被壓迫民族聯合革命戰線打倒一切軍閥消滅世界帝國主義誓死奮鬥以達目的哀此電悼竹秉衡趙彬唐公憲同叩鈞
哲生先生禮鑒噩耗傳來驚悉令尊溘然長逝天禍民國奪我導師從今已後不聞徽音靜心寂思能不嗚咽尚祈節哀爲國自珍臨穎悲悼謹此

電唁朱蕪青叩寄

北京孫中山先生治喪處公鑒中山先生民國元勳世界偉人生平豐功偉烈令人崇拜之極吾儕克享共和幸福實受先生之惠賜凡有血氣罔不尊親近歲才逾花甲精神矍鑠國人方期先生壽臻期頤續任總統俾中華民國立於強富之地位乃以粵疆多故宵旰憂勞致成痼疾居京治理吾人默祝其以次就痊蒼生霖雨匝月來潮汕戰起交通阻梗何期電音傳來以逝世聞嗚乎痛哉竊念先生功在國家名垂萬世軀壳雖死而精神不死吾人默受先生人格之感化信仰不懈曩年在粵得親道範辱荷勉勵有加言猶在耳邇日聞喪曷勝悼念後此吾人應繼先生之志以道德爲根本以功業爲前提愛護民國同仁艱鉅尤望哲生先生節哀順變勉襄大事爲國珍重臨電悽惻不盡欲言蕉嶺縣國子徐亦禾叩敬

北京鐵獅子胡同孫哲生先生鑒捧誦侵電驚聆總理是日薨逝之音殊深痛哀總理爲國功高一疾遽爾長辭在中外人士聞之如喪考妣况先生乎但總理雖死而主義長存軀殼雖萎精神如在伏望先生順變節哀幸勿過毀精神與我同志繼續努力奮鬥以竟總理欲成未成之志王天一巧叩

孫夫人哲生先生鈞鑒聞總理逝世同志均悲痛萬分如喪考妣徒悲無益誓遵遺囑以促主義之實現務望節哀珍重以慰同志臨電不勝悲痛之至中國國民黨第四區黨部宣傳員胡霖

北京鐵獅子胡同孫公治喪委員會暨國民黨本部諸同志均鑒昊天不弔喪我黨父噩耗傳來哀痛曷極除持服及託家兄鼎升就近代表致祭外謹遵遺囑爲國努力以竟總理未竟之志特電致哀無任悽惶中國國民黨贛支部黨員符晉升泣叩東

哲生先生鑒尊翁乃國家柱石人民導師病臥都門良深系念文晚噩耗傳來不勝痛悼之至謹此電唁尚望節哀順變以當大事爲荷中國同盟會會員魯魚元

哲生先生禮次國難方殷國父遽去四海哀悼寧獨我公尤痛主義未昌導師不見尙乞節哀繼志早竟前功除尅日召集同人在本省籌備開大會追悼外謹馳電唁安徽黨員梅陳春泣叩

北京鐵獅子胡同孫夫人暨哲生先生鑒精衛季龍先生均鑒元首逝世舉國同悲憶我總理手造共和艱苦備嘗四十年如一日厥功宏大字

內無傳乃昊天不弔降此鞠凶噩耗傳來潛然隕涕此後山河破碎維繫何人顧念宿型憂心如擣仁慈伏膺總理訓誨謹當益加奮勉終始不渝
上副總理在天之靈敬乞節哀順變爲國珍重臨風灑淚不盡欲言黨員會仁慈叩馬

北京孫大元帥哀典籌備處轉孫哲生兄禮鑒昊天不吊奪我元勳慘聞令先君逝世五內崩摧哀號靡已然此非兄之不幸實國家之大變伏願
節哀勗勵同人遵行遺囑則中山先生之精神不死也揮淚陳詞不勝嗚咽杜寶珊叩感

送北京鐵獅子胡同孫公館哲生鄉先生禮鑒驚耗傳來知令尊大人謝世我粵頓失領袖痛悼殊深尙希節哀以襄大舉鄉晚生黃少岩叩寒
北京鐵獅子胡同孫哲生先生禮鑒元勳遽殞寰宇含悲尙祈先生節哀應變以竟先志謹此電唁宋左林叩刪

祭文卷二目錄各機關

臨時執政段祺瑞

內務總長龔心湛次長王耒

外交總長沈瑞麟率屬

財政總長李思浩次長鍾世銘張訓欽率屬

陸軍總長吳光新次長賈德耀張厚琬率屬

司法部全體

交通總長葉恭綽率屬

教育次長呂復率屬

農商次長劉治洲率屬

平政院院長汪大燮率屬

審計院院長莊蘊寬率屬

大理院院長余榮昌率屬

臨時法制院院長姚震率屬

全國菸酒事務署督辦姚國楨率屬

中央觀象台全體職員

銓敘局局長許寶衡統計局局長吳廷燮印鑄局局長許卓然率屬

京兆尹薛篤弼率屬

哀思錄 祭文 目錄

北京電話局局長田雄飛率屬

鹽務署督辦李思浩署長鍾世銘率屬

京師警察總監朱深率屬

僑務局總裁王芝祥率屬

胡留守漢民暨軍政界全體

建國滇軍總司令楊希閔

建國湘軍總司令譚延愷

建國粵軍總司令許崇智

建國桂軍總司令劉震寰

陝西國民軍前敵總指揮楊彪率屬

幫辦陝西軍務吳新田

滬海道尹王廣廷等

鄂軍混成旅步兵第二團團長方殿甲率屬

瀏陽縣知事唐維藩率屬

大韓民國統義府

駐青日本總領事堀內謙介

祭文卷二

臨時執政段祺瑞祭文

嗚乎玄黃操黷川獄茫茫羣龍戰野風起雲驟不有儁豪誰能自決嗚乎先生實惟人傑既躬其實不有其名來如龍見去若鴻冥功成不居厥志愈偉垂老兵間豈繫得已飄然北上語我以誠方期安坐共話澄清天不憖遺溘焉長逝不敏如余孰與圖治豪情勝概照眼猶新盱衡世變信念前塵過隙不留搏沙易散永闕玄房虛瞻金範天風蒼蒼海水琅琅靈光爽燿奠此椒漿嗚呼尙饗

內務總次長龔心湛王耒等祭文

維中華民國十四年三月二十四日龔心湛王耒等致祭於前臨時大總統孫公之靈曰嗚呼惟公誕靈嶺表騰跡海隅憤一姓之專制爲革命之先驅既假手以底厥績今而來軫不戒於前車遂投袂以奮鬪歷百折而不渝夫豈襲尉佗之故事亦庶幾乎拿波崙之所爲繫羣帥之協謀爰力疾而卽路維上藥之無靈遂一瞑以不顧何彼蒼之夢夢兮乃一例視乎愚智嗚呼公年未耄公言甚大欲貫澈民生主義欲廢除不平等條約其言之售否當別論兮要其理顛撲而不可破嗟九州之方裂特衆木之相維公固挾大名以去而世惡能不悲奠醴陳辭謹爲天下慟而不繫乎其私嗚呼哀哉伏維尙饗

外交總長沈瑞麟等祭文

維中華民國十四年三月二十五日外交總長沈瑞麟率部員敬祭于前臨時大總統孫中山先生之靈曰於赫有命誕生元勳撥亂反正應天順人大輅椎輪堅冰積水遠溯周召近沿法美嘯命豪傑奮發材雄艱貞蒙難慷慨効忠効忠維何厥在民國宏我漢京先覺後覺蒞止上都待謀國是如何一病遽爾不起齋志以終遺言猶在日月常懸江河不廢悲風汨起驚沙坐飛遮目淒泣攬涕歔歔存榮沒哀聲績罔墜青史青山永留紀誌馨像沈埋幽靈髣髴神其來兮昭信難闕嗚呼哀哉尙饗

財政總長李思浩等祭文

惟中華民國十有四年三月二十四日財政總長李思浩次長鍾世銘張訓欽謹率全體僚屬敬致祭於已故前臨時大總統孫中山先生之靈曰

哀思錄 祭文

嗚呼三辰揜晦九曜晦暈邦人驚告云亡我公嗚呼春秋之義中夏是崇神州赤縣久溷華戎公始攘臂憂心忡忡迨遊海外艱貞是蒙號召徒侶演暢宗風投瑕覘隙崛起江東匹夫一呼九洲來同既揚我武囊矢藏弓於時豪傑迭相長雄墨翟有言兼愛非攻公體斯義精誠貫虹紆籌劃據趙佗故封火維南紀垂權祝融瞻懷民憲四海困窮天未厭亂積瘴於中民殷望歲零雨其濛首都戾止美疢告訕三醫遍謁靡拯沈膏大勳未集天祿永終肝腸鐵石忱篤匪躬雲車風馬神遊太空嗚呼哲人殄瘁世遠黃農嚙壤泣感彼叟童緬懷威烈禮極尊隆敬陳蕉荔靈鑒其衷嗚呼哀哉伏維尚饗

陸軍總長吳光新等祭文

維中華民國十四年三月二十四日陸軍總長吳光新次長賈德耀張厚琬率屬躬祭於前臨時大總統孫公之靈嗚呼天不憖遺龍蛇夢徹淮涸星沈山頽梁折四裔哀思萬家泣屑寧有百身贖此元哲東方帝制累代相因縱革宗社莫廢君臣惟公先覺首唱三民誕敷大義前無古人辛亥之役旬朔遽舉發蹤海隅造端荆楚白旆翻空赤縣改組迹比華拿勳邁湯武邦基雖立國憲未成方集賢智併力經營云胡一旦背棄羣萌椒漿列几涕淚緣纓嗚呼哀哉尚饗

海軍總長林建章等祭文

維中華民國十四年三月二十四日海軍總長林建章次長徐振鵬率閩部人員致祭於中山孫先生之靈曰民維邦本民瘁國疵陵夷不競其何以支偉人挺出顛危是持霆擊雷奮激懦起衰再接再厲不屈不移新國肇建金陵奠基讓而弗有公爾忘私國事翻覆民方殿屎護法建國勞瘁罔辭大局猶定泣止京師僉謀大計藉張國維力疾自奮曾不告疲如何弗弔竟不憖遺素車白馬奔走涕淚顧瞻神州誰爲導師鮮葩祗奠靈其鑒茲嗚呼哀哉尚饗

司法部全體祭文

粵若羲農有此冀方民爲邦本式茲典常帝王專制流毒四方內患迭起外侮日強咨惟孫公應期陟降誕膺大命民氣復揚率將義故元戎啓行五族共和于湯有光舊物雖復國憂方將民生多艱其血玄黃公思拯之每飯不忘南北奔馳險艱備嘗昊天降災壽命不長明而未融曰民匪臧

惟公德音宜書旗常惟公勳勞宜配明堂式瞻遺像涕泗旁皇尙饗

交通總長葉恭綽等祭文

中華民國十有四年三月二十九日交通總長葉恭綽謹挈本部同人致祭於中山先生之靈座前曰吾華肇造五千餘年歷史沉沉厥制用專我公崛起首倡革命振臂一呼萬聲同應有清末葉民氣昭揚前仆後起學說大昌爰結同盟公爲盟主豪傑雲從英聲颺舉世多志士殊塗合轍武昌誓師旗張五色始奠南都戴公元首謀國心長成功不有中更世變再歷諸艱護法仗義力瘁心殫神州瀆亂粵嶠崎嶇遠挈同仇揮兵前驅羣賢壹志否塞重開白髮蕭然扶病北來建國宏謨萬方屬望僉謂吉人必有天相風回日簿木壞山墮同聲一哭靈焉傷摧公之事業前無古人公之言論炳若星辰公願未償五權三民公靈不昧雖歿猶生香花式陳維酒有旨雲馬風車公其戾止尙饗

教育次長呂復等祭文

維中華民國十四年三月二十四日教育次長呂復率教育部員等謹致祭於中山先生之靈曰嗚呼天則日星地則河嶽孰與三之繫予先覺既垂文治亦播武威炎初黃胄微公孰歸運有亨屯道無夷險義馭俄摧玄房遽揜龔司邦教肅典駿奔願憑臍蠻歆此齎飭嗚呼尙饗

農商次長劉治洲等祭文

維中華民國十有四年三月二十四日農商次長代理部務劉治洲敬率僚屬謹致祭於前臨時大總統孫公之靈前曰吾華立國垂五千年君主相承政體獨裁自公崛起始創革命屢仆屢起卒除帝政憲倡五權義主三民國際條約廢除要盟煌煌宏謀震爍中外媲美列寧庶幾無媿蕭牆變起南北畛域兵禍頻仍國將不國合肥段公再起東山促公北來共濟時艱公徇其請扶病入京身在牀蓐心在民生僉謂吉人宜邀天相胡天不弔元勳淪喪我因國瘁彌痛人亡瞻望典型悽愴徬徨謹率僚屬敬奠束芻在天靈爽尙其鑒諸

平政院院長汪大燮等祭文

維中華民國十四年三月二十五日宣祭之吉平政院院長兼文官高等懲戒委員會委員長汪大燮率同全院職員暨全會委員等謹以清酌庶饑之奠致祭於前臨時大總統孫中山先生之靈前而祝曰嗚呼哀哉嶺嶠霧塞冀野星沉山頽木壞同矢哀音梭倫器宇林肯胸襟仰攀古昔睥

哀思錄 祭文

一一

晚近今歐風美雨式酌式斟先生之風嶽峻淵深徽猷遠渺嗣響誰任椒漿桂酒來格來歆嗚呼哀哉尙饗

審計院院長莊蘊寬等祭文

維民國十四年三月二十四日審計院院長莊蘊寬敬偕僚寀致祭於中山孫先生之靈曰惟先生國士無雙舊勞於外應乎人而革命從之者若朝宗千日酒香醉裏翦秦於鶉首大功坊迴歸來復漢於龍蟠奈何序退功成考終福備玉棺空掩見劉安於雲中銅盤尙存從比干於地下坐使崢嶸五嶺色黯南天行看磊落丈夫留名萬古蘊寬等與薦馨蘋於司會靡窮箚竹而稽勳當傾城趨救昔之辰朱絲伐鼓爲宜社重報功之典雪涕傾河哀哉尙饗

大理院院長余榮昌等祭文

維中華民國十四年歲次乙丑三月越日戊申大理院院長余榮昌暨同官等謹致祭于孫前大總統中山先生之靈前曰嗚呼莽莽神州天荆地棘首肇共和惠此中國功高望重誕膺斯賢民生在念白首彌堅福國利民秉志不改翼瞻明德羣衆愛戴南天萬里聿作北遊邦人君子同仰鴻猷天胡不憖年命未永令聞卓著允昭來軫英靈不遠俎豆常留三民五憲萬古千秋嗚呼哀哉尙饗

臨時法制院院長姚震等祭文

維中華民國十有四年三月二十四日臨時法制院院長姚震率全院職員謹具清酒庶羞致奠於中山先生之靈曰嗚乎有清末季國事蠲蟻不有豪傑天下誰匡先生挺起巨任獨當共和改建日昃不遑功高望重歷久彌芳民生國計夙夜徬徨先知先覺欽佩八荒翩然北上治思贊襄天胡不憖遽歸帝鄉中外聞耗涕隕心傷元功式念敬奠椒漿嗚乎尙饗

全國菸酒事務署督辦姚國楨等祭文

維中華民國十有四年三月二四日全國菸酒事務署督辦姚國楨率全署職員謹致祭於中山先生之靈曰嗚呼國於天地惟民爲貴負性含生罔有內外嶺海之表篤生哲人揭櫫大義先覺斯民猗歟先生共和首勛功成不居澄懷高曠玄黃迭變陸起龍蛇哀我蒸赤未甯厥家期以和平綏靖寰宇三民五權閱綱斯舉胡天不憖遽賈台星邦國殄瘁空仰儀型砥柱忽傾橫流疇濟望治羣倫失聲隕涕騎箕感昂公神在天陟降左右

瞻念痼瘼手挽天河覆氛永息佑茲兆民共登衽席謹率僚屬虔奉馨香英靈來格雲漢翱翔伏維尙饗

中央觀象台全體職員高魯等祭文

維中華民國十有四年三月二十九日中央觀象台全體職員高魯等謹竭誠致敬奠告於前大總統中山先生之靈曰嗚呼前望瀨瀨後顧茫茫惟公篤生實破天荒公之功德莫可殫揚公之事蹟無煩具詳獨此天下爲公之旨精神炯炯與河嶽並壽日月齊光人但知公爲革命共和之先覺而不知其博綜條貫實探學海之汪洋同人中受公知者固心悅而誠服而未爲公知者讀公之書亦鼓舞而軒鬣公以浩然之氣推倒數千年之專制而建國方略洵足以奠國本於苞桑其最爲屬意者尤在掃除錮蔽習俗與夫術數之占驗襍祥果能貫徹其主義豈徒民生之保障亦卽科學之津梁奈何形格勢阻竟至難者易而易者難迥異夫先生之所主張嗚呼哲人萎矣志行孔彰高山仰止悵惘徬徨惟有寶先生之賜籍以爲圭臬庶愚者明而柔者強僉陳辭以獻藻奉一瓣之心香嗚呼哀哉

銓敘局局長許寶衡 統計局局長吳廷燮 印鑄局局長許卓然等祭文

維中華民國十有四年三月二十四日銓敘局局長許寶衡統計局局長吳廷燮印鑄局局長許卓然謹率屬官致祭於中山先生之靈曰嗚呼天運無窮物欲罔極伊古以來治少亂多而循環如織孰啓孰闕而誰怨誰德舉芸芸之不幸惟蒼蒼之是職大同之不可期洪流其將安測天無以清將恐裂地無以寧將恐發循老氏之遺訓愴予懷而欲絕先生往矣凌虛空而棲玄默攬往瞻來其心傷而猶靈誦言相酬靈其來格尙饗

京兆尹薛篤弼等祭文

維民國十四年三月二十四日京兆尹薛篤弼謹率僚屬等致祭於前臨時大總統孫公之靈位前曰民國肇造伊誰之力名動五洲聲聞禹域首出先生斯民先覺喚起人羣同心愛國三民主義猛進精神五權分立學說尤新奔走呼號艱難備至百折不回堅忍無比中華偉傑世界明星同胞嚮導景仰方殷何意哲人遽摧中道邦家殄瘁齊聲痛悼畢生抱負未竟全功臨危授命愛國深衷惟此哲人高山仰止努力前途吾儕奮起嗚呼哀哉尙饗

北京電話局局長田雄飛等祭文

哀思錄 祭文

一一一

維中華民國十四年三月二十六日北京電話局局長田雄飛謹率同人敬奠於中山先生之靈前曰嗚呼先生山嶽之精共和手枴寰宇心傾三民五權主義光明籌商善後力疾來京方欣統一克告功成昊天不憖仙馭西行薄海痛悼中外震驚凡屬民衆能不傷情謹以短誄敬奠先生在天靈爽鑒此哀誠伏維尙饗

鹽務署督辦李思浩 署長鍾世銘等祭文

維中華民國十四年三月二十四日鹽務署督辦李思浩署長鍾世銘謹率全體僚屬敬致祭於前臨時大總統孫中山先生之靈曰烏虜先生實惟人傑謀國心長憂民情切羽儀羣倫負荷先哲聰明天亶陳義獨絕領異標新不撓百折神都蒞止歡聲未輟奈何春半崦嵫遠眎國步方艱精殫慮死風雨晦明雲波詭譎不有老成疇紓兀艱典型云亡姓字不滅海山蒼茫想像遺烈玄局大招淒涼要經魂兮歸來敬此奠醑尙饗

京師警察總監朱深等祭文

維中華民國十四年三月二十有四日京師警察總監朱深謹率屬致祭於前臨時大總統孫公之靈曰嗚呼維軸傾頽風雲變色冉冉靈旗載瞻哀惻緬維珠海誕精孕秀篤生名世幹國棟家亢志丁年目營四海闡發大同導揚民貴韓非孤憤重耳艱難不私神器化家爲官揖讓運開擎天一柱禹甸更新漢儀重覩羣推首義望重南都功成身退大知若愚岱麓興雲海隅浴日足躡天根手探月窟經營華夏宏濟蒼生羣流共仰學語知名方冀謨猷博施霖雨永奠神州久寧寰宇昊天不弔邈矣英風爲山九仞寧惟私恫尙饗

僑務局總裁王芝祥等祭文

維中華民國十四年三月二十五日僑務局總裁王芝祥率所屬職員等謹致祭於前臨時大總統孫中山先生之靈曰繫維先生秀鍾南粵名徧八荒共和締造艱苦備嘗立志純毅任事堅張三民五權建國之方功成不居其說益彰首都遠蒞爲國贊襄天不憖遺遽奪元良兆庶感慟百世馨香伏維尙饗

留守胡漢民暨軍政界全體祭文

維中華民國十四年三月十七日胡漢民暨軍政界全體謹致祭於大元帥前大總統本黨總理孫中山先生之靈曰異人崛起橫絕穹蒼卅載艱

勤手造玄黃廣宣漢威莫我抗行十葉之虞殷如壞牆大功弗居其德彌光國難方道桀梟誦詭幽薄自娛大法中圯奮一戎衣義師突起雲興龍從神典懼死自是國事日以糾紛遺韃未淨張彼游魂信約鼎重毀重塵氛雄城鉅社鬱鬱孤羣黨偏敗類復憐受恩亦張獍噬甘爲亂民數載辛勞弗弛宵旰傷我黎庶委於塗炭屢伸撻伐以力扞難風雨飄搖義旗璀璨雄師北舉兔窟爲空南服浦藪麋鹿已窮天胡不弔遭此閔凶艱危困苦悉集厥窮曾不宿留以竟鉅功嗚呼哀哉追隨杖履明訓夙聆新詣獨創除惑解醒三民主義炳如日星五權憲法爲國大經建國綱領言簡而明物質建設義顯而精功邁前史民無能名曠四千年僅此典型嗚呼哀哉吾黨不幸失却導師遺訓具在音容永離主義精神衆爲護持努力前進毋敢自欺嗚呼哀哉尙饗

建國滇軍總司令楊希閔祭文

維民國十有四年三月十七日建國滇軍總司令楊希閔謹以清酒庶饘之儀敢昭告於陸海軍大元帥孫公中山之靈曰繫惟我公名世挺生首倡革命玉振金聲在昔少壯誓掃胡清豪彥景附勵志同盟辛亥起義遂屋滿社選爲元首造我區夏成功不居翩然下野威德謙光生民蓋寡揭示主義國爲民有以治以享責應予負宣傳有衆禿筆勞口庶政太平登世人壽天禍中國羣魔迭興死權徇利怨咨沸騰屢蹶不撓奮起抗爭中外翕服百姓與能燕都改造剝極將復毅然北上示以正鵠內張民權外抗強族率土應聲歡呼相屬指揮羣衆仰賴先知胡天弗恤不肯懲遺二豎肆虐奪我導師山頹木壞萬類含悲惟公秉靈日星河嶽天錫勇智爲時木鐸身雖云徂精神永託如水行地歷久彌廓下走侍公始自潯梧授鉞專征許効馳驅百戰殺賊悉乘睿謀蒙推赤心敢惜微軀噩耗飛傳攀號莫及循誦遺言志苦辭惻革命未成同志努力奉以周旋期盡大職承公方略建國實施庶憑展効仰答恩知死生契闊涕泣陳詞在天靈爽尙其鑒茲哀哉尙饗

建國湘軍總司令譚延闓率全體將士祭文

中華民國十四年三月十七日建國湘軍總司令譚延闓率全體將士謹致祭於大元帥孫公遺像之前曰嗚呼先生之生也爲東方民族而生也先生之死也爲東方民族而死也民族國際地位不平等則非先生之志民族政治地位不平等則非先生之志民族經濟地位不平等則尤非先生之志先生具慈悲發宏願誓必碎民族之鎖鍊解民族之倒懸拯民族生命危於累卵之颶風顛簸中我民族生命之能否保存全恃乎先生先

生下決心於乙酉之歲獲成效於辛亥之年其間七繞地球十遭挫敗意志因蒙難而益堅主義更光輝而獨發先生之志犧牲愈大即民族之解放愈可期乃者十四年來大盜竊國梟兒叛黨幾無事不可以促先生於死者先生猶毅然自持不顧一切外而資本帝國主義之侵略內而封建軍閥之壓迫先生不屈威武不避艱險率領黨徒號召民衆與國內軍閥及國際帝國主義者戰心力已瘁懈志不萌且益形其堅銳不拔之概下軍領受使命努力殺賊亦甚欲革命成功爲先生所目睹以償四十年之宿願乃癘病發肝臟百身莫贖而先生死矣先生之死爲打國際帝國主義而死爲打國內軍閥而死湘軍將士謹遵遺訓從事努力奮鬥誓必掃除一切國際帝國主義一切國內軍閥及剿滅叛逆之陳炯明以慰在天之靈而後已嗚呼哀哉嗚呼痛哉尙饗

建國粵軍總司令許崇智祭文

建國粵軍總司令許崇智致祭于大元帥文曰大元帥孫公齊聖廣淵泛愛博容心燈炎天赫曜九夷民之無祿溘然長逝邈哉晞矣智以壯年受命討伐夙夜起舞奔奏殺敵更歷歲寒自頃東征罪人未得北望幽燕執轡以淚謹率三軍載酒百拜以告涉降之靈曰瀨瀨皓天篤生異人其仁如天其知如神復夏創制舊邦可均利物濟艱不于其身行易知難以覺斯民在險而正不屈愈伸跨世凌時磨而不磷日月則陰春秋獲麟聖哲崩殂四海沉淪有酒在筵有車輪輪弓矢斯張東勳是陳南轅北轍彷彿音塵公之主義銘劍書紳後死有責敢忘諄諄何以報公不絕火薪何以慰公和協四鄰心光永照遺形守真凡有血氣莫不尊親於乎不顯我公之德之純

建國桂軍總司令劉震寰率本軍官兵祭文

中華民國十四年三月十七日建國桂軍總司令劉震寰率本軍官兵謹具清酌致祭於大元帥孫公中山先生之靈柩前曰在昔清季薄言維新公倡革命歷嘗苦辛大勇無敵締造民國功成不居尤仰大德奸雄迭起國亂薦臻父秉斧鉞斬棘披榛世變日深人心益誦鬼域縱橫事多磨折爰本主義奮鬥不渝俄有列寧公實與符行之匪艱知之爲艱公之學說足厲懦頑方期壽考定國於一何意泣麟書元絕筆二十世紀名顯瀛寰人亡國瘁淚滿河山天不憖遺百身莫贖遙望燕雲痛思芳躅秉承主義懷永不忘枕戈待旦以誌心喪尙饗

陝北國民軍前敵總指揮楊彪率全部官佐兵士祭文

維中華民國十四年五月一日陝北國民軍前敵總指揮楊彪率全部官佐兵士謹以清酒庶羞之荐致祭于中山先生之靈曰嗚呼近數十年來先生之於吾民蓋無日不欲導引扶持以共生存於新國家新社會也去歲由粵入京國人方且致疑於此一役不知先生正欲藉此身與北方人民力圖浹洽俾一己所主張漸漬彌淪乎全國人之心不致彼此動多誤會以爲策我全功張本絕非欲顯藉事變大逞口說冀得一當於風馬牛不相及之北京政府已也嗚呼孰意居京未久而先生病且死矣先生死而吾黨繼起無人吾國其終絕望矣否則羣策羣力不狃不撓以勵行此不死之主張他日共和政體切實表現於此數十年紛擾之中華民國蒙其利雖謂先生不死猶之可已彪治軍無狀遭時多艱念已往見教之殷殷悲此後進行之倏倏雲天千里幽明隔絕陳詞表哀神其來饗

幫辦陝西軍務吳新田祭文

巍巍五嶺官屏障南天挺生奇杰領袖時賢政綱解紐國勢變遷翩然先生知覺獨先共和手造大振民權九州鼎沸乘船日邊天驚石破功業爛然兵間垂老海上養年持危治亂兩度遊燕擎天一柱挽瀾百川天不憖遺壺嶠上仙範金鑄像千禧應傳西陲阻迹北闕情牽椒漿桂醕遙奠華尖匡時有志聞誨無緣製辭奉奠用抒恭虔嗚呼尙饗

滬海道尹王賡廷等祭文

維中華民國十有四年三月朔越二十三日滬海道尹王賡廷江海關監督朱有濟外交部特派上海交涉員陳世光淞滬警察廳長常之英滬北工巡捐局局長李厚祚上海縣知事李祖夔等敬謹馨香致祭于第一任臨時大總統孫公中山之靈曰聿新政本公植其基肇造邦家卿士師師改玉改步正義制之羣雄構煽公能一之元元憔悴宜厚生也士子疲恭宜振發也放諸四海乃準則也夷夏憲章一鑪而冶亦在百粵展茲新猷寰宇騷風夜殷憂乃眷西顧爰整其馭鞠躬盡瘁不遑小休天奪胡速可贖人百滄海橫流孰拯其厄維茲周行勉循轍迹禘祀酌羞來享來格

鄂軍一團團長方殿甲率全團官佐士兵祭文

粵維癸辛罔恤民羣惟彼湯武順天應人蒸民噩噩盧羅是憂大聲疾呼平等自由繫惟我公心誠血熱上繼三王下繼西哲敷歷九州醉心革命鑒彼外侮主張斯定毅組政黨誓剪醜會顛連播越而美而歐三民五權建國方鍼匪維亞域薄海咸欽投苟弗利鏗而不舍卒墟秦城恢吾漢社

約憲既成僉曰公勳傲屢元首願齊平民豺狼橫地覆蹈共和護法靖國義舉干戈巨勳雖除瘡痍未復惟公是依仁煦義育國是未定善後詭言惟公是存舌戰筆宣彼蒼者天萎我英詰人之云亡邦之既隍公靈不爽降鑒在茲曷此同志克遂厥初尙享

瀏陽縣知事唐維藩恭率閣署職員等祭文

天佑下民篤降先生取彼凶殘宏我漢京改建共和期躋太平胡天不弔宵隕大星友邦敬弔四海吞聲守土有責敢潔粢盛在天有靈陟降如生尙享

大韓民國統義府祭文

維中華民國十四年大韓民國七年三月二十六日大韓民國統義府謹以熱血同情泣告於大中華民國革命大偉人前大總統孫博士中山先生之前曰倭之吞韓作橋洵屬侵略大陸之最要政策敝府之專門殺倭豈非謀東亞和平之最大工作耶雖然互助精神尙屬薄弱竟至革命尙未成功矣伏維先生在天之冥靈深助此次中韓之同志切實之攜手共赴聯合戰線打倒帝國主義廢除不平等條約他日東亞如成和平則千萬歲下對先生之銅象者未有見而不拜矣處非常之環境者不能盡胸懷之萬一只此數語伏冀尙饗

青島日本領事堀內謙介祭文

維大正十四年四月十日青島日本總領事堀內謙介謹告於中華民國前臨時大總統孫中山先生之靈曰先生少壯夙懷民族革命之大志往年先起義軍於廣東事與願違不幸失敗爾來或避難於日本或幽居於英國臥薪嘗膽靜待時機至宣統三年武漢革命成功建中華民國萬代之基礎而當時中國政情未明不容先生之理想實現先生暫行寄身廣東之一隅鼎力維持民國法統苦節七年客歲時機漸臻親自晉京當善後會議將開之際欲大施策劃以濟時艱乃天不假年於三月十二日溘然長逝驚耗傳來中外同悲山河慘淡日月失光悲風颯颯淚雨蕭蕭痛惜良深惟先生天資高潔操行熱烈雖幽明異處四十年間高遠之理想與不屈之壯志千載而後可以鼓舞民氣置民國基礎如泰山之安維持東亞和平先生始可瞑目於地下也今特齋戒沐浴略表微忱伏維尙饗

祭文卷二目錄各黨部

中國國民黨全體黨員

福建國民黨全體黨員代表施明等

陝西國民黨全體黨員代表李元鼎等

河南省黨部

中國國民黨上海市第四區黨部全體黨員

中國國民黨上海市第五區黨部暨各區分部全體黨員

江西旅京國民黨黨員

河南旅京國民黨黨員

四川旅京國民黨追悼會

中國國民黨旅京貴州黨員

國立北京師範大學國民黨全體黨員

中國國民黨日本東京橫濱神戶各支部全體黨員

神戶中國國民黨支部

駐渝國民黨全體黨員

中國國民黨瀏陽黨員

哀思錄 祭文 目錄



祭文卷二

中國國民黨全體黨員祭文

維中華民國十四年三月二十三日中國國民黨全體黨員謹以至誠哀告於故總理孫中山先生之靈曰嗚呼樹欲靜而風不息全世界被壓迫之民衆今方漸進於覺悟之途我中華民國之民衆亦方自覺其地位知一致興起接受三民主義爲自己解放之要道而我崇高偉大仁慈之保育者竟不能久留棄我民衆而去吾民衆之悲痛爲何如耶吾黨雖有三十年之歷史然改組以來爲時僅一年全體同志方由我總理之陶融指導以從事於最基本之工作而我三民主義之創始者竟捨同志等而去我同志之悲痛與失望更如何耶我總理四十年來所昭示於民衆者一曰博愛一曰天下爲公而手草之建國方略則以建國之首要在民生一語冠其總此實我總理以仁自待以仁待人以仁救國以仁救世之真諦爲全世界人類尤爲中國國民所永不能忘者吾人今日敢誓於總理之靈前曰吾同志全體自今以往願以至誠於一言一行奉總理之遺教以爲則而共結合於以仁愛爲基礎之三民主義之下以此自救以此救人以此救國以此救世以繼我總理以革命救國爲起點而達人羣進化世界大同之志而革命尙未成功同志仍須努力之遺教則更爲我同志努力之方針也嗚呼我崇高偉大仁慈之總理逝矣總理四十年之歷史及一切著作以至講演紀錄舉爲我總理昭示吾民衆之遺教而病篤時同志紀錄之遺囑則爲舉此遺教全部付與吾民衆之信物亦卽爲我同志全體之楷模吾人惟承奉不忘力行不懈永久之世界惟賴人類永久之努力而存在吾人僅有以此告慰我總理在天之靈而已尙饗

福建國民黨全體黨員代表施明等祭文

維中華民國十四年三月二十八日福建國民黨全體黨員代表施明等謹昭告於總理孫中山先生之靈曰嗚呼人誰無死顧或重於泰山或輕於鴻毛死同而死之所繫者異也我總理崛起粵海艱難險阻歷四十年爲全國人民之幸福計不爲一身之安富尊榮計善迎世界思潮以立進化基礎融會貫通折衷至當其自信也篤吾人之信之也亦益堅所志未成中道殂謝此全國智識階級所旁皇震悼知其所繫者大也然總理雖舍吾人以去而其主義及學說炳如日星光氣常不可掩精神既長留天地間可毋庸以死生論者也吾黨今後之努力向前以副總理之遺囑者具見於全體黨員告祭之文茲不復贅而同人所不能已於言者我總理生長粵省與福建特一水之隔耳故總理之同志以閩人爲多黃花之役

哀思錄 祭文

一

其最著也辛亥革命功成逾年總理親蒞閩省以與閩人相周旋海邦僻陋得聞總理之言論而掩其斗采閩人實引爲榮幸焉今總理長已矣而閩中水深火熱迥非民國初年之比駐防之師無異遜清宰割朕削我民窮無復之則挺而走險餓殍載道羣盜滿山食肉之夫迄無體總理意而談民生主義者博愛如我總理在天之靈得無騰閩土而怨恫乎臨文哀愴不知所云尙饗

陝西國民黨全體黨員代表惠有光等祭文

維中華民國十四年五月一日陝西國民黨全體黨員代表惠有光李元鼎蒙發源等謹以清酒庶羞之儀致祭于總理中山先生之靈位前曰我族建國奄有亞東開物成務實遠且宏晚近國家故步自封天欲啓之篤生我公偉哉我公首倡革命羣倫繼起影從響應專制顛覆共和奠定功成身退皎焉若鏡奸雄盜國來軫相道動搖邦本民黨爲仇我公返粵北伐是謀崎嶇歷年夙志莫酬自頃政變翻來京國栖皇一老天荆地棘豈謂說行豈謂計得實欲主張自南阻北天造昧昧民生渾渾大亂未艾遽奪元勳神州莽莽舉目荆榛世界不幸豈直吾民惟公主張皎若日星麗行兩間晝夜更明雖有隱晦弗滅光晶國步艱難失此罔行勵行之責端在後起凡我黨人勉力終始毋爲利奪毋爲勢蕙繼繼繩繩我公不死香花燦爛遺像淵穆何以荐之惟蘭與菊神其來饗載瞻雍肅謹陳蕪詞爲我公祝

河南省黨部祭文

中華民國十四年三月十二日前大總統孫公中山薨於京師行館天日黯色億兆銜悲音容永闕德音彌芳敢託旗旒恭作斯誄辭曰
箕矣炎黃殿斯民祖明德克宣式奮威武衍禩四千民彝攸斲纛會間釁劇剝夏土腥臊河山犬羊日月忘醜戴德罔或隕越思纘湯武倡言命革滿運其踣肇啓民國君權覆顛乾坤闢新締構元始任匪異人拮擻頡美五權三民皇漢曷光東亞福神帝降凶厲不遺國父蒼黎汰歡玄靈泣慕題湊已肅龜筮已卜永辭綺宮深襲隊路柏門寢日松帳拂霧慟眸容之云邈思邦國之偕沒嗚呼哀哉

中國國民黨上海市第四區黨部全體黨員祭文

維中華民國十四年三月二十九日中國國民黨上海市第四區黨部全體黨員謹以香花庶羞之儀致祭於我中華民國開國大元帥全世界被壓迫民族領袖孫總理中山先生之靈前而爲之辭曰竊我華族素號和平海通以還迭遇外侮大好山河盡遭破碎國家主權喪失無存我總理

目擊時艱知非推倒滿清奪回政權不足以圖謀改進乃奔走海內外號召革命雖歷盡艱窮而辛亥一役卒告成功方冀登我民於衽席措國基於安強而乃黨徒惑於近利軍閥乘機施技致使我總理夙願未得遽酬事之可痛殆莫甚焉自此袁氏稱帝張勳復辟徐世昌以項城客卿清室家臣而竊據國柄曹錕則藉私黨之擢擁金錢之賄買而醜顏自稱總統十三年來此起彼伏禍亂相尋迄無寧日值此時會一方面我國民固流離失所飽嘗災眚一方正我總理護法也北伐也鞠躬盡瘁轉戰疆場冀救我國民於水深火熱之中迄於今我國民得勿終爲袁氏奴隸羅曹家魚肉者非我總理之賜而誰歟去歲曹吳覆滅軍閥又經一度挫敗我總理以爲從此國民應亟出而自主勿再坐視軍閥之朋分竊據致蹈前次覆轍因卽率先提倡國民會議且竟身冒萬險毅然入京將爲四萬萬人民爭一線生機謀永久安寧而全國人士經我總理數十年苦口婆心激盪鼓勵已漸覺醒亦無不堅決主張函電交馳誓促國民會議之成功雖奸刁如段祺瑞強橫如各省督軍督理未必遽肯俯首就範然而民氣從茲日張民力亦必隨之而日漸澎大日漸強厚軍閥之倒實易如反掌何期大功未成而我總理竟積勞致病病而不起嗚呼哀哉且也我總理鑒於列強每利用我國內軍閥而不斷搗亂也而乃大呼反抗帝國主義之侵略鑒於我國實業不振經融虧耗也而乃主廢除中國與各國所訂一切不平等條約其所以昭示我國民奮鬥之途徑抑又何其明澈而堅定嗚呼總理我同志知所遵循矣我國民知所則效矣然而我總理竟安在哉嗚呼哀哉今有人也謂總理猶吾國民之嚴父蓋我總理之所以維護吾國民者已恩至義盡嗚呼我總理豈僅爲吾國民之嚴父而已也耶實嚴父而兼慈母之愛者也從此吾國民失所怙恃矣痛兮傷哉復有人也謂我總理猶吾國民之導師蓋我總理之所以教導吾國民者已無微不至嗚呼我總理豈僅爲吾國民之導師而已也耶實導師而兼友朋之親密者也從此吾國民失所匡助矣痛兮傷哉雖然我總理其逝矣五百萬黨人皆我總理之續四萬萬人民皆我總理之嗣總理有三民主義吾黨人吾國民誓當至死靡他立志奮鬥冀達目的總理有建國方略我黨人我國民誓當畢生維護努力進行冀其實現嗚呼總理泉下有知其仍呵護尙饗

中國國民黨上海第五區黨部祭文

維中華民國十四年四月五日中國國民黨上海第五區黨部暨各區分部全體同志以中華民國開國大總統國民黨總理孫中山先生溘逝京師開會追悼聚而哭於靈前曰嗚呼先生生救中國死爲明神山川毓秀生甫及申維申及甫威鳳祥麟友愛摯真葆率天真晚清專制遍地荆榛

哀思錄 祭文

一一

先生一怒義不帝秦奔走海外茹苦含辛主張革命逆耳批鱗共和創造其命維新揭櫫主義五權三民開國總統鈞服振振外交決勝威震強鄰整理內政不私其親巍巍蕩蕩先生之仁愛國之士引爲同志與中同盟聯成一氣馬首是瞻生死不貳爲衆斗杓先生之義青天白日招展內地彼仆此繼誓清胡騎漢奸膽寒覺羅心悸民國告成先生之智中華正朔五族一體服色既定衣冠濟濟紆尊降貴其甘如薺讓德昭明先生之禮籌餉革命其言也訥民軍屢起由衆捐認先生一言黨員無吝吝致之先生之信黨人道德紀律森嚴赫赫師尹民具爾瞻稍有貪冒遺臭閭閻諄諄訓戒先生之廉兵凶戰危庸人驚恐義師崛起敗不旋踵豪傑狂嘯心血泉湧百折不回先生之勇大道之行天下爲公選賢與能志在大同先生任之原始要終利國福民先生之忠若夫先生之恥恥中國之不强恥國際之不平恥民族之不繁昌恥民權之未達恥民生之未彰恥聯治之假託恥軍閥之跳梁恥政客之捭闔恥人心之無良恥革命之未貫徹恥黨員之有違黨章已矣哉國無人兮誰能如先生所抱主義之堅剛直不遑朝夕之甯處兮險阻艱之備嘗痛燕雲空氣之溷濁兮入津門而臥床昊天胡不弔兮使吾儕有三年之心喪邦國其殄瘁兮嗟哲人之云亡苟非衣冠而禽獸兮孰能免於哀傷聚哭先生之涕泗兮若決江河而溢東洋嗚呼先生松楸在望地北南天紫金山上奉安乘前魂兮歸來雄鎮於先生明赫不朽黃泉嗚呼哀哉尙饗

中國國民黨上海市全體黨員祭文

中華民國十四年四月十三日中國國民黨上海市全體黨員敬搢涕竭誠以致祭於總理孫先生之靈曰嗚呼國喪其父民失其師爲子弟者悲淚填臆其尙復何辭自今以後哀悼之日終奮鬥之期始遺言在耳念茲在茲道遠任重有百險而無一夷生死且不可知又尙復何辭自總理之逝羣魔塞道將以昔日之搏噬總理者搏噬此七十萬之孤兒若不指天誓日如兄弟姊妹之相依則將覆亡無日而又尙復何辭不有吾黨國誰與扶持民誰與提攜痛念總理彌留之時國民救國之語幾經面命與耳提苟吾儕而不鞠躬盡瘁前仆後繼則將誤此民國辱及父師更尙復何辭嗚呼龍蟠虎踞之上青天白日之旗總理之靈其鑒此至誠而默指揮之尙饗

中國國民黨上海市第五區各分區同志祭文

維中華民國十有四年四月十三日中國國民黨上海特別區全體黨員追悼總理孫中山先生我第五區各分區同志相率到會謹致詞於孫先

生之靈前而哭之曰嗚呼先生炎黃之胄革命救國卅載艱難披星戴月廢寢忘餐舉世皆濁獨挽狂瀾萃萃中原腥氣瀰漫大風一起四海揚塵乙未之歲烈士殉身邱程朱陸求仁得仁鴻飛冥冥先生出奔由美而歐被困倫敦皇天祚漢碩果仍存義旗繼起雲雷之屯惠州之戰先生麾之堅如之炸先生命之欽廉河口履險如夷大旱雲霓民仰義師辛亥之役黨人被圍黃花岡上墮淚有碑既定武昌迺奠南畿中華開國功德巍巍微先生之革命兮中國國勢將愈趨而愈卑微先生推倒滿清兮至今猶爲宣統帝制自爲之時期微先生擁護臨時約法兮昫昫禹甸已非民國之邦基微先生下令剪辮兮吾儕今日尙有豚尾之長垂救國救民如先生兮猶遭亡國大夫之誚譏吁嗟政客之無良兮視國事如置蒼哀人心之多死兮有良藥而不醫吾民冀二民五權之實現兮仰先生如嚴慈胡彼蒼之沈醉兮斯哲人而竟萎先生精神雖不死兮誰拯我四百兆之窮黎彼虎俵之蠢蠢欲動兮非欺天其誰欺先生生而爲英兮死必靈而有知權厝先生於西山兮吾人揮淚於歆浦之湄嗚呼哀哉尙饗

江西旅京國民黨員祭文

維中華民國十有四年季春日爲江西旅京國民黨員公祭孫前大總統中山先生之期爰爲誄曰嗚呼先生今其逝矣迴溯四十年前吾人蹙伏於專制政體之下疾苦顛連莫可告訴先生卓然挺出倡導革命標榜民權民族民生主義由是海內同志景從雲附卒能推翻滿清民族主義於焉實現迨民國成立經數次浩劫而先生卒百折不回護法建國不憚艱險民權亦由此漸擴矣近年以來民生憔悴日甚一日先生忽然憂之著書立說以扶植民生爲志其所言經緯萬端不暇枚舉果能推行無阻何難解倒懸而登衽席然而下士聞道往往非而笑之致使此主義猶未盡現而先生竟賈志以去嗚呼痛哉獨是先生雖去而先生主義要自長留於天壤終不隨之以去惟賴吾輩後起羣策羣力以竟先生未竟之志則先生之目瞑矣抑尤有進者今日爲吾江西同人公祭之期猶憶癸亥之役項城陰謀稱帝舉國噤若寒蟬雲南高舉義旗贛亦當仁不讓項城旣敗繼之者悉係操莽之流割据稱雄荼毒閭里吾贛志士困於淫威壯志未酬流離異地方幸旌麾北上奠定神州爲蒼生造福復吾輩自由詎期天不憖遺國喪元老從此廬山蒼蒼潯水湯湯欲先生致之於承平者不得不有以自勉是則吾輩於深哀痛悼之餘猶希冀先生在天之靈指導吾輩以繼先生之志也嗚呼哀哉尙饗

河南旅京國民黨員祭文

哀思錄 祭文

一一一

中華民國十四年四月二日河南旅京國民黨黨員敬致祭故總理中山先生之靈曰嗚呼風雲黯色辰曜鬱華聖哲殄瘁悲騰彌遐導師遽失懼覆邦家嗚呼珠江靈域誕維先生業邁華頓志錚列寧盧梭衍說水寒遜冰方弘漢德混壹寰瀛彼蒼憤憤天折地傾嗚呼陶植冶鎔奄背俄夕緬懷音儀淚澌聲噎奠饋肅陳神其來格哀哉尙饗河南旅京黨員丁仁偕李鶴閣鴻鈞丁家光徐曜東張華祖張善與閻琳丁亞威丁亞武袁鴻升蔣廣欽鞠躬

四川旅京民黨追悼大會祭文

民國十四年三月二十七日四川旅京民黨追悼大會謹致祭於中山總理先生之靈前曰肅肅先生人倫之宗學賅百氏量孕羣雄道之先覺國之元功馳觀域外倡義實中同盟樹幟薄海同風華陽之國黑水之封人事熱烈士效功忠颺風響應雲合景從政推專制運啓大同齟而復起明而有融生民之本天下爲公知行合一光大含宏崑崙極峻淵海能容罔有內外畢致欽崇如何不弔嗟彼蒼窮哲人竟萎吾道其窮嗚呼先生睥睨國賊揖讓白宮爲忠爲佞一蛇一龍光爭日月壽抗喬松大功未竟令譽克終伊予後死敢倍初衷瓣香敬奠神聽惟聰哀哉尙饗

中國國民黨旅京貴州黨員祭文

維中華民國十四年乙丑三月二十九日中國國民黨旅京貴州黨員等謹致祭於前大總統本黨總理中山先生之靈曰嗚呼維天降命誕生我仁明總理於中土改革五千年專制之朝廷爲華夏共和之元祖憶昔公在東瀛以中國同盟會召同志吾黔人士之游學者乃初識三民主義五權憲法之門戶甫越七年太歲在重光大淵獻仲秋之月江漢之間遂首舉義旗赫然斯怒不二日竟光復諸夏應天順人追休烈於湯武猶記公自歐通電謂今後之中國當以工商實業爲競點爲中國開一新局面卓卓乎視政權如毛羽紀元之初公正位金陵祭告明太祖皇帝以表章中華民國之告成豈知吾黔黯澹之革命歷史正丁其時宜含淚以哀鳴殘賊之人於是歲之中累殲我良士其冤抑猶至今而未申公昔著書會引證此事代寫我同志之不平癸丑之役我師失利項城尤仇視吾黨公亦含辛茹苦率同志以東征幸項城爲帝制所累失敗以逝公乃返旆於國門而是役也貴州亂政之輩本樂受項城之好爵實無意於民軍吾鄉同志之英年深明大義獨提義旅效命湘西輸我公以精誠繼又護法北征督師蜀境冒死前進以追隨我公爲光榮是我公大仁大智之所感豈彼逐名逐利者之可以爲衡自是以還又七八年間公或旅居於滬或秉政

於粵皆欲求三民主義之恢張五權憲法之不沒或以懸河辯口爲鼓吹或以曜日兵戈爲征伐所謂歷千劫而不朽經百難而不歇而吾貴州同志之慕公者雖其才其智其力不足以助公之毫髮而改節易操奔走權門反唇相譏之醜行幸無迹之可許嗚呼我公薨矣三民五權之訓猶朗朗如日星黔土雖僻黔士雖陋其矯矯孤幹實夙乘於山靈京國人海庠序菁英隸黔籍者大都奉公爲模範而今而後其酬公者將以三民五權爲汽車以克復爲煤以禮讓爲水以敬信爲司機之士納此任重致遠之利器於正軌日千里而不停嗚呼我公之德澤深矣我公之勳業成矣公方謂民未安國未泰強鄰未抑世界之弱小民族未振拔皇皇焉若有所恐懼而不寧將何以竟公之大志乃切切焉屬望於吾黨之後生嗚呼公靈邈矣天闕白雲精誠可格惟德斯馨神其不昧鑒此哀忱嗚呼尙饗

國立北京師範大學國民黨全體黨員祭文

維中華民國十四年三月二十五日國立北京師範大學國民黨全體黨員謹哀告於故總理孫公中山之靈曰嗚呼厥初生民時維黃帝造我區夏初開草昧亦越夏商專制流毒湯武革命未能免俗自時厥後攘奪相循郊生戎馬民靡有寧大明失馭羣盜跳梁東胡猾夏據我朔方中原版蕩淪於胡虜南風不競胡宮禾黍惟彼蠻夷豺狼成性嘉定揚州屠戮殆盡鄙哉曾左爲虎作倂奴親異族殄滅洪楊滿清末葉叢勝萬幾黃鐘毀棄瓦釜雷鳴政以賄成喪權辱國危若綴旒奄奄待滅惟我總理崛起田間艱難險阻遍歷瀛寰三民五權主義救國奔走呼號聲嘶力竭堅苦卓絕再接再厲之死靡它成敗何計風起雲揚豪傑奮起旗幟一揮胡塵披靡大功告成正朔改易天下爲公急流勇退天不悔禍大憝盜國號召西南興師討賊元惡就禽京師底定飄然北來共籌國計風霜辛苦隱疾入闈天胡此醉木壞山頽山河慘淡草木悽悲舉國哀悼靡所瞻依矧在吾曹服膺主義方冀疾痊親聆訓誨喪我師表百身莫贖憑吊撫棺同聲一哭瞻言國步荆棘縱橫軍閥構禍外侮憑陵宵小弄權覬覦非分賣國媚外摧殘民氣狐城鼠社尙待肅清吾曹責任綆短汲深誓以教育喚起國民繼公之志慰公之靈尙饗

中國國民黨日本東京橫濱神戶各支部全體黨員祭文

維中華民國十四年四月一日中國國民黨日本東京橫濱神戶各支部全體黨員謹以至誠致祭于總理中山先生之靈而泣曰嗚呼先生革命導師德冠羣倫學博中西少倡革命矢志不渝飽嘗艱苦卅年於茲三民五權獨標真諦建國略書遍傳寰宇辛亥倡義首創共和袁氏稱帝洪憲

自號丙辰護國我公倡之四方響應獨夫自殂會黎馮徐先後遞嬗民國不幸禍結兵連公愛民國護法西南興師討賊道義是擔建設伊始破壞爲先內除奸賊外蕩腥羶不圖炯逆陰險性成犯上喋亂作血羊城數年經營廢於一旦功敗垂成識者所嘆義師崛起開府廣州再接再厲聲討曹吳曹吳既倒段氏繼之同心協力國事可爲我公北上歡聲如雷國民會議公實主持解決國是惟茲一舉奠定吾國指日可期天胡不吊降此鞠凶積勞成疾藥石無功喪我導師失我國父噩耗驚傳痛哭悲呼嗚呼痛哉緬維先生爲黨爲國畢生奮鬥老而彌烈謀民幸福博愛自由功在民國萬古不休今雖告終精神不死光爭日月吾黨主義嗚呼痛哉同志後死誓繼公志完成革命決心永矢願公在天默顯神靈呵護黨國萬世維馨嗚呼痛哉尙饗

神戶中國國民黨支部祭文

維中華民國十四年三月二十四日神戶中國國民黨支部同人等謹以鮮花輓聯敬祭於前臨時大總統中山總理之靈而告之曰繁革命之先覺兮惟我總理性堅強而警敏兮今天之所昇憫前代之專制兮引爲奇恥糾同志於海外兮鼓吹伊始歷險艱之千萬兮流離瑣尾卒百折而不回兮旋仆旋起迄辛亥而奏功兮共和開史今大局猶混沌兮未知底止正奮鬥之直前兮再接再厲胡昊天之不弔兮溘然京邸嗟歷年之卵翼兮遽失依倚更後繼之茫茫兮誰爲鉅子警效兮如聞遺容兮尺咫薦一炷兮心香靈有知兮鑒此尙饗

駐渝國民黨黨員全體祭文

維中華民國十有四年 月 日駐渝國民黨黨員全體謹以清酌庶羞之奠致告於總理孫中山先生之靈嗚呼昆侖東走絕海南橫嶺嶠峨峨篤生先生先生素抱民貴君輕二十餘年慘淡經營萬蹟不仆卒底於成廓而大之寰球震驚帝國鐵血約結不平盾鼻墨瀋撞鐘大鳴御剛不吐待人惟誠有教無類靡論疏親失敗屢遭華聞日增蛟鯢旁格豺狼勢傾神度淵疑如海如陵蠱測蟻負妄計高深識馳域外謂閩內情辨奸最早謂啓黨爭護法北伐謂徒糾紛獨立自主謂不易行羣兒笑罵日月浮雲青天皎皎何損太清堅苦卓絕先正典型不待屈指數公生平去年啓節北指燕京國民會議枯卉欣榮主權在民萬口一聲奔走呼號引領促成百廢具舉蕃殖本根乘桴浮海折衝俎樽內外清明公志以伸嗚呼嚮治同我太平乃聞疾病心憂如焚參耆療治藥其有靈噩耗西來疑仍傳聞昊天不弔竟萎哲人憲垂五權義主三民詎曰空言建設日新最終不

忌睡獅喚醒奮鬪自決臨絕之音死而不死敢掬血忱哀哉尙饗

中國國民黨瀏陽黨員祭文

嗚呼吾總理竟棄吾同志而長逝也耶當此國事未定之時而吾平民之保障者竟以逝世聞吾同志又安得不椎心泣血以哀悼耶方今中國平民處于二重壓迫之下內而閭閻不安外而強鄰逼處貪官污吏濫法枉賦民生日就艱難民權橫遭蹂躪不平等條約尙未廢除須事裁判權尙未收回宗教深入窮鄉外貨充斥內地文化經濟肆其侵略國勢之危有如累卵然其所以不亡者徒以吾總理在耳天禍中國吾總理竟於此革命未成之時棄國人以長逝耶嗚呼哀哉雖然前仆後繼爲吾黨之精神百折不回卽總理之素志自今以往吾同志當謹遵遺囑努力奮鬪以慰吾總理在天之靈則是吾總理雖死猶生也嗚呼淚雖短而心實長言有窮而意無盡總理有知尙其來格尙饗

哀思錄 祭文



祭文卷二目錄各團體

中華全國鐵路協會

中華教育改進社

全國國民會議促成會

中國國民修改不平等條約研究會

女子參政會

婦女職業促進籌備會

清室善後委員會

上海國民會議促成會

北京教育會

華僑聯合會

北京華僑實業協進總會

駐滬中國華僑學生會

大韓革命黨代表團

韓國天道教

江蘇軍政各界

上海市市民

西安全體市民

哀思錄 祭文 目錄

山東全體市民

上海閘北各公團

廈門各界

吉林長春縣各界

長山縣全縣公民

察哈爾集寧縣各界

瀏陽各公法團體

同官縣各界

詔安縣各界

蒲圻各界

南通唐閘市各團體

黑龍江學界全體

廣東旅京同鄉會


山西旅京同人

安徽旅京同鄉

香山旅京同鄉

香山旅滬同鄉

旅武漢廣東香山四大兩都同人



北京民國大學廣東同鄉會

旅京國立法政大學山西同鄉會

廣東香山旅京學會

旅滬嘉應五屬學生會

廣東留日學生

廣東留日學生同鄉會

河南留日同鄉會

安徽留日學生全體

湘西留日同鄉會

留東鐵道同學會

神阪中華會館

神戶中華總商會

居留神戶華僑商業研究會

神戶三江商業會議所

神戶商話別所

旅英全體國民

旅居北波羅洲追悼會同人

旅越會安全體華僑

哀思錄·祭文 目錄

旅荷屬南洋巴達維亞全體華僑

廣州總商會

上海各路商界總聯合會

廣東總工會

京漢鐵路總工會

京漢鐵路長辛店工廠

茶居工會

吉林長春縣中西醫藥研究會

瀏陽紅十字分會



祭文卷二

中華全國鐵路協會祭文

維中華民國十四年三月三十一日中華全國鐵路協會會長葉恭綽副會長關廣麟謹率全體會員致祭於名譽會長孫中山先生之靈曰吁嗟先生命世之英重離繼明光我民族與中同盟猶龍雲起如鳳岡鳴千英萬傑風從景行王綱紐解民約道成禹勞墨劬爲民之生坤維旣奠天柱斯擎跨邁黃農顛覆滿清衆流競仰奇志竟成溯厥元紀大漢揚聲中山鍾山千古齊名第一元宰冀福編氓何圖克讓白宮載更全國鐵路俾之經營太阿旁持軻坎不平戰伐驛騷游說縱橫稱帝復辟叨富寵榮先生屹立險阻不驚九計萬方掎擊譏評胼手瘠口孤寄支撐大勇無畏在屯而亨爲國隆棟爲民長城黃蔡諸豪厥功可旌各具壹體遜公恢宏尙武右文博學多聞三民五權條貫次分建國有方著述殫勤易行艱知高識軼羣絕作民族橫掃千軍傷心兵火藏書盡焚遺墨滿家英雄淚傾平等大同舉世欣欣天下爲公先生則云言爲事母遠婉皇墳公志未終遺恨何窮二十萬里輪軌棟通公始規畫寅亮天工吾儕後進思紹前功旁達交會與歐美同遺愛載路遐想英風舉爵銜悲淚兩灑空哀哉尙饗

中華教育改進社祭文

維中華民國十有四年三月越二十有九日中華教育改進社同人謹致祭於孫中山先生之靈曰於赫先生軒黃嫡裔爰自孤童海濱奮起鼓篋辨志矢拯呻苦蛾術劬勤跼國愈汎專制之毒羣焉痛心胡以療之匪石匪針仰天而唏輟耕太息叱咤風雲肇茲民國民國之生實維副圻髦髦我公是覆是翼九宇未同海邦弗賓聿維我有百其辛草昧經綸雷兩方作胡天不弔隕我先覺哲人靈爽於昭在天相我有夏以永明禋哀哉尙饗

國民會議促成會全國代表大會祭文

維中華民國十四年三月二十九日國民會議促成會全國代表大會全體代表哀祭於我創國元勳革命領袖孫中山先生之靈前曰先生爲吾民族解放全民利益披荆斬棘顛沛流離奮鬥四十餘年手造民國萬邦共欽先生之存亡關係國家之安危先生逝矣先生爲我民族盡瘁而長逝矣吾全國民衆將盡化爲中山主義者繼續努力先生未竟之功業發揚光大先生之主義爭國際之平等謀民族之獨立吾民衆在悽愴弔哭

哀思錄 祭文

一

之餘拜受先生臨終時之遺囑揮淚默讀悲壯填胸瞻顧前程奮發無已嗚呼先生臨終之時猶念念不忘我同胞之疾苦及全世界被壓迫民族之解放先生之精神不死先生之主義永存吾全國民衆當尊重先生之遺囑促真正國民會議之實現更當聯合以平等待我之民族謀全人類之解放吾全國民衆代表之全體謹以此告慰先生以此共勉國人國民會議促成會全國代表大會全體代表謹祭

中國國民修改不平等條約研究會祭文

維中華民國十四年三月二十八日中國國民修改不平等條約研究會公推代表梁汝成等謹致祭於革命元勳前大總統孫公中山先生之靈曰嗚呼歷朝專制日月無光惟公首義民氣始張百折不撓奠我家邦方期統一萬世無疆昊天不弔遽隕元良中外哀悼俎豆馨香豐功偉烈德媿武湯勳德如此匪公之榮公所榮者天下爲公縱然抱憾未竟全功遺囑主義貫徹始終吾民誓守何功不崇富國強種世界稱雄公靈不昧含笑融融嗚呼哀哉伏維尙饗

女子參政會祭文

維中華民國建國之十四載四月十二日女子參政會謹以清醴鮮花致祭於中山總理孫公之靈曰懿惟吾公蓋世之雄創斯革命薄海景從顛連困苦卒告成功共和五族張大黃種專制永滅上下和同登庸大位正朔改陽服裝從衆協和萬邦刑律除苛法約三章兆民受惠女權伸張三民義振五權法揚從此中國軌入康莊方期帝堯大年永享詎意天醉漠視東方正人避位當道豺狼破壞約法毀棄綱常義旗再舉民國重光魑魅雖去又來魍魎公欲救國不恤犧牲東南轉戰彈雨槍林拚將鐵血正義斯伸大功垂竣四海昇平昊天不弔遽奪斯人若喪考妣欲泣無聲讀公遺訓涕泗縱橫繼續公志奮鬥進行務將公意共負完成大宰告廟以慰公靈千鈞一髮責在後生於戲哀哉魂其來馨

婦女職業促進籌備會祭文

中華民國十有四年三月二十九日婦女職業促進籌備會全體會員掬誠致祭於孫中山先生之靈曰嗚呼孫公一世之雄追踪洪武比跡列寧還我漢鼎復我故宮三民五權衆心攸同昊天不弔肇降鞠凶女權參政悵望何窮名垂宇宙偉烈豐功千秋萬世永慕遺風尙饗

清室善後委員會祭文

維中華民國十四年三月二十五日清室善後委員會同人謹致祭於前大總統孫中山先生之靈座前曰嗚呼昊天不弔不遺哲人中峯忽墮大川忽湮嗟我安放徒呼百身惟公岐嶷早立壯志齟齬之年卽能論議清政失御朽索縱轡外困強鄰內傷異類惟公先覺發聵醒醉三民五權揭櫫主義立會召衆標曰興中赤手發難四方來同卅年奮鬥乃啓鴻濛勤逾監葦業懋岱嵩功成身藏明德煌煌所託匪人化爲豺狼四郊多壘羣盜跳梁死喪無日悲歌若黃惟公不忍投袂再起但期救民不顧譽毀若木一枝蔭者數鄙長河一瀉自然千里歸仁懷德從者如雲九仞未就憂心若焚風雪相摧疾病以聞方迎出日忽晡夕曛嗚呼痛哉鞠躬盡瘁死而後已公身雖殞公志猶爾豺牙虺毒何以弭之豆剖瓜分何以底之易簣遺言何以履之責無旁歸其在後死敢對神明以此爲矢尙饗

上海國民會議促成會祭文

維中華民國十有四年三月三十一日上海國民會議促成會特派郭景仁林鈞鍾復光劉一清李劍秋等代表全體致祭於中山先生之靈前曰嗚呼先生痛滿州政府之宰制帝國主義之專橫奮然而起爲國民前驅謀我民族之解放中國之獨立自由四十年奮鬥艱苦備嘗而革命事業除辛亥之役顛覆滿州政府外仍未成功第由一民族之專橫宰制易爲軍閥之暴戾恣睢帝國主義之武力掠奪變爲經濟的壓迫而已嗚呼先生鞠躬盡瘁四十年而所得結果如是者非敵人之堅強難破實我民衆之不自覺醒未能追隨先生之所致耳先生固無負於民衆民衆實有負於先生也嗚呼痛哉乃自曹吳摧敗中國政局似有進展之機先生倡國民會議謀用和平的手段解決中國問題我民衆亦知國民運動之重要響應四方深冀國民運動成功民族得以解放豈意正有賴於先生引導之時而噩耗傳來先生忽棄我民衆而長逝嗚呼先生數十年來喚起民衆而民衆不前今則民衆需要導師而導師遽失天下傷心之事其有過於是耶雖然先生之精神可爲民衆之模範先生之方略可爲民衆之南針先生之囑言可爲民衆之信條先生雖死事業永存我上海國民會議促成會一百八十六公團羣衆誓遵先生之遺囑力促國民會議之實現貫澈先生之主張以此告慰先生尙饗

北京教育會祭文

嗚呼吾人不幸喪其導師昊天不弔揮淚無從自今以後與先生長別矣先生功在生民志匡危國致力革命迄四十載艱難困厄備嘗之矣徒以

國家積病已深民衆罔知覺悟遂使先生孤軍奮鬥障礙橫生而國家之危殆民生之疾苦不減於昔嗚呼此豈先生之過歟慨自民國成立十有四載羣奸疊起或僭竊名位或割據稱雄攘權奪利爭戰不休至今日流毒海內其禍益烈加以強鄰威迫吸吮宰割不遺餘力國民將無噍類適於斯時吾人所恃以爲匡救國家之先生遽捨吾人而長逝嗚呼吾人思之痛何可言雖然先生死矣先生所遺留於吾人之精神則固與世而長存自茲以往吾人誓當堅苦卓絕努力奮鬥以繼先生之志並使後來之人悉曉然於先生建國之旨見義勇爲以竟先生未畢之功吾人今茲供獻如是而已嗚呼先生在天之靈尙其饗之

華僑聯合會祭文

維中華民國十四年三月二十七日華僑聯合會同人謹致祭於中山先生靈前而言曰嗚呼先生吾族之英憫念同種罔知有清昔在海外與僑爲友提倡正義循循善誘吾僑智識先生啓之吾僑生聚先生勗之內外一心建造民國辛亥功成清祚以革更定國計民權惟尊一切平等民生惟均華僑於公信仰夙厚贊襄偉業夫豈敢後胡天不弔奪此元良雲山慘淡薄海淒惶外侮頻仍吾僑安托來日大難敢忘先覺同志努力願守遺言臨奠致詞惟靈鑒焉嗚呼尙饗

北京華僑實業協進總會祭文

維中華民國十四年三月二十六日北京華僑實業協進總會會長謝復初代表全體僑界同人致祭於中山孫先生之靈曰嗚呼天降喪亂荼毒實中翳維先生崛起粵東浪跡五洲掉三寸舌強聒僑商輸之熱血羣英逐鹿蔽野玄黃先生唾手建業金湯兩大不容息翼百粵喋血十年星星鬢髮太歲在甲浩劫昭回先生惠然京洛春臺彼蒼者天降厲胡酷剝牀以膚魂兮鬼錄我代僑民肅薦茲芬陟降來格低空斷雲尙饗

駐滬中國華僑學生會祭文

維中華民國十四年三月二十四日駐滬中國華僑學生會同人等致祭於孫中山先生之靈曰嗚呼今何時耶天胡其酷伊何人耶云何不穀毆雨亞風飄飄地軸莽莽神州羣魔尙伏汎汎中流砥柱忽覆維彼元勳光我漢族賴我偉人掃清帝毒天寶生之爲吾民福胡不壽之以襄時局外患內憂死寧瞑目哀哀中華實堪痛哭冀佑民國同人默祝嗚呼哀哉尙饗駐滬中華民國華僑學生會同人鞠躬

大韓革命黨代表團祭文

維一千九百二十五年三月 日 大韓革命黨代表團李天民李社隱趙世忠張如延秉昊等謹以輓聯祭文哭告於大中華民國革命大偉人前大總統孫博士中山先生之前曰中韓兩國輔車唇齒深有歷史關係凡三千餘年矣理當親猶骨肉情同弟兄不幸蒙帝國主義之魔力夙視楚越幾成麻木遂爲侵略者垂涎竟至國際地位墮落到人民將滅未滅之際天使先生貽中國四千餘年遺傳帝制到先生熱血裏宣告死刑然尙有餘孽伏在海島迷信陰謀與暗殺搗亂平和與安寧斯民處此水深火熱凡有血氣毋不以革命作生命嗚呼蒼天適此目的未半胡奪我導師耶嗚呼痛哉哀哉我們絕對愛戴之中山先生也先生真百折不擾之歷史奇傑純粹革命之人類明星先生去年在廣東宣言打倒帝國主義廢除不平等條約登高一呼羣山響應爲弱小民族出聯合戰線下動員令我們地球上最被慘痛最被壓迫之韓國民族如子夜之忽聞雷霆渾渾之精神新醒若風波之中遇救星渺渺之希望初萌矣到先生北上之時久處層層壓迫之我們萬死餘生深恐先生或不貫澈初旨又懼我們處不切實攜手中夜焚香祝先生之前途樂觀終日奔走圖我們圓滿之合作矣嗚呼哀哉誰知先生得肝病於海島而到中外名醫之束手耶雖然先生逝而先生之主義不逝可信惡魔演而惡魔之末日立至我們非革命不可活之一般同志對強權安得不絕對奮鬥伏乞中山先生在天之冥靈時常格外默佑快現我們勝利并賜公理倡明自由解放之至臨風涕淚伏惟尙饗

韓國天道教人代表姜九禹等祭文

恭維布德六十六年三月三十日韓國天道教人代表姜九禹崔東晔金弘善等敬悼孫中山先生嗚呼先生是東亞革命的先覺還是世界革命的偉人先生是中國革命領袖還是世界被壓迫民族的導師尤是我們韓國的好朋友嗚呼現在中國的革命尙未成功我們韓國民族的苦痛日甚一日先生尙忍棄我們而去耶彼萬惡的侵掠的暴力任憑摧殘東亞在此萬急萬死之秋遽失偉大的導師我們的悲痛如何於四年前我們天道教第三世教主孫秉熙先生首唱韓國獨立竟遭倭奴之暴惡在獄逝世去年世界革命的巨人列寧先生病故今年三月十二日先生又棄我們而永逝這我們最大的不幸並且世界革命的最大損失你們三位的肉體雖不在人間你們的主義與精神與天地無窮永遠爲我們的生命爲我們的嚮導我們代表本教人的意旨敬悼孫中山先生尊靈

江蘇軍政各界祭文

維中華民國十四年四月越祭日乙亥江蘇軍政各界謹以清酌庶饗之儀致祭於前大總統孫公逸仙之神位前曰唯珠江之浩瀚兮爲靈奇所鬱蟠歷五百年而生名世兮偉我公之桓桓公之志行光於日月兮具瓌偉之抱負閱卅年如一日兮雖艱難而不顧一擊而不中兮屢潛踪於海外卒能奮鬥以底成功兮實精誠之所逮國徽擘其璀璨兮悉公腦血所渲染功既成而身退兮尤國人所景仰憫干戈之未戢兮滋我公之憤懣飭車旗以北指兮良欲推誠以共濟詎二豎之見侵兮賊我國之元良輟春兮停織貽國人以愴傷公雖騎箕以長逝兮精神猶照於宇宙奠桂而酬椒漿兮惟冀在天之福佑尙饗

上海市全體市民代表唐紹儀等祭文

中華民國十四年四月十二日上海市全體市民代表唐紹儀等敬以香花清樽致祭於國父孫中山先生之靈曰嗚呼先生之生人各其心羣疑衆謗集于一身是何異鸚鵡之自得豚魚之頑冥先生之死人各其辭刻畫肆應嬉笑涕洟會不知棟折榱崩之下將靡有孑遺居今之日民誰與立外有鷹鷂內有虺蜴工無完衣農無餘粒其他貿遷居行之流江湖市廛之上莫不轉輾死亡朝不及夕以待先生登諸祔席今先生之已亡孰出斯民於斯劫嗚呼居今之日國已非國河山無悲風雲變色排闥而來侵略政策不假戈矛以入吾之室不操斧柯以肱吾之篋曾不數年載胥將溺是惟先生綢繆先及震生氣于寰中爭民族之獨立今先生已亡復誰與爲提挈嗚呼國之父民之師志士仁人之血青天白日之旗而今而後所不遵先生之遺言繼之以鞠躬盡瘁者滅亡無日將慰先生之靈於何時嗚呼哀哉尙饗

西安全體市民祭文

中華民國十四年三月十二日上午九時三十分中國國民革命領袖孫中山先生病歿於北京行轅噩耗傳出舉世哀悼嗚呼痛哉西安市民全體謹于同年四月十五日設壇望祭敬致哀詞曰先生推翻滿清創建共和二千年專制之政治經先生一舉手而廓清之其功偉矣民國以來政不入軌外迫於列強內困于軍閥先生感觸落後民族之呻吟痛苦起而爲中國全民族之獨立與自由而奮鬥數次赴粵屢倡北伐曹吳失勢之後先生毅然離粵北上力主召集國民會議以定國是今不幸先生死矣但死後遺饋我民衆以最可寶貴之物者約有三件一爲民權民生等三

民主義一爲組織堅固紀律嚴密規模宏大之中國國民黨一爲先生熱心革命四十年如一日之革命精神先生死矣主義常存自今以往吾民衆當努力先生主義之宣傳當努力國民革命之成功爭得獨立自由由于自由之世界以上安寧幸福豈不善歟如此庶可慰先生之英魂于幽冥也敬謹致詞遙望先生冥察

山東全體商民祭文

維中華民國十四年三月十六日山東全體商民謹以清醪香蔬致奠於前大總統孫公中山之靈曰嗚呼公歟而至於斯豈天運之使然抑憂勞過甚所致列寧既殂公又迢迢鰲柱雙摧地軸震搖五聲雲黯萬事烟消全球之羽族東西洋之勞工攻討帝國主義之新分子莫不慘沮嗟涕淚而長號莽莽神州古號文明中途而蹶致化塵封豺狼柄國梟獍橫行垂二千年毒霧萬重公犖然起手撥陰雲鄂渚一呼天日重開孽根已深剖抉難斷浮翳方消妖氣條現羣蛆吭穢蒼蠅呼伴蛇○貼橫封豕日瞋公不忍視扼腕撫劍彼謂公狂欲遺一彈公歷萬困其氣愈奮海軍逆流山嶽爲震青天白日之旗近已徧布於大江南北而孰意公之遽至於斯也歐戰以還運會將遷公展視線闕盡常觀勞工神聖種族平權創新天地目的已堅又孰意公之遽至於斯也嗚呼公已辭祖國而逝矣公已辭東亞而逝矣公之靈固日與歐洲之列寧美洲之華盛頓燁燁然常籠罩全球而不做嗚呼尙饗

上海市閘北各公團祭文

維中華民國十四年乙丑季春上海市閘北各公團等謹以清酒庶饘致祭於前大總統孫公中山之靈曰嗚呼先生民國之傑手造共和克成大業君主立國四千餘年專制流毒積習相沿何物滿奴入主中夏竊據漢京夜郎自大先生奮起擊楫東流同盟集會志切復仇國土景從相機崛起衆志成城前仆後繼武昌起義四海揮戈一腔鐵血澤遍神州雄鷄一聲天下皆白漢室河山次第光復項城稱帝國本動搖十年護法不屈不撓提倡三民五權並重主義光明惜未世用武人爭地釁起蕭牆燃箕煮豆國事蜩螗政客陰謀乘機播弄淆亂是非政潮洶湧首都賄選穢德彰聞興師討伐大義克伸善後主張國民會議壯志未償元勳遽殞國家喪母國民喪師風雲黯淡薄海同悲努力進行後死之責革命功成始堪卸職生芻一束敬奠椒漿陰靈不泯來格來嘗嗚呼哀哉尙饗

哀思錄 祭文

四

湖北宜都縣各界祭文

維中華民國十四年五月二日湖北宜都縣駐防軍隊暨政警商學農工各界謹以素饗之儀致祭於前大總統孫中山先生之靈於赫民國屹立亞東艱難創造實賴我公我公之生天亶厥聰學識淵博才智宏通遠清末葉時局困窮國勢飄搖外患內訌我公曰嗟罪在清宮專制肆虐人神怨恫首倡革命豪傑景從屢蹶屢起志氣彌雄辛亥之秋迺告成功萬民擁戴列強推崇革新政府華氏媿隆嗣謀統一共濟和衷項城是與揖遜雍容詎彼項城妄覲登庸公時在京悲憤填胸義旗一麾項城旋終從此中央莫馭四方羣雄逐鹿爾界彼疆外侮弗禦兄弟鬩牆分崩離析國是蜩蟻紛紛擾擾戎馬倉皇生靈塗炭呼籲不遑繫惟我公視民如傷重整旗鼓奮厥鷹揚猶持寸鉞紉彼裂裳如操尺牘泛彼重洋匪營厥私貫澈主張及傾曹氏會議改夏億兆嗚嗚企定憲章內安外禦俾熾爾昌胡天不弔突降禍殃肝癰罔救壞我棟樑遺言具在語重心長凡我同胞毋忽毋荒嗚呼公乎素志未就何遽云亡三民主義五權大綱茫茫前途國民奚望死而有靈九泉弗忘嗚呼公乎以一布衣剷除帝王生榮死哀世莫與京光昭日月萬禩流芳嗚呼哀哉尙饗

廈門工商學報各界祭文

維中華民國十四年四月十一日廈門工商學報各界謹以香花清酒致祭於開國元勳前大總統中山孫公之靈曰代興代仆唯公光復功配皇祖五族一家中國一人羣流朝宗統于一尊公不貪天政還諸民以民主立國豈桑永繫帝孽狂奴乃敢稱制賴公之靈新邦不替夫何武人闇昧非義約從連橫于亂法紀護法有公大統未墜北方之強相乘竊柄黷武窮兵殘民以逞哀我漳人延頸待命公時悲憤誓清凶逆天討未申變生肘腋內賊不除痛入肝膈既嬰心疾重痛時艱顧茲重任罔敢晏安暮年壯心斯爲大難直北倒戈人心悔禍衆議裁兵陸梁滿座與狐謀皮未見其可公起高呼發聾振聵兵亦可裁督亦可廢議廢議裁唯國民會舍此他圖宜公不應行議終格公乃大病民會前途莫知究竟以公生平百折不撓區區病患良足自調唯會病國黯然魂銷人之云亡天容慘悽東西革命失一先知世界康同失一尊師公如終死天道寧論公死不死是同始魂敬奠絮酒鷺江之濱所望靈兮來格自天扶持三民呵護五權公真精神與國萬年嗚呼尙饗

吉林長春縣各界祭文

維中華民國十四年四月 日吉林長春縣各界公民等謹以香花酒醴之儀致祭於開創民國大總統孫中山先生之靈前曰立不朽業待非常人荷乾坤擔秉聖賢心厭滿清德保漢族民倡共和制起革命軍功高不伐富貴浮雲政府肉食軍閥金迷巨川莫濟大廈難支先生曰吁民唯怨咨天生我材必有用一夫不獲予之辜義旗重建文檄交馳非種必鋤樹德務滋附從民意再造京師馬來維白衣做贈緇三民五權政見咸宜知難行易學說無疵嗚呼國民有先生民國立民國無先生國民危誰造時事時事造誰騎箕歸去問魂兮幾時來也蓋棺論定傷心者何以哭之
尙饗

長山縣全縣公民祭文

維中華民國十四年夏歷三月初八日長山縣全縣公民謹以至誠追悼於中華民國開國元勳孫中山先生之靈前曰嗚呼我大漢民族受制於滿清政府逾三百年全國國民祖若宗皆爲臣爲奴爲犬馬無一人敢犯清廷威嚴天生先生特立獨行自十三歲卽立志推倒清政府光復大漢國家清廷極力防範懸令拿捕先生九死一生氣不稍屈卒之革命主義彌浸全國此仆彼繼再接再厲辛亥之役南北各省同時響應而清廷覆共和成先生尙不自居功首捨臨時大總統之職專致力於民生事業民國五年袁世凱稱帝先生又率國人聲罪致討袁殂黎繼北洋軍閥弄權禍國先生遂在廣東設非常政府以便北伐近年曹錕當國吳佩孚窮兵黷武先生高倡國民自決打倒萬惡軍閥曹吳二子稔惡日甚馮胡倒戈而大局一變合肥執政敦請先生赴北京共籌國是先生力主舉行國民會議求真共和孰料先生到京卽陡得重病經中外名醫診治罔效於本年三月十二日上午九時春秋六十有一逝世嗚呼先生民國柱石當此共和未固風雨飄搖之際昊天不弔摧我先生凡吾同人應繼往開來共期前進故不得不約集同人略追悼先生生平事業以促進於无疆嗚呼尙饗

集寧縣各界祭文

維中華民國十有四年三月二十二日穀旦察哈爾集寧縣知事蕭楚材聯合本縣各界全體人等謹以香花酒醴清潔之品致祭於我孫中山先生之靈前於戲天胡不憖遺我先生奈何一病纏綿而竟至於與世長辭耶於戲悲哉海內人士僉謂先生毅然北上駐節京師必具一種偉大志願強建精神與二三當代賢豪解決國是共濟時艱凡屬國民莫不鼓舞引領而稱道曰先生前有首創革命之大勳今爲統一南北之碣矢將見

三民五權大主張指日定可見諸事實也於戲悲哉而孰意功虧一簣素志莫償先生猝于本年三月十二日乃竟歿于京邸耶吾人所抱之希望將終歸于泡影耶楚材等逃在邊陲聞而震駭不置用是招集同人爰捧帛以焚椒敬歌哀而致悼歌曰翳彼異人兮奮起先鞭羣雄擁戴兮一柱擎天天地玄黃兮匹夫責專同仇敵愾兮救國心堅再接再厲兮寧玉碎而不瓦全化干戈為揖讓兮革命終而大功成焉於是乎五族共和兮億斯萬年潮流未盡澄清兮公且避賢然而名高千古兮卽此犖犖大端嗟明星忽殞墜兮地限古燕世事慨其糾紛兮誰如我公克荷仔肩欽惟遺烈兮遠阻荒邊酌酒一卮兮溯彼元勳絕後而空前景雲山之彷彿兮聊申敬而涕泗漣漣於戲悲哉伏惟尙饗

瀏陽各公法團體祭文

前大總統孫中山先生於三月侵日病薨北京醫院凶聞電馳全國飲痛羣相率開會追悼湖南瀏陽各公法團體謹設四月十三等日設像禮祭蓋崇拜孫公之主義而努力於宣傳冀有以澈底實現也瀏陽雜稅局長黃安然敬遣代表姜煥章爲詞致祭焉曰皇天演惡大盜自私秦漢以還誰實知之得得我公爲種訴冤人權天賦激清直追電奔星馳哀物悼世振臂一呼推翻帝制日月登昭雲雨效靈五族雪恥列強來賓湯武功成堯舜讓避蠢爾項城乃爲僭竊公時奮振民情沸騰益堅主義東南宣傳洪憲云亡軍閥專橫道德墮地賄選又成載傷厥民羌盡厥力異黨作合實爲國計大勳甫集輦來於燕方期實施三民五權夫何憂勞一疾見背料馭闖風證因明月嗚呼國亂如麻民貧如洗戕殺相尋禍伊胡底北斗遽隕白日光殘任重道遠誰與負擔功昭在民心耿在國蓋棺定論是謂先哲尙饗

同官縣各界祭文

維中華民國十四年五月一日同官縣知事王文伯暨煤稅雜稅教育財政民團等局局長勸業所所長高等小學校教職員等謹以香花清酌之儀致祭於前大總統孫中山先生之位前曰君主專權二千餘年窮則思變改革宜先君貴民輕積重難返公起田間志大識遠既通醫術復遊歐美提倡革命心堅力偉旋至東瀛會設同盟集合羣賢誓排滿清黃花崗上烈士留名鎮南關前功敗垂成屢蹶屢起再接再厲百折不回終克有濟武昌首義各省響應清帝遜位國體乃定創造共和獨開生面民爲主人及身親見南北統一政柄歸袁國會移北慨然歸田提倡民治注重民生兵工主義期在速行袁氏盜國陰謀漸露二次改革天胡不助洪憲稱帝張勳復辟賴公宗旨始終如一軍閥專橫假公肥己皖系方衰直系復

起公蒞粵東主張北伐陳氏跋扈明阻軍閥聲罪致討陳氏敗績血戰連年內患未息國軍返旆大戰休止國魂可招人心未死乘時入京解決國是二豎爲災賚志逝世木壞山崩爲時何早噩耗傳來同深痛悼天胡不吊不遺一老過密八音如喪妣考棗盛旣潔清酒旣將嗚呼哀哉伏維尙饗

詔安縣各界祭文

維中華民國十有四年四月十三日詔安紳學農工商各界謹掬誠致祭於孫前大總統中山先生之前曰嗚呼天啓漢運篤生先生星辰誕降川嶽鍾靈勝朝異類盜竊神京搢紳奴隸黎庶犧牲神州陸沉牴觸難平首分種族大義聿明舌翻氣數志切辱榮發人難發行人莫行羣雄踵起衆志成城武昌告捷破竹勢成興漢排滿實肇先聲天生神聖九有感寧孰意民向日天隕長星皇圖未統嵩嶽遽崩風雲陡變遐邇播驚百官淚洒北庶涕零哀其有極戚莫能名乃設靈位泣奠杯羹英靈享格鑒此微情嗚呼尙饗

蒲圻縣各界祭文

維中華民國十四年四月八日蒲圻各界士紳縣立中學校暨附屬高級小學校全體教職員全體學生謹以菲儀致祭於前臨時大總統孫中山先生之靈前曰嗚呼緬維孫公智勇深沈量宏胞與道冠古今少壯立志革故鼎新奔波瀛海予焉一身歷盡險阻備嘗艱辛堅苦卓絕志氣超羣精誠所至環海歸心載張漢幟響應羣雄武昌首義告厥成功民氣煥發民權大伸臨時改制正位金陵名馳中外冠冕羣倫無何遜位天下爲公有功於國遺愛在民共和花發如時之春而乃羣小亂國弊政相因十四年來干戈仍頻極目宇內伏莽如鱗改治改紐國病民貧夫惟我公不忍沉淪南粵開府志在避秦三民五權主義堪珍知難行易出新推陳青天白日照耀海濱指揮軍士羽扇綸巾雖冒鋒鏑奮不顧身爲民請命莫改初衷鞠躬盡瘁遂伏病根帶疾北上政潮翻新領袖宣傳指點迷津收拾大局端望斯人昊天不弔降此鞠凶漫漫長夜遽隕明星弱小民族罔知所遷同聲一哭嚮往情真嗚呼我公生而爲英死而爲神一人千古千古一人馨香明德普及吾蕪蒲圻一號蕪川遺像瞻仰靄然可親躋躋踳踳微忱以申靈修炳耀於格明裡尙饗

南通唐閘市各界祭文

哀思錄 祭文

六

維中華民國十有四年三月念四日南通唐閘市農工教育軍警紳商各團體謹以鮮花清供致祭於孫前大總統中山先生之靈前而言曰夫人有超羣拔萃不爲名而名自至不爲利而利可期者往往爲衆所共推况乎具世界之眼光謀羣衆之福利不爲利誘不爲威迫保持民族發揚國幟俾不受異族之凌夷惟公生當專制之朝死於共和之後奇勳已建民權獲伸而亦又何怨如公器宇弘深知識高遠而佑以歐西學術之精微故能發爲議論見之行事磅礴流利電擊星馳其標舉三民主義五權憲法浩浩乎如日月經天江河委地其所著建國大綱建國方略恢恢乎如渡海羅針登峯階梯其抑專制改建共和集中西萬國政治大成其化征誅變爲揖讓破上下古今帝制迷夢舉世之人無論識與不識而讀其書聞其名則其人可知嗚呼自公實行革命四十年南北奔馳爲主義而犧牲爭自由而奮鬥雖屢遭困躓竄逐流離而不稍屈者以其所持者正義自有公論之是非鎮南一役羊城受圍屢蹶屢起卒底於成英邁之資剛義之氣至老猶不衰方滿清末季防民政策愈加箝制偵騎四出欲得公而立致於危及夫辛亥義舉全國響應南都奠定北庭未馴公受人民之推戴總攝政權改正朔易服色制定立國大計謂千載而一時迨議和告成南北統一功名就不居而去其敝屣尊榮視天下爲公光明磊落之英魄靈氣不與草木同腐朽而長在乎鍾阜之側與秦淮之湄後之人追慕先型報功崇德猶爲涕泣而歔歔而况吾儕生居斯世身受悒懣能不嚮慕而瞻依嗚呼民生未遂頓失導師國父云亡邦家殄瘁而望風遙祭難已於情者念公之不可復見而其誰與歸哀哉尙饗

黑龍江學界全體祭文

維中華民國十四年四月十九日黑龍江學界全體謹具香花菓品竭誠致敬遙祭提倡三民主義中山孫先生之靈曰嗚呼民數百兆地數萬里中國之大世罕倫比國大宜強顧反貧弱溯病之源專制爲索天眷黃族誕降哲人救民救國奮不顧身大聲疾呼提倡革命崇共和體除專制政奔走呼號垂四十年辛亥之冬功幾告全功成不居位讓項城風聲所樹懦立貪清何物操莽迷心帝制利誘威脅冀遂所欲賢材被戕朝皆婦奴先生曰噫正氣誰扶糾合同志共討國賊事敗寧亡不甘苟默天殛袁賊先生還鄉羣陰滿朝正義難張曹三賄選惡甚於袁先生曰噫人格何存連張結段共除國醜義師反戈梟獍囚走合肥當國求賢濟艱朝野上下屬望中山俯從民意命駕燕京房謀杜斷共策升平昊天不弔二豎爲災霹靂一聲棟折梁摧死先生身雖由於病傷先生心全國梟獍軍閥專擅政客講張民治民權慘淡無光觸目荆棘憂心如焚積憂成喪疾國

元勳先生臨危語不及私惟哀生民無法支持多數偉人名爲救國民脂民膏剝削吞蝕先生私產僅房一所遺物維何書數籠耳豈無遺產三民五權國之司命萬民所天俄有列寧意馬志尼先生之功並駕齊驅哀我江省地處邊陲民氣民權不絕如絲星斗常輝作我楷榜泰山一類我將安仰天涯遙祭豈謂私恩爲國爲民痛弔英魂魂兮歸來佑我諸生啓迪良知共策文明嗚呼哀哉尙饗

廣東旅京同鄉會同人祭文

維中華民國十四年三月二十五日廣東旅京同鄉會同人梁士詒等謹致祭於孫中山先生之靈曰嗚呼哀哉天胡不憖喪我元勳日月暝晦國瘁民憊誰謂不痛誰謂不恨景行前烈報德何云哀哀致詞八表同昏嗚呼哀哉黃農夏土倫爲異域宰割我民如豕如殺國政不綱外疆日迫誰解沉懸淪胥及溺天挺英豪篤生賢哲皇我漢威張我漢幟早歲遠圖邁行蠻貊東渡滄溟西航賈舶市橋興師義聲震赫海內景從萬方同格共和遂成專制迺革大功不居安用緝績嗚呼哀哉惟我元勳功在民國澤及生民民族已伸復張民權民權已張益進民生惟彼三民輔翼五權欒欒大義炳若日星更勳軍閥帝國是膺毅然北來萬民所程用瞻勳猷東亞和平何圖卽世流涕蒼生哀哀元勳匡惠何年嗚呼哀哉元勳已矣國本搖飄前路云艱元勳主義萬古不泯責在後死以慰英靈英靈不昧含笑九京嗚呼哀哉魂兮歸來瞻式遺容恍若平生榮死哀亦孔之榮嗚呼哀哉尙饗

山西旅京同人祭文

時維民國紀元之十有四年三月二十九日山西旅京同人謹致祭於前大總統孫公中山之靈前曰繫偉人之特出兮廓今古而無儔鍾百粵之靈秀兮秉間氣而全收覽乾坤而有志志兮事必驚人而始休悵中史紛紛之無紀兮懜不解其何求陋九州之湫隘兮乃奮跡于寰球緬合衆之堪宗兮揆心機其相投步先進而急起直追兮幾自忘僑居海外之春秋迺乘世界潮流之趨勢兮思建共和以自廣陟高山而大聲疾呼兮藐念二行省於一望喜航瀛留學之材多兮試仿鳳鳴而引吭結同盟而集國民兮衆莘莘其傾向舉革命而鼓吹兮極華疆之遼曠電掣風馳其響應兮助孤心之悲壯爰劇帝國之專制兮嗤朽敗其難支景東西各國之自強兮皆鼎新革故而相隨矧黃胄之原狀可恢兮恥居人下其非宜羌舉義于武漢兮如時雨之興師破君主之天荒兮都金陵而先之拔漢族於滿蒙回藏以上兮飛五彩而舉旗改國體其成功兮頌元勳而蓋世稱奇

詎創業之艱難兮阻重新之國步嘆蠻觸之爭持兮殫螻蟻之歸附嗟帝制之迭萌兮枉駕六龍於天路飽經戰亂而無已兮違苦心於曩素頃仗義師之救國兮移德暉而北顧猶冀慰三民之偉籌兮俾五權之布獲華威頭再生中夏兮親見罔憂其謬誤何鞠躬盡瘁而病入膏肓兮竟陡歸于大暮已矣哉哲人其萎兮將泣質于昊天試登高而望遠兮空惆悵于山川天地其崩陷兮白日匿于虞淵吾安仰而安放兮孰與振興夫民權顧四萬萬同胞之震悼兮又誰統一而保全痛百身之難贖兮撫時局而悽然幸飾終儀典之赫奕兮蛻遺俗社稷俱傳冀我公其有靈兮仍當呵護于黃泉庶立言立功其不朽兮貞千秋而萬年詣晶龕而爲五族歌哭兮略寫中心之情情嗚呼哀哉尙饗

安徽旅京同鄉祭文

維民國十四年四月一日安徽旅京同鄉恭祭於前大總統孫公中山之靈曰嗚呼先生一世之雄革命新潮橫被西東義旗一麾天日昭矚光我漢族與世大同肇造民國實維首功非澳俯首歐墨趨風豐功偉業長鑄鼎鐘凡物之成必有毀者開國艱難荆棘滿野維新與舊相競不下民二以還更咸疊霸首護大法重奠區夏珠江一隅全國所詫百折不回獨立東亞堂堂共和未卽長夜先生之心喻者蓋寡先生之志入土不化嗚呼哀哉生必有死是理之常惟有哲人雖亡不亡三民五權爲時紀綱風雲丕變星斗同光臨之在上質之在旁千秋萬世曷云能忘偉哉吾皖革命之國明太驅胡于今爲烈合肥繼起遞構大業首迎先生共圖鴻策何圖一旦天翼遽折精爽式憑忍此崩裂大江之旁鍾山之側永閔英塵式我後葉同摛蕪詞據此熱血嗚呼哀哉尙饗

香山旅京同鄉祭文

維中華民國十有四年三月二十九日香山會館董事張汝翹何澄一及旅京同鄉等敬致祭於孫中山先生之靈曰嗚呼孟子有言一鄉之善士斯友一鄉之善士一國之善士斯友一國之善士先生馳譽五洲留名百世先生乃世界之偉人而豈一鄉一國之人哉然而山川靈篤生先生斯乃一國之光固亦一鄉之榮也嗚呼昊天不弔降此鞠凶心雖存天下爲公目未覩國民幸福身因國悴事與心違先生其瞑矣乎乃之萬人空巷敬弔先生白馬素車風馳雲集同人等情深桑梓誼切弟昆雖未陪謝傅之棋竊欲掛徐君之劍白雲在望英魂浩氣之歸來青史他年頌德歌功之未已嗚呼哀四海之困窮天胡此醉悵九原之不作吾誰與歸先生雖死而先生救國之心未死也哀哉尙饗

香山旅滬同鄉祭文

維中華民國十有四年四月十九日香山旅滬同鄉等謹以香花之儀致祭於孫公中山先生之靈前曰香山之英中華之靈哲人誕降五族光榮創造民國厥功獨偉三民五權主義無改痛彼軍閥肆毒神州民遭蹂躪天地爲愁赫然震怒師旅爰整豺虎不摧公目不瞑掃除穢濁戮力同心晉京力疾肝患方深哀我哲人遺胡不憖噩耗驚傳衆心同震弗竟所事耿耿皇皇齋志以沒抱憾方長公願未償公志可繼萬衆一心國民奮袂敬荐馨香慰公之靈魂兮歸來永庇羣生嗚呼尙饗

旅武漢廣東香山四大兩部同人祭文

維中華民國十四年歲次乙丑陽歷四月十有二日旅武漢廣東香山四大兩都同人等謹具香花牲醴致祭於前臨時大總統孫中山先生之靈並爲詞悼之曰翳我先生國之棟樑爲民爲國偉績昭彰百折不回歷盡風霜清廷專制革命提倡南北奔走主義宣揚辛亥同志義起武昌推翻清室憲立精良自由平等五族興強咄彼洪憲中道稱皇先生北指師出堂堂馮徐而後國更蝸蟻內訌四起外侮披猖神州草木四境荒涼先生回粵罪討聲張心如日月虎視龍驤義旗正正直搗三湘正期此後國致嘉祥迨逢政變會議中央大義北上國事贊襄燕京甫至一病膏肓吁嗟噫嘻魂繞他鄉神州萬里迭幻滄桑先生一死國懼危亡風雲慘淡欲斷人腸嗚呼先生天道茫茫不勅一老以副民望嗚呼先生生死無常身雖作古各自流芳嗚呼先生青草斜陽杜鵑啼血天地蒼黃吊先生死爲先生傷三民主義地久天長與華威頓勛業輝煌千秋不朽俎豆馨香哀哉尙饗

北京民國大學廣東同鄉會祭文

維中華民國十四年三月二十五日北京民國大學廣東同鄉會全體會員謹以香花之儀致祭於孫中山先生之靈曰嗚呼先生一世之雄當清末造挺生粵東民族革命辛亥收功創造民國天下爲公邦家不幸疊生巨兇內爭無已四隣環攻翳維先生氣薄蒼穹登高一呼豪傑景從力遏狂瀾舉世同風畢生奮鬥爲國盡忠嗚呼先生曠代難逢音容已邈費恨無窮舉世滔滔孰繼遺踪玄黃慘黷孰知其終嗟我小子失所尊崇燕雲黯淡春草蒙茸萬衆悲歌何況鄉同英靈不昧鑒此微衷尙饗

哀思錄 祭文

八

旅京國立法政大學山西同鄉會祭文

維中華民國十有四年四月一日旅京國立法政大學山西同鄉會全體同人致祭於中山先生之靈座前曰嗚呼吾國今日內受萬惡軍閥之蹂躪外被帝國主義之壓迫名爲共和實屬專制號稱自主宰割由人以致人不能盡其才地不能盡其利物不能盡其用貨不能暢其流錦繡河山變成黑暗世界神明貴胄行將爲人奴隸當此國亂方殷民皆倒懸所賴以匡救國家拯濟斯民者惟先生是依方期克享高齡引導吾人推翻萬惡軍閥打倒帝國主義俾吾民族完全解放人人得入光明世界而享自由幸福奈何彼蒼不佑喪我導師典型遽失悲悼何堪惟先生精神同光日月今雖長逝去思常留吾人誓願仰體先生素志奉承先生主義努力促成真正之中華民國收回國家自主之權以竟先生未竟之志而慰先生在天之靈嗚呼哀哉尙饗

廣東香山旅京學會祭文

維中華民國十四年三月二十九日廣東香山旅京學會同人致祭於前大總統孫公中山之靈曰嗚呼天道無親常與善人哲人其逝彼蒼泯泯哀哉先生羣衆先覺譬如北辰譬如泰岳宏猷卓識曉發曠首倡革命八荒從風爰造共和綏奠五族義聲所播罔敢不服乃有妖孽僭稱帝王赫然震怒醜類殲亡民六以還強藩跋扈國勢凌夷頻來外侮先生威烈帝國是膺誅鋤軍閥首惡待懲惠然北來方圖建設孰意中道竟悲永訣先生之喪中外攸傷我儕不敏忝屬同鄉生也後期未贊偉績任重途長朝乾夕惕魂兮有靈憑臨太清穆穆在上式茲微誠嗚呼哀哉尙饗

旅滬嘉應五屬學生會祭文

維中華民國十四年三月二十四日本會同人等致祭於孫中山先生之靈曰嗚呼我公生而爲雄天何不仁遽喪其躬手創民國卓絕亞東浩然正氣偉烈豐功名垂國史像鑄以銅千秋萬世紀念無窮心香一瓣用表葵衷嗚呼哀哉伏維尙饗旅滬嘉應五屬學生會同人鞠躬

廣東留日學生祭文

維中華民國十四年四月一日廣東留日學生等謹以清酒香花致祭於逸仙先生之靈曰嗚呼先生其春風爲氣秋水爲神乎璞玉爲質渾金爲性乎其慈悲之釋迦睿哲之老聃耶博文之尼父力行之墨翟耶抑南池之英東岱之靈歟正神而爲人歟正人而爲神歟嗚呼先生維木之鐸維

金之聲發聳振頽起我蒼生亞洲之聖神州之父愛護黃魂至死不渝嗚呼先生功雖未竟洪範流芳河嶽並壽日月齊光璀璨莊嚴不滅精神感
召後死強莫與京嗟我後輩敢不竭誠仰體公志延公之靈於粲聖者鑒此丹忱飛雲駕鶴來格來歆嗚呼尙饗

廣東留日學生同鄉會祭文

維中華民國十四年四月十二日廣東留日學生同鄉會謹以菓品香花之奠致祭於孫先生中山之靈而長申其哀曰嗚呼中華有史四千餘年
匪不悠久只是家傳獨夫專制蹂躪人權生殺予奪善惡牽連滿清入關宰制諸夏奴視漢族等于犬馬失政誤國日就凌夷外侮頻仍旦夕難支
瓜分豆剖禍迫燃眉嗟我蒸民呼號無依先生降世至勇且仁博愛之聖自由之神提倡革命主義三民手創共和蘇我國魂靡異其魚靡管左衽
軒轅血食先生之蔭經國大計五權憲法行易知難哲人巨業百折不撓窮益堅貞有進無退以爲人生袁氏稱帝張勳復辟振臂一呼潛形褫魄
軍閥亂國聲罪討之帝國主義率衆攘之正義是保仁道是彰爲此犧牲寢食不遑孔席不暖墨突不黔並而爲一先生則兼美華威頓俄之列寧
二人偉業負于雙肩一志到底至死靡它滿胸赤血灑遍中華給我以熱導我以光啓我迷途使我蘇生先生之道已灌萬民華胄不滅浩氣長存
黃魂之樹先生爲根葉茂花開當滿乾坤惜當今日大功未成萬方多難鼠社狐城天禍中國奪我嚴慈四百兆衆遺爲孤兒長逝不返百身莫贖
泣血投滄椎胸頓足惟我孤兒操危慮深誓繼遺志竭其丹心西望長慟哀衷莫宣在天靈爽鑒茲致虔嗚呼哀哉尙饗

河南留日同鄉祭文

維中華民國十四年四月十二日河南留日同鄉會謹以香花之儀致祭於孫公中山先生之靈曰嗚呼先生今竟逝耶竟委其手造之民國而不
顧耶竟棄其親愛之同胞而長辭耶當此風雨飄搖中原板蕩之際軍閥之橫行依然官僚之專制如故國民會議尙未實現合法政府幾時產出
先生而逝其誰揮革命之旗爲多數同胞爭權利乎列強之氣焰愈張帝國之壓迫彌甚不平條約尙待廢除民族自決徒託空論先生而逝其誰
撞自由鐘爲弱小民族謀解放乎是先生之逝不僅爲中華民族之悲運抑亦世界被壓迫者之大不幸也先生其何可逝耶嗚呼國家長城強鄰
啓釁人類失慈母狗彘逞殘前途遙遙誰負指導之責後顧茫茫那是繼起之人吾輩寄跡海外撫今追昔雖欲不哭先生寧可得耶嗚呼哀哉尙

饗

安徽留日學生全體祭文

中華民國十四年四月十二日安徽留日學生全體謹以鮮花茗果致祭於中山先生之靈前而言曰嗚呼哲人云亡邦國殄瘁國父賓天億兆涕淚遠數歷史五千餘年惟有國父可以空前歷代專制民權喪盡惟有國父出而革命國體既改國難漸紓惟有國父功成不居袁賊稱帝又臨厄運惟有國父撥亂反正曹氏賄選弁髮國法惟有國父大張北伐正義既伸羣奸鼠竄惟有國父收束內亂繞道日本講演真誠惟有國父能化倭人天津登岸各界護迎惟有國父德符芸芸五權憲法三民主義惟有國父可堅民志知難行易改民思想惟有國父學說煌煌此番到京代表平民渴望國父未倦心神國勢之將傾也賴國父扶持之國勢之將興也賴國父振起之何故天不助華竟喪國父於斯時國民會議已屬無期不平等條約之廢除待誰主持海天北望痛哭導師天如是之冥冥也國父何在地如是之茫茫也吾輩何之人不分中外地不問東西此日此時痛哭淒其嗚呼哀哉尙饗

湘西留日同鄉會祭文

維中華民國十四年四月十二日湘西留日同鄉會謹推代表馬彬致祭於中華民國前臨時大總統孫中山先生之靈前而吊曰嗚呼先生亞東之光締造共和幾經星霜幃幄運籌奔走四方艱難備極困苦飽嘗還我山河驅彼犬羊帝制顛覆民權伸張自由平等學說日昌五族欽仰萬國頌揚嗚呼先生國家之祥如獸之麟如禽之鳳恨袁立帝痛溥稱皇傳檄中原號召三湘誓師護國除暴安良共和再造青史流芳嗚呼先生克柔克剛保皇亂息安福勢猖再率健兒護法粵疆岑氏驕橫唐氏輕狂建國方略有願莫償掛冠下野設序立庠三民主義五權憲章革命精神重奠家邦嗚呼先生寬宏大量怒安天下禍起蕭牆陳逆懷貳曹賊爲殃護憲事業至此堪傷正氣所在幸脫劍鏗民心未死元首其煌更振旗鼓驅賊五羊大張撻伐洗蕩中央笑彼技廳到處被創羨我足蟲至死不僵嗚呼先生慷慨激昂正義主持和平提倡促成國是解除民瘡革新內政肅正紀綱改善外交抑制列強惜志未展痛身已亡噩耗飛來舉國悽愴從此中華前途茫茫擔荷大難來日方長海外後進誰爲之倡撫今思昔哭斷肝腸崇拜英雄永矢勿忘揮淚陳詞布奠酒漿靈其不昧來格來享

留東鐵道同學會祭文

維中華民國十四年三月二十八日留東鐵道同學會同人致祭於前大總統全國鐵路督辦鐵路協會會長孫中山先生之靈前曰吾道大光一統奠車書之威斯文未喪千秋垂軌範之隆社稷賴重新共和首創河山歸一鑄平蕩咸資五大洲風氣棟通業邁姬周賢相廿萬里模規草定勛追阿曼大王正期騏驎騰霄人皆附尾何意龍蛇入讖公竟卸肩黃壤不光青天無色安能不傷心一哭搔首齊悲哉伏維先生放勛今古華威東西歷朝專制推翻建丕新之偉業各國文明吸引垂不朽之奇功五權憲法如斯羣期實現兩戒河山無恙共拜元勛此固全國所推崇列邦皆佩仰毋待同人贅述者也同人不能已於言者山斗齊瞻津梁共速輪扶大雅不忘正軌之趨數縮神州倍懷周行之示誦由庚而慕化矩矱時循紹暨亥以程功步趨維謹軀材縱愧神針幸獲指南軌政頻操壇席皆親面北典型足式齊薰一瓣心香文軌大同共拜萬方首領早把金湯鐵鑄功蓋列寧好將玉照銅鑄像逾少伯無何大功未竟夙願待償應大勢之所趨因而北上詎俗緣之遽了忽爾西歸白玉是何宮此去知居上界紫金原勝地再來猶認中華斯時白日旗翻光超五色指日碧雲寺隱靈護十方淚灑雙行思舊續向生之賦些歌三疊招魂擬宋玉之詞嗚呼先生已矣後死何堪望四路之茫茫吾徒奚適悵前途之渺渺繼者其誰尙饗

神阪中華會館同人祭文

維中華民國十四年三月二十四日神阪中華會館同人謹以鮮花輓聯致祭於孫前臨時大總統之靈而誄之曰奔走革命四十星霜由英而美更渡南洋三民主義五權憲章言論偉大亘古無雙淡泊明志當世南陽國事日靡多難萬方去歲之臘北上踰跟力崇民意壓彼櫓槍胡天不弔遽喪元良海泣山呼舉國同傷會開神港涕淚沾裳瞻仰遺範山高水長嗚呼哀哉伏維尙饗

神戶中華總商會同人祭文

維中華民國十四年三月二十四日神戶中華總商會同人鄭瑞圖等謹以清蔬庶饘致祭於孫大總統中山先生之靈而誄之曰嗚呼中山先生竟棄我艱難締造之中華民國而溘然長逝耶噩耗傳來凡爲國民莫不同聲一哭先生志在爲國家謀鞏固爲民衆造幸福奔走革命四十餘年風塵僕僕艱苦備嘗雖犧牲身家犧牲性命均所不惜其精神其忠誠誰不欽仰誰不感戴乃此次抵京方期召集國民會議解決國是力謀統一奠民國於磐石之安孰知經綸未杼大星忽殞竟使先生之抱負與命運而俱終嗚呼痛哉嗚呼傷哉雖然先生雖逝先生所持之三民主義五權

憲法實足彪炳天日固未曾隨先生之形骸以俱去諺云先死者爲後死之責所望後死諸賢努力奮鬥以竟先生未竟之志則庶幾先生可以含笑於九泉也敬述悃誠藉伸哀悼敬獻心香伏維尙饗

居留神戶華僑商業研究會祭文

維中華民國十有四年三月二十四日居留神戶華僑商業研究會代表鮑奕筠等謹以鮮花輓聯敬祭於前臨時大總統中山先生之靈而告之曰嗚呼先生知覺獨先奔走革命垂四十年出入生死一往無前專制既仆共和造焉全功未竟國尙騷然英雄拊髀憂心焚煎積勞成病遽赴重泉莽莽大地悠悠蒼天遺容如昨黃鶴其仙登堂敬悼泣涕漣漣尙饗

神戶三江商業會議所同人祭文

維中華民國十有四年三月二十四日神戶三江商業會議所同人謹以清酒庶羞致誄辭於前大總統孫公中山之靈曰嗚呼緊維我公首倡革命鼓吹廿載民國迺定奈何豺虎積不相平爰謀護法七載兵爭民亦勞止庶幾小甦共仰雲霓恩沾潤濡詎天不弔棟折山崩邦之損失儻不拊膺嗚呼哀哉尙饗

神戶商話別所同人祭文

維中華民國十四年三月二十四日神戶商話別所同人等謹掬誠致敬於中山孫先生之靈而誄之曰嗚呼我公近古之雄手造民國功在亞東羣生在宥天下爲公掃除專制鼓吹和衷位懷公僕制創兵工人心不死天祿遽終神州黯澹大地溟濛心香一瓣崇德報功尙饗

旅英全體國民祭文

惟中華民國十四年四月十二日旅英全體國民謹以清酌庶羞奠前大總統孫公中山之靈嗚呼公平疇謂公死公則猶生死者五十九年暫聚之形未死者千秋萬世不朽之名古有不朽三曰立德曰立功曰立言三者殆備乎公之一身論功則犯危難歷艱辛復舊物踏清廷取大象於獨夫民賊之手而公諸四萬萬人民論德則功成身退示天下以不爭爲而不恃長而不宰而不得不復起者蓋以革命之未畢民權之未伸論言則建國大計布在方策而三民之義五權之法尤炳炳乎若日星凡此皆國人所共見所共聞所共尸祝而香馨嗚呼公平咨惟民國稚弱猶嬰公之

孕育亦既恩勤縱岐嶷其可憫惜羽翼之未成內則虎兇厖突鼠社狐城魍魎罔兩白晝橫行外則視耽耽而欲逐逐者有封豕與長鯨既取子之可慮復毀室之足驚掃毒霧洗妖氛由軍政而訓政而憲政今猶未集於大勛春秋三世進化是程始乎據亂升平太平與其託之空言不若見諸行事之深切著明此爲公未竟之志未卒之業其繼起而荷艱鉅者繫惟後死之人嗚呼公乎珠厓公之桑梓神州公之戶庭日東西所出入皆公之車轍馬跡海內外炎黃神明之胄皆公之同胞之弟兄卑華威頓小拿破崙師林肯友列寧觀政今日日本遼疾今天津捐館舍今燕京卜窆窆兮金陵龍蟠兮虎踞人傑兮地靈吾儕今日會而追悼之地兮則公昔嘗就逮焉而十二日在囹圄撫今追昔感慨不禁恍然若有見乎其激昂之狀儼然若有聞乎其歎息之音公之魂誠無在無不在兮庶幾其來格而來歆尙饗

旅居北波羅洲追悼會同人祭文

維大中華民國十四年四月十二日旅居北波羅洲追悼會同人等謹以生花菓品致奠於前大總統孫中山先生之靈誄曰思公爲國兮奔走頻年提倡革命兮困苦顛連不憚艱辛兮心志精堅推翻專制兮擴張民權還我山河兮漢族綿延軍閥竊柄兮憲法倒懸義師討伐兮底定幽燕駕臨都邑兮舉國欣然和平統一兮邇在目前功業偉大兮參地配天哀彼昊天兮胡不垂憐星隕冀北兮噩耗紛傳國家不造兮棟折榱顛吾民何戴兮遽失英賢臨祭傷悲兮空齋如泉公志未遂兮抱恨綿綿精神不滅兮主義長存嗚呼哀哉伏惟尙饗

旅越會安全體華僑祭文

維中華民國十有四年五月九日旅越會安全體華僑謹以香花清品竭誠致祭於我大中華民國國父第一任大總統孫中山先生之靈前爲文而告之曰惟我軒轅北伐東征肇啓華夏傳至有明蠻夷猾夏國祚以傾宗社陵谷銅駝棘荆二百餘載俗染羶腥純陰之象天地晦暝帝眷中國篤生神靈首申天討衆醉獨醒義旗屢舉慘淡經營驅除醜虜復我神京共和締造五族同盟國基底定大振天聲既躬其實不有其名允恭克讓與物無爭來如龍現去若鴻冥淡泊明志推心置誠詎料梟雄竊國潛稱復辟賄選禍亂相乘國由公造忍視廢興劍及屨及捷伐用懲變生肘腋屢阻行旌蒼頭突起鬯七不驚輿疾入都用慰羣情建設素志國重身輕鞠躬盡瘁繼以忠貞嗚呼望治方慶澄清昊天不弔斬公遐齡民失良導國墮長城驚聞噩訊肝摧涕零深山哀號窮谷悲鳴紀公勲業罄竹難盈讀公遺囑炳若日星議開民會約廢不平三民五權地義天經嘉猷嘉謨

大典宏精我輩後死骨鏤心銘踐行遺志公目可瞑高高在上涉降于庭東芻斗酒式薦香馨靈光感格護國長甯哀哉尙饗

旅荷屬南洋巴達維亞全體華僑祭文

有一國之才有天下之才有一世之英有異世之英一國之才一世之英其生也猶足使人崇拜其死也亦足使人縈情矧先生以一國之才兼天下之才以一世之英兼異世之英其生也創三民主義五憲規程祇知德施弱族勳懋羣氓而乃事功未竟忽然夢坐殿楹凡有血氣孰不含悲流涕膽戰心驚憶公生平憤胡虜之據夏結漢族之同盟舉義十次未倒滿清迄於辛亥實大聲宏湧巨波於江漢暨革命之干旌有若銅山之西崩惹起洛鐘之東鳴羣戈北指清室遂傾南北議定共和以成成功之念過殷專制之孽未絕推袁氏爲首領貽共和於蹉跌先生雖力尼其謀民衆究未有辨別遂使政體被摧神器受竊雖帝政如曇花而前盟總破裂自茲以降督軍聯約法摧殘國會挫折黎段馮徐如出一轍護法之功未完羊城之內喋血坐令直系以滋大感憤陳逆之變節欲免黨之內潰在整頓其綱維孰綱維是賴有真知知黨之主義而後矢志弗移知黨之組織而後恪守箴規知黨之責任而後奮力奔馳知黨之節義而後不避憂危知黨之堅忍而後勞瘁不辭知黨之誠實而後始終無欺先生有鑒乎是乃於民國十二年改造國民黨於珠江之湄直系之勢既摧先生之名益著扶老病以入京歡迎者實載路國民會議爲心解除苛約是務雖病魔之交侵亦力行而弗顧開真誠以示公冀彼昏之覺悟孰意昊天不弔喪我元良宇宙冥晦日月無光羣黎百姓瞻願徬徨無內無外慘沮悲傷維國父之既失彼國事其誰襄繫遺言之宛在願後死其毋忘聊灑淚於南服祇引領以北望思繼志而述事庶國勢之恢張嗚呼哀哉尙饗

廣州總商會祭文

維民國十四年三月十八日廣州總商會會長鄒殿邦副會長胡頌棠暨全體會董等謹以香花楮帛酒醴致奠於孫大元帥之靈曰嗚呼我帥首建民國肇造共和澄清海宇手揮天戈武漢舉義湯武功過方祈永命重整山河昊天不弔莫起沉疴悲興梁木涕泗滂沱聲靈赫濯萬古不磨仰瞻遺範哭以當歌尙饗

上海各路商界總聯合會祭文

維中華民國十有四年三月二十二日上海各路商界總聯合會全體職員會員等謹以香花之儀致祭於前臨時大總統孫中山先生之靈前曰

哀我先生功在民國澤被國民心存革命志切維新三民主義建國方針力挽狂瀾天演天競巨大之責獨力肩任方期實現共覩昇平胡天不弔肝腦忽膺噩耗傳來寰球震驚遺命所囑耿耿此心凡有血氣莫不尊親心香一瓣哭奠滬濱先生英靈來格來馨尙饗

廣東總工會暨九十六工團全體工人祭文

維中華民國十四年三月十八日廣東總工會暨九十六工團全體工人謹開追悼會致奠於中山先生之靈前而祭之曰嗚呼哀哉維我元首指導人羣革命奔走提倡三民主義唯首復漢倒清功成不朽憤彼袁逆帝制妄圖背叛民國潛竊覬覦身名終敗誤入歧趨厥後軍閥擾亂華區屢起屢躓荆棘滿途紛攘割據民何能蘇幸我先生具茲魄力車旆南旋誅討羣賊北伐興師曹吳逃匿勞勩農民均賴扶植國體并興罔使遏抑主義宣傳歡騰萬臆首座北上爲國馳驅積勞成疾竟殞中樞傳來噩耗痛切肌膚如失父母淚洒盈襦羣工哭泣哀鳴蠅蛄元首雖死精神不渝努力奮鬥繼續前模勵行民治淨洗當塗嗚呼哀哉尙饗

京漢鐵路總工會等祭文

維中華民國十四年三月三十一日京漢鐵路總工會代表楊德甫張德惠長辛店工會代表陳勵懋洪永福漢口江岸工會代表熊飛重慶工會代表張知競廣東總工會代表馬超俊安徽省工會代表洪忠愷陝西省工會代表周元亮湖北工團聯合會代表陳天上海各工團聯合會代表謝作舟湖南勞工會代表湛小岑中國各省區工團聯合會代表袁正道等謹以一片誠心致祭於中華民國創國大總統國民黨總理孫中山先生之靈前而哭曰嗟乎先生一世之偉人今竟與世長別矣先生不死於廣州不死於天津而獨死於北京死於北京不願葬於北京但必奔於北京而死者則先生之死亦苦矣先生自建國以還解放民族本屬一視同仁孰意洪憲稱帝遺害未除北部民衆被壓迫於武力政策之下奴隸之牛馬之敢怒而不敢言者十餘年其潛心默祝期有以見青天白日之景象者先生之蒞北京也非先生之勢力足以救北部之民衆惟先生之主義足以滅軍閥之勢力耳今者曹吳既倒國民軍之旗幟方飄揚于首都北部民衆歡欣鼓舞莫不欲親領訓告詎云一病不起竟忍棄民衆溘然而長逝者耶嗟乎先生之逝以北京爲得其所而逝耶果爾奚自不願葬於北京耶以身蒞北京爲能償其素願而逝耶則亦奚貴死於北京耶抑以三角同盟之成功爲得其時而逝耶則三民主權之揭擲目的寧止於此耶讀先生之遺囑曰革命尙未成功同志仍須努力是先生之死絕非

以三角同盟之成功爲真成功而死可知也然則先生奚爲而逝耶奚必逝於北京也嗟乎先生之逝淺識至於勞工下愚至於村婦可憐至於妓女甚至素不預聞慶吊之兵丁又僧道尼姑等三教九流之徒聾者啞者踵相接而來祭者日數萬計此非先生之主義感召而至此者耶夫人之死也以能社會同憫爲有榮得勢力主義者之擁護爲可鄙先生死於北京北京民衆雖強悍頑固之儔亦大受感化之益此實改變人心之最大關鍵也非先生一人之榮也嗟乎先生之痛在先生之生前爲先生苦先生之逝在先生之死後爲先生樂佛曰我不入地獄誰入地獄此先生之所以死也此先生之死所以流澤於萬代也嗚呼尙饗

京漢鐵路長辛店工廠四千餘人祭文

維中華民國十四年三月十五日京漢鐵路長辛店工廠四千餘人致祭於中華民國創國大總統國民黨總理孫中山先生之靈前而哭曰嗚呼吾工人居專制淫威之下受貴族之擲擄遭社會之鄙視身爲人類不得享人類同等待遇者數千載先生首創革命推翻專制五族共和四民平等俾吾工人之人格增高脫苦海以登福岸先生造於吾工界者既深且重愧吾工人今尙不能自立以報先生而先生遽長逝矣嗚呼先生之逝固吾工人之不幸然幸先生之主義已深印于工人之心版今吾工人俱因先生之逝而愴厥懷絕不因先生之逝而墮厥志且必因先生之逝愈加勉勵益自奮鬥本先生之遺囑完成先生未竟之業期以慰先生九泉之下故今之祭於先生者非徒頌先生之功德於身後乃各本志願誓於靈右耳先生其有以鑒察之嗚呼尙饗

茶居工會全體同人祭文

維中華民國十有四年三月念四日茶居工會全體同人等謹奉香花楮帛致祭於孫大元帥之靈曰民國元勳勞工慈母勅我嗣我撫我育我若非孫公其誰克當何天不仁遽喪元良嗚呼已矣我等後死當繼其義再接再厲無怠無懈孫公有知雖死猶生哀哉尙饗

吉林長春縣中西醫藥研究會祭文

維中華民國十四年四月 日吉林長春縣中西醫藥研究會謹以香花酒醴之儀致祭於開創民國大總統孫中山先生之靈前曰先生國手學研中西丹培國脈病起民疲撞自由鐘建共和旗三民有序五權無差參聞神術仰贊宏規老當益壯公爾忘私仙乎去也孰其嗣之回天再造

醫界明師尙饗

瀏陽紅十字分會祭文

嗚呼明祖以降天挺人豪弱冠醫人小試圭刀壯則醫國革命是營同氣相求網羅羣英奮臂一呼清社遂屋改造政體協和五族成功不居掉頭以去傲屣萬乘理亂不與中央政局未能得人每下愈况陳陳相因公起南服號召徒屬聯絡西南武裝監督乃者會議善後醞釀輿疾以往冀得一嘗血肉之軀百慮是煎腴削以盡折損天年寢疾燕京羣醫戾止未能醫命以至於死舉國哀悼泰山北斗一哭同聲無仇無友公之毅力無堅不摧抱定宗旨百折不回公之操守一介不取身後蕭條空空妙手萬流仰鏡崇拜以此所望後人繼志靡已瀏水燕雲睽隔萬里臨風一奠鑒此哀誄尙饗

哀思錄 祭文



祭文卷二目錄各學校

國立北京大學全體學生

國立北京工業大學全體學生

北京交通大學職員全體

北京交通大學學生全體

北京女子師範大學學生全體

畿輔大學全體

外交部俄文法政專門學校全體

北京朝陽大學學生全體

北京務本女子大學全體

北京鹽務學校全體學生

國立武昌商科大学全體學生

上海法政大學全體

民國大學全體

聖約翰大學全體

南方大學京校全體

女子師範學校全體

新京學院全體

哀思錄 祭文 目錄

成達學校全體

中華學校全體

同文學校全體

神戶華強學校全體


京師公立第一女子中學校全體學生

競雄女學校全體

川沙縣立師範學校全體學生

萍嶺學校全體

胡氏兩齋小學校全體



祭文卷二

國立北京大學全體學生祭文

維中華民國十四年三月二十七日國立北京大學全體學生謹以至誠哀告於中山先生之靈曰先生矢志革命始自中法戰敗之年蓋內苦異族之侵陵外怵強隣之壓迫本先覺之心爲斯民領導席不暇暖突不得黔前仆後繼百折不撓迨武昌起義舉國風從數月之間邦基以奠然而功成不居飄然引去其後狐鼠弄權狗奴復辟十餘年來徒擁共和之名益重民生之苦先生義師數舉與之周旋復以庸柔掣肘叛卒強梁終未能剪盡么魔掃清醜類然先生矢志既堅未嘗因之而稍輟也去冬政變驟起全國沸騰先生不遠萬里北來京師以召集國民會議爲職志甫抵津門卽瘵痼疾休養未遑力疾入都方期吉人天相早展宏猷奠民國之邦基登斯民於衽席豈謂天道無知竟使先生不祿耶嗚呼傷哉先生從事革命以三民主義爲論據五權憲法爲指歸內除軍閥外抗強權爲世界謀和平爲人羣謀幸福手著建國方略三民主義諸書斯旨尤精今夙願未償賚志以沒我民何辜竟不能懲遺一老以相導耶雖然成功不必及身責任猶在後死小子何知竊聞慕義惟一息之尙存願從風以述志先生有靈其亦鑒於斯言鞠誠哀告伏維尙饗

國立北京工業大學全體學生祭文

維民國十四年三月二十五日國立北京工業大學全體學生謹擗血誠公祭於孫中山先生之靈曰兢兢我公精一純誠心同松柏旣堅且貞靜若邱壑傲屣虛榮功高山嶽不有其名惟公大志力行剛健成敗弗計利鈍莫論不愧列寧媲美華頓惟公主義三民主義五權提倡號召垂四十年專謀改革重任獨肩嗚呼我公雖死不渝爲民請命爲國捐軀千秋萬世想像宏模素車將駕永閔幽宮奠學陳詞用述豐功嗚呼哀哉伏維尙饗

北京交通大學校長暨教職員祭文

維中華民國十四年三月二十六日北京交通大學校長朱我農率同教職員全體謹致誄於孫中山先生之靈前曰嗚呼我公國之紀綱痛心圖制革命首倡以醫醫國誓迴瀾狂上追古人曰武與湯功成不居超虞邁唐下視朱明後矣其曠是爲豪傑不師文王獨立不倚南方之強胡天不弔喪我明良一老不遺矜式無方嗚呼哀哉維國之本五權是賴昧者昧之公見其大維民之本三民主義爲最愚者不察公振其施行之也易公後之

哀思錄 祭文

實知之也難公事其事踵武周官椽筆經世寶書之成太平之契無懷葛天計日可至曾不匝月而公長逝嗚呼哀哉方公之來若旱遇雨帝國主義匪今伊古等之不平爰折爰斧弘我亞洲車書文軌解我倒懸同登天宇億兆具瞻昇平鼓舞曰惟我公實民之父天亶之英社稷之主天奪我魄降公疾豎海陷誰填天缺誰補嗚呼哀哉百花生矣公疾彌留芳草綠矣公息遨遊龍鬣永墮烏號焉求氣壯山河神隔明幽如武鄉侯有淚長流如宗忠簡欲渡無舟英雄短氣志士含愁一棺長閉萬古千秋命耶運耶夫復何尤嗚呼哀哉公功雖成公志未伸公今已矣公死猶生紫金之山公阡是營長江如帶公阡是縈厝公公園以昭景行敬宣誄詞以妥公靈公靈有知式依式憑嗚呼哀哉謹誄

北京交通大學全體學生祭文

維中華民國十四年三月二十六日北京交通大學學生全體謹致誄於孫中山先生之靈前曰維我華夏沉淪專制君貴民賤本末倒置建虜入關毒逋九宇公舉義師天下響應光復神州肇開景運五族一家共和底定乃有貪殘動搖國本稱帝賄選盜弄威柄再舉義旗前功克竟昭示國人堅卓誠信風雨靈旗遽歸蓬島哀我昊天不遺一老海內洵洵民困國窮誰能統一萬方影從虎臣矯矯軍閥囂囂誰能已亂兵氛潛銷自公云沒民失泰華瞻前愆後哭望天涯嗚呼我公在地河嶽在天日星扶輿正氣萬世英靈陳辭申誄敬表欽忱謹誄

北京女子師範大學全體學生祭文

維民國十有四年三月二十八日北京女子師範大學全體學生謹以生芻一束熱血滿腔致祭於前大總統孫公中山之靈曰天阨中華不遺一老造福未半失我坊表心香上答采蘋采藻掬誠告哀心傷如擣繫我祖國代遠年遐君主世及一姓一家威福擅作殺人如麻嗟我元元痛苦無涯天心悔禍篤生先覺天下己任先憂後樂道高毀來黨禍作微服過宋海邦漂泊有志竟成百折不磨推翻專制肇造共和旗揚五族包羅功成身退甘隱槃阿一改紀元帝國自命再變復辟重燃餘燼東山復起護法傳命霎時反正國體再定魯難未已藩鎮鴟張弁髦約法民賊猖狂中原鼎沸萬姓流亡嶺南建節北伐用張聲威遠播銳氣莫當都門有幸平和又唱安軍遠徵虛席相向與人爲善欣然北上願瞻丰采士女歡迎望眼將穿騶從來京期議善後爲嗚不平打倒軍閥息事銷兵三民享有五權采輯國際平等國家獨立國民當選男女如一勞工神聖剷除階級蒼生屬望轉危爲安奈何盡瘁瀝胆摧肝騎箕天上影響瀛寰豈惟國人垂涕沈瀾嗚呼盧梭不作列寧已逝哲人又萎誰籌民治博愛爲仁大同正義

知之爲艱行匪難事革命未竟遺憾猶留卅載苦心足壽千秋睽懷宗國猶有殷憂萬方多難何時一統杼柚其空戎馬倥傯民生重困道殣接踵
監謗羅織輿論蔽壅况我學界烟霧重重女性尤弱籲天罔功違論參政人權攸同失茲師導前途愈窮願各努力壯心勿喪青天白日冥冥默相
再接再厲魔力抵抗庶慰英靈自由無恙觀昨執紼推挽哀呼今茲弔唁填巷溢閭後死負責吾道不孤謹述微忱敬奠生芻尙饗

畿輔大學全體祭文

維中華民國十有四年三月三十一日畿輔大學校長關廣麟暨全體教職員學生致祭於孫中山先生之靈曰嗚呼我公之生六十有一年心憂
勤而匪懈法天德之乾乾志惟恐其不成經挫折而彌堅宜百世之逢吉何乃蒼生之遽捐嗚呼公之道德孔孟之亞公之經綸華肯並駕公之憂
樂後先天下公之才學文武兼跨公之心志精神則銷磨於遊說與戎馬當夫西力東漸清祚衰頽內政不修外患頻來公倡革命殆若春雷前仆
後繼志不稍灰開國金陵元首咸推及至國是大定飄然若飛功成不居公其庶幾莽莽神州托庇春暉無如奸險當道國是日非稱帝復辟幾易
國徽公撼大難躬自指揮革命精神與主義相終始至誠偉抱雖失敗而不移是故識與不識無不服公之心而願與來歸嗚呼我公實爲國父繫
我神州黃帝遠祖順天應人中維湯武公倡民治永除君主推倒軍閥力抗外侮雖大業未竟弗克目覩然遺命諄諄沉舟破釜更兼建國有策計
劃精詳三民五權實爲濫觴國民會議濟時良方禹勞墨劬寢食未遑拯民水火艱苦備嘗哀我五族受賜無量當茲國艱未已後死之責正長嗚
呼我公世界福音平等大同舉世咸欽天下爲公平生夙忱民生一義東方列林弱民攜手共和禦強侵階級革命喚起淪沉嗚呼我公萬世人師
學主實踐豈徒易行而艱知著述盈筐千古遺規譬如明月完而無虧又如北辰衆星拱之嗚呼維公之生嶽嶽降神及公之歿天地晦冥嗟予神
州正處榛荆公爲元宰極力經營豈造物不欲治平天下何不憇遺一老而使薄海咸驚嗚呼公志未終遺恨何窮音容長在仰止高風銜悲舉爵
淚雨灑空吾儕後進應紹前功嗚呼哀哉尙饗

外交部俄文法政專門學校全體祭文

維中華民國十四年三月三十一日外交部俄文法政專門學校校長夏維松謹率本校全體職教員學生致祭於前大總統孫公中山之靈曰嗚
呼巍巍泰山忽焉其頽陰陰喬木忽焉其摧老成凋謝逝波不回惟我先生生榮死哀寶殿靈光耆年碩德言爲世法行爲世則應天順人先民是

式澤被蒼生功在邦國溯昔有清專制政策四海沸騰生民杌隍惟我先生獨具遠識知非改造無以立國環顧列強法美足式宗旨既定不撓不屈立國之本主權在民盧騷學說堪作典型抱茲主義卒底於成同胞幸福邦國長城昊天不弔大星隕落龍蛇讖凶瓊瑰夢惡遺範猶存音容已邈嗚呼哀哉後生小子愚蒙下土而今而後仰止輓歌淒涼薤露蒿里動地悲聲共揮泗涕愛日無光浮雲冥冥泉魚風木悲不忍聽靈其鑒茲來格來歆嗚呼哀哉尙饗

北京朝陽大學全體學生祭文

維中華民國十四年三月二十八日北京朝陽大學學生會同人代表本校全體學生謹致祭於中山先生之靈曰嗚呼運遘陽九神州板蕩封豕長蛇環伺侵掠挽斯危局篤賴備英天祚華夏誕我先生拯世濟民志在革命困乏苦勞動心忍性專制既芟豺狼復起國步愈艱倣擾靡已先生奮鬥不踰初衷主義三五啓曠發矇如何蒼穹弗恤邦家大功未竟遽而升遐哲人既萎後覺安放顧思遺教彌增淒愴日月經天江河行地先生之勛永世弗墜尙饗

北京務本女子大學全體祭文

維中華民國十有四年三月二十七日北京務本女子大學全體職教員學生等謹致祭於孫中山先生之靈曰嗚呼先生維人之傑維國之光匹夫救世民義飛揚奮斯閭閻此蕪荒五族平等三義輝煌名揚八極氣凌萬方世有華翁我則陶唐既隘劉李亦右武湯天胡弗吊我心憂傷嗚呼先生生而愛戴沒更難忘偕茲學侶酌此芻觴先生在天降鑒哀腸尙饗

北京鹽務學校全體學生祭文

維中華民國十四年三月三十一日北京鹽務學校全體學生謹致祭於孫公中山之靈曰百粵之英民國之靈功垂史策德耀日星弔民伐罪革命爰興義師獨倡推倒清廷手創民國四海輸誠五族共和天下澄清鴻勳偉業中外咸驚偉哉先生不朽斯名天禍中華國是未甯羣龍戰野連歲用兵惟我先生酷愛和平堅持護法不事攘爭三民五權主義是明以黨立國媲美列寧天不假年功未完成斯文既喪哀我蒼靈奮鬥救國後死勉龜跪奠陳辭淚不成聲嗚呼哀哉尙饗

國立武昌商科大學全體學生祭文

維中華民國十四年三月二十二日國立武昌商科大學全體學生等謹以香楮酒肴致祭於前大總統孫中山先生之靈曰嗚呼天不佑我民國耶何奪我民黨首領之速也先生不愛我民國耶何遽棄吾民而長逝也回憶先生四十年來外觀國勢內察民情痛吾民久屈伏於帝制軍閥帝國主義威權之下曰謀改革雖遇艱難險阻而矢志彌堅百折不回客歲由粵入都主開國民會議方冀民權發展實現民主國家而天不假年遽及於此在先生革命未竟而功在國家矣影無愧所苦者民國前途頓失砥柱能勿痛哉雖然先生往矣民治之精神猶遍布於海內外吾民能發揮而光大之則先生之名將與民主國家而俱永先生之所期望於吾民者在此吾民之所以報先生者亦在此今當追悼先生其有知耶抑無知耶嗚呼哀哉尙饗

上海法政大學全體祭文

維中華民國十四年三月二十五日上海法政大學校長徐謙暨職員教員學生全校赴京代表徐沈儀彬謹致祭於開創中華民國反對帝國主義求民族自由國際平等爲我華夏同胞表率孫中山先生之靈曰大哉先生泉宇宙甄陶黃虞革命救國崇耶軼儒兼愛博施屏惡嚴誅嘔心瀝血瘠口剝膚猶龍一老曠世則無間氣篤生民族提扶斬芟帝王同仇執斧苟無我公曷破冥愚北伐之旂揚於奸諛公理赫赫萬壑海趨大江長河萬民號呼自南徂北民氣昭蘇兵不血刃拉朽摧枯壯志未竟神返天都中央妥靈膜拜吾徒吾黨小子讀公遺書三民主義正本五權垂護建國經緯大願弘圖知艱行易秉志不渝智燭千古創說特殊卓哉先生革命巨子覺世哲人香山之英樂國天民放眼世界幼學諮詢結交賢豪歷履艱辛神樞秘府雷動風行鬱鬱黃花並時鳳麟感公誼氣屬在下塵手造民國扶君仆巨摩天巨刃擘開網羅大同肇基自由之神盧接啓法與公齊均列寧改俄與公比鄰公靈雖往公志克伸燭火不息遺教傳薪善維善述責在吾民春花致奠哀悼同申謹祭

民國大學全體祭文

維中華民國十四年三月二十六日民國大學校長雷殷暨教職員等謹率全校學生敬祭於前臨時大總統孫公之靈嗚呼我公萬世之英殊勳偉業彪炳寰瀛晚清失政荼毒生靈國勢陵夷異族交侵惟公奮呼自西徂東死歟生歟淡然胸臆如國可保殺身不計才絕今古勇亦齊之履險

哀思錄 祭文

一一一

如夷人誰可追公若阿俗爵祿立至傲屣尊榮剷除專制天生先覺無遠弗佩當其少時流離海外清廷追緝目爲邪怪或以利餌或以威脅公不爲奪悻慨益烈清室顛覆公歸祖邦遐邇敦請總領國綱卽任金陵綏撫九有億兆共和肇自公手項城袁氏擁兵自固公不與爭退居江滬義聲凜凜舉世狂訝上軼唐虞公其天下洪憲爲逆我公深悲要約黃蔡復倡義師共和再燦非公云誰軍閥縱橫盤居河北攘奪爭權國紀蕩滅公在西南痛此羣醜高舉義旗靡寒靡暑百敗不撓誓奠中土迨於晚近強梁當道毀紀亂法公志益憤號師北伐與日彌勁天心厭亂羣邪自殲公來京師欲張國權胡天不弔疾痼纏綿忽焉委化舉世泫然嗟嗟國難未舒哲人已逝偉業未竟誰爲之繼願公精誠百世不磨羣雄悔禍各自韜戈野無遺材國無蠹政民胞物與天下自正我公在天其安其康佑此衆生永世休光悵公不可見念公不可忘書辭寓哀聊贊英觴尙饗

聖約翰大學全體祭文

歲次旃蒙赤奮若之三月十二日中華民國第一任大總統中山孫公薨逝於北京於是吾約翰大學學生八百人哀公之光被四表而永闕琉璃之棺回天倒日之力而不能自振其形骸也胡泰山其頽而梁木其崩耶疑迢迢千里而傳之非其真耶抑所謂始終者萬物之大歸而公亦莫能幸免也耶然公之名在天壤功被禹域又豈一棺之所能載也謹以玄酒蒸香北嚮引領而告於公之靈曰唯公振大音於九天兮民萌蟄而君政覆譬如轟雷霹靂隆隆撼山岳兮何況溥儀遭之走辟賊伏丕基民國以宏覆兮舉世之所推公獨傲屣首坐之尊榮兮仍平民以來歸哀刼運其未已兮神姦紛拏以盜國歷十四載而剝不復兮民何能一日以嬉舉修網之絕紀兮非公莫屬吁嗟昊穹兮奪公何速嗚呼哀哉更安所得國士兮嘆諸夏之闕寥駕赤螭而騰漢兮泣春雨之蕭蕭葬遺命紫金山兮國之人永禁採樵望孝陵之在咫兮儻風清月白相與放眼神州翔駕雲霄烏乎哀哉幸公靈之來享奠此香椒聖約翰大學全體謹奠

南方大學京校全體祭文

維民國十四年四月一日故大總統孫公中山將於翌日移殯於北京之西山南方大學京校全體恭舉代表馮潛季長青馮恩溥李筠趙士彬劉克恩宋良弼史寄魁潘少魯陳貞瑗初績王啓宇簡煥鑾李佩真鄭重劉世英等公祭於公之靈而言曰吁嗟孫公共和先覺揖讓征誅功德絕卓三民五權如日中天曷哉吾黨追隨先鞭顧瞻四方如涕如羹如何昊天厄我衆生山頽木壞摧此哲人如可贖兮人百其身嗚呼哀哉伏維尙饗

北京尚義女子師範學校全體祭文

大中華民國十四年三月二十八日北京尚義女子師範學校校長葛文園謹率全體學生致祭於中山總理先生之靈前而言曰嗚呼香山毓秀
粵水鍾靈洪門而後誕厥先生主義獨創是曰三民恢復祖國解放人羣胡天不弔遽失明星嗟導師其已遠痛繼起之無人望燕雲而泣血倚薊
樹以愴神河山爲之變色天地爲之改容中外震悼婦孺同情尚冀英靈不昧正氣常存予國民以自覺促革命之成功先生不死憑弔無窮嗚呼
哀哉來格來歆尚饗

新京學院全體祭文

維中華民國十四年三月二十九日新京學院教職員學生全體敬奠於革命領袖孫公中山之靈嗚呼茫茫宇宙風悲日曛芸芸衆生莫出迷津
天降我公牖導斯民著書立說震聵覺聳幾次革命屢遭失敗百折不回功成辛亥改造中華手創民國傲屣尊榮協和南北軍閥政客各爲一己
沿十四載內亂不已列強環視耽耽逐逐不平待遇不一而足外抗強權內討強逆不屈不撓始終如一根本改造民衆努力建設大綱三民主義
登高一呼億兆風從真正共和方期成功天胡不仁奪我元良頓使中華黯淡無光豈惟五族如喪考妣凡有血氣誰不太息敬奠靈前略表哀思
并勗國民竟成先志哀哉尚饗

成達學校全體祭文

中華民國十四年三月三十一日成達學校教職員學生謹具明水時花之薦致祭於中山先生之靈曰嗚呼天生先生兮性善行仁周游四海兮
拯濟斯民衆志成城兮義感神人百折磨而志彌堅兮瘁心力而罷神振木鐸於昏夜兮指世人之迷津昭大義於天下兮拔漢族之沉淪冒危難
以奮志兮嘗苦膽而臥薪爲吾民以犧牲兮利害不計乎一身經歲月而節永篤兮終著功而建勳除帝政之虐焰兮樹民主之精神端政體之軌
範兮垂大業於無垠孰意貪人逞欲無厭兮顛典型而自爲蹂躪憲章使淪沒兮覆共和之洪基人懷樂利偷以全軀兮羣擁戴而不疑我民手無斧
鉞兮孰能救此阡危先生勇以任重兮舉護國之義旗卒轉危而爲安兮國體顛而復持建帥麾於南都兮懾梟雄之邪思政柄雖遞嬗而屢遷兮
國本不因而動移設斯人之不在兮禍患將蔓滋於胡底嗚呼先生兮實我民國之壁壘闡三民之正義兮明五權之大旨憂國是之不定兮冒嚴

寒而蒞止不惜病軀之披涉兮謀同胞之福祉困沉痾而莫起兮哀悼無間乎遠邇何我國之不幸兮忽於此時失所倚竭愚誠以奠祭兮涕滂沱而莫止願同志之莫忘兮追先生之芳趾虔心宗其遺言兮羣相與而莫逆拯吾民於水火兮亟宜登之衽席思國事之多艱兮憂中結而難釋嗚呼哀哉尙饗

中華學校全體祭文

維中華民國十四年三月二十四日中華學校全體謹以清蔬庶羞致悼辭於孫前大總統中山先生之靈曰嗚呼有清末葉政亂如紊奴性沉痾毒燄塵霧惟公明達識見超羣奮起革命志切情殷嗚呼民生有權自由平等平衡約法誰敢思逞孰爲主人孰可專政惟公主義宗旨純正聿廢帝制迺建共和猶水就下若決江河中華民國五族包羅惟公德業萬古不磨嗚呼外內相侵民治不張不平條約廢除可商五權分立憲法斯良緬述政略倍見心長嗚呼溯公一生備歷艱辛困於孤島厄於英倫八舉四伐求仁得仁光被海表完璞歸真嗚呼天胡此醉奪我元勳民之無祿莫遏行雲底柱傾頽憂心如焚陳辭致誄不知所云嗚呼哀哉尙饗

同文學校祭文

維中華民國之十有四年三月二十四日同文學校同人代表吳功補謹以瓣香清酒致祭於孫前臨時大總統中山先生之靈而告之曰嗚呼先生志大願宏提倡民約革命功成民元開始大旆東行莘莘學子曾表歡迎企望郅治日月重明胡爲一病溘逝神京哀此先覺薄海同情登堂奉悼藉表微誠尙饗

神戶華強學校同人祭文

維中華民國十四年三月二十四日神戶華強學校同人等謹以香花致祭於孫前大總統中山先生之靈而誄之曰嗚呼我公救國之傑品望如金鴻心似鐵在昔清季民困涸轍毒霧迷漫妖氛蟠結公起田間心惻井渫氣結不揚目眦欲裂爰起義旗誓清帝孽亘四十年嘔數斗血萬苦千辛犁庭掃穴帝制驅除民國提挈還我山河金甌無缺元氣彌綸萬古凜烈非無權奸神器竊竊聲罪興師朽摧枯折非無僉壬阻撓建設賴有利器目無錯節時事不齊成敗更迭竭智盡忠昭然若揭何天不弔倏然永訣白日爲暗寒泉飲咽前無古人後無來哲嗟我國民其又何說嗚呼哀

哉尙饗

京師公立第一女子中學校全體學生祭文

維中華民國十有四年三月二十七日京師公立第一女子中學校全體學生謹以生花之供致祭於中山孫先生之靈曰惟我先生東亞之英惟我先生黃種之晶掃除帝制革命以成痛恨軍閥誓師以征禹稷饑溺湯武功名民之父母世之神明民生主義教民之始國際平等奠國之旨先生視人如孫如子人視先生如考如妣比之古人惟耶蘇似擬於今世則列寧耳天不亡中國先生烏可死嗚呼國無淨土遍地魍魎世無完人到處骯髒天不降殃而反加獎惟我先生國人所仰惟我先生舉世無兩天不慈遺而反見攘嗚呼痛哉對越遺像不勝悽愴惟願音容雖藐靈鑑不爽謹致哀辭伏維尙饗

競雄女學全體祭文

維中華民國十四年四月十二日競雄女學全體教職員學生敬致祭於國父孫先生之靈曰大道之行天下爲公不親不子是曰大同一篇禮運徒託空言誰與實行唯先生賢先生之世西夷猾夏建州小酋屏息牖下寧貢上國勿界家奴哀哀黔首俛就割屠先生崛起與中同盟十盪十決清社卒崩開府南都大勛未集喋喋淺夫恣恣煤孽遂謝政柄雄圖傲屣此座讓入夫豈得已當塗媚外以迄曹吳喪權鸞國爲敵驅除卓哉先生支柱南天強鄰圍視不奔不驚西方聖者倡蘇維埃撞強扶弱大勇慈悲先生曰俞是真吾友攬轡澄清邛須攜手歲在甲子鼎沸中原丹山燠穴來日大難輕車北上扶病遠征敢自珍衛期活吾民胡天不弔竟犯霜露星隕一宵野哭萬戶嗚呼哀哉國際羣醜包藏禍心先生已矣誰與懲膺匹夫負乘貌飾仁義先生不作誰與彌雍嗚呼哀哉新邦幼稚纔十四齡微我先生孰任撫循紅女耕夫無衣無食微我先生孰拯焚溺嗚呼哀哉大盜不死仁者不壽龔勝天亡馮道頤者瓦釜雷鳴黃鐘破碎紫色蛙聲盜名尸位嗚呼哀哉先生雖死主義常存三民五權懸諸國門先生雖死精神不亡臨之在上質之在旁嗚呼哀哉尙饗

川沙縣立師範學校全體祭文

維中華民國十四年三月二十二日思賢代表江蘇省川沙縣立師範學校全體學生謹致祭於前大總統孫先生之靈曰嗚呼先生闡明學說掃

蕩王氣反抗強權主張正義手創民國鞏固邦基凡我國民莫不恩被一旦魂斷天不悲啼萬民所哭何止考妣嗟乎嗟乎天太無情列寧前崩先生後繼未竟全功何能遽去來日大難將誰肩寄前無古人後少繼起中原多故哀此羣黎列強環視國將焉維鬼猶雄也應返故里所存主義長留天地所囑遺言莫不流涕國人應遵以符賢意掬此盡忱爲先生祭魂兮有知當安泉地嗚呼哀哉伏維靈鑒張思賢鞠躬

萍嶺學校全體祭文

維中華民國十四年夏歷二月中浣之三日萍嶺學校教職員暨全體學生等謹以不腆之儀致奠於前大總統孫中山先生之靈曰神州雲擾勢成累卵之危滄海風狂孰計倒瀾之挽惟先生爲民除惡不惜身家替國鋤非尤甘鼎鑊故功成革命而志在圖強重民生主義獨倡固邦基方針早定豈期鴻鵠不偶燕雀偏多黨羽歧分頰起鬪牆之隙利權是競恆操同室之戈先生疾首粵東孤行己意馳身燕北專爲人謀適會議善後之時又聯軍奏捷之際正資元老共奠中華詎二豎之爲殃竟一棺之忍戢泰山崩裂梁木摧殘萬禩難追百身莫贖九千里天昏地暗空瞻箕宿之光億萬姓巷哭途悲徒歌楚些之典然丹心不死耿耿與日月爭輝而泉路同盟個個爲英雄竟志况方略記之簡冊而學說編於藝林雲合風從時機未晚山鳴谷應毅魄猶存尙冀在天之靈無遠勿屆庶幾爲邦之典終古不磨爰具微儀用申哀悃靈其不昧惠然來歆尙饗

胡氏兩齋小學校全體祭文

維中華民國十有四年夏歷乙丑三月望越五日胡氏兩齋小學校全體同人謹以清酌庶饘之儀致祭於中華民國開國大總統孫公之靈曰嗚呼孫公大志心雄清末革命身爲元戎乙未失敗奔走西東一意救國堅毅誰同三民主義喚醒昏瞢出入行陣性極謙恭臨時被舉堯舜重逢袁氏謀叛廷盡沙虫取消四督氣燄上冲唯意所欲殺戮淫凶逼我民衆深入莽叢因再去國憂心忡忡官僚附逆羣起吠翁突有滇蔡起義效忠洪憲倒運八旬造終欲清餘孽建再造功安然返國待啓吾輩不期北望穢氣冥濛廣川駐節護法計工陳亦民黨素本服從偶然細故遂起內訌反友爲敵與曹吳通餉械得助誓決雌雄東江轉戰血流水紅曹吳旣倒如山日童偏師負嵎守海陸豐東北戰息勢去張馮捧段執政意見難融各方調劑端賴我公一日如電忙煞魚鴻公因迭促北上忽忽段無誠意善會欺瞞爭加團體弗聽若聾幸公讓步不至相攻京都臥病筋力困窮刀圭並進痊復無從痛公不起辭赴吳窮身雖恒化績在寰中國內外俱懸素幃悲歌弗竭雜以絲桐列寧之死無如此隆千秋萬歲像時以銅哀

哉同志永高仰風遺囑在耳莫變初衷死別已杳生失師宗宗峯泰嶽望斷頽虹天留佳壤馬鬣待封對此遺像淚若霜楓敬具芻酒行三鞠躬靈
其有知聊寄仙蹤哀哉尙饗

哀思錄 祭文



祭文卷二目錄個人

黎元洪

敏德尼爾布

張作霖

曲同豐

趙恆惕

屈映光

呂超

何世楨等

李希蓮

王珠篤

孫光庭等

歐陽豪等

許學源

賀之才等

于述祖

喻公拔

吳威等

哀思錄 祭文 目錄

張呈藻

唐懋

康少韓等

唐聲瀕

高冠天等

張蔭枏

周景俞

詹濬元

汪一德等



祭文卷二

黎元洪祭文

中華民國十四年三月之吉黎元洪特派秘書李欽代表致祭中山仁兄大總統之靈烏虛嶧山有言君輕民貴誰實先覺導此聾瞶惟公奮起順天應人再蹶再振國爾忘身三戶忘秦造端江漢我秉鉞鉞公主壇坫功成身退傲屣尊榮湯文大業箕頰高名列鎮爭雄蕭牆內擾法紀陵夷政綱邊掃蛙聲紫色實撼國基公奮厥武護法興師豈惟護持談言胥中揭櫫五權亭毒萬衆公處南海我羈北庭岑同苔異兩地一心大憝既除台旌北指民喜來蘇我欣御李何期小疾遽入膏肓昊天不弔國瘁人亡昔定中原左提右挈今隔重泉生離死別橫崩棟折危廈誰支爲國哭公匪以其私嗚呼尙饗

敏德尼爾布祭文

維大中華民國十有四年三月三十日敏德尼爾布謹以牛一馬一清酌庶羞之奠致祭於總理逸僊孫公中山之靈而使祝讀文曰惟先生起自布衣披荆棘洗滌河山而討袁世凱於洪憲亂華之秋然先生中悲黃克強蔡松坡之隕落三建軍國民護憲政府於羊城疊逢陳炯明等叛變賣國遂於客冬應臨時段執政祺瑞之請巡狩燕京而不疑先生竟此一行而溘然與國人永決也嗚呼愚回觀先生三民建國之策良可殿鼎民族必非草莽之姦雄終見高光磊落也惟先生道薄絃表義契結識民族哲士多矣然能仰識先生泰斗者恆多面從腹非之徒然先生視之淡若不究其中行事正鵠者此先生年來深憂遠慮有以致肝氣之鬱結一發而中西醫士莫能挽救先生於危也嗚呼愚志冷心灰披髮入山爲民族流民者實目擊時艱因繫結於始端莫若求終慎厥初也愚恆憶及先生夙德必有以造域堯堯堦體德宗瀛臺維新之盟以新五族耳目者嗚呼蓮華經有言六十小劫而先生籌國才長不治世故放意所好樹穀樹人今竟捨我四分五裂之民族而神返無極矣嗚呼先生琢人材以培三育爲己任視五族爲一家無譏刺與嫉妒本其推賢豁達之意更卓然於黃陂東海仲珊合肥矣故慕義懷德者終必爲先生銘感無涯矣然國人雖飾終禮厚眷顧情濃崇德名城盡足爲先生一生奔走國是於萬一爾故愚哭悼先生之烏私愛影抑猶先生平時憶哭愚志之不進展也嗚呼知愚者先化後愚者愚何生爲愚哭漁父秩庸先愚而逝深恐先生哭之哀之今先生休已故愚大可爲天下哭也哀也然愚更深爲天下哭者瀏陽瀛臺

哀思錄 祭文

一

之痛真有令天下後進志士大可悲傷也嗚呼五偉宮移天雨星而龍陸飛四時凋植氣衆凝而春秋謝然先生宗嶽分靈玄黃毓粹較列甯之碩望必有以起羣謨其在天之靈魂皓魄必有以來蘇復臨審判之慨也嗚呼愚羈南服難御素車紫電而來腸斷西江敢忘斗酒時羞之奠哀哉尙饗

張作霖祭文

中華民國十四年三月二十七日張作霖謹遣代表郇克莊致奠於中山先生之靈曰翳南海之汪洋兼五嶺之層疊萃山川之靈異乃挺生乎奇傑嗟南服之僻遠實禹域之荒陬自開海而通航作東西之交衢緣時勢之演化產天民之先覺汲歐美之靈波作亞東之聖藥振衰頹之國勢警頑懦之人心繼孔孟之微言曰民貴而君輕卽歷代之王冠合五族於一室憤十載之共和羌有名而無實觀蒼生之塗炭實不忍於仁人聯同盟而討逆更重勞於先生慨關東之健兒願糜軀以報國伸大義於天下非縱橫於南北何懦夫之能立實仰止於高風雖再敗而不辭竟以奏其膚功將撥亂而反正更有賴於明哲胡昊天之不弔忽山崩而梁折觀遼海之無極歎哲人之永萎仰天風以憑悼爰涕泗而長悲嗚呼哀哉尙饗

曲同豐祭文

維中華民國十四年三月二十四日福山曲同豐謹致祭於中山先生之靈曰嗚呼天不憖遺老成彫謝國運迍邐遭匡扶何最公賦異稟殊勛遠見志在民權不知富貴歲在甲子政趨新軌公本懷抱來促民會欲爭平等舊約倡廢兩大主張聲聞海內騶從東來征裝甫卸二豎爲患針砭極備痛此膏肓醫藥告匱時維仲春大星忽墜薄海同悲人皆爲淚溯公壯時氣宇軒昂志在民主帝制竟亡辛亥之秋義舉武昌滇池響應豐忝戎行敢云附驥惟公是尙臨時政府建於建康謬膺使命招撫北洋推心贊許實邁等常壬子而後天各一方申江一晤未盡離腸癸亥赴粵重睹芝光相逢話舊共感滄桑情移勢變政軌失常敷陳大計備荷諮詳招討是任合力鋤強限於經濟大願未償遠因締結卒培強梁國基重整期冀苞桑遽捐館舍舉國悲傷公之雅量叔度汪汪公之偉識建國決決鼎新革故鴻論久倡盛名千古山高水長嗚呼哀哉尙饗

趙恆惕祭文

維中華民國十四年三月二十四日趙恆惕代表鍾才宏謹詣中山先生靈前致弔嗚呼先生干莫蘊器決策以明周身以智勁操彌堅淫威匪悖

墟彼秦城張吾漢幟元功既舉傲屣何居清波萬頃在溷不渝淵淵之度示國楷模風雲玄感力負而趨學說萬言漑彼寰宇建國方略昭茲來許
傾廈用支橫流有導風采高騫瀛區晝照車駕蒞燕致致國是卅載精誠民聽民視衆庶走告厥望嗚嗚相禱山川沈瘵庶蘇誰謂冥昧英哲先萎
木壞山頽國將誰庇瀨烈長存榮哀悉備電修匪遐庶歆芬苾

屈映光祭文

維中華民國十有四年三月二十四日後學屈映光謹以香花楮帛之奠致祭於前大總統孫公中山先生之靈前曰嗚呼南極掩芒東羲却馭動
地頽山擎天折柱遜清末造國政不綱朝野夢夢如昏而盲公謂剝極非革不復蟄雷一震龍蛇起陸天驚石破雲會風從遂倡同盟萬壑赴東公
遂導師指揮左右光時束髮願隨奔走洸洸先烈嚮義如雲前仆後起竟集大勳武昌既下金陵方亟光從浙軍直撼強敵始克天保遂奠南都羣
師戢和并心一圖國人喁喁望公如歲公從海外翩然遠蒞衆謂元首非公莫當公實先覺示我周行十有七省代表雲集協心推戴光居其一草
昧經營精疲力劬大局甫定功成弗居公遊杭州忝爲地主六橋三竺欣隨杖履欽公道範謁公申濱公尙惓惓不忘西泠湖市初開將與市政繪
圖立說就公是正公不鄙夷詔我諄然自此睽隔再荏十年國步重光萍蹤始合庶幾辟咍獲親顏色公之氣概天風海濤公之魄力萬鈞牛毛公
之精神不撓不屈公之胸臆青天白日念惟公身與國安危何圖昊天竟不憖遺五權三民平生主義生爲民力死爲國瘁生英死靈所存者神公
死不死在後之人哀哉尙饗

呂超祭文

嗚呼公今逝矣聞公之逝而發爲悲歌感嘆者實中外之同情矧服膺之最久尤不能不追念其平生根本於三民而實施於五權者公之學說排
萬難以獨往歷數十年如一日者公之精神以超之驚鈍自弱冠以至於今日猶不惜其訓誨之諄諄痛民國之不造值禍變之相尋非大盜之移
國卽軍閥之專橫公有志而未遂識孤憤之填膺人盡謂公爲勦建共和之元首無寧謂公爲貫澈革命之同盟蓋以公所慘淡經營者求主義之
實現所深惡而痛絕者爲觀望與因循國民而不自決禍將及於陸沈此公之飲泣於生前而賚恨於九京者也更何有於開國之勳已矣哉雲黯
黯兮兩冥冥地維折兮天柱傾國無人兮民命蹙士無賢不肖及政見之異同兮皆泫然而涕零惟我公之願力巨萬古而常存可委者形質不滅

哀思錄 祭文

者精英發吾人之深省卽在此寥寥百餘字之遺囑與夫臨終易簧之呼聲愧行能之無似念國難之方殷膏吾車以東邁欲繼志而未能促國是之早定實爲公之素心駕長鯨而呵護是所望於在天之靈哀哉尙饗

陳其烺誄詞

偉哉我孫公勛業闢鴻濛堯舜時全盛湯武遇素隆公獨生在野氣概貫長虹陸沉悲祖國團體結大同呼號逾海外學說布胸中四十餘年事後絕而前空武昌辛亥歲舉義弔民窮滬江首響應我忝參幕戎金陵旋克復政府建穹窿臨時總統任參院謹推崇統一南北後揖讓著高風豈知衆餘孽鬼蜮伎倆工帝制爭籌備遠引海之東丙辰天悔禍爲賊奪其衷護法滇軍起民氣復和融我弟隨指畫(謂從弟其美)航海整歸篷無端身殉國邀恩淚落紅(其美被害後公哀悼無已含淚撫尸良久)迄今志未竟(公祭其美文有必成君志等語)地拓城又攻武力期平息燕京走花廳風塵勞致疾神醫莫爲功曰昊天胡不弔周甲遽考終愁雲慘中外泣雨沾叟童環球旗下半宴會慶無通列寧棺藏玉林肯像鑄銅敦槃昇上界虛左待誰充君主諸先聖歡迎致鞠躬

孫鏡亞等祭文

維中華民國十四年三月二十三日中國國民黨黨員孫鏡亞何世楨何世枚何葆仁郎醒石劉廬隱劉慎脩謹具生花致祭於總理孫中山先生之靈曰嗚呼哀哉公何可逝今竟逝矣公詎忍逝今已逝矣世界偉人中華國父逝猶不逝名垂萬古名垂萬古疇克與京美有華翁俄有列寧公蓄學問富於華翁全豹一斑識者同宗公持主義堅於列寧提綱挈領舉世同珍主義學問治爲一鑪事功未竟負負徒呼嗚呼哀哉哀我民族獨立自由叠被羈束相彼強隣得隴望蜀視今耿耿欲兮逐逐解放誰繼融洽誰續先覺云亡匪身可贖嗚呼哀哉哀我民權三權憲法歐美相沿公謂此制缺而不全五權並重遠矚高瞻考試彈劾精蘊畢宣民權直接洞關真詮選舉罷免黜惡任賢創制復決更張改弦遺艱投大誰任仔肩先覺云亡搔首問天嗚呼哀哉哀我民生貧富懸隔苦樂雜呈磅礴鬱積階級戰爭公鑒此禍由突徙薪資本節制地權平均獨探驪珠寶點龍睛異說紛紜誰葆厥真先覺云亡驚失長城嗚呼哀哉哀聲既嘶哀淚既竭虔冀同志精神團結耿耿寸衷毋忘圭臬將哭其私肝腸摧裂

李希蓮祭文

維中華民國十四年三月三十日中國國民黨員李希蓮謹以香花酒醴之儀致祭於我總理孫公中山先生之靈前曰嗚呼中山先生竟辭世界十二萬萬五千萬被壓迫民族而長逝矣嗚呼開創民國大總統竟辭中國四萬萬被壓迫民族而長逝矣嗚呼中國國民黨首領竟辭二百餘萬被壓迫知努力之同志而長逝矣日月無光風塵變色蓮獨何心能不爲吾黨悲爲世界悲哉方其倡革命也滿清朝廷及其家奴施種種復毒之手段而不懼尙復屢仆屢起十七次至武漢一役民國始成在他人本可享高名受厚俸而先生救民救國救世之心必期其貫徹而後已於是有癸亥之役討袁之役護法之役討賄北伐之役而先生均不死獨去歲囚曹逐吳被邀北上方期從事建設乃主張國民會議以革官僚革軍閥之命成民主共和之實正表現三民主義時也而殊意先生竟一病不起天耶人耶嗚呼痛哉吾黨殆因之星散乎中國殆因之沉淪乎世界殆因之人道絕滅乎未可知也何也先生者吾黨之導師中國之福音世界之明星也遜清末造先生痛中國喪失主權知民族脆弱民權蹂躪民生困苦不足以圖存也乃倡三民主義始而同志數十人今則二百餘萬人遽失導師前顧茫茫恐非吾黨之福民國成立袁氏利用之爲總統五年黎氏因襲之爲總統兩次馮知討袁得享代理徐氏僭竊得統半壁曹氏弄法湊成賄選段充革命得執政權其他假民國以割據者比比皆是皆一非以僞亂真者而吾民族受無窮痛苦固無人設法令其自行解除也獨先生主張國民會議未至實現而逝又恐非中國之福帝國主義爲廿世紀末期之毒先生倡言打倒之將來十二萬萬五千萬民族奮袂一呼萬邦響應則此區區少數之惡魔不難消滅而先生主張亦未能親見成功恐亦非世界之福雖然是非之不明至今日而已極是非之漸明亦至今日而開始證諸去歲先生亦曾有惡耗傳之世界輿論莫不崇拜而痛惜久而證實其妄而輿論寂然矣嘗究其故恍有所悟是殆一部分人心莫非於敬畏之中存一不便私圖難言之隱轉而因未死而忌之仇之矣先生今真死矣忌者不必忌仇者無所仇其真能愛敬先生者更因其死也而加多將見主義實行之日卽先生再生之年也蓮與先生相見不過數次相處不過數年以上諸役或響應失敗或海上逃亡或親與其事於先生私惠無有也待他人私惠亦無有也所以哭之者敢言純出於公感世之人如均於公感上注意定化仇忌爲痛哭矣尤願今之多數受壓迫之人誠能知重公感再遇有如先生者出庶知仇忌之非而擁護之矣嗚呼

王珠篤祭文

哀思錄 祭文

一一一

維中華民國十四年三月三十一日國民黨黨員王珠篤敢率同志士民以同胞之香自由之果獨立之花革命之爆自治之毅共和之樂大同之舞謹致祭於國民黨總理第一任大總統中山孫先生之靈曰嗚呼先生炎黃華胄嶺海豪英閱中華之式微憤異類之抗稜冒危難以發奮踰險遠而遐征聯億兆爲躬昆破專制之幽局遂翻秦漢之塗轍撥歐墨之規繩友華威頓於北美起盧梭氏於九京見許由巢父於夔牆撫曹丕袁術如孩嬰其秉彝而同好者率天性任天命而達天德其繼長而增高者啓民智樹民權而遂民生是故生百王之後而開百王未有之卮局處環球之內而享環球最著之顯名嗚呼先生其品何高其志何貞其識遠而其量又何宏雖功以偉而難遽立道以大而難盡行然世已咸稱先生之雅趣諒先生之真情足以亘萬古而不朽感百代而猶興身雖沒而風已遠遇已阨而道彌亨迄於今同人等所共銜哀而隕涕者以民國粗造而先生遽死其堪揚眉而吐氣者以民國永固卽先生長生其在滿蒙回藏諸族有服膺先生之學說者皆先生之同胞共乳卽千秋萬禩之遙能繼述先生之志事者卽先生之嫡裔雲初故先生雖無位無民而吾謂先生之爵土過於帝王侯伯先生僅中壽下壽而吾謂先生之春秋高於老聃彭鏗生芻一束薄醪一罌魂乎歸來鑒此微忱嗚呼哀哉尙饗

孫光庭等祭文

維中華民國十四年三月二十六日國會非常會議議員孫光庭等謹薦酒醴庶羞昭告於前大總統孫中山先生之靈詞曰崑崙東趨脈維三分南極大庾赤縣昫昫瀛海外環苞奇孕秀挺生我公邦家重構炎黃帝胄降爲輿僮公振其贖號號若雷建州舊藩取明而代十葉相承山礪河帶前有吳鄭後有洪楊天厭華夏僂僂亡公慕春秋仇復九世招納健兒歃血爲誓會創興中館闢大同神州輿誦靡然嚮風秦搜張良漢購季布履險如夷四方馳騫歐美非亞墨突不黔揚竿斬木義旗翻聯辛亥仲秋武昌建國雲集響應民怒盡赫公曰歸哉時不再來定都金陵寶歷遂開功成弗居堯位禪舜中國一人敵華威頓武夫擅權暮四朝三旣諛莽德復煽殷頑公曰約法未容濫改攝位海隅百戰不忘壬癸之際國會北歸大波軒起紫是朱非政以賄成兵毒天下公馳羽檄名器不假罪人斯得破斧東山乘桴遠來共策治安昊天不弔不遺一老上膏下育二豎何狡扁倉束手大命遽傾國將不國民爲誰民避債有臺登聞失鼓泉涸魚枯孰濡孰煦庭等不幸喪此導師茫茫長夜明星西馳旨酒盈卮嘉肴在豆公乎有神儻降左右尙饗

劉榮棠等祭文

維中華民國十四年三月二十日劉榮棠胡德輔王化佛栗廉芳楊繩震張子樸林笑佛等代表歐陽豪朱霽青謹以香花致祭於總理孫公中山先生之靈前曰嗚呼先生畢一生精力指導羣衆從事于革命建設大功未成而身先死嗚呼痛哉先生死先生之精神不死主義不死靈魂不死長夜休息天國永生當爲先生慰不當爲先生悲也先生一人死繼先生之志者不死是卽先生不死仍當爲先生賀不當爲先生哭也然而弔先生者奚爲乎弔先生者非弔先生也自弔也胡爲乎自弔弔不能繼先生之志述先生之事先生之死乃真死也先生有靈默佑後進以竟全功一息尙存不敢稍懈吾黨之志也先生其瞑目矣乎嗚呼哀哉尙饗

許學源祭文

維中華民國十四年四月一日旅順工科大學教授許學源渡遼海蒞燕山謹以瓣香清酒之奠致祭於革命元勳前大總統孫中山先生之靈而泣曰嗚呼自三月十二日電傳孫中山先生薨於都門旅次余聞之長嘆曰先生得死所矣夫以手造共和國之人乃今死於共和國之國都豈非得其死所耶禮曰狐死正丘首宜也先生蓋亦知其所止矣假使先生死如黃克強宋漁父蔡松坡張春山諸人余且哭其死太早何敢謂之得死所假使先生與黃花崗七十二烈士同日死則求如今日之民國今日之共和亦不可得余雖欲哭之亦有所不敢哭也又豈能謂之得死所假使先生死於洪憲籌安之時或陳炯明犯上之日先生直欲等於庶人而亦不可得又豈能謀國葬議典禮耶吾故曰先生得死所也雖然先生死矣先生能無遺憾乎以先生手造之共和國先生手訂之南京約法乃迄今等於無效且民國建立十有四年矣而根本憲法亦竟未見成功至使軍閥專橫寇盜充斥弱肉強食民不聊生先生死矣先生安乎先生死矣凡未能隨先生以死者又豈能一日安乎嗚呼先生嗚呼民國嗚呼民國之中山孫先生余小子幾無淚能揮矣迴憶鄂軍政府成立之日先生蒞武昌小子權司教育司以後生之禮謁先生先生欣然握手命之坐而勞慰有加至今思之恍如隔世我辛亥同志中人非死於惡政府卽死於苦日月今更寥寥若晨星矣又憶袁氏請先生蒞北京余時充中央新聞社記者至外交大樓歡迎先生先生與章先生太炎定行期見余服西服而下衣之紐自脫解乃笑曰君不慣服西衣服耶何紐解之不自覺也隨以雙手代結之小子驚且喜因戲曰歸當如真乃大和尚繡一龍於僧衣矣先生笑余亦笑太炎先生笑不止至今思之覺張廷尉親結王生韉

哀思錄 祭文

四

亦不過如是今何可更無其人耶先生死矣如國中永無太平之日則余將終老死於遼東矣嗚呼吾哭先生之得死所吾亦不知吾與吾國民後將死於何所也嗚呼

賀之才等祭文

維中華民國十有四年四月一日前同盟會員賀之才等謹以桂酒椒漿之奠致祭於創立中華民國第一任大總統孫公逸仙之靈曰嗚呼吾黨導師兮倏焉已陳雲車風馬以徜徉兮無可奈於三春象以齒沒兮蘭以膏焚何蹠壽而顏夭兮歎彼蒼之昏昏溯癸卯之歲兮周流乎萬里慕修能使鳩媒兮駕飛渡而來此傾蓋其如故兮肇名論之余錫標五權以立綱兮本三民而建國既遵道而得路兮乃同盟而插血合西陸與扶桑兮集故土之英烈枝葉峻茂兮及時以刈五色紛其炫燿兮欣彼昏之黜廢衆競進以馳逐兮獨謂幽蘭其可佩鋤彼帝國主義兮羌憤憤乎兇頑要約抑何不平兮憫民生之多艱主義信矯以練要兮懷周流乎八極下士不可語道兮慨舉世之迷惑何赤舌之燒口兮舉共產以相攻察三民五權之精義兮豈蘇聯之所同混研究與主張而一兮歎謠啄之濛鴻會雲霧之冥晦兮慨謗言之日張身竄伏其靡騁兮心蚤蚤而難忘愧獨守乎曲隅兮願舒志於粵之野來者不可以期兮殊調高而和寡羌淹留於故鄉兮徒倚以待時豈愁苦而終窮兮光不勝乎魅魍雷隆隆以轟轟兮舉塵世而震驚元愨不可以久兮日月暈而復明發玉韜而騁馳兮渡弱水而北止賢俊仰而羣附兮咸風颺而雲起夫惟蘭芷之信芳兮覽河清其可俟忽屯蹙而被疾兮哀比干之剖心膏肓其不可救兮藥不死之難尋魂倏往而不返兮鷓鴣鳴乎枯林何天不愨此一老兮淚滂沱而侵淫長城壞而明星殞兮塵霧紛其蔽天合六漠八荒四海九州之弱小民族同聲一慟兮夫何獨吾黨而心煎悵哲人以永思兮心隱憫而憎憎念委脫之不可久兮幸繩墨之猶存遺言馳騁於耳兮敢改錯而滅程誓汨沒而效志兮將以救此衆生雖九死其無悔兮敢告慰於在天之靈

于述祖祭文

嗚呼謂天不祚中國耶胡既生中國所向未嘗生爲亞東開一新局謂天終相中國耶胡遽死中國所必不可死使新局斬其成功舊藩一決萬竅大通智勇並驚而旁溢乃爲虢暴之所叢豕心逐逐鬼影毳毳奔魍滿野濁浪掀空諸先哲所艱難困頓以開此民國者其權其利乃不在民不在國而中敕於羣兇歲星一紀國亂靡窮公則以回天捍海之成勞避而不自有而以爲築基必自其最下程效必期之大同心力并赴手口交從所

謂三民主義者民族但得其半國際平等尙未知何日民權民生之實現更茫乎如捕風二十萬里期成之鐵道曾未覆乎一簣二三十年已創之專制且遞演於羣雄一起再起昊天弗備局促嶺外一隅之地寸效未覩而智計已瘠竭於內訌嗚呼氣足以屈鐵而不能折聯治之鋒量足以函大地而不能啓竺舊之聰誠信足以孚最下之婦稚而不能悟轉丸之蟲威稜足以警最遠之異族而不能挾攢蛆之癰志節可以光日月盟螭龍而不能齊億矢以并趨一鵠迴萬馬以同赴一旗嗚呼成小功者事弗舉國廣土者情不融民國以後我公大業不能有加於開國之前公之負民國耶抑國民之負公所事不竟十之一而公以挫以困以死公死而皎日失曜公死而衆山不峯其更有誰而可以包挈萬有震發羣聾民治之靈魂共和之真諦其將永闕於鍾山之北域隨黃土以俱封嗚呼哀哉尙饗

喻公拔祭文

維我五千年之文明華胄兮降至輓世而不競任彼異族之憑陵中夏兮外復見迫於耿耿逐逐之強隣我總理慨茲時局之多難兮乃奮起於輓清登高一呼而四山皆應兮揭櫫大義以嚮導國人首樹民族革命之旗幟兮繼復提倡主權在民之精神率中原無數之豪傑兮索還我久假不歸之河山與人民斷脰流血前仆而後繼兮歷盡未有之苦勞與艱辛屢蹶屢起而不稍挫兮越十餘載而巍巍赫赫之大功卒底於成先生之志猶未能已兮乃萃其精力銳意於民生計畫鐵道及實業之方略兮奔走四方而未寧不幸狡黠多詐之袁賊世凱兮乃乘時竊勢而反噬乎主人既賊我黨中之鉅子兮復武力壓迫而稱兵誓師申討而竟失敗兮乃出走於東隣洎袁賊之帝制自爲兮始遄返而樹討賊之先聲厥後護法靖國諸役兮先生靡不躬擐甲冑而領袖羣倫此次都門政變而曹吳失勢兮乃力採首都革命之方針內謀國是之根本解決兮外抗帝國主義之日夕相侵毅然投袂而北上兮忽臥病於津門不忍拂民衆渴望之熱情兮乃扶病而入京入京尙未三月兮竟大星之已殞嗟昊天之不弔兮喪此哲人悼先生之精神兮充滿奮鬥與犧牲悼先生之人格兮偉大高潔而不染一塵悼先生之態度兮既強毅而不拔復磊落而光明嗟哉中原之亂正方興而未艾兮先生去矣問繼起兮何人倘先生之精靈而不昧兮願默相我四百兆水深火熱之國民

吳威等祭文

維中華民國十四年三月日吳威等敬以香花玄酒致祭於前大總統孫公之靈曰中華開國大業所崇湯武革命公紹其功並世而論赫赫英雄

美華威頓俄則李公五權岳峙三民會通煌煌憲則比諸大同襟懷日月口吹天風先知先覺啓我顛蒙我實夢夢弗振宋孽十有四載相乘兵戎惟公嶽嶽屹如高嵩靖國護法不撓不忤凡今爲國孰如公忠卽今剗復大難初平國人望治重蒞燕京萬方欣動空巷歡迎大廈傾圮望公來擊百姓塗炭望公來生和平統一偃甲銷兵天河盪穢海宇重清胡天不遺泰岱忽傾四方震駭婦孺同驚如喪考妣啜泣羣嬰邦實不造喪我聖明將謂民國長此棘荆公有遺恨革命未成凡茲後死衆志成城知公弗享列爵鼎烹在帝左右或鑒我誠嗚呼哀哉尙饗

張呈藻祭文

嗚呼我革命先覺同深景仰之孫中山先生竟於國體未固之際長辭人世矣呈藻亦國民也聞此噩耗愴悼殊深爰致詞曰專制積威世界黑暗崛起南服奔走呼喚漫游海外三十餘年辛亥革命君主推翻飲水思源僉曰元勳拯諸水火登諸衽席友邦欽佩黎庶慶祝積勞既久二豎遂侵醫藥罔效竟爾仙昇民國現狀飄搖之中惟賴先生固此蒂根昊天不弔先生其已我亦國民哀聲同舉張呈藻鞠躬致詞

唐懋祭文

維中華民國十四年三月二十四日北京交通大學學生唐懋敬祭中山先生之靈嗚呼先生本救國之志作宏達之言喚醒民衆傾覆滿清目的既已達矣而建設未就國亂猶昔先生奔走四方席不暇暖鞠躬盡瘁賚恨以沒一時尙未能收福國利民之效者非先生之主義有未善才力所不逮蓋國民之智識幼稚未明責任所在有負先生之苦口婆心此同志之所以痛哭流涕而深惜者也讀先生之緒言餘論精深博大光輝淵然想見先生之光明磊落誠貫日月今則大星遽殞遺像高懸而先生之聲音笑貌與世長辭不可復現矣言念及此泫然不知淚之無從也昔孔孟偃蹇於亂世未能救民於水火而其弟子傳其學說發其奧旨後世受賜無窮是知精誠所感金石爲開一人倡萬人和滄海可填北山可移若先生之苦心世所共知先生之才德世所共仰先生雖死主義猶燦然不磨萬古常存同志之士徧布海內皆能百折不撓勇往直前必能繼先生之志副先生之期望使先生得以瞑目於地下也嗚呼哀哉尙饗

康少韓等祭文

維中華民國十四年四月十五日康少韓何受孫惠子文段凌辰等敬祭前大總統香山孫中山先生之靈嗚呼哀哉猗歎先生資稟不羣志貞行果金

石齊倫法宗五權義主三民畢世英風薄海同尊醜虜猶夏率土同仇乃集志士戰揮戈矛羣從失慎致洩鴻謀大舉弗成遂乘桴浮成事匪易創始甚之玄感首難寶肇唐基曰若先生比此無虧自見斯舉虜力日疲歲屆淵獻清社爲屋斯民既拯宏願已足乃遜大寶擬歸林谷民到於今猶稱清淑天地不仁民禍未終僞帝既去羣孽稱雄仗鉞南邦再討窮凶朝簪夕計寶勞清躬衆盜伏匿大逆遠竄三民可張五權行見內政外交急賴廟算孰謂先生遼絕世戀人亦有言壽斯在仁何於先生竟不此云哀我國事憐我士民斯人一去誰可與陳寂寂荒場漠漠飛埃雲樹繁風春鳥多哀我肴既張我觴既開英魂有知尙其肯來嗚呼哀哉

唐聲灝祭文

中華民國十有四年四月二十六日唐聲灝敬以香花清酒致祭於孫中山先生之靈曰嗚呼先生果真死耶吾人沈思冥想敢證之曰未死何也常人之死死軀殼耳先生雖死尙有靈魂昭著於天壤間傳之百世而不朽故曰未死也原夫先生身前人百其心羣醜淫啄集於一人是蟠龍而誚飛龍鸚雀而嗤鸞鳳也今先生死矣人百其辭混淆黑白嬉笑涕淚莫衷一是曾不知覆巢之下寧有完卵棟折之後尙有子遺乎嗚呼先生果真於此而隕其生乎抑別有疾而致斯乎居今世界國誰與立三民未判五權未伸外有鷹鷂內有蛇豕工鮮完衣農無餘粒士棄詩書商憂闕闕其他芸芸之衆蚩蚩者氓莫不奔走呼號以待先生而先生悉取諸其懷而與之雖歷蟠根錯節百變其志不恢馴至鞠躬盡瘁死而後已肝癰之疾有由來矣嗚呼先生之死爲黨而死爲國而死爲四萬萬同胞爭自存而死先生之死九泉之下應亦含笑曰今而後民氣伸也嗚呼國之父母之師志士仁人之血青天白日之旗自茲以往吾人追念先生遺言奮之以精神繼之以勇力竭智盡忠以竟先生未竟之志震生氣于寰中爭民族之獨立吾人敢證之曰先生之死雖死猶生魂兮何依來格來享尙饗

高冠天等祭文

憶自華夏竊踞腥羶河山慘澹黯無日天黃魂悲痛重三百年民淪輿台委懦堪憐天生孫公吾國之雄九世仇雪天下爲公光復故物名震亞東勳業炳烈萬國宗風民國締造法制更新方冀強富反趨弱貧推原禍首軍閥帝秦我公有志竟不得伸雕鸞鷹鷂奮翼怒瞋倒懸之苦匪公誰鳴郊生戎馬匪公誰平大廈傾塌匪公誰擎陰霾搆煽匪公誰明憲制蹂躪匪公誰爭禍亂接踵匪公誰清邦基杌隍匪公誰營荆棘遍地匪公誰行

乾坤易位匪公誰衡民氣將死匪公誰噫民族解放匪公誰成其蘇屬望匪公誰迎華拿威業匪公誰榮嗚呼噫吁公歸帝鄉巨星殞落萬民徬徨天愁地黯耀靈斂光國老遺棄邦家講張何以補救主義恢張精神永生萬古流芳吁嗟魂兮來格來饗謝昭杰高冠天陳安仁等敬輓

張蔭枏祭文

維民國十四年四月朔日張蔭枏謹撰追悼之文致祭於孫中山先生之靈曰嗚呼吾國不幸禍及中山昊天不弔欲奪民權梁木壞矣大廈傾顛哲人萎矣孰挽狂瀾言念及此慟莫大焉伏思民國已十四年武昌起義獨着祖鞭掃除專制社稷是安共和改建國祚綿延誰想軍閥屢搆兵端南北迭戰天下騷然民生塗炭苦矣難堪罷兵息民檢閱居先班師停戰奉軍入關段公乃出任大投艱共商國是電召中山山川跋涉始抵幽燕三民主義早有宣言下車而後各界騰歡咸呼萬歲擊轂摩肩席尚未煖微恙偶沾協和就診病未得痊大星墜地民失爾瞻大功未成遺恨九泉願吾同志善繼前賢立憲護國勉爲其難統一南北大力轉旋民國永賴夫復何慙翌日靈輻碧雲是遷謹撰哀詞以作豆邊嗚呼哀哉籲地呼天

周景俞祭文

維中華民國十四年四月小子閩侯周景俞始聞前大總統孫公之喪偉其業悲其遇驚其功將成而身已卒矣敬爲文以祭之日嗚呼哀哉孫公之亡其信然歟抑傳聞之誤歟景俞固未嘗一識孫公而其事業則聞之熟矣嘗讀孫公所著建國方略千載卓識誰不拜倒首編述革命之所以興民國之所以立滔滔萬言感慨係之當滿清之季漢人之被摧殘者甚矣孫公乘時而起從事革命歷無量數之艱難險阻卒覆清社建立民國推翻數千年之專制豈獨爲滿漢之見而已哉嗣後功成不居讓位袁氏孰知國運多劫演成軍閥專橫乃殫其心力繼續革命勞苦一生遽爾病亡能不悲哉雖然孫公死矣孫公之主義不死孫公在九泉亦可以無憾矣嗚呼尙饗

詹濬元祭文

中華民國十四年春三月國民詹濬元謹紆鐵血之誠致悼於中山孫逸仙先生之靈曰嗚呼先生死耶先生死耶濬元不敏不敢據以爲實也蓋聞之至道無滅至人不死而其死者軀壳是曰蛻化其存者英靈是曰歸真先生之溘然而溟悠然而逝者乃先生之軀壳而先生之英靈依然存乎天地之間先生固未嘗死也然則先生未死何爲其悼也夫軀壳者英靈之所憑寄也先生脫軀壳而往未酬其未竟之志爲先生之遺憾抑亦

國民之憾也是可爲先生悼而國民能勿自悼乎先生有靈其鑒諸西蜀詹濬元鞠躬敬悼

汪一德等祭文

維中華民國十四年三月十四日豫章商業學校學生汪一德等謹以酒醴庶羞致祭於前大總統孫中山之靈而言曰嗚呼溯自滿清無道虐我漢族其待救也久矣先生順天應人救民於水火之中奮身不顧冒危難涉險阻以奉民意其魄力之雄厚計謀之深遠非他人所能及卒能推倒專制手創共和使四萬萬人共享自由平等之幸福其功勳爲何如乎然自民國肇造禍亂迭興袁氏竊國於前直系擅權於後先生復與西南豪傑高揭義旗以與惡魔相搏戰其奮鬥之精神尤爲國人所景仰今者直系傾覆乘時北上重蒞都門方冀發揮政綱斡旋時局使污濁之世界變爲清淨暗昧之人心變爲光明本民治精義成長善政府合南北領袖推誠相與以謀國事國家前途庶其有多何昊天不弔竟奪我元勳之速也先生之功在國家先生之魂歸天上精誠可鑒日月同明發皇民治慘淡經營先哲已矣何以觀成吁嗟乎先生誰與濟困而扶傾尙饗

哀思錄 祭文



追悼紀事卷二目錄

國外

日本 東京 橫濱 名古屋 神戶 台灣

美國 紐約 芝加哥 菲城 積彩 舊金山 附加拿大之雲高華


法國 巴黎 越南河內 安南會安埠

英國 倫敦

南洋羣島 新加坡 西印度蘇島朱鹿埠 荷屬萬隆 安順 笠望 暹羅 吉隆坡 蔴坡 居鑾 星洲 峨崙打洛埠 爪哇熾

埔 英屬北波羅洲山打根埠 荷屬巴達維亞

哀思錄 追悼紀事卷二目錄



追悼紀事卷二

國外

日本

東京

黨員

孫先生逝世噩耗傳來留東學界一致痛悼國民黨員尤多痛哭失聲者本日(十八日)駐日中國國民黨東京支部假神田區中華青年會舉行黨員哀悼大會會場佈置素樸莊嚴門首揭半旗青天白日黨旗一幅場內中央供總理遺像周綴鮮花左右分貼革命還未成功同志尙須努力遺訓一時開會一報告開會二致哀悼詞三向總理靈前三鞠躬禮四肅靜五分鐘五來賓演說六閉會由支部執行委員湯志先君報告開會理由繼監察委員陳季博君致哀悼詞次由主席傳令黨員向總理英靈行三鞠躬禮禮畢全體黨員肅靜五分鐘是時黨員無不失聲痛哭即場中外賓日人亦爲之流淚咸謂孫先生之死不僅中國失長城亦折東方革命之師導也示哀畢由來賓日人宮崎龍介先生(孫先生之一革命舊友)演說略謂孫先生不幸溘然長逝此不僅全中國國民所痛悼亦我日本一般青年無不痛悼也予識孫先生已二十年予父會共孫先生共革命患難甚久故予得知孫先生之思想主義人格尤稔吾人於此不得不敬慕孫先生主義一貫人格偉大中國今日遽失此革命元勳實無異世界失一革命之父蓋先生之三民主義實較風靡一時俄國所試行馬克思主義更進一層其民族主義主張解放全世界被壓民族民權主義主張人類皆得有參政之權民生主義主張節制資本發展實業脫離帝國主義經濟侵略在日本亦必實行余即正作此工夫者先生思想與主義匪但爲貴國一國之偉人實爲全世界之偉人先生主義雖未實現我青年應實現之必爲吾人之責任余以日本人地位盼望諸君努力奮鬥云云次演說者有廣東大本營參議何天炯東京支部委員陳季博李人一費哲民等是日黨員出席者百二十餘名來賓日人方面有介宮崎震作馬場惟鳴塚本壽一即等開會時日本宮崎龍各新聞社寫真班均來場爭先攝影至下午五時許宣告散會

華僑聯合會

哀思錄 追悼紀事

駐日華僑聯合會全體會員追悼大會於三月三十日開會午前天忽降雪正午則現白日青天午後復起狂風天候變幻若此更動會衆哀思會場卽華僑會京橋事務所大禮堂二層樓懸軟匾云華僑追悼孫中山先生大會左右標插革命政府之青天白日紅地新國旗大門口則懸追悼國父四大字二門懸孫中山主義萬歲橫額中重又懸兩橫額云先生不死天下爲公當中爲孫公着學生服之遺像繞以鮮花靠以青天白日旗前設香案並陳菓品側懸揚草仙翁代華僑會所會之聯云革命先生萬古中華民國一人次爲華僑會橫濱支部及旅日福建同鄉會等百數十副輓聯週圍則爲駐日公使館日華青年聯盟本部及福建廣東山西浙江江蘇奉天等省花園數十個日本來賓爲青年同盟之下川要介外山茂及新聞記者數十人正二時主席郝兆先宣告(一)開會全體鼓掌(二)報告云請君孫公不但手造民國使吾人爲自由平等共和之民且致力民族革命使祖國爲自由平等獨立之國宜乎同胞皆稱之爲國父世界皆稱之爲偉人吾人回憶去年孫公抗議神戶八條苛例更當稱之爲僑父現孫公雖死主義猶存吾人當實行其主義遵守其遺囑以救國家是爲今日追悼孫公大會之真意義(三)八十七翁楊草仙述孫公事略方開口卽失聲大哭全體亦感動而放聲大哭歷十餘分始肅靜發音(四)主席郝兆先宣讀遺囑並逐句解釋(五)全體起立對遺像行三鞠躬禮(六)靜默三分鐘(七)公使館江洪傑氏致弔詞(八)華僑會王傑三女士讀祭文福建同鄉會張則威君橫濱支部祕書長陳麗安職員魏進鉢等各讀祭文(九)獻花(十)黃宸芳君讀哀悼詞(十一)演說江洪傑氏謂孫公之死所以影響全國更及於全世界者卽其爲人類犧牲之精神與世界孔佛耶爲一貫吾人考其畢生革命事業無一日不與惡環境奮鬥以改造腐敗社會爲羣衆謀自由平等之幸福故其三民主義皆以民爲本彼今日之死卽爲民衆奮鬥積勞而死非爲己身升官發財而死蓋彼至死亦一平民態度而身後並無遺產與金錢吾人從今日起應永遠紀念之如信服孔子及佛與耶蘇基督然次楊草仙翁云余非國民黨員余信服孫公實如國民黨員蓋孫公所創之黨實爲國家爲民衆謀幸福之團體吾人雖非黨員受賜不淺應較黨員更努力以實現孫公之主義不有孫公何有民國吾人在海外何能得到今日之自由諸君孫公雖死主義不死吾人能實現其主義孫公雖死猶生再次橫濱支部黃漢儒君云孫公致力國民革命四十年至今未能如願者是由叛賊陳炯明掣肘所致否則孫公北伐已早直搗黃龍統一全國何待今日戴假面具者以大開其官僚式之善後會議余誓殺陳賊以報孫公云(十二)喊口號三呼孫中山主義萬歲(十三)主席致開會詞敬謝來賓(十四)攝影(十五)茶點散會推執行委員任安瑞林斯端等籌備四月十二日之橫濱

追悼會云

中日韓追悼大會

中日韓各團體籌備半月之久之中山先生追悼大會四月十二日午後二時遂冒雨舉行矣櫻花怒放風雨淒淒可容半萬人之青山會館竟充滿吊客之哀聲即日政府之犬養大臣保皇黨頭山滿翁海軍中將森山慶三即陸軍少將嘉悅敏等諸要人皆親自到會足見先生主義感人至深也(甲)會場佈置之偉大會場係劇園式大門高紮松花嵌以橫匾黨旗國旗分插左右場中上懸孫公遺像繞以白花側掛革命尚未成功同志仍須努力遺言及華僑會之悼我國父四大字前陳鮮花鮮果並羅列駐日公使館駐日華僑聯合會朝鮮人協會日華學會等各團體數十花圈場之中空高懸十字形之青白色標語如全球痛悼國失長城廢除不平等條約三民五權救國等台下前三列爲日本來賓席次爲華僑隊中暨青天白日滿地紅之會旗秩序甚爲嚴肅左右爲男女來賓席二樓爲新聞記者席滿場輓聯計千副極盡大觀(乙)開致祭之嚴肅一振鈴開會二奏樂三主席張學載致開會詞云孫先生學問事業不亞華威頓其主義則爲他人所不及今天追悼非悼其人實悼其主義以其能救國救民云云四全體起立唱追悼歌曰革命四十年大業未成彼蒼不憐遺奪我耆英國難方殷問繼起何人吾儕努力莫負先生五報告歷史及勳績六馬一燦宣讀遺囑全體泣下七行追祭禮八主祭者何天炯就位九奏樂十獻爵獻花主祭者行三鞠躬禮十一讀祭文計公使館江洪傑氏國民黨支部馬一燦君華僑聯合會王傑三女士安徽同鄉會翟宗文福建魏進鉢及在日本朝鮮人協會金東赫湘西湖南湖北各同鄉會等十二禮成主祭者及與祭者退位十三全體向靈前行三鞠躬禮十四又唱追悼歌十五演說十六攝影奏樂振鈴散會(丙)各人演說之沉痛一犬養毅氏(張與九譯)云先生明治十年來日與余爲知己其時宣傳主義同志甚少康梁之保皇黨且與先生爲敵先生卒不灰心而終達推翻滿清目的是先生爲中國革命生更爲中國革命死無先生即無今日之中國先生凡所作為實古今中外歷史上第一人此次之死不獨國民黨受打擊即全中國全世界東西民族皆受打擊云二宮崎龍介歷述先生學問人格認其主義爲時代產物應研究而推行於全世界云三頭山滿翁上台對先生遺像僅發二語即哭不成聲而下全場掌聲雷動四朝鮮何東華云先生雖死吾人仍須踐其主義以團結東亞被壓迫民族五丸山傳太郎謂先生犧牲精神不啻耶穌基督六何天炯說先生軼事七廈門大學校長林文慶君謂中山先生事業萬古留傳死且不朽吾人今日追悼

哀思錄 追悼紀事

孫先生應牢記其平生惟有犧牲之二字方不負今日追悼之意云云八王傑三女士云先生革命主義固為拯救一般貧苦民衆者尤其對我幾千年來被壓迫之婦女主張於法律上經濟上教育上社會上確認男女平權的原則助長我女權之發展先生匪但為中華民國之父愛護海外僑胞之慈母扶助勞工及婦女之恩人且為全世界被壓迫民族之良友吾人應效先生之犧牲奮鬥實現其主義以救世趙述之云先生死不足悲惟悲吾人不能繼其未竟之志十李人一云先生為惟一反抗帝國主義者今後吾人不努力竊恐欲如今日之自由開會而不能末吳世傑等數人演說詞長不及錄

橫濱

黨員

三月二十二日午後中國國民黨橫濱支部開哀悼大會會場中懸孫先生遺像高掛輓聯輓幛容量極大之會場竟擁擠不堪其儀式(一)黃民焯致開會詞悲傷不能成聲(二)梁鵬超君讀誄文全體泣下(三)行鞠躬禮(四)演說首為廣東全省商會聯合會會長王棠君述孫先生革命事蹟及廣東現狀來勉同志貫澈先生主義次為黃哲民君次為東支部代表李人一君謂凡不實行第一次本黨全國代表大會宣言及政綱者不能認之為同志次為中央社記者郝兆先君謂同志徒哀悼不足以慰總理須實現主義使總理復活末為溫炳臣述總理軼事甚詳全體感泣(五)主席致閉會詞勉同志從今日起須較總理生前更負責任而努力以遵行遺囑至三時許盡哀而散

各界追悼大會

我國駐橫濱總領事館駐華日僑聯合會橫濱支部華廚會所中華會館等及橫濱市日本各團體自聞先生逝世即籌備大規模之追悼會定期四月十二日雖大雨不止仍假和親大劇場開會

(子)開會前種種景况會場大門高掛國旗並日本式之輓幛由中華公立學校童子軍立門口維持秩序場內中懸孫公遺像繞以鮮花並懸駐日華僑聯合會橫濱支部匾額普天同悼前列總領事館橫濱市中華總商會國民黨橫濱支部四邑公所同義會三江公所知己總會中日協會親仁會華廚會所中華公立學校等十數團體之花圈場之中央前列為日本來賓左為音樂隊右為學生隊正為華僑隊高豎青天白日滿地紅

會旗全場甚爲嚴肅時有保皇黨鄭宗榮輓聯不切事實華僑會推中央代表郝兆先向主席孔雲生商請取下孔未允全體大憤華僑會調查部黃漢儒卽奮勇取下全場稱快

(丑)開會時一片哀聲一奏樂開會二總代表宣布開會詞三梁鵬侶讀遺囑四全體起立唱哀歌五讀祭文計總領事周珏國民黨支部梁鵬侶華僑會郝兆先及日本各團體代表六主祭周總領事獻花七靜默一分鐘八對孫公遺像行三鞠躬禮九全體起立唱輓歌十鄭定鎮報告事略十一演說郝兆先君云今日追悼不在虛禮而在誠心先生非樂虛榮者只知革命以救國救民保皇黨常笑先生多空談然民國從何而來保皇者今亦作共和之民諸君真愛先生在實行先生主義使祖國成爲自由獨立之國家脫離國際帝國主義的壓迫次楊建平君詳述三民主義十二奏哀樂十三總代表向來賓致謝十四散會

名古屋

留日愛知醫科大學同學會及名古屋共濟會日前發起孫先生追悼會二月二十五在名古屋青年會館樓上開會到會者留名古屋中國學生共五十餘名其他僑名工商界及日本人台灣人朝鮮人共二百餘名午前十時開會其順序一開會辭二向遺像行三鞠躬禮三讀祭文四述行略五演說六攝影七散會主席陳度羣君述開會辭後卽行鞠躬禮此時非常肅靜而哀痛之狀溢於會場及讀祭文時落淚者甚多除到會各團體均有祭文外個人有祭文者亦不少演說有某理髮師出席述孫先生之功德又有一位日本新聞記者高澤某氏之弔辭該日記者謂對於孫氏學說主義及事功略知梗概今日能拜謁孫氏遺像並在孫氏遺像前向中國人演說是莫大之光榮最後謂於日本現制度之下今日所欲言者實不能及萬分之一感覺無限痛苦該記者演說畢痛哭流涕埋頭而去時至三鐘到會者各領孫先生遺像一張上側書孫中山先生遺像下側書中華民國僑日名古屋學工商聯合追悼會謹製字樣此時主席呼三民主義萬歲衆同呼三民主義萬歲主席又呼中華民國萬歲衆又和之然後饗以茶點而散

神戶

中華民國十二月二十四日神戶華僑各團體假座中華會館開孫中山先生追悼大會午後一時中外人士紛紛到會同文華強中華三校學生

哀思錄 追悼紀事

一一

亦相繼排隊由各校長督率臨場場外以鮮花砌敬悼二字正門設大綠門一座兩傍鐵欄杆繞以黑白幕場內張掛祭幛聯堂壁皆滿中央設祭壇當中供孫中山先生遺像一幅周繞鮮花上掛青天白日旗二面左右分懸革命尚未成功同志仍須努力聯語上掛橫額一幅書於戲國父肅穆莊嚴令人無限哀感壇側陳列各界所送花圈數十個香案上惟設鮮花時菓等正中爲主祭位司儀糾儀分立左右左陪祭皆隨主祭北向立壇右爲女賓席壇左爲男賓席其次爲學生席計是日中外人士到會者約千人有奇

開會秩序午後正二時(一)振鈴開會(二)主席宣讀開會詞(三)主祭陪祭及各職員就位(四)主祭上香獻花獻酒(五)主祭宣讀祭文(六)各團體代表宣讀誄文(七)學生唱追悼歌(八)全體行三鞠躬禮(九)來賓演說(十)攝影(十一)振鈴散會

發起追悼大會各團體爲神阪中華會館神戶中華商務總會三江商業會議所福建商業會議所商話別所中國慈善會尙志社華僑商業研究會中國閱書報社中國國民黨神戶支部中華民國領事館同文學校中華學校華強學校

台灣

孫先生訃音傳來台灣島人無不暗暗灑淚臺北有志社因起而召集同志於三月二十四日在同市文化講座(台灣文化協會的)開追悼會是夜大雨淋漓街道泥濘不能行到會者仍有五千人之多但因會場太窄最多只容得三千人於是不得入會場在場外敬禮嘆嗟而去者實有二千人之多入會場者盡佩一黑布條態度嚴肅悲感自七時(開會前半小時已滿員)起到十時止無私行退場者可見台灣人對於先生之熱誠惟有一事不可不記是爲日政府之態度本來日政府不喜台人追悼孫先生故開會前即施行種種壓迫手段開會前一日傳會中幹事至警察署去命將已做好之弔歌作廢不得在會場唱又將做好弔辭削去一百多字又命當日會場不准演說

茲將追悼會秩序錄下一弔炮三響二搖鈴開會三開會詞(施至善)四向先生遺像行三鞠躬五弔詞朗讀(張我軍)(被禁不讀)六述孫中山先生經歷(王敏川)七最近的孫先生(張我軍)八孫中山先生逸話(隨意)(被禁不講)九再向先生遺像行三鞠躬禮十唱孫中山先生弔歌(被禁不唱)十一閉會詞十二弔炮三響該日到會除台灣人有志外尙另有各團體如台北無產青年會台灣文運革新會台北青年讀書會等皆會朗讀弔詞此外復電北京孫先生治喪處曰僅弔孫先生的英靈台灣人有志

被禁止念誦的故孫中山先生弔詞錄下唉大星一墜東亞的天地忽然暗淡無光了我們所敬愛的大偉人呀你在二月十二日上午九時三十分這時刻已和我們永別了麼四萬萬的國民此刻爲了你的死日哭喪了臉了消息傳來我島人五內俱崩如失了魂魄一樣西望中原禁不住淚浪滔滔了

先生你在西紀一八六六年帶着你超羣的天才滿身的愛人類愛國家的精神革命思想和實行的毅力深入我人類之伍以來前後六十年了你年纔弱冠便委身於救國運動和革命事業你在四十年的中間始終用了你的萬撓不屈的毅力你的表示始終一貫的精神來實行你千移不易的主義那專制橫蠻的滿清朝廷的迫害那無惡不爲的軍閥的壓迫那野心勃勃的外國帝國主義的嫉視終不能奈何先生

你的精神你的理想雖未十分實現但是你的毅力意氣已推倒滿清建造了民國嚇壞了無恥的軍閥和殘酷的外國帝國主義喚醒了四萬萬沈睡着的人們了

可是啊三民主義還未實現中國的革命還未成功大亞細亞聯盟還未實現前途正乏導師之時你殘忍刻薄的死神你竟把這位千古不獲的導師奪到死的國去了唉

中國的同胞噯你們要堅守這位已不在了的導師的遺訓革命還未成功同志尙須努力哪先生的肉體雖和我們長別了然而先生的精神先生的主義是必永遠留著在人類的心目中活現先生的事業是必永遠留著在世界上燦爛三月二四日台灣人有志張我軍作

美國附加拿大之雲高華

紐約

本地追悼會由留美學生和僑商一同發起會期爲三月念二日下午二時會場在紐約萬國學生會正廳會場內一切布置皆中國式檯上恭設中山先生遺像圍青天白日黨旗遺容前面焚香點燭另有鮮果三碟鮮花一束檯之左右懸掛中山先生遺囑原文和譯文四壁張滿各團體及各個人所送輓聯輓幛花圈不計其數是日主祭助祭皆穿中國袍掛男女招待皆穿西洋大學校舉行畢業時所穿之黑色大袍中西來賓入門時由招待員贈以中國國民黨第一次全國代表大會宣言譯文一小冊中山先生遺像一幅遺囑譯文一張并由招待員代纏元色紗帶於左臂代

哀思錄 追悼紀事

四

插藍色紙花於胸襟祭儀有獻花獻菓獻香禮畢主席報告中山先生行狀次爲演說演說最可記載者爲印度國民黨領袖大斯先生哥倫比亞大學教授杜威先生及上海美法大律師林百克先生之演說詞大斯先生演說時聲淚俱下大意說中山先生是全亞細亞的精神領袖不僅是中國的革命元勳中山先生之死是全世界被壓迫民族的損失不單是中國民族的損失這樣的偉人宜乎不爲當世庸衆所賞識了杜威先生說中山先生最能代表中國的平民精神料定中國的平民早晚必能奉中山先生爲模範又說中國的紛擾不是由於中山先生時起革命是由於中國政客們忽南忽北如果中國人皆能模仿中山先生的節操人人立定方向不常隨風轉舵中國將來一定可以富強至於中山先生的偉大當然不待死後方被人承認等話林百克先生是中山先生的摯友費十餘年心力著成『孫逸仙與中華民國一書』書方付印而中山先生已病書方出版而中山先生竟不幸辭世林先生此次自美京遠道來祭一登講壇便全身戰慄欲倒大聲哀呼語無倫次說道孫中山先生是全世界的大師傅是人間的活上帝是奮鬥而成功的勞苦公僕是未嘗一日悲觀的冒險領袖是不自大不報怨的道德家是站在時代前面而缺少從者的超人是生被嫉惡死受崇拜的英雄印度報界領袖蘭斯密先生有唁電一通電文甚長末段幾句很爲沉痛直譯如下如這樣大偉人的死亡不但中國力爭主權的人們失了一個主將即亞洲全部亦失一個最偉大的公僕與最足頂禮的靈魂亞洲偉人爲數不多今忽去其最偉大的一人嗚乎哀哉我們能不痛惜公共的損失嗎

芝加谷黨員

駐本埠國民黨美東支部及芝城分部以孫總理遺骸於三月十四日在北京中央公園社稷壇大殿舉行弔禮即遵照總支部所定之舉哀禮式于該日舉行惟支部長譚贊君因往紐約調和堂門故未克在場舉哀計當日男女黨員蒞臨座無餘位肅穆異常由陳卓然君爲贊禮員吳公義分部長爲主席譚沃林君宣讀孫總理遺囑書依照秩序一一舉行主席吳公義君勸勉各同志繼續努力爲國奮鬥以完成孫總理未竟之功而達福國利民之目的詞極懇切

僑商

芝城中華會館於四月十二日開追悼中山先生大會本城各團體各公所和地方所有的僑商皆一致加入共有千餘人典禮隆重爲從來所罕

有會場假夏丁公園場內四週牆壁遍配黑紗滿懸輓聯場內舞台爲祭壇頂上橫懸普天同哀一大匾額壇上敬設孫先生遺像並羅列生花果品等祭儀遺像的兩旁襯以楚城國民黨分部的輓聯聯語是吾黨有斯人能使帝王甘俯首天不遺一老每思國父更傷心輓聯極多祭壇的前面有一英文橫額爲芝城全體華僑追悼孫公中山大會此爲會場裏面佈置大概的情形是日與會致祭的人們均先期於十二點半鐘齊集中華會館然後排列遊行至追悼會場遊行的秩序以中國國旗美國國旗及國民黨旗爲先導次華文追悼會橫額文爲國民導師次西文橫額再次爲孫公遺像次花圈車次各埠及本埠各界致祭代表復次全體華僑遊行時西人多脫帽致敬環立觀禮當時有國民黨黨員余見有黃沛兩君駕飛機兩隻在天空迴翔復散擲鮮花與傳單大隊致祭的民衆到會場時已一點多鐘會場原備有八百五十個座位開會時還不敷用仍有數百人站着開會的秩序是(一)奏中樂(二)奏西樂(三)主祭舉行獻花果禮(四)主祭致祭(五)各埠代表及各界代表以次致祭(六)全體默靜五分鐘(七)主祭領衆向孫公遺像行三鞠躬禮(八)讀祭文及各界誄詞(九)敬述孫公事略(十)演說

菲城

本埠國民黨分部以孫總理靈柩於二十四日移往北京中央公園內社稷壇正殿舉行開弔喪禮故於是日招集全體同志開會致祭由門首至禮堂用黑紗纏繞中座恭設孫總理遺像環以國旗生花及花圈等是日適爲星期二日照例工事甚忙但各同志俱停業到會可見孫總理感人之深也是日到會者約有百餘人首由贊禮員麥家泮君領衆起立靜默十分鐘全堂呈現一種悽慘狀況隨由麥君請主席李煥相君就位獻花伍民甫君宣布致哀理由鄺乃彰君讀孫國父遺囑書李煥相君勉勵同志繼國父未竟之志隨由贊禮員宣告成禮散會

積彩

本埠國民黨分部於三月二十六日下午三鐘在黨所開會致弔同志及來賓到者甚多坐爲之滿首由贊禮員司徒樹敏君請全體起立靜默十分鐘主席林光漢君率領同志來賓全體向先生遺像行三鞠躬禮並獻花園生花等物及宣佈舉哀理由梅祖翼君將先生遺書宣讀詳細解釋在坐同志愁容滿面是時美東支部長譚贊君由紐約安抵此處適逢其會特請譚部長勸勉同志禮成散會

舊金山

舊金山爲西美最大商埠爲本黨駐美總支部所在地根據中央執行委員會海外部通告確定四月十二日舉行哀典總支部先期召集會議組織追悼大會籌備處分交際文牘財政和庶務四科辦事

會場在中國人所設之彎月大戲院十二日午前一時散戲以後籌備處職員五十人便都齊集徹夜佈置盡十小時的工作才完畢會場門前豎立一座極大的拱蓬懸上孝幔橫額和楹聯都用生花綠葉扎成橫額的文是追悼孫中山先生大會文是大星忽隕薄海同哀二門三門以及兩側門都有同樣的佈置會場以內就舞台設靈座正中恭設先生遺像并在遺像之上懸一生花綴成的黨徽而黨徽之上又有精誠不泯的橫額靈幔兩旁及裏堂四周圍懸有數千幅沈痛而懇切輓聯花圈更多場內容納不下都盡量的陳列在大門以外在上午十一時赴會的人們都已齊集在總支部門前整隊出發遊行重要街市然後再到會場排列的次序是(一)馬巡(二)音樂隊(三)中美國旗和黨旗(四)旗牌上面寫着許多警惕民衆的文句(五)職員(六)花圈隊(七)黨員(八)各界代表和來賓(九)珍源會會員(十)民聲總社社員(十一)陽和學校全體(十二)中華學校全體(十三)聖瑪利學校全體(十四)音樂隊總計參加遊行並到會的可四五千人都皆佩帶墨章眉宇間皆含有哀感肅穆的意思他們進了堂皇莊嚴的禮堂益顯得秋感不自勝的悲惋靜默地立着循次序舉行哀典(一)奏樂(二)總支部率全體行禮獻花並宣讀祭文以及各界祭電誄詞等(三)各埠分部各會館各教會各學校及駐埠外交官一致祭(四)唱哀悼歌(五)陳翰芬牧師述孫先生行狀(六)總幹事陳耀垣及各代表演說

雲南華

雲南華(Vancouver, B. O.)也早就籌備四月十二日和全世各埠同時舉行哀典那日正午十二時各方面的人們潮水般的湧來齊集於總支部的門前一個個胸佩墨徽臂纏黑紗十分的莊嚴悽惋遊行隊伍一時出發市政廳特派警隊前導次中西文追悼橫額題的追悼孫公中山大會次四十二人音樂隊次花圈隊次執旗隊上面寫各種口號警策國人次孫公遺像車像前置一青天白日旗的花圈次追悼會職員次遺囑書車次三民主義五權憲法錦屏車次孫公著述書籍車次各團體的代表次鐵城崇義總會巡行隊二百人次雲埠孫樂安社巡行隊次執旗隊次恆美寄廬巡行隊次執旗隊口號最激烈是打倒暴戾恣睢的軍閥反抗鯨吞蠶食的列強可以推知他們對於國事的感觸和萬里外身受

的苦痛了次振華貿易團巡行隊次華人長老會次留雲學生巡行隊次文強學校全體次婦女巡行隊次長洲寄廬花圈隊次詩丕亞輪船海員巡行隊最後是黨員和來賓巡行隊沿途駐足致敬的數十萬人電車特爲停駛三小時經過七八里長的街道才到追悼會場在昇平戲院全體依次序進了會場將隨行的橫額手旗輓聯花圈和先生的遺囑及著述等等都按照預定的部位安置妥貼先生的遺像供在祭堂的正中像前置一青天白日旗的花圈人們瞻仰遺容於悲哀中顯出革命的精神以示不忘先生之志會場內並有追悼籌備處印的國民政府建國大綱和中國國民黨第一次代表大會宣言傳佈羣衆使其明瞭本黨的主義齊來努力救國下午二時半舉行哀典加拿大總幹事雷鳴夏主祭行禮的程序大致和三藩市差不多雷鳴夏演說先生的功烈趙屏珊趙榮燦演說先生的事略馬錦池宣讀先生的遺囑黃灼棠演講三民主義五權憲法湯百福演講建國大綱以及演奏先生留聲講片等等皆足爲當頭棒喝發人深省這是最有當於追悼之義

法國

巴黎東方民族追悼大會

中國國民黨駐法總支部自得孫總理噩耗曾於三月十六日召集旅法各團體開華人追悼孫先生大會於巴黎嗣總支部又接國內中央執行委員會電令于四月十二日舉行全世界追悼孫先生大會故總支部復在巴黎組織東方民族追悼孫先生大會事前先召集旅法東方各國代表籌商開會事宜各國代表均到籌備會陳議一致贊成此舉遂於四月十二日午後二時開旅法東方民族追悼孫先生大會會場仍在巴黎第十三區白朗基街九十四號門外大書旅法東方民族追悼孫先生大會字樣場中高懸孫先生遺像兩旁滿掛孫先生遺訓及團體輓聯不下數千幅是日到會者共約八百人中國人約占三百東方各國僑民(十餘國僑民)約占二百餘法國革命工農羣衆約占二百餘均按時到會公推北非洲僑民代表爽格呵先生爲主席總支部代表王京岐印度代表亞爾斯兩先生爲陪席非洲代表射杜及中國僑民代表吳季蟠兩先生爲記錄首由主席宣佈開會理由及陳述孫先生革命歷史次一齊起立向孫先生面前淨默數分鐘滿座愁容淒然淚下三舉行演說任卓宣先生演講大意略謂孫先生不獨爲中國反抗帝國主義之第一人且是東方民族反抗帝國主義之第一人與代表世界被壓迫人民反抗帝國主義之列寧同其偉大此兩人都是帝國主義之目中釘所以先生在最後一息中尙念着其好友列寧及莫斯科這不啻明白告訴東方人民欲求脫

離帝國主義之壓迫祇有與蘇俄合作希望東方一切民族亦以中山之態度爲態度以求解放法國社會主義青年團代表馬爾昂先生演講大意略謂法國聯合英美日意一致對華侵略使中國完全殖民地化幸得孫先生率領民衆起而反抗更與世界一切共產主義團體合作以共同打倒帝國主義今昊天不弔忽然死去大革命領袖這是何等淒涼願東方一切被壓迫民族大家聯合起來完成孫先生未竟之功云云高麗代表李晶夔先生演講首謂予先代表高麗向孫先生及中國國民黨表示誠懇敬禮次謂我們高麗久受日本壓迫想呼吸都不得與中國被列強壓迫無異所以彼此同病相憐正冀孫先生率領東方痛苦民族一齊進攻使遠東民族得到脫離奴隸地位何圖大星忽去悲不自勝望此後中山信徒一律依照孫先生政策努力進行以完成孫先生未竟之功云云蘇俄駐法代表賀列納先生演講首謂予代表蘇維埃共和國及俄國共產黨向孫先生致最誠懇之敬禮次略謂孫先生爲列寧最好朋友列寧代表世界被壓迫民衆反抗國際帝國主義孫先生代表東方被壓迫民族反抗帝國主義功績之偉在人類歷史上該兩人均爲一樣垂萬古而不滅希望東方各民族戮力同心一致照着孫先生所指示之路走至完全弱小民族之解放爲止孫先生雖死中國之自由獨立萬歲亞拉伯代表喀沙利先生演講略謂帝國主義不獨將我亞拉伯殖民地化了更將中國都殖民地化了孫先生想聯合東方民族以共同打倒帝國主義我亞拉伯人民願步其後塵望東方民族興起云云印度代表剛伯先生演說大意略謂印度爲英帝國主義殖民地化中國爲萬國殖民地化大家都是處於泥犁地獄中幸得孫先生高登一呼使東方民族今日都覺悟起來共同做革命工作孫先生實爲東方民族解放之父今忽然別去凡屬被壓迫人能不同聲一哭麼望我們後死者當繼孫先生未竟之志努力革命以期得到獨立與自由云云安南杜代表路亨利先生演講大意略謂中國與帝南毗聯唇齒相依可惜彼此都殖民地化了孫先生生於殖民化之中國忍不住帝國主義之侵略聯合東方民族做反帝國主義運動實開東方民族解放之一條生路望東方人民快些照孫先生所指示之策略做去孫先生雖死東方民族解放萬歲云云法國共產黨代表維也郎先生演講首謂予謹代表法國共產黨及工農革命羣衆向孫先生致極誠懇之敬禮次略謂去年死列寧世界被壓迫人民同聲一哭今年死中山世界被壓迫人民亦同聲一哭哭者何皆因彼二人俱爲代表被壓迫人民反對帝國主義孫先生爲東方被壓迫的革命民衆首領今日死去我們亦同喪失父母的一樣悲哀望東方人民中國革命民衆一齊聯合起來完成孫先生未竟之功時已五時半遂攝影散會是會也革命空氣高衝雲表滿座革命羣衆當各代表登台演講時皆起立致敬鼓

掌之聲震動天地其革命情緒之熱烈非言語之所能形容如散會時革命羣衆高唱世界大革命歌魚貫而散洵爲法界中空前未有之盛會也於是可見孫中山先生革命思想深入世界人民腦海中矣

華僑追悼會

中山先生逝世消息傳來旅法華人莫不同聲悲悼當中國國民黨駐法總支部發起人召集旅法各團體聯合會舉行追悼中山大會於四月十五日在巴黎十三區 94^e Boule Vard Auguste Bagnri 工人戲院舉行從下午二時到五時止參加人數在四百以上首由主席王京歧君報告中山先生事略次則舉行追悼儀式向遺像行三鞠躬禮禮畢由王京歧君演說歷述中山先生公而忘私國而忘家爲中國人民謀解放之真精神次由人道代表演說痛言中山之死爲中國工人及全世界工人當努力援助中國革命次由蕭樸生君演說中山之死與國民革命大意謂中山先生之死影響於革命前途至大而國民革命決不因其死而中止唯此後繼續完成中山之工作者則爲中國國民黨故吾人應該號召全中國革命份子集中於國民黨中國國民黨必須打倒一切軍閥打倒一切帝國主義革命到底乃能完成中山先生的工作又次則爲任卓宣君演說演題爲中山先生之思想與其功績歷述中山思想進化之歷程以中山爲近世紀東方具有平民思想之第一人而推倒滿清尤當歸功中山先生至十四年來中國人所受痛苦即當歸罪軍閥帝國主義而不當歸罪中山最後有韓國代表演說痛言中山之死爲亞洲被強迫民族最大之損失對於中山之偉大備極推崇之意其演說詞用法文極盡哀痛之忱演說已畢即由任卓宣報告辦法當即通過(一)致電廣州中國國民黨中央執行委員會報告旅法華人追悼中山之熱忱並安慰中山之家屬(二)向國內發表宣言鼓勵國人速起革命推翻軍閥打倒帝國主義完成中山工作(三)自由捐助打電用費此三項辦法一一完備後即由到會人士自由演說又駐法公使陳錄和安福要人徐樹錚本日也各送了一支很美的花圈表示追悼

越南河內

孫先生噩耗傳來埠中同志暨華僑全體靡不痛哭如失慈母十九日在居留政府討取人情下半旗誌哀各界停業一天并於是日假座粵東會館開會追悼會場中座懸孫公遺像四周皆滿掛各界團體製送輓聯輓帳等各界團體蒞臨致祭者皆穿制服一時開會主席宣布開會理由然

後各界團體分班向孫公遺像前行三鞠躬禮宣讀祭文及唱追悼歌全場肅靜祭畢來賓廣續演說發揮孫公生平排千難拒萬險不挫不躓之精神而今昊天不弔喪我元良致三民主義五權憲法未能達到完滿地位賚志以終豈不抱憾然先生雖死而精神猶存完成先生未竟之志者在後死之士應責無旁貸亟願我同志耳目中當時時存一先生仍未死之觀念大眾努力奮鬥掃除一切障礙物中國前途庶乎有多而先生有知當必含笑於九泉也演時激昂慷慨一字一淚有足令人奮起者演畢將會場攝影以留紀念散會時已三句鐘矣會館開會追悼以此次爲嚆矢而各界人心之踴躍亦爲空前所未有也

安南會安埠

孫先生在京邸逝世本埠僑胞驚聞噩訊痛切悲傷特開會全體公議下旗三天以誌哀忱并開追悼大會當推舉五幫長向居留地法政府請求下旗人情惟法公使婉辭却止不允所請繼用函電分詢南圻西貢北圻海防該兩埠函復云慘淡請求卒蒙准許下旗吾人以此根據再入稟託法公使代轉順化法欽使座之批准竟久無回音嗣因不能坐待乃推舉五幫長聯袂赴順化請求適正欽使他往由副欽使接見允代直達全權大臣因此遷延至五月初旬始獲得一不准下旗之回答竭力請求終歸無效徒呼奈何而已於是再集全體公議訂定五月九日下午一時舉行追悼大典規定章程印發傳單公推五幫幫長爲主祭開會日全體實行關門休業一天以代下旗之表示並公議此後永遠以陽歷三月十二日爲孫公中山紀念日既經議決卽組織籌備處分途進行吾人崇拜孫公熱度之高對於是次追悼會之舉行實爲正確之表示也

開會地點設于五幫會館前門以松柏葉紮成橫扁上嵌「哀悼孫公中山大會」旁聯題正氣存天地哀思遍海嶼入門正中庭高搭生花綠葉之大牌坊橫扁上嵌民無能名再進搭大布棚一座前後四圍繞以黑白粗布滿紮生花綠葉橫嵌八表同昏旁聯爲非常之原黎民所懼創業未半中道崩殂又進爲禮堂兩旁楹聯爲鞠躬盡瘁死而後已山頽木壞吾誰與歸之聯語正中香案上恭設孫公半身遺像爲本埠天真攝映社所放大奕奕欲生遺像上橫扁冠以精神不死旁伴以百姓如喪考妣四海遏密八音之聯句橫扁下夾以白絹楷錄遺囑全文香案上設一大銅香爐供以鮮花菓品左右配掛五色國旗兩旁排列生花盆景與各界恭輓之生花園多件香案前另設一小方桌鋪以藍綉棹圍安奉遺囑文四百份祭文一帙禮堂慘淡森嚴青年團輪留值守至追悼會之東西兩廊扎以綠葉滿掛白布輓聯整列抬椅爲招待室氣象備極悲壯

是日晨各職務員先行到場各司職守上午十一時至十二時半全埠僑胞陸續蒞場先在招待室臂纏黑紗步上禮堂向遺像前行一鞠躬禮復回招待室興華育智兩校高初男女小學生皆臂纏黑紗首列軍樂排隊由興華校起步行靜默蒞會全體參禮者學生方面一律穿童子軍制服五主祭全穿白長衫來賓方面全穿白服一律帶孝下午一時開會二時半禮成全體乃分歸招待室茶話云

英國

倫敦

旅英華人工商學各界雖然有五十餘年的歷史一向是不大活動的集會結羣共同作愛國運動更不消說是很少見的這次聽聞孫先生在北京病故大家都非常感動以爲孫先生奔走革命差不多四十年創造民國其功將永存不朽和我國歷史同其短長兼之他的政治上主義和理想往往軼出尋常都是極悠遠極新穎常常站在時代前面他最近各種政治主張如對於國民會議之類代表一般受壓迫的羣衆反對強權反對帝國主義始終和黑暗勢力奮鬥這樣的精神真是再造中國的原素他這一死凡是外國人與我們中國有點關係的沒有一個不注意的何況我們中國人豈有不深表哀悼之情的麼這次的追悼會係由這裏各界團體不分黨派不分內地華僑一致發起舉行的學生適逢在春假期內多出些力工商各界多捐些錢使領館也以國民資格出來助力當發起之初大家本來想請朱兆華代辦用使館名義開會稟請英政府各機關到會朱隨即以此轉爲要求北京政府不料北京回了一個電只許借用使館名義於是大家商量取用這個旅英華人追悼大會的名目不稟請英國官僚僅僅略請在野的英人熟悉中國情形而又和孫先生有友誼者前來作弔朱代辦雖屬拘於段政府沒有正式命令給他辦喪一方面也不能夠過於違犯旅英各界的公意無可如何纔擔任籌備處主任會同各界籌備了好幾天各界團體因爲沒有別的方法去舉喪也是無可奈何所以官民合作辦這個追悼會

追悼的日子是四月十二日此乃國內國民黨本部訂定通知我們希望依這日期全世界一律追悼但不幸這一天恰好是耶穌復活的安息日英人奉教心切不欲舍彼而來我們的追悼會

又因工黨本部正在北英格蘭舉行年會凡英人政治主張激烈一點而抱社會主義的人爲此都不能夠來這是最可惜的結果弄得這個追悼

會裏面僅有西人四五十人其餘三百餘人都是黃臉平顛我們自己和日本友人不過這四五十西洋人之中有一位孫先生的老師康德黎在二十九年以前曾救護孫先生一次當時孫避難英國駐英欽差大使因亟湏清政府賞金貪圖捉拿革命黨之功竟誘逮孫先生拘留在使館屋頂小房內凡十二日後得那位英人設法援救出來孫先生便認他爲心腹生死之交這位先生現在已年逾七十行動不大自由那一天居然到會了

那天祀祭時的儀式和祭堂設置都是參合中西下午三時開會首由朱代使致開會辭朱代辦聲音弱小言語悽涼大略敘述孫先生革命時所經過情形及其後倒袁護法反對賄選等事豐功偉績昭著史冊末更謂無論是贊成的反對的總不能不認孫先生是中國五千年來第一個偉人他真不是一廣東人而已實爲中國一中堅人物又不但是中國一中堅人物實是世界不可多得之人他今死了我們和世界的損失爲何如次贊禮員傅冠雄林世璋二君宣告奏國樂次由來賓及各界人士同向孫公遺像行三鞠躬禮禮畢黃建中君恭讀祭文隨即再奏國樂攝影然後退入他室休息自舉禮起訖禮成約四十分鐘全場寂然中外參與的人沒有不異常感傷的且有一個素來輕蔑中國人的英人也在場陪祭退後表示十分佩服說自今而後我纔算得真懂得中國人中國人先天的具有豐富的感情青年男女每談國事憤慨泣下只因處於這個國家這般社會常發生厭世或嫉世的觀念費多少時候變不過來假如如此後中國人能夠常常有這樣堅忍純厚的情感和永久不懈的愛國精神中國決不致於弄得這麼糟糕這個英國頑固派的話是如此我姑將此錄下來我們豈可以他頑固而不注意嗎

有頃祭堂全體中西人士已退入演講廳再由未代辦說幾句開端話話說完了英國大銀行家 Sir Charles Addis 起而演說謂孫逸仙博士的確是中國一個大政治家具有大政治家的眼光和手段中國人都敬愛他歐美人士和他有交情的也作同一的感想他現在死了他的理想還活着我們縱論他有時失敗過於理想而不切實際然而一時失敗算得什麼中國人若肯把他的理想當作目的達到的時期將不在遼遠而在目前旋由日本大使館某君用華語演說孫先生之三民主義五權憲法分析辯說很中肯綮由這點可以看出日本人對於孫先生的主義極其留心次俄大使館一等秘書朗讀俄大使法文唁詞並云俄大使適爲要事去巴黎了實在抱歉他謹代表大使向中國朋友深深悼惜並願兩邦人民互相扶助永遠共謀解放和自由至於追弔孫逸仙博士的話我也用不着多講因爲自孫死之日起俄文報紙載了許多消息及輓辭假如

中國人能讀俄文便知其用的用意了至是請孫先生之師康德黎先生演述孫先生當年倫敦避難情形原文甚長大概是說孫先生革命的抱負及由此抱負所產生的苦心苦行百折不磨大有耶穌救世的精神後說到孫先生立身處世對人交友之道他說孫先生確無自私自利的野心當辛亥起義南京軍政府成立時孫先生在此得有電一則催促回國受選臨時大總統他遲徊再四而後決計東歸最後言及他自己是醫生同時和孫先生相處又久確知中國人是世界優等民族腦力重量愈於西人故中國人智力魄力特長復經四五千年的進化循天擇演進之例愈經天擇愈精良所以不是西洋人能夠趕得上的言下涕淚盈襟幾令全場欲哭這位老先生說畢二三人扶他復就原座朱代使再起宣讀牛津大學某校長蔡子民先生羅素先生及孟捷斯學生會來信十餘通表示追弔之意後由蘇總領事及各團體代表陳保鏢君劉兆銘駱譚陳思明諸君先後演說陳寶鏗君並代讀蔡子民先生自北京寄來的中文演說辭約十五分鐘略謂孫先生有卓越的識見強毅的魄力豁達的度量我們所信仰所敬愛的不是孫先生的體魄而是孫先的精神後以三民主義來證以孫先生的識見魄力度量三方面並引美法兩先進國革命故事比擬解說甚多末段說現在孫先生去世了他的體魄我們就是有法保存也無法候活動了然而他的精神還是活現在我們的精神上我們大家若是都能本着他卓越的政見而師法他的毅力爲不斷的奮鬥師法他的度量爲無涯的容納將來終有一日把孫先生所提出之三民主義完全實現那就我們今日的追悼會也未嘗不可算是孫先生復活的紀念節了時已屆五時半朱代辦再用廣東話把康德黎的演說大意翻譯出來給廣東各團體代表聽末謂我國數年以來政治失卻平衡因此萬事敗壞到現在秩序紊亂如此似乎有不能復原之勢這都是因爲缺少中心人物我們當此沉痛的聚會之中應該提出嚴重的責任心永遠不忘這個中心人物孫先生纔能不辜負孫先生了至此遂閉會用茶點而散

上面已經講過旅英各界向來是不大活動的這會規模宏大佈置周密算是極難得的利物浦工商各界及國民黨支部卡底府工商各界愛丁堡學生會團橋學生會牛津學生會旅英華僑協會均派有代表參與東倫敦工商各界西倫敦互助工團協和工團及留倫男女學生均全體到會巴黎王亮疇先生鄭毓秀女士北京蔡子民先生都寄有輓聯此外各界及學生團體及朱代使輓聯詩詞極多約計百餘副滿掛使館各廳及樓上下祭堂內設備尤精除孫公遺像圍以絲綢花圈外所有輓聯泰半以綢緞製成於觀瞻上很美觀動人祭時並開祭堂內所有電燈數十盞

異常光亮此舉實足以使到會者咨嗟歎息以爲富於感情毅力如吾僑胞文化燦然垂數千年如吾祖國何竟衰落不振至此這會擔任籌備布置招待文牘事者極多除使領館各職員外劉北銘張鴻漸林世璋黃建申鄧毅生劉駟業胡善恆沈汝潛趙敏辛樹幟嚴朝熙馮壽張財陳懷恕陳保鏢歐偉國鄭雲龍陳思明莫慶崧諸君皆甚出力現在追悼會早已完了我們還有人提議將使館屋頂小屋(卽以前孫先生被禁地)永久封鎖保留不許住人作爲千百年紀念而且略爲布置這間歷史上留名的房子像倫敦文學家卡萊爾與約翰生博士的房子一樣房內除懸掛孫先生遺像之外還要用大塊竹布橫書盡瘁國事四字譯成英文又註明這是孫先生遺囑中語照這樣幹去使千紀年後國人來英遊歷者將歎感往古流涕憑弔這古幽禁室不忍去了這房內容易搬得動的東西我們並打算搬運一點回國送交古物陳列所陳別一方以提倡國人保守古物的觀念一方也是表示我們崇拜元勳的美德呵

南洋羣島

新加坡

新加坡全僑舉行大規模之追悼定期四月十二日會址假座歡樂園地方宏敞位置適中全市店戶下旗休業誌哀大馬路之水仙門一帶吉甯人商店亦有數家休業工人方面一致停工卽一般街邊小販亦有大多數日間歇息夜間營業或全休業者又戲院如普長春慶維新等及影戲之中華華英亞勞曼舞羅等均停止開演甚而妓院亦一律歇業至于道上行入男子臂纏黑紗女子襟懸黑花觸目皆是是日赴會人數學校方面以養正爲最多約三百餘人團體方面以機器同業爲最多約有五千餘人至赴會之總人數綜日夜計之當有十萬之數是日會中最特色者厥爲救護隊之組織其實施救護之處爲原日溜冰場上蓋布幔以蔽陽光主任醫務者爲孫先生之舊雨日本醫生西村精通神及曾成智氏等該日天氣炎熱在場感暑昏厥者甚多均得該隊員施術救治救護隊之外又有中山遺蹟陳列所有二人司守門之職凡非會中職員均須購票一角進觀者絡繹不絕所之正中敬懸中山先生遺像像之左側懸一殘破之青天白日滿天紅旗下黏一說明書曰此爲革命軍旗係鎮南關之役所用者當日同志協力作戰凡二千餘人奮勇異常迨得鎮南關後直上蒙自嗣因阻止橫生總指揮黃興先生不能親到然仍與清兵相持若干日卒至無援失敗殉義烈士二十餘人此旗爲與役者唐寶芝先生攜回南洋至今仍在第處適今日華僑追悼孫公緬懷往事不禁愴然特檢

出陳列之諸君對此殘破軍旗當如何感想耶云云此外則爲孫公親手原封之同盟會入會誓章孫公遺著建國方略及重要文件等物鏡鑲之彩色綴旗一幀鮮豔奪目下挂一小黑牌牌書世界上最初發現之青天白日旗並疊以文曰民國前八年張永福君夫人陳素貞女士奉孫國父之命手繪亦名貴之品也此外則爲孫先生之手蹟及各次革命之役中遺物甚多名繁不備錄

西印度蘇島朱鹿埠

四月十二日西印度蘇島朱鹿埠華僑開會追悼孫先生追悼會場禮儀如下是日借本埠電影戲院爲會場門首砌以綠葉素花黑紗橫額白字書開國臨時大總統孫中山先生追悼大會兩旁用黑紗白字輓聯一對聯云痛革命半途殞首領哭建設方殷失導師右邊升荷蘭國旗左邊升國制半旗內堂滿掛萬國周翻旗襯以綠葉素花堂正中懸孫先生遺像靈前置一大檀香爐兩邊伴生花大花磚以及先生墨寶並遺囑等是日上午(一)自八時起讚禮員引華僑到服孝所掛左臂黑紗孝(二)正午十二時讚禮員引華僑到祭堂排班(三)主祭吳達章君偕全體華僑向孫先生遺像行三鞠躬禮(四)全體俯首默思三分鐘迴思先生平生爲國爲民努力以致犧牲全場慟哀放聲大哭(五)主祭人含淚讀祭文(六)讚禮員引華僑退班排列會場門前攝影(七)請各華僑登台演說(八)下午四時散會是日男女華僑到場致祭者以埠中人數核計有九成以上來賓中有位日本人弔祭時亦兩淚頻揮云革命時伊曾與孫先生運械數次豈料革命事業至今仍未成功而先生遽爾逝世殊爲慟哀云云是日各界輓聯演說詞太多從略

荷屬萬隆

荷屬萬隆華僑全體四月十二日追悼孫中山先生會場設中華會館會館前之草場搭蓋篷廠面積闊五十密達深二十密達門首用柏葉綴成孫公追悼會五字并山頹木壞地哭天愁之輓聯門上懸民儀書館社柏葉綴成民國之父橫匾額旁懸人其殉國天不慈遺之輓聯再進則爲禮堂禮堂正中置孫大元帥戎裝遺像係爲廣肇同志所贈周圍綴以生花像下張貼白布錄孫公遺囑禮堂柱懸革命尙未成功同志仍須努力之格言全場滿懸輓聯軸是日全埠下半旗并休業一天到會者有二千餘人全體皆穿素服男子左臂挂黑紗女子胸前掛黑球鐘鳴九下卽放炮齊集自開會至散會秩序井然追悼禮節一齊集二就位三肅立四奏哀樂五唱哀悼歌六主席宣布開會理由七讀遺囑八讀追悼詞九俯首默

哀思錄 追悼紀事

十

哀五分鐘十行三鞠躬禮十一再奏哀樂十二再唱哀悼歌十三演說十四散會散會時分送附刊中山國事遺囑之像片下午及晚間復開唱孫公演講留聲機片

安順

安順華僑於四月十二假座東德戲院開追悼孫公大會是日闔埠同僑均下半旗休業誌哀即咖啡店公街小販亦一律停工孫公之感人深矣摯矣(會場佈置)會場門首用黑布白字橫寫安順華僑追悼孫公大會上懸黨旗國旗下懸生花橫額額曰國父云亡兩旁襯以生花楹聯立德立功名不朽大仁大勇浩氣常存門口懸祭文輓聯甚多禮堂正中懸孫公遺像圍以素花綠葉上懸青天白日滿地紅小旗二方遺像下用白布書孫公遺囑像傍書革命尙未成功同志仍須努力遺言聯句祭桌供香花鮮果宣爐等四週懸滿輓聯哀詞布置備極莊嚴(致祭團體)到會者培智書報社培華學校華僑公立學校中華學校商業公館廣福軒公館萬年閣館洋衣同業革履同業打金行文華行理髮行公市同人客棧同人屠業同人魯班行古岡州會館青年會瓊州會館韓江公會岑根拿督華芳閣體等團連男女各界計有二千餘人爲安順從來未有之大會致祭情形上午十一句鐘各團體到齊後即搖鈴開會由鄭瑞華余景生兩君司儀簡乾卿主祭依照禮節單奏哀樂後由副會長許明寶陳政開君迭用廣福語宣布開會理由宣布畢恭獻生花全體向孫公遺像行三鞠躬禮禮畢俯首靜默哀思三分鐘後唱追悼歌(三枝輪唱)後各團體讀哀詞由關伯朋君讀遺囑并敬述孫公事略先述孫公運動革命略史次述民國成立後情形末請大衆繼續孫公未竟之志努力奮鬥云演說者陳君孟龍大意謂孫公手造民國吾人得脫離數千年專制政體免爲滿洲人奴隸全得孫公之力今孫公死矣以後救國責任端賴我輩希同志努力云云並有培華學校華僑學校三位學生演說大意勉勵大衆爲國努力語甚動聽說畢奏哀樂遂散會是日會場秩序始終極爲肅靜又該追悼會並預購孫文學說中山先生十講及孫公遺囑等分贈到會諸人以作紀念云云

笠望

本埠追悼孫先生大會定在四月十二日(一)會場之布置在中華會館門首掛一典型尙在全埠華僑恭輓之橫額左右懸一聯文曰精神不死主義長存四周繞以白色紙花及樹葉入門內又一橫額書革命之神門框懸以白布再進入內堂堂中置孫大總統遺像上掛黨旗國旗并繞以

生花樹葉左置遺囑均用有脚之鏡屏安置像後屏風頂大書追悼大會四字并繞以白布像前置一檀爐檯上滿置生果生花看碗及麵粉製成之魚蝦等布置妥當形式整齊四圍掛滿輓聯滿放花圈(二)追悼之情形是日七點鐘各職員依時到會各同志亦陸續到會至門首簽到及掛已書國制之黑紗中華學校之男女學生則于九時始由校外排隊入場男生左肩掛花圈及掛黑紗女生亦掛花圈并左襟掛黑花由教員吳鴻安君率諸學生行鞠躬禮并獻花圈是日到會二百餘人僑生楊將與君親率其子三人前來掛孝可見孫先生感人之深也(三)追悼之禮節十時放砲開會(一)搖鈴齊集(二)由主席吳鴻安君宣布開會理由(三)唱禮員侯慎如君依開會秩序唱主祭者就位陳明漢君廖洪章君溫彥丞君韓瓊丰君丘浩宜君溫富元君謝甫庭君黃寶初君鄭其英倫廣君分五次主祭行三鞠躬禮獻花果復三鞠躬退位(四)宣讀遺囑(五)全體向先生遺像行三鞠躬禮(六)靜默二分鐘(七)溫志宗君讀追悼文(八)學生接班致祭(甲)行三鞠躬禮(乙)唱追悼歌(丙)再行三鞠躬禮(丁)退還原位(九)演說首由雷珍蘭陳明漢君演說繼由溫志宗君講先生史略吳鴻安君講國民今後之責任相繼演說者頗不乏人然皆以努力奮鬥相勉勗(十)散會攝影

壠羅

壠羅總商會係三月十五接星洲庇能兩領事公函報知總理仙逝囑派傳單各下半旗誌哀埠中團體即促該商會集議誌哀辦法定十六日全埠舉行誌哀商店休業工人停工戲院止樂甚而小販亦皆停市愁慘之氣不堪寓目實為該埠從前所未有

吉隆坡芙蓉國民黨支部

芙蓉國民黨支部得孫先生逝世之電後即日下午半旗誌哀復召集黨員會議經眾議決黨員服孝百日并定于四月二十六號聯合英荷兩屬同志開追悼大會

打金文華行

本坡打金文華行聞耗即下半旗三日全體工友(十三日)休業一天並集議訂期開會追悼

機器行四號

哀思錄 追悼紀事

十一

機器行亦下半旗三日華人機器廠則休業一天而在外國廠工作之工友亦多有休業

蘇坡

蘇坡華僑比聞孫中山先生逝世之噩耗後莫不爲之嗟惜悲悼嗣由啓智書報社發出傳單于本日(十五日)各社團學校鋪戶皆下半旗誌哀是早余遍觀街市對於此舉甚爲一致鋪戶亦多數休業並聞不日將開坡衆追悼大會足見先生感人之深也

居鑾

本月十二日孫先生在京病故之消息傳至居鑾後全埠僑胞無論老少莫不狂奔哀惋痛哲人之早逝全埠商店皆下半旗誌哀由華僑學校發出傳單三月二十二日在該校開居鑾華僑全體追悼孫中山先生大會並於是日無論學校社團商店均一律下半旗以誌哀悼

星洲

月之十三號本埠得接孫公棄世之噩耗埠中僑胞莫不惶惶失色哀痛迫切現於顏面大凡通衢小巷無不暢論孫公爲開創我民國之鼻祖功略蓋天地甚致婦孺等輩亦莫不痛惜各店戶下半旗誌哀約居十分之九懸黑孝帶於左臂者觸目皆是惟下半旗之日期則由十二日起至廿五號止共兩星期云至於工界方面自得噩耗後十四號多輟業一天悲悼故連日酒吧及小酒牌店絕鮮見若輩蹤跡一時業此者生涯冷淡云又學界方面停課誌哀者幾乎全體一致而華僑中學養正道南等校亦開追悼會秩序極爲嚴肅云

光亞學校

本坡光亞學校於十三日探悉民國元勳孫中山先生逝世噩耗時值上課時候該校長乃於各生下課時搖鈴齊集禮堂將孫先生之近况及其噩耗對各生宣述畢校長離席各生默立五分鐘以表哀思并於下午停課半天云

養正學校

孫先生在京逝世噩耗傳來此間人士莫不同聲哀悼本坡養正學校以孫中山先生爲創造中華民國之偉人對此不可無熱誠表示十三日既得確實消息是晚夜班即行停課十四日隨即舉行追悼會會場正中奉中山先生遺像像之四週繞以紙花像上大書超人二字兩旁伴聯云海

涵地負山高水長會場四週遍懸各級輓聯十時開會首由該校銅樂隊奏追悼之曲二宣布開會理由三讀祭文四向中山先生遺像行三鞠躬禮五奏國樂六演說教員學生均有極沉痛的哀悼語七奏校歌散會後是日并停課一天以表悼忱云

道南學校

本埠自前日各報登載開國大總統孫中山先生確於十二日上午九時三十分逝世僑衆聞訊不禁愴然道南學校諸執事會謂中山先生人格之高尙一旦溘逝宜有相當表示紀念此大中華民國創始之偉人故特於十四日上午停課開會追悼門前下着半旗會場遍貼輓聯其開會秩序(一)搖鈴開會(二)宣布(三)向孫中山先生遺像行鞠躬禮(四)演說(五)散會

樂羣學校

孫前總統逝世之噩耗傳來該校理事同人即召集各生舉行哀悼堂中高懸孫公遺像旁一額曰絕世偉人其行禮儀式(一)向孫總統遺像行三鞠躬禮(二)全體垂首靜默五分鐘(三)宣述孫公史略(四)致哀詞(五)散會陳英才君宣述孫公史略時夾敘夾議一聲一淚四座泫然繼由何萬澄黃成義君等致哀詞忱痛處各人俱哭不成聲孫公之感人實深而遠矣

啓明學校

本坡啓明學校於十二日得國父孫公在京病故噩耗當下半旗各員生人等均肩纏黑布以表哀忱昨十五日並召集先後肄業學生一百餘人在正廳開會追悼(一)由陳英才君報告國父生平事略(二)向國父遺像行三鞠躬禮(三)自由發表情感(四)散會當開會時諸生多至痛悼無既而潛焉出涕國父之遺愛在人於此可見一斑

歡樂園

該園自得孫中山先生逝世噩耗後特於十四日下午半旗誌哀

峨崙打洛埠

三月十四日新華同志會聯合中華會館中華總商會致電向上海弔唁辭曰中心是悼二月廿一日新華同志會又接得萬鴉老安武鑾雙院紹

哀思錄 追悼紀事

十二

望烏落並卜其不那等十餘埠頭同志函電交馳請代製輓聯致祭三月廿九日下午三時許當由主任王廷允先生協同陪祭陳玉堂徐七兩先生督率蒞場男女國民二百多名站起向孫公遺像恭立贊禮生遞香主祭接過頂禮向上行三鞠躬禮次即水菓復次生花計九鞠躬禮成全體仍恭立靜聽述行狀宣讀祭文畢衆乃歸座

爪哇熾埔

四月十九晚爲追悼孫先生事熾埔巴東岸兩埠華僑開聯合會於熾埔華僑俱樂部當即成立籌備處舉定黃源英爲主任陳仁友連天惠黃掌權李金波藍德厥李國和林景安等爲幹事決定五月三日上午十時舉行其地點則在華僑俱樂部

是日到會人數統計數百各商店皆下半旗及休業一天來賓入門時招待員給以黑紗纏於左臂會場周圍繞以生花綠葉高懸追悼會三字四壁掛滿輓聯及孫公遺囑最特色者則全堂懸掛青天白日民族民權民生等小旗門楣上懸一橫額渥滿南天再進爲禮堂正中懸一放大半身平民式的孫公遺像(鏡新映相館主人李國良特贈)四圍綴以生花繞以帷幔上懸橫額主義不滅旁懸孫公遺言革命尙未成功同志仍須努力用勉同志像前排列花盆以青天白日旗遮蔽遺像十時搖鈴開會(一)協義會學校學生致祭唱追悼歌儀式與僑衆同(二)司儀藍德厥引僑衆進禮堂(三)肅立開幕(四)奏哀樂(五)宣佈孫公行略由藍德厥用巫語演述(六)讀哀詞由華校張教員宣讀一句一淚全場肅聽變色(七)默哀五分鐘(八)獻花(九)舉行三鞠躬禮(十)奏哀樂(十一)禮畢全體退至外廳演說場華校男女學生均有登台演說者其中尤以林厥興之議論聲調爲最有精采華校張教員亦有沉痛之演詞新鋪頭埠亦派代表參與追悼及演說爪哇土人亦有代表十二人來會行禮及有長詞之演說直至午後一點攝影茶點始散會

英屬北波羅洲山打根埠

四月十二日乃山打根埠華僑追悼孫中山先生大會之期是日八句鐘埠上商店均懸半截旗誌哀十句鐘各職員先到辦事處十二句鐘各埠代表及埠上各社團工團各校學生齊集皆懸有白布藍印衿章女界兼掛黑花男則臂纏黑紗到會千餘人各人皆具沉痛之狀由中華學校事務所出發軍樂隊領導巡行埠上一週然後到第三馬路大舞臺禮堂一點鐘開會禮節如上述會場佈置則極其肅穆生花綠葉交錯其間四壁

輓聯琳瑯在目美不勝收演說者有盧漢生君李錫齡君陳拜雄君劉簡居君劉少槐君曾子英君黃秉虔君紀錄者潘鐵軍君四點鐘散會

荷屬巴達維亞

南洋荷屬首府巴達維亞之追悼孫先生大會於五月十日在芝敬宜動物園舉行其各種情形如下

事前之籌備

此會之發起最初有四十一個團體其後陸續增加結果共有五十二團體巴城各團體之聯合從未有如此之踴躍者曾開各團體代表大會二次開各部主任會（籌款主任吳香初交際主任李文新會計主任黃炳麟庶務主任謝作民中文文牘主任鍾孤逸外國文文牘主任洪淵源編輯主任吳公輔）數次籌得款項萬餘盾而最困難者則為地點問題最初則由各團體代表大會決定三個地點此三個地點均有窒礙第二次則決定甘甯埔遊藝會場後遊藝會場官廳又不批准第三次則不得已決定書報社旋以書報社地方過狹又由歐陽領事轉求官廳定為芝敬宜動物園而以日期過迫遂改原定之五月三日為五月十日矣無何動物園地點官廳又有不准消息歐陽領事乃再與之交涉官廳遂提出種種限制條件地點雖未更改而辦事之窒礙實多矣至五月八日詎追悼期不過兩日而官廳猶謂禮堂之周圍須用竹籬（竹頭）圍住十八歲以下者不能赴追悼場以致練習月餘之各校學生唱歌不能到場哀唱云

會場之布置

動物園本為一廣大之場其內有一廣堂可容七八千人即定此廣堂為禮堂園門首懸有追悼中華民國孫前大總統會場之長標門額則用生花結成追悼會場四大字而門聯亦用生花結成文曰星沉北地哀遍南天門內設有十餘小桌置號簿二十餘本來追悼者入門後即須簽於簿上由門口入內兩百步左右即為追悼禮堂禮堂門懸一聯云場畢生奮鬥之功縱然勳業未完而主義則自西自東自北自南無思不服具百折不撓之氣就令身軀已化其精神實如岡如陵如山如阜歷久常存由禮堂門進數十步其兩柱上懸有孫總統格言革命尙未成功同志仍須努力又進則為禮臺禮臺上懸孫總統戎裝放大像一面（即李貴所贈）高約四尺此像放得頗好下置各團體所贈生花數十叢其上掛青天白日交叉旗又其上用生花結成精神不滅四大字又其上有前無古人四大字像之兩旁一聯云物化人亡祇賸丹心昭白日風淒雨泣遙從赤道

弔黃魂左旁爲孫總統關於國事遺囑右旁爲孫總統關於家事遺囑堂之左方有一臺中懸書報社所贈之大花圈直徑約八九尺又懸有孫總統大鏡像二面一爲食品聯合會所製一爲機器行所製禮堂周圍懸有輓聯千餘副因時間地方之關係仍有輓聯尙未懸掛者禮堂內數十大柱均纏以綠葉掛有花球而禮堂之上方則懸掛黑白相間之布條甚多并有數個大黑球禮堂左右兩邊之小屋則爲售炭酸水處此園四周空曠且多樹木故是日雖多早來者然以該園多遊息之地故不覺其苦也

追悼之踴躍

是日全埠華僑俱休息一天各商店各機關各工廠均下半旗華人商店無一開門者而各埠華僑來赴會者亦有數百人將近十一時即開門准追悼者入場至午後二時已入有一萬二千餘人矣(場內每人領紀念贈品一本)而各校所來之男女學生有已至十八歲而警察仍不准其進場者鵠立門外不得進去追悼良爲可憐有數十小學生暗渡小港由該園之側而進被警察查悉急行干涉遂散去聞仍有數生已闖進者但場中人多警察亦不能查得矣此足徵孫公動人思慕之深也

追悼之情形

午後一時五十分鐘即搖鈴表示開會至二時即開會主席黎殷甫君主祭歐陽祺總領事唱禮者徐軼羣君讀遺囑者謝作民君用巫語譯開會理由者黃炳麟君讀祭文者康子澄君各籌備主任各團體代表均站在前列其儀節(一)齊集(二)肅立(三)主席宣布開會理由大意謂孫先生爲推倒我國數千年專制創建中華民國之人與美國華盛頓之功績相同此應追悼者一袁世凱之稱帝督軍團之蹂躪約法解散國會皖系直系及其他軍閥之擁兵自固互爭地盤皆足以危害民國而孫總統皆起兵討之是孫總統不特有創造共和之功且有維持共和之力此應追悼者二孫總統盡瘁國事四十年如一日其所創之三民主義五權憲法不特足以拯救中國之危亡且爲平民謀永久之樂利此應追悼者三有此三種理由吾人今日所以在此地追悼也(四)由巴城中華音樂會奏哀樂(五)唱追悼歌(六)讀遺囑(七)讀祭文因漢務司臨時將祭文撤去故祭文未讀(八)俯首默哀二分鐘(九)向孫總統遺像行三鞠躬禮(十)由音樂會再奏哀樂(十一)宣布禮畢(十二)演講因當地官廳預囑演說者不得涉及政治革命社會革命等等且用中國話演說者須將其演詞於開會前一日交官廳查閱故前一日報名用國語演說者僅

有吳香初君謝作民君王尙志君何實軍君林少煌君而是日亦祇有五君得按名用中國話演說而已(十三)攝影是日默禮時各僑胞非常肅穆云


開會後之攝影

是日在場中攝影者不下二十餘家因禮堂四圍俱懸掛晚聯堂內之光線已不夠用預由愛華影相不惜重費備三萬餘燭之電光使光線充足故能多得美麗之影片其中有一家則費去數百盾攝取活動影片以爲將來開演影戲者故開會後此家復在會場之左右方草場中攝取職員及僑衆之活影云

國家圖書館



001665880



線

005.31

8366:3

v.2